



Digitized by the Internet Archive
in 2016

<https://archive.org/details/angelimariaecard00quir>



ANGELI MARIAE CARD. QUIRINI
BIBLIOTHECarii QUONDAM VATICANI,
ET EPISCOPI BRIXIENSIS,
LIBER SINGULARIS
DE
**OPTIMORUM SCRIPTORUM
EDITIONIBUS**

QUÆ
ROMÆ PRIMUM PRODIERUNT POST
DIVINUM TYPOGRAPHIÆ INVENTUM,
A GERMANIS OPIFICIBUS IN EAM
URBEM ADVECTUM:
PLERISQUE OMNIBUS EARUM EDITIONUM SEU
PRÆFATIONIBUS, SEU EPISTOLIS IN
MEDIUM ALLATIS.
CUM
BREVIUS OBSERVATIONIBUS AD EASDEM, REI
TYPOGRAPHICÆ ORIGINI ILLUSTRANDÆ VALDE
OPPORTUNIS.

RECENSUIT

ANNOTATIONES, RERUMQUE NOTABILIORUM
INDICEM ADJECIT,

ET
DIATRIBAM PRÆLIMINAREM

DE
VARIIS REBUS, AD NATALES ARTIS
TYPOGRAPHICÆ DILUCIDANDOS
FACIENTIBUS PRÆMISIT

JO. GEORGIUS SCHELHORNII.

Impensis JACOBI OTTONIS.
LINDAUGIÆ M. DCC. LXI.

THE UNIVERSITY OF CHICAGO

LIBRARY

1910

1910

1910

1910

1910

1910

1910

1910

Viro illustri

D O M I N O

JOANNI DE SCHÜTZ

Inclytæ & liberæ S. R. Imp. Civitati

Memmingæ

a consiliis intimis

reliqua

In patriæ decus & incrementum nato
ac de illa rebus domi forisque præclare
gestis eximie merito
& in dies merenti

Justi atque honesti assertori strenuo
literarum

ac omnium bonarum artium
tutori atque promotori
indulgentissimo

Mœcenati optimo
hoc quicquid est operis
ut ejus vestibulum
ipsius nomine omni laude majori
augustius redderet
& gratum devotumque
pro tot insignibus favoris atque benevolentiae
documentis
animum publice testaretur
cum pio omnigenae & perennantis
felicitatis voto
sacratum cupit
in ipso devenerando nemini unquam
mortalium concessurus


D. Jo. GEORGIUS SCHELHORNII

Eccl. patriae Superint.

Imperialis academiae Roboretanae

& ducalis societatis Latinae Jenens.

fodalis.



JO. GEORGII SCHELHORNII
 DIATRIBA PRÆLIMINARIS
 DE
 VARIIS REBUS
 AD
 NATALES ARTIS TYPOGRAPHICÆ
 ILLUSTRANDOS FACIENTIBUS.

Librum hic tibi offero, Lector benevole, non magnum quidem mole, sed raritate sua & argumenti jucunditate, si quid judico, satis se insinuantem, ac ipso auctoris celsissimi nomine ita commendabilem, ut non alia hedera suspendenda opus habere videatur.

Acceptus enim referendus est indefessæ diligentæ ANGELI MARIAE CARDINALIS QUIRINI, Bibliothecæ quondam Vaticanæ Præfeti, & Episcopi Brixienfis, Viri, dum inter vivos ageret, non natalibus minus & purpura, quam doctrinæ præstantia & literarum patrocinio eminentissimi, cujus benevolentiam & summam humanitatem multis modis expertus ipse sum, præsertim cum A. MDCCXLVIII. die XIV. Maji in splendidissimo Monasterio Ottoburano, nobis vicino, illum coram venerari, ejusque colloquio frui gratiosissimo per trium horarum spatium mihi datum esset (*), licet antea mihi, ab ipsomet in arenam veluti protracto, plus semel publice cum illo congregiendum fuerit.

Scriptis eum A. MDCCXL. in comitiis illis Romanis, in quibus a Cardinalibus veteri ritu uni loco, quem *Conclave* nominant, inclusis Benedictus XIV. Pontifex electus est, idoneis subsidiis ex Bibliotheca tam sua, quam Vaticana abunde instructus, ac appendicis instar Pauli II. Veneti Vitæ Vindiciisque adversus Platinam & alios obtrectatores, Romæ eo ipso anno typis Antonii de Rubeis apud Pantheon in forma quadrifariam complicata excusis, subjunxit.

Rarissimus est, ac pro inedito ferme, in Germania saltem nostra, habendus, cum ejus exemplaria nunquam venum exposita, sed dono tantum a magnificentissimo Cardinale, qui singula opera sua suismet sumptibus imprimenda curavit, amicis data fuerint (**).


Dignum

(*) Quod ipse descripsit in singulari epistola ad Serenissimum & Reverendissimum Principem & Episcopum Augustanum D. JOSEPHUM ex Landgraviis Hassiæ publice data A. MDCCXLVIII. d. XII. Jun.

(**) Hinc Davides CLEMENS in præfatione Tom. I. de la *Bibliothèque Curieuse, Historique & Critique* p. XII. jure ait: *Les Ecrits du CARDINAL QUIRINI ne seront jamais communs, parcequ'il les fait imprimer à ses depens, & se reserve le plaisir d'en faire des presens.*

Dignum autem esse, qui a multis legatur, rerum intelligentes mecum iudicatuŕos credo. Egrege enim infervit ad originem & historiam artis excusoriæ illustrandam, & jucundam nobis notitiam editionum longe rarissimarum, quæ e primo typographeo Romano Germanorum Artificum Conradi Schvveinheim & Arnoldi Pannarz ab anno MCCCCLXVII. ad A. usque MCCCCLXXII. prodire, præbet.

Ne autem ego plane ἀσύμβολος recedam, affuere illius purpuræ pannum ausus, non quasdam modo annotationes textui subjunxi, & in fine rerum memorabilium indicem lectorum commodo adjeci, verum hanc quoque diatribam præmisi, varias complectentem observationes de nonnullis rebus ad natales divinæ artis dilucidandos ascientibus. En igitur tibi illas, quas ut æqui bonique consulas, est, quod enixe rogitō. Scribebam Memmingæ A. R. S. MDCCLX. d. XXIV. Jul.



ELENCHUS OBSERVATIONUM.

OBS. I.

De typographia Moguntiaë inventa.

OBS. II.

De Joanne Guttenbergio primo typographiaë auctore.

OBS. III.

De libris, qui typis sculptis mobilibus excusi sunt.

OBS. IV.

De libris, in prima Moguntiaë typographia impressis, & vetustis quibusdam Missalibus &c.

OBS. V.

De Ulrico Zellio, primo typographo Colonienfi.

OBS. VI.

De Conrado Schvveinheim & Arn. Pannarz, primis typographis Romanis.

OBS. VII.

De Ulrico Gallo, secundo typographo Romano.

OBS. VIII.

Spicilegium de antiquissima & omnium prima Latinorum Bibliorum editione.

OBS.

OBS. I.

DE

TYPOGRAPHIA MOGUNTIAE
INVENTA.

Joannes Gutenbergius, primus typographiae auctor, nisi litibus fuisset implicitus forensibus, divinae artis origo hodiernum densis offusa foret tenebris. In jus autem vocatus ille fuit & Argentorati & Moguntiae. Accusationum capita, testium examina inde enata, & iudicum sententiae e tabulariorum claustris nostro aëvo in publicum feliciter productae non parum lucis rei antehac opertae valdeque dubiae intulerunt.

Quo vero minus in suspicionem incidat Vir optimus, cum utrobique ipsi litigandum fuerit, eum fuisse hominem contentiosum & rixarum cupidum, ipsa illa documenta prohibent, e quibus apparet, necessitatem, durum illud telum, ipsum invitum in forum pertraxisse. Argentorati Georgius Drizhenius, Moguntiae Joannes Faustus ejus fuere accusatores: Gutenbergius itaque die sibi dicta non poterat non causam suam tueri, quam Argentorati justos nactus iudices vicit, Moguntiae iniqua sententia amisit.

Illustrissimus Baro SENCKENBERGIUS primus (a) *Laudum* siue Instrumentum publicum sententiae judicariae inter Jacobum & Joannem Faustos ex una parte, & Joannem Gutenbergium ex altera parte, de pecunia in librorum impressionem infumta, Moguntiae Anno MCCCCLV. d. VI. Nou. latae, ab Ulrico Ælmasperger, Clerico Di-

A 3

oeceseos

ceeseos Bambergensis, & Notario publico Casareo ac Pontificio conditum ex autographo diuulgavit, e quo Historicus, dum viveret, celeberrimus, Jo. Davides KOELERUS non tantum Guttenbergio, Nobili Moguntino, inventæ artis typographicæ gloriam vindicavit, sed & usurariam Jo. Fauſti, qui litis actor fuit, pravitatem, ac tribunalis Moguntini injustitiam in apicum posuit (b).

Illustris vero Vir, Jo. Daniel SCHOEPLINUS, inter præcipua Germaniæ literatæ lumina suo jure referendus, cujus scripta, singularem facundiam doctrinamque exquisitam spirantia, in deliciis mihi sunt; non ita pridem novo beneficio, editis nempe *Vindiciis typographicis* elegantissimis, orbem sibi eruditum mirifice devinxit. Interuit iis acta quædam authentica, ex turri, quam vocant, nummaria, cimeliorum Argentinesium custode, bono auspicio eruta, & antehac nemini comperta, in quibus haud obscura moliminum Guttenbergii typographicorum exstant vestigia, ex illisque collegit, auream artem non Moguntia, sed Argentorati a laudato Guttenbergico esse inventam.

Fateor, parum abfuisse, quin mihi quoque rem istam persuaserit Vir disertissimus, nisi scrupuli quidam animum meum adhuc suspensum detinerent, quos hic modeste in medium proferre per summam ejus humanitatem, spero mihi licebit.

Cum Guttenbergius duo circiter lustra, quod nunc ex documentis in lucem prolatis constat, Argentorati transegerit, quis dubitet, virum solertem & in rebus inveniendis acerrimum in illa jam civitate arti huic investigandæ sedulo incubuisse, viris præsertim probatissimis, & partim coævis testantibus, ab anno circiter MCCCCXL. quo & aliquot sequentibus annis in ista urbe commoratus est, ad A. MCCCCL. inventioni ejus, eorumque, quæ ad illam pertinent, operam impensam fuisse, id quod etiam aliquot annis ante factum ibi esse, indicio nunc chartarum Argentinesium docemur. Neutiquam igitur dubito, multa
artis

(b) In der Ehrenrettung Johann Guttenbergs.

artis molimina & experimenta facta esse Argentorati, eamque operose ac varie tentatam, sed consummatam demum ac perfectam Moguntiae arbitror (†).

Etenim si primitiae typographicae inciderent in annum MCCCCXXXVI. subque finem jam anni MCCCCXXXVIII. Guttenbergius Argentorati libros typis solutilibus, iisque non tantum ex ligno, verum etiam plumbo sculptris, excudisset (c) ac eam artem ibidem cum sociis plures per annos continuasset; si omnes illi libri, quos laudatus SCHOEPLINUS p. 39. sq. recensuit, alique ex prima illius typographiae Argentinensis fabrica prodissent, insigne lucrum inde percipiendum (*) virum optimum, & meliori sorte dignissimum haud dubie extra constantem debita contrahendi necessitatem, cui obnoxius fuit, posuisset. Sed longe aliud & plane contrarium docet Formula publicae litis inter Guttenbergium & Faustum Moguntiae A. MCCCCCLV. dijudicata.

Enim vero praeterquam quod in ea nullum prorsus librorum jam ante impressorum appareat vestigium, perspicue potius inde cernimus, ipsum facultatibus suis in molimenta typographica impenfis, nisi nobile illud institutum penitus abjicere, magno rei litterariae malo, voluisset, ad societatem cum Jo. Fausto, viro opulento, A. circiter MCCCCXLIX. vel L. ineundam, ab eoque mille & sexcentos aureos foenerandos compulsum se vidisse, Faustumque adeo, ab ipso A. MCCCCCLV. sorte & usuris

(†) Poterant quaedam adhuc desiderari in praelo scite adornando, in typis rite sculpendis, in necessariis instrumentis commode fabricandis, in ipso imprimendi modo, in atramento praesertim typographico, ac fortasse in aliis.

(c) Vindic. typograph. p. 24.

(*) Ipsius SCHOEPLINI verba p. 36. sunt: *Codices impressos pro libris manu exaratis quum CARO PRETIO venderent, lucri cupido primos Argentinenses & Moguntinos typographos induxit, ut artem, quamdiu possent, celarent.*

usuris computatis, bis mille & viginti florenos judicialiter exegisse, quæ pro illius temporis ratione grandis sane fuit pecuniæ summa (d).

Insuper in illo instrumento forensi plus simplici vice diserte commemoratur, Faustum pecuniam istam Guttenbergio suppeditasse, huncque eam mutuo cum in finem summis, ut perficeret opus librorum (e) (*das Werk der Bücher*) sive artem typographicam. Hinc autem prono fluere alveo censeo, artem illam auream antea nondum fuisse perfectam, vel, quod idem esse reor, inventam.

A libris, quos Cel. SCHOEPLINUS p. 39. sqq. recensuit, argumentum pro typographia Argentorati a Guttenbergio inventa peti non potest, cum nullus eorum nota loci ac artificis insignitus sit, atque adeo illi eodem jure vel Moguntiae vel alii civitati adscribi possint, de quo postea nobis sermo erit.

Majoris esse momenti videntur, quæ vir laudatissimus p. 40. in medium profert: *In his typographicae artis primitiis loci impressionis, artificis, temporisque indicia frustra quærantur. At similis Codex annum impressionis præ se ferens, in meam denique Bibliothecam devenit, in hoc genere unicus (*)*, cujus Titulus: *LIBER DE MISERIA HUMANE CONDICIONIS LOTARII DYACONI SANCTORUM SERGI ET BACHI*

(d) De valore pecuniæ ac pretiis rerum illius ævi, cum nondum in Europa tanta esset auri argentique copia, cum nostra tempestate comparatis vid. Viri Summi Sam. FORMEY *Nouvelle Bibliothèque Germanique* Tom. X. Part. II. p. 424. sqq.

(e) *damit er das Werk (der Bücher) volnbringen solt*, vid. SCHOEPLIN Vindic. typograph. Cap. III. p. 27. non ut continuaret opus librorum, vel typographiam, tanquam Argentorati jam inventam, prouti Cap. VI. p. 70. hæc verba reddidit, sed ut perficeret.

(*) Ejus quoque exemplar asservari in Bibliotheca publica Windsheimensi, didici ex Novæ Bibliothecæ Halens. (*Neue Biblioth.*) Partic. XC. p. 845. Aliud exstare in Bibliotheca Academiæ Georgiæ Augustæ, nuper tabulæ novorum literar. Göttingens. nunciavit.

et labor • ardor et fœtor • obscuritas et anxie
tas • acerbitas et asperitas • calamitas et eges
tas • angustia et tristitia • oblitio ⁊ ofusio • tor
tiones et punctiones • amaritudines et terro
res • fames et sitis • frigus • sulphur • ignis ar
dens in secula seculorū • Unde nos liberet de
us q̄ benedict⁹ ē p̄ infinita secula seculorū Amē

✠ ✠ ✠ Explicit Innocēcius
De miseria humane
condicionis • laudetur
✠ ✠ ✠ deus eternaliter

✠ ✠

✠ ✠

1871. The following is a list of the
names of the persons who have been
admitted to the membership of the
Society since the last meeting of the
Executive Committee, held on the 1st
of January, 1871.

1871. The following is a list of the
names of the persons who have been
admitted to the membership of the
Society since the last meeting of the
Executive Committee, held on the 1st
of January, 1871.

BACHI CARDINALIS, QUI POSTEA INNOCENTIUS TERTIUS APPELLATUS EST. ANNO DOMINI MCCCCXLVIII. Opusculum foliis XLVIII. constans, formæ in 4to Innocentius III. a 1216. jam obiit. Annus ergo rubricæ insertus nonnisi ad impressionis tempus potest referri. Typographicum sphalma non sine gravi ratione imputandum est libro.

Sed concedamus paulisper, typographicum sphalma haud esse in anni numero commissum (**), nihil tamen inde pro Argentorato conficitur, cujus civitatis nomen nusquam comparet. Solebant interdum librarii adjicere descriptionis annum Codicum vel coronidi vel titulo, quem fortassis ad archetypum suum, hac anni nota haud relecta, itidem effinxit typographus.

Quodsi vero anno 1448. editionis tempus designaretur, libellum tamen Moguntiae, non Argentorati, nisi Gutenbergio illum abjudicare, & alii, nescio cui, adscribere velis, prodiisse dicendum foret, cum ipsemet SCHOEPLINUS Gutenbergium jam anno 1445. Argentorato discessisse fateatur, mihiq;e, anno illum 1448. Moguntiae habitasse, exploratum sit, quod suo loco demonstrabo.

Quo minus autem persuaderi mihi sinam, libellum istum A. MCCCCXLVIII. esse impressum, vetat testimonium Ulrici Zellii, Gutenbergii discipuli, qui, vetusto Chronographo Colonienſi narrante (†), Biblia Latina typis missilibus circa A. MCCCCL. exscribi

B
coepta

(**) Licet multis exemplis constet, crebro erratum esse in annis editionis Librorum designandis. vid. MAITTAIRE Annal. typ. T. I. p. 2. sq. edit. II. Prosp. MARCKARD *Histoire de l'Imprimerie* p. 113. sq. CHEVILLIER *l'Origine de l'Imprimerie de Paris* p. 10. sq. v. 2. LOESCHER *Stromat.* p. 142. sq.

(†) *Cronica van der billiger Stat van Cællen*, fol. 112.

coepta omnium primum fuisse typographiæ foetum asseruit (††). De alia antiquissima ejusdem libelli, pariter characteribus sculptis versatilibus excusi, editione, meis oculis subiecta, deinde mentio occurret.

Hoc vero potissimum ab assensu me retrahere fateor, quod Moguntini typographi frequenter in oculis omnium, nemine reclamante, suæ civitati inventæ artis gloriam diserte in librorum suorum subscriptionibus vindicarint, sæpe repetitis vicibus (†††) confidentissime ac in totius orbis Christiani veluti conspectu Moguntiam artis impressoriæ inventricem, elimatricem, ac illuminatricem primam appellitantes, asserentesque, Deum illam civitatem tam alti ingenii lumine donoque gratuito cæteris terrarum nationibus prætulisse & illustrasse, ut ibi artificiosa quadam adinventione libri excuderentur.

Ex formulis autem illis, toties publice repetitis, palmarium pro typographia Moguntia inventa contra Argentinenses argumentum non inscite produci censeo. Licet enim haud negaverim, Faustum gestasse astutam vapido sub pectore vulpem, iisque hunc fortassis in finem calide usum fuisse, quod lectores ita ratiocinatuos esse facile præviderit: si Moguntia typographiæ prima inventrix est; si Faustus typographica nova arte primus impressit, Faustus dicendus est typographiæ inventor (*). Sufficit tamen, quod formulis illis nihil falsi, sed veritatem professus

(††) Sic primum etiam inter impressos libros locum Bibliis Latinis tribuit Vir magni nominis, qui plurimas bibliothecas perreptavit, ac tot suæ ætatis viros doctos in itineribus suis convenit, Abbas TRITHEMIUS in Annalibus Hirsaugiensibus Tom. II. p. 421. edit. Sangall. Conf. Andr. CHEVILLIER de l'Origine de l'Imprimerie Part. I. Cap. I. p. 8. & Cap. V. p. 74. sq. ac quæ hanc in rem in mea de antiquissima Latin. Bibl. editione Diatriba disserui.

(†††) idque ab A. MCCCCLX. quo CATHOLICON prodiit, ad annum usque MCCCXCII. quo Chronicon Saxonum, *Chronick der Sassen*, excusum est.

(*) Vindic. typogr. Cap. VI. p. 65. sq.

professus fuerit, etsi culpandus sit, quod simul vera, quæ non reticere debuerat, reticuerit, inventæ nempe in urbe Moguntina artis gloriam Jo. Guttenbergio, non sibi, adscribendam esse (**).

Quis vero facile sibi persuadeat, Argentinenſes typographos, Eggeſteinium, Mentelium, aliosque, si de hujus assertionis, Moguntiam scilicet divinæ artis inventricem esse, falsitate fuissent convicti, ac gloriam hanc civitati suæ deberi persuasi, sine ulla contradictione oſcitanter quieturos, ac honorem illum patriæ suæ a vanis jactatoribus toties impune eripi passuros fuisse? Nunquam autem primi Argentinenſes typographi in librorum suorum subscriptionibus (***) artis inventæ gloriam civitati patriæ adscripserunt: nunquam Mogun-

B 2

tinis,

(**) Interim tamen, judice SCHWARZIO Part. II. Document. de origine typogr. p. 46. isto silentio aut præteritione laudem inventionis haud in univĕrsū Guttenbergio denegasse aut derogasse censendus est; cum, quod quis silentio præterit, non illico negasse existimandus sit, si maxime præteritionis & silentii probabilis quædam ratio appareat, quam in odio, ex dissidio mutuo enato, quærendam esse existimat. Quia vero nunquam sibi ipse Faustus inventæ artis laudem disertis verbis tribuit, non habuit Guttenbergius, quod ipsi reclamaret: cui etiam occasio sibi honorem illum publice asserendi defuisse videtur, cum nihil hætenus explorate cognitum sit, quod ejus typis exscriptum ab A. 1457. in lucem prodierit. Contra præcis Argentinenſibus typographis frequens in promptu erat occasio, vel in subscriptionibus vel præfationibus suorum librorum Moguntinis incutiendi pudorem, ac eorum gloriationem, si vana & mendax fuisset, strenue redarguendi, honoremque sibi præreptum confidenter tuendi. Sed illi ne verbum quidem unquam Moguntinis reposerunt: Hic igitur etiam valet tritum illud diverbium. *Qui tacet, consentire videtur.*

(***) Licet ipse SCHOEFLINUS fateatur, Henricum Eggeſteinium in subscriptione Decreti Gratiani, quod primum fuit opus cum anni, loci & typographi indicio A. 1471. Argentinae impressum, stylum ex rubricis finalibus Moguntinis desumpsisse, in Vindic. typogr. p. 44.

tinis, illum honorem suæ urbi audenter vindicantibus, contradixerunt.

Iure igitur C. G. SCHWARZIUS, Vir, dum viveret, harum rerum intelligentissimus (****): "Quis, quæso, credat homines istos, „Faustum nempe & Schoifferum, tam audaces, tamque impudentes „fuisse, ut aliquid publice professi fuerint, quod falsum fictumque, & „omni veritate fuisset destitutum? Imo, quis credat, neminem istis „temporibus extitisse, si quidem alius prærogativæ, aut certioris veritatis, sibi fuisset conscius, qui non suum sibi jus aperte vindicasset, „ac tam vanæ gloriationi Moguntinorum intercessisset, aut semel „taxat publice reclamasset? Hinc bene KRANZIUS, in memorabilibus Biblioth. publ. Wratislau. p. 74. de hujusmodi veterum librorum „subscriptionibus, & testimoniis Petri Schoefferi: *Hæc, inquit, quamvis domestica dici possint testimonia; vix tamen credibile est, ausum fuisse Petrum Schoifferum, in re adeo recente, & in omnium oculis verisante, ambitiose mentiri; nec hoc aliis quiescentibus impune fecisset.* „Certe nullum simile exemplum reperitur, ubi alius quis, illis ipsis „temporibus, prærogativam & laudem inventionis typographiæ sibi „tot publicis documentis vindicasset.

Nec vero Joannes tantum Faustus ac Petrus Schoiffer, hujusque filius Joannes, Fausti ex filia Christina nepos, inventæ typographiæ gloriam Moguntiaë tribuerunt, sed etiam Jacobus Meydenbach in subscriptione *Horti Sanitatis* ibidem A. 1491. impressi, in nobilissima illa civitate artem & scientiam subtilissimam characterisandi seu imprimendi fuisse primum inventam asserens; qui veram hujusce rei notitiam habere potuit a Joanne Medinbach, vel parente, vel agnato, illorumque uno, quorum auxilio Guttenbergius, cum omnem substantiam suam propter artis difficultatem fere profudisset, adjutus tandem Moguntiaë rem perfecit, teste Nicolao SERRARIO ex Codice MS,

MS. Sebast. MUNSTERO in Cosmographia, & Melchiore ADAMI in vita Guttenbergii (f).

Notatu quoque dignum est, ipsam Argentinam quodammodo in hac causa suffragari honori Moguntiae. In illa enim civitate duæ ex officina Johannis Pryss prodire Fasciculi temporum Wernerii ROLEVINCKII, Monachi Carthusiensis, & auctoris coævi editiones A. 1487. & 1488. In hoc autem libro ad annum 1457. hæc leguntur verba. *Librorum impressionis scientia subtilissima omnibus seculis inaudita circa hæc tempora reperitur in urbe Moguntina. Hæc est ars artium, scientia scientiarum &c.* (g)

Calculus igitur meum, donec memorati scrupuli mihi eximantur, adjicio τῷ πᾶν Godofr. Guiljelmo LEIBNITIO, immortalis memoriæ Viro, qui pro incredibili, qua polluit, ingenii perspicacia rem acu tetigisse videtur, sententiam suam in Anti-Plagiario adhuc inedito (b), ita exponens: „Probabile videtur, Jo. Guttenbergium, „virum patricium ex nobili gente Zum Jungen seu Jungiorum, quæ „nunc quoque Francofurti floret, primas artis typographicae cogitationes animo concepisſe, & Argentorati agitare coepiſſe, ſed Moguntiae demum perficere potuiſſe, adjutore Jo. Fauſto, Moguntino, „& genere Fauſti, Petro Schœffero Gerneshemenſi. Fieri poteſt, ut „Jungio (vel Guttenbergio potius), in urbe Argentoratensi hæc verſanti, aſtiterit Mentelius ille Argentoratensis.

B 3

OBS.

(f) vid. Documenta Kœleriana p. 65.

(g) conf. KOELERUM l. c. p. 59. & SCHWARZII Documenta de Origine typographiæ Part. III. p. 35. ſqq. ROLEVINCKIUS, Monachus Carthusiensis domus S. Barbaræ in civitate Colonienſi, natus A. 1425. hujus rei notitiam haud dubie accepit ab Ulrico Zellio, primo typographo Colonienſi, quocum in una eademque urbe longo temporis ſpatio habitavit.

(b) vid. SCHOEPLINI Vindic. typogr. p. 75.

OBS. II.

DE

JOANNE GUTTENBERGIO
PRIMO TYPOGRAPHIÆ
AUCTORE.

Maxime dignus est Guttenbergius, cujus res, quantum fieri potest, enixa diligentia excutiantur, cum id ad natales incomparabilis artis magis magisque dilucidandos egregie inserviat. Dabimus igitur & nos operam, ut historiam viri eximii ab Jll. SCHOEPLINO expositam ex idoneis documentis paululum illustremus & amplificemus.

A. MCCCCXXX. patre mortaliū coetui exempto, illum Moguntia discessisse, ex diplomate Conradi III. Electoris Moguntini (*k*) liquet. Argentorati vero cum A. MCCCCXXXIV. habitasse, SCHOEPLINUS primus nos docuit (*l*). Eo enim anno Nicolaum Archigrammateum Moguntinum cepit, ex captivitate non dimissurus hominem, nisi postquam trecentos & decem florenos Oppenheimii ante proximum festum Pentecostes se depositurum jurejurando promississet, ob annuos redditus a Moguntinis diu jam sibi non persolutos. A magistratu autem Argentinenſi persuasus, facile in illius honorem absque ulla conditione virum dimisit, atque promissis ab eo extortis renuntiavit, testantibus literis die dominica post festum Gregorii Papæ exaratis (*m*).

Ubinam

(*k*) Quod KOELERUS in appendice Vindiciarum Guttenb. p. 67. sqq. exhibuit.

(*l*) In Vindic. typogr. pag. 17.

(*m*) Quæ primum occupant locum inter documenta Vindiciis typographicis adjecta p. 3. sq.

Ubinam Guttenbergius interjecto ab A. MCCCCXXX. ad A. XXXIV. tempore versatus fuerit, nescitur. Probabile est, virum juvenem excitati ingenii atque artium indagandarum cupidissimum itinera ad externos instituisse, tandemque sedem Argentorati fixisse. Cum ipsi plurium annorum census Moguntini debuerint, plures quoque eum per annos Argentinae jam habitasse, laudatus quidem SCHOEPFLINUS infert (n). Sed, si quid judico, id hinc necessario non sequitur. Hoc solum est indubitatum, A. 1434. eum Argentorati degisse.

Bellum quidem aperte indixisse patriae suae, & animum a redeundo alienum prodidisse videbatur Guttenbergius, sed brevi illud amice fuit compositum. Cum enim A. 1434. die dominica post festum Gregorii, quod in duodecimam Martii diem incidere solet, placide Nicolaum civitatis Moguntinae scribam, dimisisset, eodem statim anno Dominica proxima post Urbani diem, quae in vigesimam quintam mensis Maji cadit, controversiam illam cum bona gratia transactam, certosque census annuos ipsi promissos fuisse, charta Moguntina docet (o).

Interjecto deinde tempore acciderunt ea, quae SCHOEPFLINUS de molitionibus typographicis, aliisque longo ordine ex actis Argentinenfibus refert (p).

An. 1441. a nostro Rudigerum Landekium ejus cognatum rite accepisse, quae ipsi a defunctis parenibus hereditate obvenerunt, apocha judicis Moguntini feria quarta proxima post festum epiphaniae Domini consuetis formulis concepta testatur (q).

Tandem vero A. MCCCCXLIII. animum in patriam remeandi non modo aperte prodidit, sed reapse Moguntiam reversus, domum *Zum Jungen*

(n) Vind. typ. p. 16.

(o) Vid. Documenta Kœlerianis Vindiciis addita p. 82. num. 16.

(p) In Vindic. typogr. p. 17. fqq.

(q) Vid. Docum. Kœl. p. 82. num. 18.

Jungen annua decem aureorum mercede (r) ab affine suo *Ort Zum Jungen* (s) in tres annos conduxit, dimidiamque annui census partem statim, die Apostolorum Simonis & Judæ memoriæ dicata, vigesima octava scilicet Octobris, persolvit. Hanc pactionem deinde in plures annos renovasse videtur, cum TRITHEMIUS ex ipsius Petri Schoefferi relatione commemorarit (t), in domo *Zum Jungen* typographiam esse inventam, quæ propterea deinceps *Impressoria* nuncupata sit, id quod Nicol. SERRARIUS etiam ex Codice MS. confirmat (u). Hinc ergo in propatulo positum esse existimo, quo se, Argentorato discedens, contulerit Guttenbergius (x).

Nomen quidem ejus adhuc occurrit in Rationali vestigalis obolarii civitatis Argentinensis An. MCCCCXLIV. die Gregorio sacra, XII. nempe mensis Martii (y). Videtur igitur in principio ultro citroque commease, ut Argentorati res domesticas legitime componeret, & Moguntia stabiliret. Ex operis autem, qui volebant, secum duxisse illum, quis ambigat?

Ab isto tempore domicilium in urbe cum patria collocasse ex chartis Moguntinis colligo. An. enim MCCCCXLV. die Mercurii ante festum paschale ibi in quadam causa fuit testis (z).

An. MCCCCXLVIII. proxima die dominica post festum epiphaniæ prædium aliquod hereditarium, Lauffenberg dictum, Moguntia acqui-

(r) Vid. Documenta Kœleriana pag. 67.

(s) Fuisse hunc Guttenbergii nostri affinem, patet ex documento Kœleriano p. 82.

(t) In Annal. Hirsaugiens. Tom. II. fol. 421.

(u) Rerum Moguntiac. Lib. I. Cap. XXXVIII. sub finem.

(x) SCHOEPFLINUS contra p. 27. *Guttenbergius*, ait, *quo se contulerit Argentorato discedens, nulli scriptores, nulla acta nos docent*.

(y) Vid. Documenta Vindiciis typogr. annexa. p. 41.

(z) Vid. Documenta Kœleriana p. 82.

acquiescit, cujus rei testes erant Joannes Fust & Petrus *van Aiche* (a). Jam igitur tunc cum Joanne Fausto fuit ipsi consuetudo.

An. MCCCCL. d. XII. Jan. ibidem quandam vini generosi portionem pro certa pecuniæ summa singulis annis sibi suisque subministrandam emit. In syngrapha hanc in rem scripta (b) uxor & filia ejus commemorantur, quarum utraque Catharinæ (*Ketgin*) nomen gerebat. Hinc apparet, Annam primam ejus conjugem, quam Argentorati duxerat, jam ad plures abiisse, eumque non fuisse improlem (c).

Circa hunc annum MCCCCL. tandem Guttenbergius, Deo prosperante, post tot operosa tentamina & molimenta pervenit ad metam, artemque auream, excogitatis feliciter & fabricatis necessariis instrumentis, invento item oleoso & tenaci atramento, scite perfecit, ac codicem sacrum characteribus missilibus, ex ligno sculptis, teste oculari Ulrico Zellio, excudere cœpit.

Epocham matricum inventarum in illo temporis spatio, quo Guttenbergii cum Fausto societas duravit, adeoque inter A. 1450. & 1455. ponendam esse SCHOEPLINUS censet (d). Ego autem, pace Viri eruditissimi, hanc inventionem malim in annum circiter 1458. vel 1459. quo prodiit Guil. DURANDI Rationale divinatorum officiorum, primus liber mobilibus typis fusus, artificum nominibus & anni nota additis, impressus (†) referre.

C

Nam

(a) l. c. p. 82. sq.

(b) l. c. p. 83.

(c) vid. Schœpflini Vindic. typogr. p. 78.

(d) in Vindic. typogr. p. 33.

(†) De hoc DURANDI Rationali & matricibus a Schoiffero inventis in Diatriba mea p. 35. sermonem faciens, dixi, hoc eximio invento sublatum fuisse typorum ligneorum mobilium usum: nunc alia edoctus moneo, de Moguntina Fusti & Schoifferi officina potissimum id intelligendum esse. Guttenbergianos enim discipulos aliquamdiu adhuc typis sculptis versatilibus fuisse usos, ex observatione sequenti patescet.

Nam si intra illud tempus matrices jam fuissent excogitatæ, cur, quæso, Psalterium A. 1457. non typis fusilibus, sed ligneis excuderunt Faustus & Schoefferus? Cur per integrum lustrum nullum librum hujusmodi characteribus imprefferunt, ut novum illud inventum incomparabile orbi ostentarent, homines gloriæ cupidissimi? Cur ministri Guttenbergii lite A. 1455. inter Jo. Faustum & dominum suum infeliciter terminata, aliorum Moguntia digressi eximio hoc novo invento haud usi sunt, sed typos sculptos, molestiores sane fusilibus ac minus elegantes, retinuerunt?

A. MCCCCLV. cum, lite injuste decisa, Faustus apparatus infelicis Guttenbergii typographicum sibi oppignorum ad se rapuisset, hunc justo dolore tædioque motum exivisse Moguntia, sunt, qui existiment (e). Quod si verum esset, factum id haud dubie foret inter primos exulcerati animi impetus, nulla longiori mora interposita. Sed reclamat documentum Moguntinum, e quo intelligimus, testem illum, decem interim mensibus præterlapsis, in quadam causa fuisse Moguntia A. 1456. die nativitatæ Mariæ, quæ in octavam mensis Septembris cadit (f). Reliquum itaque temporis ad annum usque 1465. quo ab Adolpho, Electore Moguntino, inter Aulicos cum annuo stipendio fuit receptus, imo ad annum usque 1467. vel 1468. quo mortem obiit Vir immortalitate dignus, etiam in patria cum civitate transgisse opinor, donec ex idoneis monumentis probetur contrarium.

OBS.

(e) vid. Document. Kœler. p. 83.

(f) vid. l. c. p. 39. & SCHWARZII Document. Part. I. p. 29.

OBS. III.

DE

LIBRIS, QUI TYPIS SCULPTIS
MOBILIBUS EXCUSI SUNT.

Societate inter Guttenbergium & Faustum A. MCCCCCLV. infelicitate rupta, illoque apparatu typographico, quem tot annorum labore, vigiliis ac sudore, tantisque sumtibus instruxerat, misere spoliato ex operariis & tyronibus ii, qui præcipue ab ejus partibus stabant, in alias civitates, rei indignitate moti, dilapsi esse videntur, quorum unus procul dubio fuit Ulricus Zellius, Hanovienfis, Coloniæ digressus, quem KOELERUS in ipsa Guttenbergii officina artem excusoriam didicisse conjectura haud inani (g) censet, siquidem alias in sua relatione, a Chronographo Coloniensi literis consignata (b), Joannis etiam Fausti & Petri Schoifferi mentionem habiturus fuisset. Ab his igitur in varias Germaniæ urbes propagata est ars a Guttenbergio inventa, libros typis sculptis iisque mobilibus excudendi.

Cave enim, credas, eam in una tantum civitate Argentinensi fuisse exercitam. Nam sunt mihi in manibus, & versantur ante oculos haud pauci libri, illiusmodi typis exscripti, qui partim in bibliotheca nostra publica, partim in mea exstant, quidam Coloniæ, Spira, Ulmæ, Augustæ Vindelicorum, ac in Villa Beronensi, in pago Ergoviæ sita, quidam sine loci & anni indicio excusi, jamque recensendi, ita quidem, ut agmen ducant, in quibus loci, artificis ac anni notam frustra quæras, hos vero deinde excipiant illis indiciis instructi.

C 2

In

(g) l. c. p. 45.

(b) *Chronika van der hilliger stat van Cællen* A. 1499. excusa Coloniæ f. 312.

I.

In Folio.

1. „FRANCISCUS PETRARCHA de remediis utriusque fortunæ. Charactere minutulo. In fine: *Laus Deo Pax vivis Requies eterna defunctis.*

Signum chartularii, in quibusdam aliis etiam, a nobis recensendis, conspicuum, est caput bubulum, cujus inter cornua stella pericæ imposita prodit. Inter artis adhuc mancæ indicia referendum, quod in Lib. I. Cap. LXIV. de aviariis, avibusque loquacibus & canoris fere ad finem vergente textus in linea nona paginæ abruptus est, his verbis non calamo, sed typo appositis: *Vacat nec vicio nec defectu.* Deinde in nova pagina sermo continuatur verbis cum priori textu coherentibus: *captamque ibi & Romam delatam.* Idem in ejusdem libri Cap. LXXXIX. factum est, ubi post lineam decimam tertiam charta vacua relicta hæc verba typis expressa leguntur: *Vacat nec vicio nec defectu. Sequitur E. Carcere &c.*

2. „Legenda Sanctorum, alias Lombartica hystoria, quam „compilavit frater JACOBUS natione JANUENSIS Ordinis fratrum predicatorum.„ Formæ maximæ.

Idem signum chartarii. Præter punctum & signum exclamandi, in singulis fere periodis, locis minus congruis, obvium (*) nullæ adsunt distinctiones. Sub calcem hæc manu adscripta sunt: *Anno Domini M. CCCC. LXXV. emi banc Lombardicam pro precio III. floren. Rben. computata religatura & rubricatura. Et ego frater Petrus Miete*

(*) Signis exclamandi usus etiam est loco colorum & semicolorum Petrus Schoiffer Moguntie in editionibus Valerii Maximi A. 1471. Decreti Gratiani A. 1472. Libri VI. Decretalium A. 1473. aliisque.

Miete de CAPRARIIS in ! Decretis Licent. Preceptor Domorum S. Antonii in Memmingen & Montispeffulani legavi juveni Georio Ramsalvut vita sua comite uti possit si saltim studio velit insistere, & post decessum revertatur domui mee in Memmingen & reponatur cum aliis libris in Libraria nova, nec alienare valeat. DE CAPRARIIS. Hic Petrus Miete de Caprariis primus bibliothecæ nostræ publicæ stator fuit.

3. „Incipit Dyalogus qui vocatur Scrutinium Scripturarum compositus per Reverendum Patrem Dominum PAULUM DE SANCTA MARIA Magistrum in Theologia Episcopum Burgensem Archicancellarium serenissimi Principis Domini Regis Castelle & Legionis quem composuit post additiones positas ad Postillam Nicolai DE LYRA Anno Domini M. CCCC. XXXIII. etatis sue anno LXXXI.

In hac antiquissima editione nulla plane distinctio præter punctum occurrit.

4. „Tractatus peroptimus de animabus exutis a corporibus editus a fratre Jacobo Doct. Ordinis Carthusiens. Erdfordie.„

Haud Erfordiae librum hunc impressum esse, sed locum, ubi tum Jacobus ille Carthusiensis commoratus fuit, indicari existimo. FABRICIUS (i) inter plurima ejus scripta hujusce opellæ non meminit.

5. „Incipiunt Sermones notabiles & formales per eximium Dominum Doctorem sacre theologie Patrem JACOBUM CARTUSIENS. domus extra muros Erfordens. vicarium de precipuis festivitibus celebribus per anni circulum tam de tempore quam de Sanctis auctorisati per Dominum Papam Calixtum tertium anno suo primo in octavo visitationis Marie gloriose virginis, Anno Domini MCCCCLV.

C 3

Hic

(i) in Biblioth. mediæ & infimæ Latinitatis Vol. IV. p. 17. sqq.

Hic itidem ac in Tractatu præcedente nulla distinctio, si punctum excipias, obvia. Eadem verba sub calcem leguntur, ita tamen, ut loco vocis *Incipiunt*, positum sit, *Expliciunt*. Possedit etiam hujus editionis exemplar Altdorfinæ quondam Academia decus, C. G. SCHWARZIUS, qui part. IV. Indicis librorum quorundam sub incunabula typographiæ impressorum p. 82. de illa ita disserit: „Ita mihi
 „hic liber oblatus est, tamquam ex præmissis verbis A. 1455. impres-
 „sus, quamvis ipse fatear, non sequi, ut, quo anno liber iste ap-
 „probatus fuerit a Papa, eodem etiam impressus sit a typographo.
 „Interim intuenti facile patet, hoc ipsum exemplar prope abesse a
 „primordiis typographiæ. Tam rudes enim adhuc tamque inæquales &
 „sibi ubique dissimiles vacillantesque sunt typi, ut & typographi pe-
 „riti, qui contemplati sunt, censuerint, hos typos non ex aere fusos,
 „sed ex ligno formatos fuisse; cum tamen fusis, adeoque magis æqua-
 „libus typis, Jo. Faust & Petrus Schœffer jam anno 1459. Durandi
 „rationale officiorum divinorum expresse-
 „rint. Non loquor de inte-
 „gris formis tabulisque ligneis, Costeriano modo expressis; sed de
 „singularum litterarum typis mobilibus, nondum ex ære fusis, sed ex
 „ligno formatis. Unde accidit, ut, quotiescunque v. g. *i* in una
 „eademque pagina vel tricies occurrat, toties accurate consideranti
 „non ex omni parte sibi similis videatur.

6. „Epistola beati Eusebii ad Damasum Portunensem Episco-
 „pum & ad Theodomum (*sic*) Senatorem Romanum de morte glo-
 „riose Hieronimi Doctoris eximii. Epistola Cirilli Archiepiscopi ad
 „beatum Augustinum Episcopum de miraculis gloriosi Hieronimi nec
 „non & de morte Eusebii discipuli sancti Hieronimi.

7. „Liber Dialogorum b. GREGORII ad Petrum Diaconum
 „suum.

Hujusmodi editioni Dialogorum Gregorii antiquæ in Bibliotheca Pembrokiana, teste Palmerio (*), existanti, impostor quidam sub calcem

(*) *General History of Printing* &c. Lond. A. 1733. p. 299.

calcem rubro colore hæc verba adscripsit: *Presens hoc opus factum est per Johann. Guttenbergium apud Argentinam Anno Millesimo CCCCLVIII.* Quam fraudem iuste redarguit Jll. SCHOEPLINUS (**). De alio hujusce generis exemplari, quod ex typographia initio secreta Jo. Fusti circa A. 1456. vel 1457. prodiisse in Biblioth. Anonym. Part. I. p. 239. dicitur, erudite disseruit Dav. CLEMENS Tom. IX. *de la Biblioth. cur. hist. & crit.* p. 275. sqq. ubi ipsa verba PALMERII recitat. conf. *Nouvelle Biblioth. Germanique* Tom. X. p. 453.

8. „Conclusiones de diversis materiis moralibus utiles valde possite per Magistrum Johannem de Gersona Doctorem eximium in theologia ac Cancellarium ecclesie beate Marie Parysiensis.

9. „Albertus Magnus de arte intelligendi, docendi & predi-
candi res spirituales & invisibiles per res corporales & visibiles, & e
converso pulchra & utilissima.

In Quarto.

10. **S**ifridi Episcopi Cirenensis ad Theodoricum Archiepiscopum Moguntinum Determinatio duarum questionum. Utrum Princeps Catholicus presertim ecclesiasticus possit Judeos bona conscientia ad ex-
ercendum publice usuram protegere & manutenere in terra sua. Se-
cundo utrum Princeps possit ob bonum conservationemque principatus sui iuste liberum inhibere subjectis contractum matrimonii. Ejus-
dem Responso ad quatuor questiones primo an liceat absolucionis beneficium impendere, & eucaristie sacramentum ministrare illi, qui Judeo
de usuro duntaxat viventi suam locavit domum &c.

11. „M. T. Ciceronis Officiorum Libri Cato major, Lælius &
Paradoxa.

In

(**) in Vindic. typogr. p. 40. sq.

In hac editione diphthongi per unam litteram ex duabus coalitam sunt expressæ. Sub finem Officiorum & Paradoxorum eadem carmina exstant, quæ haberi in editione per Jo. Fustum & Petrum Schoifferum Moguntia A. 1465. curata, MAITTAIRIUS Annal. typogr. Tom. I. p. 274. testis est.

12. „M. T. Ciceronis de finibus bonorum & malorum Libri V.

13. „Hystoria Trojana DARETIS FRIGII.

14. „Prologus Lotharii postea Pape Innocencii tercii, qui fuit „Lucerna juris & Doctor doctorum in librum sequentem. (nempe de miseria humanæ conditionis).

In hoc libello haud aliæ adsunt distinctiones, quam asterisci illi informes, quorum specimen vides in ejus coronide, quam æri incidendam curavimus. Chartularii signum est caput bubulum, e cujus fronte surgit vel linea, vel pertica, superne stella signata. Isthæc autem editio extremam antiquitatem redolet.

15. „Vita Udonis Episcopi.

Hic libellus ex eadem officina prodiit. Eadem distinctiones, eadem summæ antiquitatis indicia.

16. „Tractatus de Symonia Magistri JOHANNIS GERSON „Cancellarii Parisiensis. Ejusd. Tractatus de probatione spirituum. „Ejusd. Tr. de remediis contra recidivum peccandi a confessoribus „dandis.

17. „Ejusdem nobilis questio de custodia lingue a corde bene „ruminanda.

18. „Ejusdem Conclusiones de diversis materiis moralibus.

19. „Ejusd.

19. „Ejusd. Tractatus de passionibus anime.

Ejusd. Tract. de modo vivendi omnium fidelium.

Libelli hujus pag. 6. bis impressa est per typographi inadvertentiam. Præterquam enim quod suo loco in contextu occurrit, appressa quoque est ultimæ paginæ libri de passionibus animæ.

20. „Ejusdem opusculum tripartitum de preceptis Decalogi de confessione & de arte moriendi.

21. „Ejusd. Tractatus de Meditatione. Ejusd. Tr. de Oratione.
„Ejusd. septem Psalmi penitenciales.

22. „Ejusd. Tractatus de simplificatione, stabilitone seu munda-
„dificatione cordis. Ej. Tr. de directione seu rectitudine cordis. Ej.
„Dyalogus de perfectione cordis, in quo theologus loquitur ad ani-
„mam Christianam.

23. „Venerabilis Vir Magister JOHANNES GERSON colle-
„git in Lugduno Anno Domini Millesimo quadringentesimo decimo
„nono quendam tractatum, quem intitulat Trigilogium (*sic*) Astro-
„logie theologicæ, quem librum scripsit Delphino unico Regis Fran-
„cie filio.

Hic titulus est libelli.

24. „Ejusdem Tractatus de Mendicitate spirituali.

II.

In Folio.

25. „**T**HOMÆ AQUINATIS Quæstiones de Malo. „ In fine
rubrica : *Quæstiones de malo disputate per venerabilem ac*
illustrem doctorem S. Thomam de Aquino fratrum predicatorum ordinis
D *expli-*

expliciunt feliciter. Impressum est totum opus ac complectum per me Arnoldum ther Hærnen. De quo sit benedictus Deus in secula seculorum. Addita sunt ejus insignia.

Haud dubie hæ quæstiones excusæ sunt Coloniae, ubi ille Arnoldus ther Hoernen officinam typographicam habuit, ac jam A. 1471. libros impressit (k) Alium librum iisdem typis ab eodem exscriptum infra num. 34. producemus.

26. „Explicit MAMMOTRECTUS sive Primicerius : arte imprimendi seu caracterizandi per me Heli jam Helije alias de Louffen „canonicum ecclesie ville Beronensis in pago Ergovvie sive absque calamini exaratione vigilia sancti Martini episcopi sub anno millesimo quadringentesimo septuagesimo. Deo laus & gloria per infinita secula „seculorum. Amen. O Archangele Michael princeps ac propugnator „noster.

Fig. II.

Hæc in fine leguntur, quæ nos speciminis causa æri incidi curavimus. Liber inscriptione plane caret. Paginae in duas sunt divisæ columnas. Sub finem ultimæ lineæ singularum columnarum ordine alphabetico literæ a. b. c. &c. signaturæ loco sunt appositæ. Hujus editionis, judice MAITTAIRIO Annal. typogr. Tom. I. edit. II. p. 295. character est admodum singularis, largus Gothicus, compendiosissimus (i. e. si recte Viri docti mentem capio, vocum syllabarumque compendiis, quæ *abbreviaturas* nuncupamus, plenus), & lectu non facilis, quod ipse conspectus satis edocet. Nec vidi unquam librum ex alia officina emissum, huic similem. Eodem anno, imo eodem die, nempe in vigilia Martini, barbarum hoc Lexicon biblicum & ecclesiasticum etiam ex Petri Schoiffer de Gernsheim typographia Moguntiae prodit. Auctor ejus est quidam Jo. MARCHESINUS, Italus, Minor. Ordinis sodalis. FABRICIUS nostram editionem ignoravit, opusque

(k) vid. MAITTAIRE Annal. typogr. Tom. I. p. 306. edit. II.

Explicit Mamotrectus siue pri-
micereus arte imprimendi seu ca-
racterizandi per me Helijant he-
lſe alias de Houffen Canonicum
Ecclesie uille Heronensis in pa-
go Ergowie siue absq; calami:
regaracione Vigilia sancti Mar-
tini Episcopi Sub Anno ab in-
carnacione domini .Millesimo.
Quadringentesimo Septuage-
simo. Deo laus et gloria per in-
finita secula seculorum Amē ⁊c

Ⓞ Archangele Michael prin-
ceps ac propugnator noster.

THE UNIVERSITY OF CHICAGO
LIBRARY
1207 EAST 58TH STREET
CHICAGO, ILL. 60637
U.S.A.
TEL: (312) 937-1234
FAX: (312) 937-1234
WWW.CHICAGO.EDU

© 1999 by the University of Chicago
All rights reserved.

opusque A. 1466. absolutum esse, quod ipse auctor testetur, refert (1). Sed possideo exemplar hujus Dictionarii manu exaratum, cujus in fine hæc adscripta sunt : *Explicit Mammotrectus fratris Marchesini Anno Domini 1461.* Imo in Bibliotheca Heilsbronnensi, teste Jo. Ludov. HOCKERO in illius Catalogo p. 25. exstat Codex hujus libri membranaceus, cujus sub finem hæc leguntur : *Explicit Mammotrectus, comparatus a fratre Henrico de Liggartsbaussen, quondam Priore nostro. Qui finitus est Anno Domini MCCCLVII. in vigilia beati Andree Apostoli.* De hoc Mammotrecto elegantissimum programma Francofurti ad Viadrum A. 1740. edidit V. C. Mart. Geo. CHRISTGAU, in quo de ejus auctore, inscriptione, contentis & editionibus erudite disseruit (m), cujus in gratiam moneo, præfationem editioni anni 1476. additam in nostra desiderari, quæ in Helvetia prodiisse videtur. Ea enim in quatuor olim pagos, Tauriacum nempe sive Turgoviam, Tigurinum, Argoviensem, sive Aergau vel Ergoviam, & Aventicensem ab antiquis scriptoribus dividi solebat, An per Villam Beronensem celeberrimam illam Helvetiæ civitatem Bernam, quam Arola fluvius (*die Aar*, unde Argoviæ vel Ergoviæ nomen derivatur) magnam partem ambit, indicare typographus voluerit, nescio: insignem certe urbem fuisse inde colligi potest, quia collegium Canonicorum habuit. Ergovia autem non fuit singularis quidam vicus; ubi impressum fuisse Mammotrectum-Prosper MARCHANDUS (n) ac CHRISTGAVIUS perhibuerunt, sed integra quædam regio Helvetiæ, quæ in certos pagos, pagi vero rursus in quasdam villas, oppida & vicos distribuuntur.

Potius in Villa Beronensi, sive hæc Berna, sive alia civitas fuerit, in pago Ergoviæ sita, liber impressus esse videtur. Nullius præter hunc libri ab hoc typographo excusi meminit MAITTAIRIUS. Weis-

D 2

lingerus

(1) in Biblioth. Lat. mediæ & infimæ ætatis, Vol. IV. p. 31. & 67.

(m) conf. *der Berlinischen Bibliothec* Vol. II. p. 420. sq. & 794. sqq.

(n) *Histoire de l'Imprimerie* p. 57.

lingerus vero Argentorati in Bibliotheca Commendæ, quam vocant, ord. Melit. S. Joannis Hierosol. Roderici Zamorensis Speculum vitæ humanæ An. 1472. ab eodem typis exscriptum asservari in Armamentario Catholico f. 30. refert.

27. „Tractatus de quatuor virtutibus cardinalibus editus & expositus ad Cives Venetos per fratrem HENRICUM ARIMINENSEM.

Præmissus est index studio Thomæ DORNIBERG de Memmingen, sacrorum Canonum & artium liberalium Doctoris, qui hujus editionis curam gessit. Indici hæc subjuncta sunt verba: *Omnes itaque virtutum cultores pro bene actis gratias deo referant. Et si quid minus bene ordinatum invenerint indulgentiam prestant. Et non livoris acculeo sed caritatis Zelo in melius reforment queso completa est hæc tabula remissoria per me Thomam Dorniberg antedictum de Anno Domini Millesimo quadringentesimo septuageesimo secundo. Ipsa die sancti Martini pape.*

Fig. III.

In operis autem coronide, quam in æs incidendam curavimus sequentia leguntur: *Tractatus pulcherrimus de quatuor virtutibus cardinalibus per fratrem Henricum Ariminensem ad Venetos editus totam fere philosophiam moralem complectens unacum exemplis & historys tam ex divinarum quam humanarum scripturarum autoribus sumptis ad conficiendum arengas collaciones & sermones utilissimus arte impressoria Spire artificioso effigiatus feliciter explicet.*

De Thoma DORNIBERG, qui Memmingam meam communem mecum agnovit patriam, conferri meretur V. Cl. mihiq; in Academia quondam Jenensi amicissimus Erh. Christophorus BAUR in vita Christophori LEHMANNI, Chronographi Spirensis præstantissimi, Germanice Francofurti An. 1756. in 8. evulgata p. 140. sqq.

28. „Compendium theologicæ veritatis.

Subjecit huic operi laudatus DORNIBERG indicem, cujus in fine sic lectores alloquitur: *Suscipite igitur queso omnes theologicæ veritatis*

Tractatus pulcherimus de quatuor virtutibus cardinalibus per fratrem Henricum ariminensem ad venetos editus totam fere philosophiam moralem complectens vnicuique exemplis & historijs tam ex diuinarum quam humanarum scripturarum autoribus sumptis ad conficiendum arengas collationes & sermones utilissimos arte impressoria Spire artificiose effigiatur feliciter explicatur

1
The first of these is the fact that the
the second is the fact that the
the third is the fact that the
the fourth is the fact that the
the fifth is the fact that the

tatis fideique katholice amatores hunc laborem grato animo gratias agentes cuncti potenti deo. Cujus munere ac singulari adiutorio hæc ego Thomas Dornberg prefatus feliciter perfeci complevi Anno Domini Millesimo quadringentesimo septuagesimo tercio. In vigilia Sancti Bartholomæi Apostoli.

Miror, post alios etiam C. G. SCHWARZIUM Part. I. Indicis Librorum sæculo XV. impressorum p. 5. librum hunc Thomæ DORNBERG tanquam auctori adscripsisse, cum is editor duntaxat & indicis concinnator fuerit, id quod ex præfatione indici præmissa, ad quam tamen Vir laudatus provocat, patelcit, cujus hoc est initium: *Ego Thomas Dornberg de Memmyngen Decretorum artiumque liberalium doctor & consulatus insignis civitatis Spirensis advocatus multorum studiorum clericorum precibus pluries instigatus ut compendium theologicæ veritatis materias communiores, magisque necessarias & utiliores ad ordinem alphabeticum redigerem. Ac ex eisdem registrum debito ordine conficerem. Matura siquidem & diligenti hujus operis lectione prehabita consideravi quod presens liber, qui compendium theologicæ veritatis intitultur, non solum curam animarum habentibus, verum etiam omnibus viris ecclesiasticis cujuscunque ordinis, dignitatis, aut status existant, utilis & necessarius existit. Et merito inter omnes alios libros eisdem præcipuus esse debeat & familiarissimus. Cum succinctim breviterque ac magistraliter totius theologie fideique katholice complectatur fundamentum & principia. Sine quorum cognitione nemo recte clericus, aut vix christianus nuncupari meruit. Hanc que sequitur tabulam remissoriam confeci. Auctoritates & materias notabiliores signando.*

In promptu mihi est alia hujus Compendii, inter præcipuos illa ætate libros theologicos, judice J. A. FABRICIO (o) merito æstimatedi, antiqua editio quadruplicis formæ, in qua illud Alberto Magno tribuitur. Hæc enim verba sub illius calcem leguntur: *Explicit*

D 3

Com-

Compendium theologicæ veritatis compilatum per Albertum Magnum impressumque Venetiis per Magistrum Christophorum Arnoldum Alamanum 1476. die 5. Apr. Serenissimo Duce Andrea Vendrameno regnante.

29. „Opus de misterio missæ Domini fratris ALBERTI MAGNI „quondam Episcopi Ratisponensis. In fine hæc habentur: *Opus de misterio missæ Domini ALBERTI MAGNI auctoritate radians: in quo nichil traditur aut docetur, quod non scripturarum dignis testimoniis comprobetur. In imperiali opido Ulm per Johannem Czeiner de Reutlingen summa cum diligentia impressum. Anno a nativitate Domini MCCCC. LXXIII. die XXIX. mēsis Maji feliciter finit.*

Miror, Joannem Zeiner Reutlingensem Ulmæ usum adhuc fuisse characteribus sculptis solutilibus, quod ipsa eorum inæqualitas ubivis obvia evincit, cum tamen Guntherus Zainer, itidem Reutlingensis, illius, uti videtur, vel frater, vel agnatus, Augustæ Vindel. jam 1472: Isidori Hispalensis Episcopi Etymologias, librumque de responsione mundi & astrorum ordinatione, quæ opera bibliothecam nostram publicam ornant, typis Romanis fusilibus, iisque pernitidis & elegantissimos Nicolai Jenfonii characteres (*) æmulantibus imprefferit. Inde Joannem ex Guttenbergii, Guntherum vero ex Fausti Schola prodiisse colligo, simulque observo, vel RINCKIUM, vel GLAFEYUM minus vere pronunciasse, characterem, qui a loco inventionis Romanus vocatur, in Germaniam demum circa sæculi XV. finem ex Italia introductum esse. Vid. Biblioth. Rinck. p. 1031.

30. „Tractatus de periculis contingentibus circa sacramentum „Eukaristie & de remediis eorundem ex dictis S. THOME de AQUINO. Ejusd. Epistola de Judeis ad petitionem Comitisse Flandrie. „

Licet anni, loci & typographi indicio hic libellus sit destitutus, huc tamen cum referendum duxi, quia ex typis comparet, ex eadem, qua

(*) quibus excudit A. 1471. Quintilianus, quem in Bibliotheca nostra publica nunquam sine voluptate & admiratione aspicio.

Fig. IV. ad pag. 31.

Vigore infiniti entis explicat li B. bon? . 7 peruti's
Aurea biblia . ve . ac . mo . te . appellat? . Vlm diligent p
Johānez zener de Rütlingen artificiali effigiat? ,
Anno legis grē . M . cccc . lxxv . die altera post viti &
modesti martirum Cui sit honor & gloria in secula
seculorū . amen . sic

G.L.O. . sc. I . ind .

qua Alberti Magni opus de mysterio Missæ, illum prodiisse, Joannis nempe Zeineri officina, sicuti uni etiam eidemque volumini cum isto opere inclusus est.

31. Rationale divinorum officiorum formæ maximæ.

In fine : *Rationalis presens divinorum officiorum liber capitalium decoratus venustate est rubricationibus accuratius distinctus per discretum Johannem Zeiner ex Rutlingen procreatum urbe Ulm commorantem cum diligentia impressus cum Trinitatis summe & individue adiutorio consummatus Anno Domini Millesimo quadringentesimo septuagesimo quinto die XVIII. Marcii.*

Literæ capitales in singulorum librorum primordiis non sunt calamo appictæ, sed e ligno sculptæ, quod & de cæteris Jo. Zeineri libris observandum. Signa chartariorum partim sunt rosa, partim uva (p).

32. „Liber manualis ac introductorius in Biblie historias figuras, que veteris ac novi testamenti peroptimus Aurea Biblia vocitatus.

Coronidem quam ævi incidi iussimus, libro imponunt hæc verba : *Vigore infiniti entis explicit liber bonus & perutilis Aurea Biblia veteris ac novi testamenti appellatus Ulm diligenter per Johannem Zeiner de Rutlingen artificialiter effigiatus. Anno legis gratie MCCCCLXXV. die altera post Viti & Modesti martirum cui sit honor & gloria in secula seculorum Amen. &c.* Fig. IV.

In præfatione Conventui Ordinis fratrum Eremitarum S. Augustini Neapoli inscripta, auctor se Antonium Ampigollum (in aliis editionibus

(p) Vid. SCHWARZII Tabulam, in qua exhibentur signa quædam artificum chartariorum, quorum chartis in excudendis libris frequentius usi sunt primi typographi Moguntini in III. Parte Document. de originie typogr. p. 41.

tionibus Rampigollum) ejusdem ordinis sodalem nuncupat. Omnes autem ceteros libros ante hunc annum ex officina Joannis Zeiner Ulmæ publicæ luci expositos pariter typis sculptis versatilibus fuisse excusos, jure censemus, cum illum a fufis typis æneis, ceu magis commodis & nitidioribus, ad molestiores minusque elegantes, e ligno, vel plumbo etiam, aut ære sculptos, reditum fuisse incredibile sit. Huc ergo etiam referimus Epistolam Franc. PETRARCHAE de insigni obedientia & fide uxoria Griselidis in Waltherum, & Jo. BOCCACII de claris mulieribus opus, quæ idem, teste MAITTAIRIO Annal. typ. Tom. I. p. 322. A. 1473. excudit: nec non Alvari PELAGII Compilationem de planctu ecclesiæ ab eodem A. 1474. impressam vid. SCHWARZII Indicem librorum sæculo XV. impressorum p. 108. sq.

33. „Horæ canonicae secundum chorum Ecclesiæ Augustensis.

Hic liber inscriptione plane caret, sed initium capeffit a verbis: *Dominica prima adventus super Psalmos &c.* Sub ejus vero calcem hæc leguntur: *Librorum horarum pars hyemalis cum omnibus novis historiis ejusdem partis secundum chorum ecclesie Augustens. finit feliciter &c. Per Johannem Bämmler Civem ibidem Anno MCCCC^o LXXIX^o III. Kal. Decembris.*

Supra ad num. 29. mirari me professus sum, Joannem Zeiner Reutlingensem Ulmæ adhuc fuisse characteribus sculptis solutilibus usum, cum tamen Guntherus Zainer, itidem Reutlingensis, ejus vel frater vel agnatus, antea jam Augustæ Vindel. libros typis fusilibus excuderit. Magis autem mirum, in eadem urbe Augustana anno adhuc 1479. Bämmlerum Horas hæcæ canonicas characteribus sculptis impressisse. Sed nonne idem usu venit in civitate Agentinensi, ubi Jo. Mentelius Vincentii Bellovacensis specula, vastum decem maximæ formæ voluminum opus, A. 1473. & sequentibus literis fufis excudit, Henr. vero Eggesteinus, Jeorius Hufnerus, Cephaleus Wolphius & Martinus Flachius eodem tempore libros typis sculptis exscribere, & anno adhuc 1478. Henr.

1870
1871
1872

1873
1874
1875

1876
1877
1878



Nota q̄ iste liber presupponit q̄ lecturus ipsum
utiliter fuerit iam per moralem philosophie conso-
lacionem instructus et imbutus. hominē preterea
requirit ociosum non ociose

Nota q̄ pro intellectu p̄cedētis dialogi q̄ Volu-
ter est intellectus discursiuus et racōinatiu⁹. cog-
natus est intellectus meditatiu⁹ et inq̄sitiuus.
Peregrin⁹ est homo cōtēplatiu⁹ simul et actiuus.

Consummatū ac cōpletū est hoc opus de solacio
ne theologie magistri Johānis gerson cancellarij
parisiensis ad laudem et gloriā dei et utilitatē le-
gencium. ac impressū per me Arnoldū ther hōenē
Qui vult ergo legat dñm post hoc benedicat. .:.



Henr. Knoblochzerus Processum judicarium Belial in fol. characteribus ex ære sculptis, non fuis impressit ? (†)

In Quarto.

34. » **T**ractatus pulcherrimus de Consolacione theologie eximii in
 „ sacra pagina professoris JOHANNIS GERSON Cancell.
 „ larii Parisiensis.

In fine hæc legitur subscriptio, miniatis typis impressa : *Consummatum ac completum est hoc opus de consolacione theologie magistri Johannis Gerson cancellarii Parisiensis ad laudem & gloriam Dei & utilitatem legencium ac impressum per me Arnoldum ther bornen. Qui vult ergo legat dominum post hoc benedicat.*

His verbis typographi, qui Coloniae officinam typographicam habuit, insignia rubro colore adjecta sunt. Supra jam num. 25. librum, ex ejus officina prognatum, recensui. Hujus autem Gerfo-Fig. V.
 niani tractatus ultimam pagellam æri incidendam curavi.

Hæc sufficiant, etsi non dubitem, me, si liberius mihi suppetet otium, in Bibliotheca nostra publica, libris ante annum MD. excusis egregie instructa, plures hujusce generis editiones, licet rarissimarum in censum referendas, reperturum.

Addo tamen, inter meas me reculas servare quosdam libros veteres Germanicos, itidem typis sculptis solutilibus exscriptos : c. c.
 1. *Das Buch Ovidii von der liebe zu erwerben, auch die liebe zeverfchmeben als Doctor Hartlieb von Latein zu Teutsch gebracht hat durch bete und Geschäfte eines Fürsten von Oesterreych.* in fol.

E

2. Des

2. *Des Durchleuchtigen Wolgebornen Graven Flavii Vegecii Renati Kureze red von der Ritterſchafft zu dem grosmechtigſten Kaiſer Theodoſio ſeiner Biecher vierer* cum figuris. in fol. min. vel quart. maj. Hæc eadem videtur editio, quæ olim exitit in Bibliotheca Seideliana Berolini. Iisdem enim gaudet antiquitatis characteribus, quos descriptos vides in FABRICII Biblioth. Lat. Vol. III. p. 134.

3. *Das Büchlin von dem ſterbenden menſchen, das einem jetlichen Menſchen gar nütze und ſeiner Sel beyßſam iſt an ſeinem leßten ende.* cum fig. in 4. &c.

Omnes autem libros, quos hæcenus recensui, typis haud fuſis, atque ex una matrice veluti prognatis, ſed ſingulatim ſculptis, excuſos eſſe perſuaſum mihi habeo, quia nulla fere litera, etſi ſæpius in una pagina recurrens, ſibi ſatis & omni ex parte eſt æqualis, ſicuti typi ex una matrice fuſi eſſe ſolent: quod non meum tantum eſt iudicium, ſed amici etiam eruditi, qui perſpicaciſſimis illos oculis perluſtravit.

Miror, MAITTAIRIUM, ſolertiſſimum Annalium typographi-
corum conditorem, quantum memini, nuſquam de libris huiusmodi,
qui typis ſingulariis e ligno vel ære ſculptis, excuſi ſunt, ex inſtituto (*)
egiffe,

(*) Ex inſtituto, inquam, quod in Annalibus typographicis fieri de-
cuſſet. Binis autem verbis typorum ligneorum mobilium memi-
nit Tom. I. p. 32. edit. I. Jll. SCHOEPLINUS in Vindic. typogr.
p. 77. ſq. TRITHEMIUM ait in ſua de typographia inventa rela-
tione ſingularium literarum ſculpturæ plane nullam feciſſe mentio-
nem, atque adeo putaſſe a tabulis ſculptis ad fuſiles typos Gutten-
bergium Moguntiæ ſubito tranſviſſe. Mihi vero alia animo ſedet
ſententia. Cum enim ille in Annalibus Hirſaugienſ. T. II. p. 421.
tabularum lignearum meminifſet, ita pergit: *Poſt hæc inventis ſuc-
ceſſerunt ſubtiliora, inveneruntque modum fundendi formas omnium La-
tini Alphabeti literarum, quas ipſi matrices nominabant, ex quibus
rurſum æneos ſive ſtanneos characteres fundebant, ad omnem preſſuram
ſufficiunt*

egisse, vel eos in recensendis priscis editionibus ab aliis distinguisse: atque hac occasione annoto, quod hactenus nemini animadversum opinor, duas operariorum & tyronum migrationes e typographico Moguntino contigisse, unde veluti coloniarum quardam typographorum in alias regiones & urbes deductæ sunt, unam videlicet A. 1455. eorum, qui a partibus Gutenbergii stabant, acerbè ferentium, cum a Fausto injuria apparatu suo typographico spoliatum, alteram A. 1462. Moguntia ab Adolpho Electore per insidias capta, direpta & misere vastata. Ab illis modus libros typis ex ligno vel ære sculptis excudendi in alias urbes propagatus, ab his typi fusiles usurpati. Hinc constat ratio, quare editiones quorundam tam invenustæ, rudes atque inconcinne existant, quia nimirum nonnulli, cum Moguntia, antehac nihil tale opinantes, aliorum dilaberentur, artis nondum satis periti, vel etiam pecunia, optimo illo rerum feliciter gerendarum nervo, destituti erant.

E 2

OBS.

sufficientes, QUOS PRIUS MANIBUS SCULPEBANT. Ultima hæc verba de typis sculptis mobilibus accipienda esse cum præstantissimo KOELERO cenfeo. Narrans scilicet TRITHEMIUS, inventum tandem fuisse modum fundendi formas omnium Latini Alphabeti literarum, matrices nominatas, ex quibus rursum ænei sive stannei characteres fusi sint, ad omnem pressuram sufficientes, adjecit, quos (characteres) *prius* manibus sculpebant, innuens nimirum ante matrices excogitatas characteres prius manibus fuisse singulatim sculptos. Vide, si placet, meam de antiquissima Lat. Bibliorum editione Diatribam. p. 24.



OBS. IV.

DE

LIBRIS IN PRIMA MOGUNTIAE
TYPOGRAPHIA IMPRESSIS, ET
VETUSTIS QUIBUSDAM MISSA-
LIBUS &c.

Locupletissimum indicem librorum in prima Moguntiae officina typographica excusorum accuratae industriae C. G. SCHWARZII (q) acceptum grati referimus. Ego jam tres tantum, qui Viri praestantissimi diligentiam fugerunt, tenuis spicilegii instar adjiciam.

Nihil enim dicam de antiquissimis Bibliis Latinis, typis grandioribus & crassioribus, qualibus vetusta Missalia imprimi solebant, excusis, cum de illis singulari diatriba ex instituto egerim.

De Psalterio duplici vice Moguntiae, A. nempe 1457. & 1459. typis ligneis mobilibus impresso, jam Vir laudatus differuit (*). Addere tamen quaedam ex egregia epistola literatissimi Bibliothecarii Genevensis (r) juvat: *Mon Ami m' apprend encore qu'ils n'ont plus à Mayence le Pseautier de 1457. qui est le premier Livre imprimé dans leur Ville, portant une date certaine.*

Mr.

(q) vid. ejus Primar. Document. de origine typographiae, Part. II. p. 4. sqq.

(*) l. c. p. 7. sq.

(r) *Nouvelle Bibliothèque Germanique*, Tom. IX. p. 391. sq.

Mr. de BOZE en possède un Exemplaire, dont il a donné la Notice dans le XIV. Volume des Mémoires de Littérature. Il est depuis bien des années dans la Bibliothèque de l'Empereur, & il a passé pour unique pendant long tems; mais il y a douze ou treize ans qu'on en trouva un autre Exemplaire dans l'Eglise Collegiale de St. Victor de Mayence, qui avoit été oublié dans une armoire de la Sacristie. Un Ami de Mr. de BOZE, qui se trouva alors à Mayence, fut l'acquérir & le lui procurer, quoique ce fût l'unique qui restoit dans cette Ville. On n'y voit plus que la 2. de Edition, faite avec les mêmes Caractères de bois en 1459. dont les Bénédictins & les Chartreux se servent actuellement pour l'Office. Ne vaudroit-il pas mieux le conserver précieusement dans la Bibliothèque, que de l'user ainsi sans nécessité? Mais il ne paroît pas que l'on soit fort curieux à Mayence de ces premiers Essais de l'Imprimerie, qui cependant illustrent leur Ville plus que toute autre chose.

Est mihi ex ipsis R. P. Prioris literis exploratum, Carthusienses Moguntinos extra mœnia civitatis non unum duntaxat (†), sed tria exemplaria Psalterii A. 1459. typis exscripti in usum chori sui possidere, singula haud dubie membranacea: alias enim ætatem non tulissent, sed diuturno ulu pridem fuissent detrita & consumpta.

Verum en tibi jam tres illos libros, qui in SCHWARZII indice desiderantur.

I

AUGUSTINUS DE VITA CHRISTIANA in 4. fine loci annique indicio, paginis haud numeratis, nec signaturis & custodibus, quos vocant, adjectis.

E 3

In

(†) Unius meminit SCHWARZIUS in Documentis de Orig. typogr. Part. II. p. 8. idque membranæ impressum esse refert.

In calce hæc verba exstant : *Explicit liber beati Augustini de vita Christiana. Hec faciendo quisque vitam obtinebit eternam.* Addita sunt rubro colore insignia Fauſti & Schœfferi, quæ officinam, unde profectus est hic libellus, fatis produnt. Prima ejus verba sunt : *Ego Augustinus primus peccator & ultimus insipientiorque ceteris & imperitior univerſis &c.* Hujus editionis meminit Theophilus Sincerus, vel potius Ge. Jac. SCHWINDELIUS in Notitia historico-critica librorum veterum rariorumque, Vol. I. p. 37.

Aliud Augustini opusculum DE VERAE VITAE COGNITIONE, nota anni locique similiter destitutum, sed scutulis Fauſti & Schœfferi in fine ornatum, recensuit SCHWARZIUS l. c. Part. II. p. 21. de quo, cum muhmetipſi etiam ad manus ſit, nonnihil addere juvat.

In fronte comparent ſequentes verſiculi :

*Augustine pater, aquilino more Jobannis
Ingenii velis petis alta recondita celis
Inde venis lucens lucem cunctisque revelans
Quam dum continuo patulam factis (l. facis) eſſe libello.
Non capit banc totam ſimul omnia mens relegendo
Eſt opus ergo pium membris diſtinguere totum
Luceat ut facile pia mens quodcunque requirit
Hinc memor eſto tui memoris precor alme pater te
Tecum luce frui mihi det lux optima per te amen.*

Proœmium libelli ſic incipit : *Sapientia dei qui os muti aperuit & rudibili animali humana verba formare tribuit &c.* Typis iisdem, quibus Durandi Rationale & Ciceronis Officia, excuſus eſt, atque hinc inferſt SCHWARZIUS, cum iſtis operibus ætate ſi non præferendum, certe æqualem eſſe habendum. Fortaſſis ergo fuit primum eximiæ artis,

tis, libros typis fustibus imprimendi, experimentum, libellus extremam sane antiquitatem typographicam sapiens.

II.

MISSALE ECCLESIAE MISINENSIS A. 1485. in fol.

„Sub ejus finem hæc leguntur : Cum in Diœcesi Myfinensi esset
 „magna penuria Codicum missalium secundum ordinationem ecclesiæ
 „Misinensis : lidem magna ex parte corrupti ac depravati essent : reve-
 „rendissimus Dominus de Weissenbach memoratæ ecclesiæ episcopus
 „animadvertens officii sui esse ejusmodi penuriæ occurrere atque provi-
 „dere ut ex facili codices quam emendatissimi haberi possent, provi-
 „deque in eam rem intendens, ut & optime emendarentur, & emen-
 „dati imprimerentur curavit. Ex auctoritate itaque & jussu suo atque
 „expensis presens opus Missalium secundum rubricam ecclesiæ Mysinen-
 „sis castigatum atque emendatum prius impressum per Petrum Schoiffer
 „de Gernsheim in nobili civitate Moguntina hujus impressoriæ artis in-
 „ventrice climatriceque prima anno incarnationis dominice millesimo
 „quadringentesimo octuagesimo quinto XXVII. die Mensis Junii felici-
 „ter est consummatum. (s) “

III.

*ORDNUNG DER ROMIS. KO. MAI. CAMMERGERICHT
 mit allen seinen Punkten und Artickeln, wie das dan uff der Versammlung
 des heiligen Reichstag zu Worms im Jar M. CCCC. XCV. durch unsern
 allergnedigsten hern Maximilian Rom. Ko. die Churfürsten, Fürsten, und
 gemeyn Versammlung des heiligen Reichs geordnet, gesetzt, und beschloßen
 ist. in fol.*

*In fine : Geendt und getruckt zu Mentz durch Peter Schaffer von
 Gernsheim Buchtrucker &c. uff Montag nach Michaelis im XCV. Jar. (t)
 MAIT-*

(s) vid. WILISCHII Arcana Bibliothecæ Annæbergenf. p. 113.

(t) vid. Weislingeri Armamentarium Catholicum p. 639.

MAITTAIRIUS (u) & SCHWARZIUS (x) post annum 1492. quo Chronicon Saxonum (*Cronik der Sassen*) fuit impressum, nullum amplius librum, a Petro Schœffero Moguntiae excusum, se reperire potuisse fatentur. Nescio autem, qui factum sit, ut Berchtholdus Archiepiscopus & Elector Missale ecclesiae Moguntinensis A. 1497. typis non Schœfferi, e cujus officina tamen Missale Misenense A. 1485. prodit, sed Petri Drach, typographi Spirensis, excudendum curaverit. Hoc nuperrime ex Bibliotheca quondam Schilteriana in meam pervenit, luculento charactere in fol. maj. impressum, cujus, MAITTAIRIO aliisque ignoti, in fine hæc rubris characteribus excusa leguntur: „Mag-
 „na Missalium librorum penuria secundum ordinationem sive rubricam
 „ecclesie Maguntine existente eisdemque codicibus magna ex parte cor-
 „ruptis depravatisque Reverendissimus in Christo pater & Dominus.
 „Dominus Bertoldus Archiepiscopus Maguntinen. prefato defectui oc-
 „currere cupiens: sui que officii esse ut ejusmodi libri quam emendatissi-
 „mi haberentur animadvertens in hanc ordinationem imprimi providit.
 „Ad cujus Reverendissimi in Christo patris & Domini, Domini Ber-
 „toldi archiepiscopi decorem & reverentiam ejusque devoti cleri pre-
 „sens hoc missale divinorum officiorum denuo revisum, nec non in
 „compluribus locis castigatum non parvis impensis honesti domini Petri
 „Drach viri consularis civitatis Spiren. Anno nostre salutis M. CCCC.
 „XCVII. secundo nonas Septembrias feliciter est consummatum. „ Ad-
 jecta sunt typographi Spirensis insignia.

Citra dubium interea agere inter homines desuit Petrus Schœfferus, cui in officina quidem successit Joannes filius, a quo vero nullus, quantum quidem constat, liber ante A. 1503. impressus habetur. Is tamen deinde duplici vice A. nimirum 1507. & 1513. Missale Moguntinense excudit (y).

Liceat

(u) Annal. typogr. Tom. I. p. 4. edit. II.

(x) l. c. p. 43.

(y) vid. Prosp. MARCHAND *Histoire de l'Imprimerie* p. 48. sq.

Liceat hac occasione Missalibus & Psalteriis antiquis, in Diatriba mea p. 10. sq. commemoratis, ad supplendos annales typographicos quædam hujusce generis, tum mihi non observata, ex bibliotheca nostra publica adjungere.

I.

„OBSEQUIALE collectum ex diversis, presertim secundum Ec-
clesiam Augustensem Provincie Maguntinensis „ typis missalibus in 4.

Epistolam in hujus editionis laudem ad Erhardum Ratdolt, typographum Augustanum, præmisit Adolphus OCCO, Frisius, Friderici Episcopi August. Archiater, quam excipit hoc decastichon.

Aspicias hos libros Christi quicumque sacerdos:

Erhardus Ratdolt quos tulit arte sua.

Grato animo accipias: usum ritumque sacrorum

Si vera Christi religione petis.

Preful Johannes pridem hoc monuit memorandus:

Cujus in ethereis sedibus umbra manet.

Hoc quoque successor Fridericus episcopus illi

Fussit consimilis moribus ore fide. |

Sume igitur librum hunc: sacris depromere chartis

Quo populo & superis officium valeas.

Finem libri facit hæc rubrica : „Obsequialis secundum dicentis Augusten. morem apprime laudabilem opusculum pro sacramentorum & sacramentalium administratione necessarium: & ad veterum exemplarium instar fideli studio vigilantique cura emendatum atque revisum „explicit feliciter : Erhardi Ratdolt Augusten. viri solertis eximia „industria : & mira imprimendi arte : qua nuper Venetiis : nunc

„Auguste excellit nominatissimus. Cal. februarii Anno salutis
 „M. CCCC. LXXXVII.

„Laus Deo & Virgini dive.

II.

„OBSEQUIALE five Benedictionale secundum Ecclesiam Aug-
 „gustensem. Idem liber in 4. Præfationis loco hæc præmissa sunt:
 „Cum jam dudum ex mandato Reverendissimi in Christo Patris &
 „Domini Friderici episcopi Augustenn. Circumspectus vir Erhardus
 „Ratdolt obsequialia ejusdem diocesis summa cura & vigilantia im-
 „primi fecisset. Videns vero predictus Erhardus ea que dudum im-
 „presserat clero non sufficere: sciens in hoc rem gratissimam religioni
 „deditissimo episcopo & presbiteris ejusdem diocesis maxime curatis
 „admodum necessariam facere si sua opera atque diligentia defectum
 „earundem suppleret. Quare majori cura & exactissima diligentia
 „hec que cernis de novo & perpolito caractere imprimi curavit.
 Adjecta sunt Episcopi Augustensis insignia, ligno incisa.

Coronidem constituit hæc rubrica: „Obsequiale secundum ritum
 „Ecclesiæ Augustens. impressum per Erhardum Ratdolt explicat felici-
 „ter XXVI. die Nov. anno Christi LXXXIX. „ eandemque ornant in-
 signia typographi, præfixo disticho:

*Erhardi Ratdolt felicia conspice signa
 Testata artificem, qua valet ipse manum.*

III.

MISSALE AUGUSTANUM nitide impressum, A. 1496. in
 fol.

In principio exstat Mandatum Friderici Episcopi Augustani ex
 Comitibus in Zollern ad omnes suæ Dioceseos sacerdotes, quibus
 huius

hujus Missalis usum imperat. In fine hæc leguntur : *Liber Missalis secundum ritum ecclesie Augustens. per Erbardum Ratdolt mira imprimendi arte, qua nuper Veneciis, nunc Auguste Vindelicorum excellit nominatissimus Auguste impressus fuit feliciter Anno Domini M. CCCC. XCVI. IIII. Idus Junii.* Tandem conspiciuntur typographi insignia, præmisso eodem disticho.

Mirari subit J. A. FABRICIUM, Virum post fata etiam desideratissimum, qui in Bibliotheca Latina mediæ & infimæ ætatis, Vol. I. p. 748. sqq. Breviaria variarum Ecclesiarum longo ordine recensuit, Missalia plane silentio præterisse.

IV.

PSALTERIUM typis missalibus excusum Lipsiæ An. 1505. in 4. cujus in calce hæc exstant : *Psalterium Davidis, adjunctis hymnis, felicem habet finem, opera & impensis Melchior Lotters, ducalis opidi Liptzens. concivis, Anno Millesimo quingentesimo quinto pridie Idus Julii.*

Hoc Psalterium incognitum erat non MAITTAIRIO tantum, sed & ipsi diligentissimo Annalium typographiæ Lipsiensis conditori, Jo. Henrico LEICHTIO, & Jacobo LE LONG, Bibliothecæ sacre auctori perindustrio.



OBS. V.

DE

ULRICO ZELLIO PRIMO TYPOGRAPHO COLONIENSI.

Vetustus Chronographus Colonienfis ex ore Ulrici Zellii, testis coævi, sinceri, rerum probe conscii, atque adeo fide digni, retulit,

tulit, Moguntia artem typographicam primum ab ipso Zellio, Gutenbergii discipulo, delatam esse Coloniam, deinde Argentinam, & posthac in alias etiam civitates migrasse.

Hoc assertum profigituri Viri, dum viverent, literatissimi KOELERUS & Davides CLEMENS objecere, librum ex Zellii officina emissum haud antiquiorem exstare Gerhardi Hardervicensis Commentariis in Logicam Aristotelis, anno demum 1494. excusis, cum Petrus von Olpe jam An. 1470. Coloniae auctoritates decretorum imprefferit (*): praeterea Mentelium Biblia Germanica An. 1466. jam Argentinæ typis excrispisse. Sed in Diatriba mea de antiquissima Latinorum Bibliorum editione, ceu primo artis typographicae foetu, & rariorum librorum Phoenixe p. 28. protuli ego librum, quem prælo Zellii acceptum ferimus, illis Gerhardi Hardervic. Commentariis longe vetustiores, Robert-

-
- (*) Ulterius progressus Ill. SCHOEPLINUS, Zellium nostrum in Vindic. typogr. p. 77. in annum demum 1499. rejecit, ac inde Chronographo Colonienſi omnem in hac causa fidem abjudicavit, scribens: *Ulricum Zellium, qui floruit Colonia An. 1499. primum dicit (Chronicon Colonienſe) typographum illius urbis, quum tamen An. 1470. in ea jam libros imprefferit Petrus de Olpe. In domesticis rebus errans, in exteris num oculatior credendus!* Qui anno jam 1472. Coloniae librum primæ magnitudinis typis excudit, recte dici non potest demum ibi An. 1499. floruisse. At Roberti de Licio Sermones, qui sexto decimo Kal. Februarii i. e. decimo septimo mensis Januarii die An. 1473. Coloniae ex officina Ulrici Zellii prodierunt, anno jam 1472. sub ejus prælo sudarunt, id quod in Diatriba mea p. 28. demonstravi. Non igitur ita erravit in domesticis rebus Chronographus Colonienſis, ut hinc juste inferri possit, in exteris eum multo minus oculatum fuisse. Ejus libri notitiam ex Adami Henr. LACKMANNI Annalium typogr. Selectis quibusdam Capitibus pag. 112. sq. hausi. At hæc ipsum etiam Virum celeberrimum præ manibus habuisse ex Vindic. typogr. p. 26. apparet. Auctoritates decretorum haud. A. 1470. sed 1471. die Lunæ 23. Jun. ex typographia Petri de Olpe primum in lucem prodiiſſe, testatur MAITTAIRE Annal. typogr. Tom. I. p. 94. edit. I. & pag. 305. edit. II.

berti nempe de Licio Sermones, sub anni 1473. auspicia ex ejus officina evulgatos.

Ad Biblia autem illa Menteliana quod spectat, interim nos Ill. SCHOEPFLINUS ex oculari lustratione edocuit (z), temporis & impressoris notitiam in fine non ipsum Mentelium typis expressisse, sed Calligraphum, literas capitales & rubricas totius libri quum coloribus scriberet, calci ejus rubro hæc subjecisse colore: *Explicit liber iste Anno Domini Millesimo quadringentesimo sexagesimo sexto formatus arte impressoria per venerabilem virum Johannem Mentell in Argentina.*

Idem primum librum Argentinæ impressum, cui typographi nomen, locus impressionis & annus adjecti sunt typis, ex Henrici demum Eggesteinii prelo 1471. prodierit, nempe Gratiani Decretum, literis sculptis excusum, memorat (a).

Quicquid vero sit, ego fidem Zellii & Chronographi Colonienfis satis vindicasse mihi videor in mea Diatriba, pauca nunc ibi dictis adjecturus.

Joannes Koelhof de Lubeck inter primos fuit, qui typographicam artem Coloniae exercuerunt, cum anno jam 1470, ibi Bartholomæi Anglici opus de proprietatibus rerum excuderit (†). Hic typis suis sumtibusque Chronicon illud Coloniense, vernaculo sermone scriptum, in lucem plus semel dedit (*), haud sane passurus, honorem illum a Zellio sibi aliisve eripi, nisi res fuisset testatissima, cum primum artem typographicam Moguntia Coloniae detulisse.

Relatio autem illa non Chronici duntaxat istius editioni anni 1499. sed prioribus etiam inserta fuisse videtur. In ea certe, quæ

F 3

An.

(z) in Vindiciis typographicis pag. 42.

(a) l. c. pag. 44.

(†) teste MAITTAIRIO Annal. typogr. Tom. I. p. 296. edit. II.

(*) Imo non desunt Viri docti, qui Koelhofum tanquam illius Chronici auctorem allegant. vid. Biblioth. Rinckian. loco mox citando.

An. 1494. lucem (*) vidit, illam jam legi, ex Jo. Christoph. MYLII Memorabilibus Bibliothecæ Academicæ Jenensis p. 209. patet, cui integra narratio notatu dignissima præ omnibus aliis de inventione artis typographicæ relationibus historicis maximam fidem mereri visa est.

Hac occasione veluti in transitu annotare juvat, Euchario Gottlieb RINCKIO, celebratissimi nominis viro, judice (b), hoc Chronicon, quod præstantissimum appellat, inter quatuor illa antiquissima, Hartmanni nimirum SCHEDELII, Norimb. A. 1493. impressum, Saxonicum Moguntia A. 1492. editum, & Suevicum a Thoma LYRER compilatum, ac Ulmæ A. 1486. excusum, eminere, & raritate præ reliquis sese commendare.

Cæterum Diatriba mea publicæ jam luci exposita, ex Viri Illustris Val. Ferd. de GUDENUS Recensu Codicum sub incunabula typographiæ excusorum, qui Moguntia in R. Capituli Metropolitanæ Bibliotheca latitant (c), liber mihi innotuit, cujus in fine hæc leguntur: *Summaria pariter & Conclusiones Sexti (Decretalium) accurate & compendiose ex Doctoribus circa eundem scribentibus, per honorabilem Virum D. Johannem Kælner de Vanckel, artium liberalium Magistrum, Juvis utr. Doctorem virum peritissimum, in florentissimo Studio COLON. collecta, anno gratiæ MCCCCLXV. in vigilia purificationis B. Dei genitricis Mariæ Virginis gloriosissime impressa, finem acceperunt feliciter.*

Hic liber, si cuncta rite se habent, omnium antiquissimus est, qui post inventam artem typographicam extra Moguntiam anno editionis adjecto impressi fuerunt. E carceribus enim præli, haud dubie Coloniensis, An. 1465. in vigilia purificationis Mariæ, h. e. ipsis Calend. Febr.

(*) conf. WOLFII Monument. typogr. P. I. p. 410.

(b) vid. Biblioth. Rinckian. p. 426.

(c) ejus Syllogæ I. variorum Diplomatariorum, monumentorumque vett. ineditorum inserto. p. 402.

Febr. emissus, atque adeo jam An. 1464. excudi coeptus, ætate superat Lactantium in Monasterio Sublacensi anno eodem antepenultima Octobris die editum, qui hætenus pro omnium primo (*) habitus fuit libro, extra Moguntiam. typis exscripto, annique & loci nota insignito. Isthoc vero Kœlneri opus excudisse Zellium, qui primus artem typographicam Coloniae exercuit, censeo, ipso illius Viri boni ac fide non indigni testimonio permotus, quod ex ejus ore acceptum approbavit Chronographus Coloniensis, rei veritatem explorandi opportunitate haud destitutus, cuique hoc ipso Kœlhofius, typographorum Coloniensium facile princeps, album adjecit calculum, quod Chronicon illud repetitis vicibus ex officina sua in dias luminis auras, relatione illa nequaquam expuncta, vel obelo notata, emisit.

Nondum fane me eorum poenitet, quæ in Diatriba mea p. 31. cum Lactantii in Monasterio Sublacensi An. 1465. typis excusi, aliarumque vetustissimarum editionum mentionem fecissem, scripsi: *Quid vero, si dixerò, testimonio boni Viri nixus, ante omnes has editiones, vel eodem saltem tempore Zellium nostrum Coloniae nonnulla excudisse, quæ vel plane interciderunt, vel adhuc alicubi latent, vel nomine, loco & anno tacito, prodierunt, cum haud pauci adhuc supersint libri, omnibus primæ antiquitatis notis insignes, sed typographi, loci ac temporis indicio destituti? qui mos Zellio præsertim nostro familiaris fuisse videtur, cujus nomen pauculi admodum libri adscriptum habent, cum tamen artem suam Coloniae tam longo temporis spatio exercuerit.*

OBS.

(*) Sibilo enim, vel scutica potius, excipiendus est infamis ille impostor, qui nescio cujus Helwici librum de exemplis & similitudinibus rerum in Monasterio Sublacensi A. 1464. excusum esse dolose effinxit. vid. CLEMENT. *Biblioth. cur. hist. & crit.* Tom. IX. p. 380. sq.

OBS. VI.

DE

CONR. SCHWEINHEIM ET ARN.
PANNARZ PRIMIS TYPOGRAPHIS
ROMANIS.

Fato literis propitio factum est. ut mature satis typographia e Germania Romam deferretur. In illa enim civitate optimi, publicaeque luce dignissimi auctores, quos Vaticana potissimum Bibliotheca asservabat, in promptu erant, nec deerant Viri ingenio & doctrina excellentes, quorum ope & consiliis nobile illud Germanorum institutum felicissime promoveri poterat.

Laudibus inprimis cumulandum est studium Joannis ANDREÆ, Episcopi Alerienfis, & Vaticanæ Bibliothecæ Secretarii, Viri bono publico nati, (*) qui non scripta modo præstantissima ex illa Musarum æde lubens istis subministrabat, verum prælo etiam eorum, in amplo licet honorum gradu positus, præesse, utque illa, quantum fieri poterat, emendatissima in lucem prodirent, omni nisu curare haud dedignabatur.

Illi autem sciti librorum imprimendorum artifices, qui primi Romæ ac in Italia divinam artem exercuere, fuerunt Conradus Schweinheim

(*) De ipso vid. Philippi BONAMICI, qui vero eum minus recte Jo. Antonium vocat, Lib. de claris pontificiarum epistolarum scriptoribus, p. 201. sq. unde discimus, illum de BUXIS cognominatum, patria Viglevanensem, mortuum esse An. 1475. prid. Non. Febr. cum vixisset A. 57. m. 6. d. 12.

heim & Arnoldus Pannarz, inſigne Germanorum par, quorum ille cognomen ſuum haud dubie iſtius ævi more a natali ſolo adſcivit, cum Schvveinheim villa ſit territorii Moguntini, quæ hodie vocatur Schvvanheim, quod obſervavit SCHWARZIUS Parte III. Document. de origine typogr. p. 7. Utrumque ex Fauſti & Schoëfferi officina prodiſſe, quis ambigat?

Antequam ipſam adirent Romam, aliquantiſper in Monasterio Sublacenſi ſubſtitere, utpote quod ea tempeſtate Monachi Germani, teſtante Card. QUIRINO, incoluere. Ibi A. 1465. Laſtantium, Cicero-nem illum Chriſtianum, ceu artis ſuæ primitias, in manus hominum eruditorum felici aſpicio dederunt. Nam licet in illa principe editio-ne (†) nomen typographi expreſſum haud ſit, noſtris tamen eam ac-ceptam eſſe referendam, nos dubitare non finit teſtimonium, omni exceptione majus, Jo. ANDREÆ, Alerienſis Epilcopi, qui in epiſtola, Laſtancio Romæ per eodem Anno 1470. excuſo præmiſſa, his inter reliqua verbis ad Paulum II. utitur : *Sumant igitur ſtudioſi ab Te hoc tempore per noſtros ingenuos opifſces Laſtantium Firmianum ſemel ab iis, iterumque inpreſſum prius, nonnullis in locis proſecto veriorum.*

Duæ vero duntaxat hanc præceſſerunt Laſtantii editiones, pri-ma in Monasterio Sublacenſi A. 1465. altera Romæ A. 1468. curata. Cumque Auguſtinus de Civitate Dei A. 1467. ſine loci ac typogra-phi indicio iisdem, quibus Laſtantiuſ, typis ſit exſcriptus, illum pa-riter in Monasterio Sublacenſi per eodem inpreſſum eſſe, nemo fa-cile in dubium revocabit. Primus liber, quem poſt Donatum vel rudimenta grammatica luci data, Romæ A. 1467. excuderunt, erant Ciceronis epiſtolæ familiares.

Nitidiſſimas eſſe eorum editiones, ſive chartam, ſive typos, eoſque fuſiles, conſideres, eo confidentius aſſeverare poſſum, quod ante oculos mihi ex Bibliotheca noſtra publica verſatur BESSARIO-
G NIS

(†) Perperam in Catal. Biblioth. Huſſianæ Tom. I. p. 17. editio Roma-na A. 1468. pro omnium prima venditur.

NIS, Cardinalis Sabini, & Patriarchæ Constantinopolitani, opus adversus Calumniatorem Platonis, ab iis sine anni quidem indicio impressum, quem tamen fuisse annum 1469. suo loco demonstrabo.

Singulare illis est, quod semper *f* longum in vocum sine usurpent, & literæ *i* supernum punctum haud impriment. Luculentus ille literarum character, quo primi usi sunt, cum Moguntini Semygothico uterentur, a loco, ubi sedem fixerunt, *Romani* nomen accepit, quem ad eorum exemplum in Germania, quod ego quidem sciam, primus usurpavit Gintherus Zainer, typographus Augustanus, in Isidori Originibus A. 1472. excudendis.

Cæterum, ut verbis MAITTAIRII utar, Græcæ eorum literæ, quibus apospasmata auctoribus Latinis inspersa expressere, sunt grandiore aliquantulum specie, æquabili & rotundiore formatura, planoque & nativo ductu effictæ, nudæ prorsus, & omni accentuum spirituumque apparatu destitutæ, seorsim singulæ, ac nullis ligaminibus inter se cohærentes, nullaque abbreviandi artificiosa methodo confictæ: nihil omnino lectionem reddit perplexam, nisi quod plures aliquando voces nullo interjecto spatio continuatæ, & periodi nullo sæpe aut perperam interposito puncto distinctæ, lectorem, ubi finito sensu subsistat, dubium (nisi qui Manuscriptis assueverit) aliquantisper retardent.

Cunctas eorum editiones esse longe rarissimas, ac inter illustrium Bibliothecarum cimelia referendas, ipsa teste experientia, nemo rerum intelligens diffitebitur (††): copiosa itaque illarum recensio omnibus, quibus literæ curæ sunt cordique, non potest non esse gratissima.

Quum

(††) Toutes les Editions de Rome imprimées chez Conrad Schweinheim & Arnold Pannarz sont d'une grande rareté. Celles-là sont sur tout extrêmement rares, dont il n'a tiré que 275 Exemplaires, judice Davide CLEMENTE Tom. IX. de la Biblioth. Cur. & bistor. p. 115.

Quum nostri Germani typographi Romæ feliciter nati fuerint Mæcenates par nobile fratrum, Petrum & Franciscum de Maximis, in quorum domo præla sua collocare ipsis licuit, observo, Maximorum familiam inter antiquissimas Urbis referendam, eorumque ædes, picturis, statuis & Codicibus MSS. superbientes, sub nostri, quod vivimus, sæculi auspicia Musis Gratisque jucundum adhuc præbuisse hospitium, cujus rei testis est ocularis Bernh. MONTEFAUCONIUS in Diario Italico p. 255.

Est mihi in promptu opus splendidum, tabulis æneis constans, & hoc titulo insignitum: *Palazzi di Roma de piu celebri Architetti disegnati da Pietro Ferrerio Pittore & Architetto. Si vendono per Gio. Giacomo Rossi all' insegna di Parigi alla Pace. in folio oblongo. In illo exhibetur etiam tabula ænea Palatii Maximorum, cui hæc verba subiecta sunt: Il famoso Palagio de SS. Massimi alla Valle Fu Architettura del celebre Pittore & Ingegniero Baldassare Peruzzi de Siena nel MDXXXII.*

Addo, quæ de hoc insigni Maximorum palatio commemorantur in libro, cui titulus est: *Ritratto di Roma moderna*, p. 239. edit. Rom. A. 1652. in 8. Qui appresso (scilicet prope ædem S. Pantaleonis) e' l' nobil palazzo dell' Illustrissima fameglia de Massimi, & ha portico adorno di colonne di pietra, con vaghi stucchi, architettura mirabile di Baldassar da Siena; oue in poco spatio sono tre Cortili, ha chiari lumi, molti bassi relieui, belle statue, e vaghe fontane; e nelle stanze vi si vedono superbissimi quadri, e le pitture ne' muri sono di Daniele da Volterra. E nelle case di Pietro de' Massimi gia nel 1455. sotto Nicolæ V. fu la prima volta esercitata in Roma l' arte maravigliosa detta Stampa; & i primi libri, che qui uscirono alla luce, furono Sant' Agostino della Citta di Dio, e Lattantio Firmiano.

Scribere debuisset auctor non anno 1455. sub Nicolao V. sed A. 1467. sub Paulo II. primum Romæ in domo Maximorum exercitam fuisse artem typographicam. Lactantius vero & Augustinus de

civitate Dei, quos primos typographiæ Romanæ foetus nuncupat, ante jam in Monasterio Sublacensi excusi fuerunt. Utrumque autem deinde uno eodemque anno 1468. Romæ Germani nostri typographi recuderunt, cum ante jam ibidem A. 1467. Ciceronis Epistolas familiares impressissent.

Quod superest, operæ pretium mihi videtur, integram hic, excepta librorum ab artificibus nostris ad annum usque 1472. impressorum designatione, ab Eminent. Card. QUIRINO jam suo loco recitata, repetere (*) Joannis ANDREÆ, Præfulis Alerienfis, ad Sixtum IV. Pontificem epistolam, Tomo V. Nicolai Lyrani Annotationum in divinum Codicem præfixam, cum Noster duo tantum fragmenta ex illa exhibuerit, qua lecta mecum omnes literarum amantes inquam typographorum, de orbe erudito immortaliter meritorum, sortem fatique, quam experti sunt, inclementiam dolebunt. En ergo tibi illam:

„ Communis ac trita olim inter gentiles opinio fuit, Beatissime
 „ Pater XYSTE IIII. Pontifex Maxime, cetera Diis, Deos ipsos,
 „ duodecim etiam illos principes, selectos & magnos appellatos, uni
 „ necessitati continuo paruisse. Eam enim inter numina omnia absque
 „ provocatione imperiosum exercuisse magistratum. Id ne inter Chri-
 „ stianos quoque vere dici censeatur, tua potissimum sapientia clemen-
 „ tiaque occurri potest, & ut digneris misericorditer occurrere, ser-
 „ vuli tuæ sanctitatis Conradus Suveynhem & Arnoldus Pannarts, im-
 „ pressores nostri, ac utilissimæ hujus fîctoriæ artis primi in Italia opi-
 „ fices, maximi in urbe operarii, ante sanctissimos tuos pedes terram
 „ vestigiis tuis impressam deosculantes, implorant. Namque ego ipse,
 „ creatura tua, cæteras epistolas proprio, hanc illorum nomine &
 „ decessoris antea & postmodum tuo numini divino inscripti. Vox
 qui-

(*) ex BOXHORNII Diff. de typographicæ artis inventione, WOLFH Monument. typograph. Part. I. inserta, p. 859. sqq.

„quidem impressorum sub tanto jam chartarum falce laborantium, &
 „nisi tua liberalitas opituletur, deficientium, ista est, Pater beatissime:
 „Nos de Germanis primi tanti commodi artem in Romanam Curiam
 „tuam multo sudore & impensa, decessoris tui tempestate, devexi-
 „mus. Nos opifices librariorum ceteros, ut idem auderent, exemplo
 „nostro invitavimus. Nos reliquis propter impensarum magnitudinem
 „a tanto negotio vel omnino vel maxima ex parte quasi in salebra
 „haerentibus, recentiore animo, viribusque geminatis cum summa
 „difficultate restitimus. Jam tandem, defecti nervis & sanguine, di-
 „vinam opem tuam imploramus. Indicem si perlegeris impressorum a
 „nobis operum, miraberis, tantæ majestatis & Apostolici culminis
 „pater, vel chartas huic librorum copiae potuisse vel lineamenta suffi-
 „cere. Et ut perlegere valeas usque adeo curis pontificalibus distri-
 „ctus, nihil aliud hæc epistola continebit. Nam, auditis nominibus
 „tantorum auctorum duntaxat, facere non poteris, si bene tuam pie-
 „tatem novimus, quin statim nobis subvenias; nec ulla rerum qua-
 „liumcunque occupatione difficultateve valebis deterri. Impressi sunt,
 „Pater beatissime, nostro studio libri, qui in subjectis suo ordine tibi
 „recensebuntur.

Hic exhibetur elenchus operum ab ipsis excusorum.

„Horum omnium voluminum summa, ut tua pietas perspicit,
 „Pater beatissime, nisi fallimur, efficit Codices duodecies mille qua-
 „dringentos septuaginta quinque, acervum quidem ingentem & nobis,
 „impressoribus tuis, ad ferendum, qua parte restat, intolerabilem,
 „propter eam, quam in initio epistolæ posuimus, necessitatem. Nam
 „ingens sumtus ad victum necessarius, cessantibus emtoribus, ferri
 „amplius a nobis nequit. Et ementes non esse nullum est gravius testi-
 „monium, quam quod domus nostra, satis magna, plena est quinter-
 „nionum, inanis rerum necessariarum. In Te igitur, clementissime Pa-
 „ter, qui & sapientissimus doctissimusque, spes nostra sita est, in te
 „subveniendi nostræ necessitati est copia, ne pereamus. Da nobis
 „subsidium de excelsso throno majestatis tuæ. Parati sumus pro cle-
 „mentiae tuæ arbitrio de nostra merce, id est, de impressis quinter-

„nionibus nostris, tibi tot tradere, quot volueris, & quibus volueris. Tua incredibilis mansuetudo subveniat nobis de aliquo officio, unde possimus nos & nostros alere. Impensa est facta in solius Nicolai de LYRA a nobis voluminibus tanta, ut amplius nihil nobis supersit ad vivendum. Si venderemus opera nostra, non solum a tua pietate nihil peteremus, sed ultro in præsentium temporum articulo, in quo te plurimum egere non nescimus, ipsi nostra offerremus. Faciemusque, quotiens tuo adjumento fortuna nobilcum usa, videbitur fronte sereniore.

„Interea, Pater sancte, adjuvent nos miserationes tuæ, qui pauperes facti sumus nimis. Sis perpetuo sospes & felix, Pater beatissime. Romæ XX. Martii MCCCCLXXII. Pontificatus tui cle-
mentissimi anno primo.

Bis Episcopus Alerienfis quinternionum meminit. Hinc perspicimus, solemne etiam fuisse typographis illis Romanis, chartas non in quaterniones, sed quinterniones complicare, quod ex ipso etiam BESSARIONIS opere adversus Calumniatorem Platonis, ab iis excuso, didici. Morem hunc ex officina Moguntina, in qua tyrocinia sua posuere, adoptarunt: quod quare hic moneam, ex iis, quæ in Diatriba mea de antiquissima Bibliorum Latinorum editione p. 25. disserui, apparet. Interim vero in Bibliotheca Carthusiæ Buxiensis lustrare etiam mihi licuit rarissimum illud Catholicon, Moguntiae A. 1460. typis exscriptum, quod pariter quinternionibus constare deprehendi.



OBS. VII.

DE

ULRICO GALLO SECUNDO
TYPOGRAPHO ROMANO.

NOn ita multo post Conradum Schvveinheim & Arnoldum Pannarz Romam accessit, artem typographicam exercitaturus, homo itidem Germanus, Udalricus Gallus, alias Han. Alamannus ex Ingelstat, civis Viennensis, prout nomen ipse suum subscripsit Alberti de Eub Margaritæ poeticæ, Romæ Anno 1475. impressæ, qui liber cum pluribus aliis ex ejus officina divulgatis in publica nostra Bibliotheca asservatur.

Audiendi non sunt, qui hunc ante illos primum Romam invexisse typographiam perhibent. Iis enim reclamat Præsul Aleriensis, in præfationibus suis plus semel publice Conrado & Arnolde palmam dans, absque ulla contradictione vel Udalrici Galli, vel Jo. Antonii CAMPANI, Episcopi Teramensis, Viri in elegantioribus literis versatissimi, qui huic eandem, quam illis Joannes ANDREAS Aleriensis, operam præstitit.

Præterea cum illi jam A. 1467. Ciceronis epistolas familiares excuderint, nullum opus ab hoc impressum ante Ciceronis de Oratore libros extat, qui sub finem demum anni 1468. die quinto nempe mensis Decembris ex ejus officina prodierunt (d).

Primas igitur Conrado jure defert Hieronymus LILIUS (*Giglio*) in *Nuova seconda Selva di varia lettione, che segue Pietro MESSIA*,
Part.

(d) vid. MAITTAIRE Annal. typogr. Tom. I. p. 280. edit. II.

Part. I. Cap. XII. ubi etiam Joanni Gutenbergio & Moguntia inventæ artis gloriam tribuit, cujus en verba: *Non per altro ho posto questo Capitolo, se non perche si sappia il nome di colui, che ritrovò il stampare, perciocche il Messia, non so per qual cagione, lo tacesse. Il stampare di, libri adunque fu ritrovato in Moguntia, Città di Germania l' anno 1442. da Giovanni Cuthembergo Todesco, & Cavallieri, & ivi primieramente questa arte celeberrima comincio ad essercitare, havendo ancho ritrovato l' inchiostro, il quale insino a questo tempo usano gli Stampatori. L' anno poi 1458. Corradopure Todesco la portò primieramente in Italia, & stampò in Roma, nella case de' Massimi, & il primo Libro, che stampasse, fu Agostino della Città d' Iddio, & io ne viddi uno in Roma nella Libreria del Rev. Vescovo di Sarno, il Signor Lodovico Gomes Spagnuolo, buono di dottrina singolare &c.*

Quum Augustinum de civitate [Dei Romæ A. 1468. a Conrado & Arnolde impressum ipse in Bibliotheca Ludovici Gomesii viderit LI-LIUS, eumque pro primo libro ab iis Romæ excuso habuerit, ille sine omni dubio Conradum Germanum Romam A. 1468. primum typographiam invexisse scripsit, pro quo hallucinans typotheta mendose A. 1458. posuit,

Exacta librorum Udalrici Galli typis excusorum recensio integrum volumen exposceret. Ego de uno duntaxat speciminis causa sermonem hic faciam, Plutarchi nempe Vitis illustrium Virorum, quæ cum CAMPANI ad Piccolomineum Cardinalem epistola (e) in lucem duobus voluminibus formæ maximæ, haud quidem indicato anno, loco ac typographo, prodierunt, sed cum CAMPANUS Udalrici Galli prælo uti, eumque consiliis juvare, ac libros excudendos ipsi suppeditare consueverit, nemo hoc opus ex hujus officina, præsertim cum typi id confirment, prodiisse dubitat (f).

Quan-

(e) quæ etiam exstat inter epistolas CAMPANI, cura Jo. Burch. MCKENII Lipsiæ A. 1707. in 8. recusas, p. 546. sqq.

(f) conf. MAITTAIRE Annal. typogr. Vol. I. p. 293. edit. II.

Quantumvis longe rarissima sit hæc editio, ac in Bibliotheca Dalmanniana Hagæ Comitum A. 1723. sub hasta plus licitantibus vendita emtorem pro centum & quinquaginta florenorum pretio repererit, duobus tamen ejus exemplaribus superbit Bibliotheca nostra publica.

In exemplaris Dalmanniani, si catalogo (g) fides habenda, sine legebatur notum hexastichon editionibus Udalrici Galli subjungi solitum.

Anser Tarpeji custos Jovis, unde quod alis

Obstreperes, Gallus cecidit, ultor adest.

Huldricus Gallus, ne quem poscantur in usum,

Edocuit pennis nil opus esse tuis.

Imprimit ille die, quantum vix scribitur anno,

Ingenio, baud noceas, omnia vincit homo.

In utroque autem nostro exemplari istud frustra quæsi.

Ex epistola CAMPANI ad Franciscum Card. Piccolomineum elucet, eum collegisse vitas Plutarchi dispersas, ac a variis interpretibus in latinum sermonem conversas, quorum en tibi nomina. Sunt illi Franc. Philelphus, Jo. Tortelius, Lapus Biragus Florentinus, Donatus Acciajulus, Guaronus Veronensis, Antonius Tudertinus, Leonardus Aretinus, Franciscus Barbarus, Leonardus Justinianus, & Peregrinus Alius.

Has Plutarchi vitas quin CAMPANUS Udalrico Gallo excudendas subministraverit, nullus equidem dubito: sed ipsum excellentis doctrinæ virum adstitisse prælo, & mendis typographicis emaculandis operam dedisse, vel recognovisse saltem chartas, jam ab aliis correctas, credat Judæus apella. Nam scatet vitis hæc editio, pudendis insuper

H

fo-

solœcismis deturpata, quos CAMPANUM admisisse prorsus incredibile est.

In plerisque enim vitarum titulis asseritur, eas in Latinum traductas esse *linguagium* (manifesto scilicet Italicismo). Quis, quæso, hunc barbarum loquendi morem ab elegantissimo CAMPANO profectum esse, vel somnians sibi persuadeat? Epistolæ vitarum nuncupatoriæ ad unam omnes carent nominibus eorum, quibus illæ dicatæ sunt, ut plane nescias, quem interpretes alloquantur, & laudibus in iis extollant.

Integrum opus hoc titulo insignitum est : *Plutarchi historiographi greci Liber de Viris clarissimis, e Greco sermone in Latinum diversis plurimorum interpretationibus virorum illustrium translatus incipit.* Et tamen inter hasce biographias exhibetur etiam Vita Pomponii Attici, a Cornelio Nepote scripta, & Caroli Magni, Donatum ACCIAJOLUM auctorem agnoscens: de utraque autem disertis verbis, sicut de aliis Plutarchi vitis affirmatur, eas esse e Græco sermone in Latinum translatas: parachronismo sane crassissimo, præsertim quod ad vitam Caroli M. attinet. Hunc enim plus quam sexcentis post Plutarchum annis vixisse, vel tyrunculi norunt. Donatus ACCIAJOLUS (b) sua potissimum ex Eginharto hausit. Factum tamen hinc est, quod mireris, ut Georgius WICELIUS, vir alioqui non indoctus, qui hanc biographiam Hagiologio suo f. 178. fqq. inseruit, eam se ex Plutarcho desumpsisse assereret, quo ipso se falsè deridendum præbuit Ger. Jo. VOSSIO (i), Petro BÆLIO (k), & Langleto du FRESNOY (l), hoc nomine

(b) Orationem in hujus Viri, & dignitate & doctrina suo ævo fulgentissimi, funere a Christophoro Landino dictam Franciscus SANSOVINUS inseruit Part. I. *delle Orationi volgarmente scritte da molti huomini illustri* p. 150. fqq. edit. Venet. 1575. in 4.

(i) Lib. II. de Historicis Latinis p. 299. & Lib. III. p. 624.

(k) *Diction. Histor. & Crit.* Tom. I. p. 41. edit. V.

(l) *Methode pour etudier l' Histoire augmenté par J. B. MENKE* pag. 461. edit. Lips. 1714.

mine etiam jure inter Solœcistas literarios primi ordinis referendus (*m*).

Post Pomponii Attici vitam exhibetur, si titulo fides habenda foret, vita Ruffi, viri clarissimi, cum tamen revera sit Rufi Sexti, quem alii Festum appellant, Breviarium de victoriis ac provinciis populi Romani ad Valentinianum II. Augustum, de quo videtis FABRICII Biblioth. Lat. Vol. I. p. 611.

Vitam Homeri excipit vita Virgilii, Viri clarissimi, quæ sane minime Plutarchum agnoscit auctorem, sed potius Tiberium Claudium Donatum, uti ex longe nitidissima Pancratii MASVICII editione operum Virgilii, Leovardiae A. 1717. in 4. juris publici facta, cui illa cum notis Jo. Frid. GRONOVII præfixa est, cognovi.

Commentariis Academiae Regiæ Parisiensis Inscriptionum & elegantiorum literarum inserta est vita Francisci PHILELPHI, a LANCELOTO egregie descripta (*n*). Ex ea comperi, hanc Plutarchi editionem A. 1471. in lucem prodixisse, ac PHILELPHUM in epistola ad Jo. ANDREAM, Episcopum Aleriensem, exarata, varia in illa carpisse.

Ita enim inter reliqua LANCELOTUS (*o*): *En publiant les Vies de Plutarque en 1471. on y avoit inseré sa Traduction des Vies de Lycurgue, de Numa-Pompilius, de Galba & d' Othon; & on lui avoit attribué celles de Thesée & de Romulus. On a une Lettre de lui (Philelphe) du 20. Octobre de la même année 1471. où il desavoue ces dernières, dont il dit que Lapus de Florence, qui avoit été son écolier, est Auteur, de*

H 2

mê-

(*m*) conf. si placet, Amœnit. liter. Tom. V. p. 41.

(*n*) *Memoires de Litterature de l' Academie Royale des Inscriptions & Belles-Lettres.* Tom. XV. p. 531. sqq. edit. Amsterod.

(*o*) pag. 597.

même, que de quelques autres dont on faisoit bonneur, dans cette même édition, d'Antoine de Todi aussi son ecolier, mais fort inferieur à Lapus pour l'esprit & pour la science: il ajoûte que l'Editeur s'est encore trompé, en donnant à Jacques Angelus (p) les Vies d'Alexandre & de César, & celle de Cicéron à Leonard-Avetin. Pour celles qu'on attribue à Donat, en rende témoignage, & son temoignage sera sincere. Qu'au reste il y a plusieurs de ces traductions, qui sont mauvaises, & qu'il faut que lui Evêque d'Aleria ait beaucoup d'attention à ce que les fautes des autres ne le fassent errer lui-même. Scilicet ipse quoque Joannes ANDREAS novam Plutarchi editionem adornare cogitabat, quod vero institutum non processit.

A PHILELPHO præterea postulaverat ejus versionem Cyropædiæ Xenophontis, prælo Conr. Schvveinheimii & Arnoldi Pannarzi subjiciendam, laudatus Præsul Aleriensis, cujus industriam in emendandis libris antea PHILELPHUS in alia epistola ita prædicavit: *Ingenuum laborem tuum & exquisitum studium in iis codicibus emendandis vel instaurandis potius, qui per novos artifices pulcherrime imprimuntur, non solum probo, verum etiam & egregie laudo, & admiror plurimum.*

Cæterum eo ipso anno 1471. quo prodiit Romæ Plutarchus, CAMPANUS in comitiis Ratisbonensibus in comitatu Francisci Piccolomini, Cardinalis Senensis, jussu Pauli II. versatus est, quod ex vita ejus a Mich. FAËNO & NICERONIO descripta, nec non epistolis

-
- (p) Nescio, quid hic sibi velit PHILELPHUS. In neutro enim nostri exemplarium translatio vitarum Alexandri & Cæsaris Jacobo Angelo, sed Guarino adscribitur, versio autem vitarum Lycurgi & Numæ Pompilii Lapo Florentino, ac Romuli Jo. Tortelio, non Philelpho tribuitur, nisi fortassis alia, quod hætenus ignotum fuit, Plutarchi editio hanc nostram antecesserit, præsertim cum in Bibliothecæ Dalmannianæ exemplari, cujus supra memini, sub finem noti versus: *Anser Tarpeji &c. exstiterint.*

Et ostendit michi flumiū a-
 que viue splēdidū tāq̃ tri-
 stallū: p̃cedentē de sede dei ⁊ ag-
 ni. In medio platee ei⁹ ⁊ ex utra-
 q; parte flumiis lignū vite affe-
 rens fruct⁹ duodecim: p̃ mēses
 singlos reddēs fructū suū: et fo-
 lia ligni ad sanitatē gentiū. Et
 om̃e maledictū nō erit ampli⁹:
 sed sedes dei et agni in illa erūt:
 et serui eius seruiēt illi. Et vide-
 būt faciē eius: et nomē eius in
 frōtib; eorū. Et vox ultra nō erit:
 ⁊ nō egebūt lumine lucerne ne-
 q; lumīe solis quā dñs de⁹ illu-
 minabit illos: et regnabūt ī se-
 cula seclorū. Et dixit michi. Hec
 verba fidelissima sunt et vera.

stolis CAMPANI & JACOBI CARD. PAPIENSIS apparet, atque adeo absens curam recognoscendi Plutarchi gerere non potuit. Supeditavit quidem typographo suo, Udalrico Gallo, vitas Plutarchi in Latinum conversas sermonem, & studiose ab se collectas, provinciam autem eas digerendi & emendandi sine dubio vel ipse, vel typographus alii imposuit, qui illam negligentissime administravit, & quædam imprudenter infarfit, ad Plutarchum minime pertinentia. Hinc illæ lacrimæ.

Tandem observo, Udalrici Galli officinam tum nondum Græcis fuisse typis instructam, atque adeo in vita Virgilii, & quibusdam epistolis interpretum nuncupatoriis, ubi Græca occurrunt, alibique spatia vacua fuisse relicta.



OBS. VIII.

SPICILEGIUM DE ANTIQUIS- SIMA ET OMNIUM PRIMA LATI- NORUM BIBLIORUM EDITIONE.

Haud ita dudum singulari diatriba insigne hoc cimelium literarium descripsi. Neque vero hac occasione illud possum dimittere plane intactum. Præsertim operæ visum est pretium, ejus exhibere specimen in æs incisum, nempe Apocalypseos capitis ultimi versus priores. Nec silentio prætervehere queo, splendidum exemplar hujus editionis principis & ipsa raritate rarioris, idque integrum, ac tribus maximæ formæ voluminibus comprehensum, ceu nobilissimam gemmam, incomparabilem Bibliorum thesaurum a Serenissima Duce Brunsvico-Luneburgensi vidua ELISABETHA SOPHIA MARIA, maximis sumptibus & studio pia Principe digno feliciter conquistum ornare, quod

quod interim ex Ven. KNOCHII Recensione insignis illius collectio-
nis historico-critica (*Historisch Critischen Nachrichten von der Braun-
schweigischen Bibelfammlung*) p. 724. sqq. cognovi (q)

BUNEMANNUS per transennam tantum editionem hanc inspe-
xisse videtur : alias certe pro eximia , qua polluit , rei literariæ scientia
primas illi inter omnes Latinorum Bibliorum editiones merito tribuisset,
nec eam alii editioni vetustæ , duobus primæ magnitudinis volumini-
bus constanti , quæ ex ipsius Bibliotheca in Ducalem transit , quam-
que laudatus KNOCHIUS l. c. p. 715. sqq. recensuit , postposuisset.

Præterquam enim quod nostra quoque editio omnibus illis an-
tiquitatis characteribus superbiat , quos in sua deprehendit BUNE-
MANNUS, sunt quædam in illa singularia primæ vetustatis indicia,
quæ in hac non occurrunt.

Scilicet rubricæ prologorum ac librorum initiales & finales non
sunt impressæ , sed calamo miniato adscriptæ : vocali i, loco puncti
rotundi, vel accentus Græcorum acuti, superior pars circelli dimidiati
imposita est, quod in priscais Missalibus & Pfalteriis usu venisse, interea
didici.

Præsertim vero nota illa characteristica, qua ab omnibus aliis edi-
tionibus biblicis distinguitur, est insignita, quod nempe typis Missali-
bus (*) exscripta sit : cujusmodi typis editionem Bibliorum Latinorum,
imo

(q) Volumen II. quo meum exemplar destitui dolens repeto, foliis 310.
absolvitur. Neque vero illius facile aliquando potiundi, licet
fortuna libraria alias satis favente utar, spes mihi superest, cum
haud dubie, utpote Pfalterium typis missalibus excusum continens,
in aliquo choro, quem vocant, monachorum manibus ac diutur-
no usu pridem detritum ac interneconioni datum fuerit.

(*) In mea Diatriba p. 10. dixi, Biblia nostra typis missalibus excusa esse
haud dubie ad normam nonnullorum Codicum MSS. hujusmodi li-
teris

imo librorum omnium primam ac antiquissimam excusam esse testis est co-ævus & ocularis Ulricus Zellius, Hanovienfis, uti ex ejus ore retulit vetus Chronographus Colonienfis.

Hoc autem potissimum minime omnium a BUNEMANNO persuaderi mihi patiar, Biblia nostra ex prælo Joannis de Colonia & Jo. de Gerrezem, qui intra A. 1470. & 1480. Venetiis artem typographicam exercuerunt, profecta esse. Quis enim, fodes, unquam fando audivit, vel unicum librum Venetiis ac in omni Italia typis e ligno aut ære sculptis excusum fuisse? Nostra vero Biblia hujusmodi characteribus esse exscripta, ipse conspectus evincit: de quibus notandum adhuc duxi, sub finem tertii voluminis in ultimis plagulis literarum quarundam ductus, ob typos longo usu nonnihil detritos, calamo fuisse renovatos.

Quod superest, monitu Cel. D. Jo. Aug. ERNESTI, Lipsiæ suæ ornamentum, (r) speciminis gratia lectiones nonnullas nostræ editionis antiquissimæ ex N. T. afferre visum est, collatis simul aliis duabus editionibus pervetustis. Primæ mentionem jam in nupera mea Diatriba p. 19. sq. feci, interim vero observavi, Miniarium, qui rubricas scripsit, initio præfationis Hieronymi in Pentateuchum manu sua notam anni 1473. adjecisse.

Altera autem editio in majori folii integri forma An. 1475. sine loci ac typographi indicio prodiit, diligentissimo Jacobo LE LONG incognita, (s) cujus exemplar etiam in Bibliotheca Ducali

teris exaratorum. Nunc moneo, ejus generis Codicem MS. Bibliorum membranaceum maximæ formæ Bibliothecam Ducalem Brunsvicensensem ornare, teste Cl. KNOCHIO l. c. p. 698.

(r) in *der Neuen Theologischen Bibliothec*, Part. VII. p. 661.

(s) MAITTAIRIUS in Annalibus suis typographicis ad An. 1475. meminit Bibliorum Latinorum, duobus voluminibus sine typographi ac loci
nota

li Brunsvicensi asservatur, a Cl. KNOCHIO l. c. pag. 756. fqq. descriptum (†).

Singulare habet hæc editio, in nulla alia, quod sciam, adhuc deprehensum, quod Psalterium Davidis CLXXI. Psalmis absolvatur, & numeris quidem typo, non calamo, expressis. Scilicet ex unico Psalmo CXVIII. vel juxta Hebræorum computationem CXIX. psalmos XXII. editor effinxit.

In transcurso quoque animadverti, in Psalmo CXXXV. vel secundum Hebræos CXXXVI. quem CLVI. inscripsit typographus, ubi in singulis versibus repetitur: *quoniam in æternum misericordia ejus*, hæc verba tantum in primo & ultimo versu esse expressa, in reliquis vero 25. non nisi vocem *quoniam*, cæteris absorptis, legi: e. c. in v. 2. *Confitemini Deo Deorum, quoniam*: & sic deinceps.

Sed en tibi jam lectionum quarundam specimina, in quibus proferendis ita versabor, ut primam editionem nota A. alteram anni 1473. B. ac tertiam anni 1475. C. significatam velim.

Matth. V. 19. A. B. C. *mittatur in iebennam ignis*. *Jebennam* etiam singulæ habent v. 22. & 30. nec non A. & C. Matth. XVIII. 9. & XXIII. 15. 33. Omnes autem Marc. IX. 14. 16. Luc. XII. 5. & Jac. III. 6. *gebennam*. Observat BENNELIUS in Apparatu Critico p. 457. ad Matth. V. 22. *iebenne* pro *gebennæ* habere MS. Lat.

nota editorum. Et posset sane Volumen nostrum supra modum spissum concinne in duo ita disjungi, ut alterum a Proverbiis Salomonis inchoaretur.

- (†) Observavit Vir doctissimus, typos horum Bibliorum Faustianis & Schœfferianis perquam esse similes, & chartam signis capitis bubuli, & majoris litteræ D. quam linea longa transit, notatam, id quod & ego in meo exemplari animadverti.

Lat. Trevir. passim, id quod Francogallum, eumque perantiquum videatur prodere librarium.

Matth. VI. 5. A. & C. & cum oratis, non *eritis hypocritæ*.

v. 13. A. B. C. *Amen* cum doxologia non habent.

Matth. VIII. v. 18. A. B. C. iussit *discipulos* ire trans fretum.

v. 25. A. C. accefferunt ad eum *discipuli* ejus.

v. 28. A. B. C. & cum venisset *Iesus*.

v. 31. A. B. C. si ejicis nos *hinc*.

v. 32. A. B. C. *magno* impetu abiit.

v. 33. A. B. C. nunciaverunt *hæc* omnia.

Matth. IX. 1. A. B. C. Et ascendens *Iesus* in naviculam.

v. 21. A. B. C. & tenuit manum ejus, & dixit: *puella surge*.

v. 26. A. B. C. & exiit fama in universam terram. Nulla habet *illam*.

Matth. X. 2. A. B. C. Duodecim autem *Discipulorum* nomina.

Matth. XXIII. 14. A. B. C. habent versum hunc: *Væ vobis — accipietis judicium*.

Matth. XXIV. 36. A. B. C. non habent: *neque filius*.

Matth. XXV. 1. A. B. C. sponso & *sponsa*.

Matth. XXVII. 35. 36. A. B. diviserunt vestimenta ejus, sortem mittentes, & sedentes servabant eum. Neutra habet allegationem loci ex Psalm. XXII. 19. C. autem habet.

v. 37. A. B. C. Hic est Rex Judæorum, omisso nomine *Iesu*.

Marc. IV. In A. desunt integri undecim versus ab 11. ad 21. tota nempe expositio & applicatio parabolæ. Iisdem verbis: & dicebat eis, vel illis versus 11. & 21. incipiunt. Hinc proclivis erat lapsus vel librarii, vel typothetæ.

v. 32. A. B. C. & cum *natum* fuerit, ascendit in arborem.

- Luc. I. 8. A. B. C. *fungeretur Zacharias*
 v. 17. A. & B. & *incredibiles* ad prudentiam justorum.
 v. 54. A. & B. *memorari* misericordiæ suæ.
- Luc. II. v. 15. A. B. C. & videamus hoc verbum, quod factum est,
 quod *fecit* Dominus & ostendit nobis.
 v. 38. A. B. C. qui exspectabant redemptionem *Jerusalem*.
- Luc. IV. 5. A. B. C. non habent *in montem excelsum*,
 v. 7. A. B. C. Tu ergo *procidens* si adoraveris.
- Luc. V. 25. A. B. C. tulit *lectum*, in quo jacebat.
 v. 37. A. B. C. & *vinum* effundetur.
- Luc. VI. 16. A. B. C. faciebant *prophetis* patres eorum.
- Luc. XI. 2. 3. 4. A. & C. in oratione dominica, omittunt petitionem tertiam & septimam. B. autem tertiam sic habet: *fiat voluntas tua* & septimam pariter omittit.
- Luc. XII. 35. A. B. C. lucernæ ardentes, omiſſis verbis, *in manibus vestris*.
- Joh. III. 5. A. B. C. nisi quis renatus fuerit ex aqua & spiritu *sancto*.
- Joh. XIV. 1. A. B. C. *Et ait discipulis suis*.
- A&. XIV. 14. A. B. C. sic deservio patri *et* Deo meo.
- Rom. XII. 11. A. B. C. *Domino* servientes.
- Gal. V. 7. A. B. C. *Nemini consenseritis*. Persuasio hæc non est.
 v. 13. A. B. C. per charitatem *spiritus* servite invicem.
 v. 16. A. B. C. Dico autem *in Christo*.
- Eph. I. 10. A. B. C. quæ in terra sunt *in Christo*.
 v. 15. A. B. C. quæ est in *Christo* Jelu.
- Philem. v. 1. A. B. C. dilecto adjutori nostro; omiſſa copula *et*.
- Jac. III. 9. A. B. C. qui ad *imaginem* & similitudinem Dei facti sunt.

v. 17. A. B. C. judicans sine simulatione : omiſſa particula negativa *non* ante *judicans*.

Jac. IV. 1. A. B. C. *nonne* ex concupiſcentiis veſtris ?

Jac. V. 13. A. B. C. Triftatur autem aliquis veſtrum : oret *aquo* animo, & *pfallat*.

Ita quoque legitur hic verſus in veteri Codice Bibliorum formæ octuplicis in membrana tenuiſſima, eaque lævigata, literis minutulis Gothicis tam eleganter & concinne exarato, ut primo apectu non calamo ſcriptus, ſed æri inciſus eſſe videatur, perquam ſimilis elegantiffimo undecimi ſæculi Codici Schmerlingiano, cujus ſpecimen tabula ænea expreſſum in Memorabilibus Civitatis Vindobonenſis (*dem Merckwürdigen Wienn*) Part. I. ad pag. 47. exhibetur.

Memorabilis hæc lectio a nemine, quod ſciam, ſi ERASMUM Roterod. excipiam, hætenus annotata fuit : imo hunc verſum plane in Apparatu ſuo Critico præteriit BENGELIUS. MILLIUS hoc unum obſervavit, in Vulg. poſt *ἐνθυμῆι* deeſſe *τις*. Nec BAUMGARTENIUS in Examine variantium lectionum in Epiftola Jacobi obviarum p. 53. huic quicquam adjecit. ERASMUS vero in annotationibus in N. T. quintum recognitis f. 744. huiusmodi editionem ob oculos poſitam habuit, hancque notam adſperſit : *Nefcio, an ſcriptor aliquis hunc locum depravarit, nam Græca longe ſecus habent, κακοπαθεῖ τις ἐν ὑμῖν ; προσενχέσθω. ἐνθυμῆι τις ; ψαλλέτω, i. e. Affligitur aliquis inter vos ? oret ; a quo animo eſt aliquis ? canat. Nimirum ut in rebus afflictiſ opem petamus a Deo, in rebus ſecundis gratias agamus Deo. Nam id vocat pfallere. Ταμετſi ſecus & legit & interpretatur Beda.*

Imo in cunctis aliis, quas quidem conferre mihi licuit, vetuſtiſ vulgatæ verſionis editionibus eandem lectionem deprehendi. Ita enim c. c. hic verſus legitur in perantiqua Bibliorum editione, tribus vaſtiſ maximæ formæ voluminibus anni locique nota haud inſignitis comprehenſa, & gloſſa, quam appellant, ordinaria ac interlineari in margine

& linearum interstitio instructa. Auctor glossæ ordinariæ, sive is Walafridus STRABO, Rhabani MAURI discipulus, qui sæc. IX. floruit, sive alius fuerit, sic etiam suo jam ævo legisse videtur. Ad verbum enim *Tristatur* hæc annotavit: *Quia in pressuris ingemiscere prohibuit, nunc, quid e contra gerendum sit, ostendit.* Voci autem *Oret* hanc notam adjecit: *Ne murmuret: ne judicia Dei vituperet, sed ad ecclesiam currat flexis genibus, ut Deus consolationem mittat, oret, ne sæculi tristitia, quæ mortem operatur, absorbeatur, & crebra psalmodiæ dulcedine nocivam tristitiæ pestem de corde pellat.* Eandem quoque lectionem in editione Bibliorum, quæ Basileæ A. 1491. typis Nic. Kessleri in fol. excusa fuit, in illis item, quæ Lugduni ex prælo Jacobi Sacon A. 1522. & Parisiis ex officina Joannis Preueli A. 1523. in forma octifariam complicata prodire. In editione quidem primæ magnitudinis, quæ Lugduni in typographia Joannis Moylin alias de Cambray impensis Stephani Gueynardi, alias Pineti, A. 1520. curata fuit, hic versus sic legitur: *Tristatur autem aliquis vestrum: & oret quò animo & psallat.* Sed typothetæ oscitantia nostram lectionem hic depravatam esse quis non videt? Hinc in priscis etiam Bibliis Germanicis hic locus sic redditus est: *Ist aber eüer eyner traurig, der bete mit schlächtem herzen, und psalliere.* Duæ autem eorum editiones conspirantes jam mihi sunt ad manus, una Augustæ Vindel. in fol. maj. A. 1477. sine typographi indicio, altera ibidem in fol. min. A. 1490. typis Joan. Schoenspergeri curata. Parum itaque abest, quin suspicer, constanter sic legisse veteres. Mirum igitur, ac bis mirum, inter varias lectiones vulgati interpretis post Jo. HENTENII industriam a Theologis Lovaniensibus conquisitas ne vestigium quidem hujus lectionis comparere. Utor autem eximia editione, quæ Antverpiæ ex officina Christophori Plantini A. 1583. in 8. prodit.

1. Petr. I. 23. per verbum Dei vivi & permanentis omittunt *in æternum.*

Cum multum præsertim ad genuinam lectionem Apocalypseos dignoscendam versionem, quam vocant, vulgatam conducere D. BENGE-
LIUS in Apparatu suo Critico p. 782. sqq. censeat, haud piguit me, omnes
lectio-

lectiones variantes trium, quos laudavi, vetustarum editionum, ab HENTENIO & cæteris Theologis Lovaniensibus prætermittas, hic exhibere.

Apoc. I. 7. A. B. C. & *tunc* plangent.

v. 11. A. B. C. non habent verba, *quæ sunt in Asia.*

Apoc. II. 10. A. B. C. Ecce missurus est diabolus ex vobis in carcerem. Omnes omiserunt vocem *aliquos.*

Apoc. VI. 6. A. B. C. Bilibris tritici denario *uno* & tres bilibres hordei denario *uno.*

Apoc. IX. A. & C. non habent: *Græce autem Apollyon, Latine habens nomen Exterminans.*

Apoc. XI. 11. A. B. C. *intrabit* in eos.

v. 17. A. B. C. Deus *noster* omnipotens.

A. B. C. incipiunt caput XII. a versu, qui in editionibus recentioribus est decimus nonus ac ultimus capitis XI. *Et apertum est templum Dei:* quæ distinctio etiam BENGELIO placuit in Græco textu N. T. digerendo.

Apoc. XII. 9. A. C. qui *vocabatur* diabolus.

Apoc. XIII. 5. A. B. C. *blasphemiam*

v. 8. A. B. C. qui *inhabitabant* terram.

v. 9. A. qui occisus est ab *oriente* mundi, manifesto errore typographico.

v. 17. A. B. C. nisi *habeat* characterem *nominis* bestię, aut nomen, aut numerum nominis ejus.

Apoc. XIV. 4. A. B. C. Hi empti sunt ex *omnibus.*

v. 7. A. B. C. omiserunt verba, & *omnia quæ in eis sunt.*

v. 10. A. B. C. hic bibet, omisso *et.*

v. 16. A. C. & *messuit* in terram, mendo typogr. pro *messuit* terram B. & *demessuit* eam.

v. 18. A. C. qui habebat potestatem supra ignem & aquam & exclamavit.

Apoc. XVI. 2. A. B. C. qui adoraverunt *bestiam*, & imaginem ejus.

v. 19. A. C. & *fracta* est civitas magna in tres partes.

Apoc. XVII. 1. A. B. C. veni et ostendam.

v. 5. A. B. C. omittunt vocem *mysterium*.

v. 6. A. B. C. cum *viderem*.

v. 9. A. B. C. Et septem reges omisso *sunt*.

v. 11. A. C. ipsa octava est, omissa copula &.

Apoc. XVIII. 10. A. B. C. et civitas illa fortis.

v. 12. A. B. C. *mercem* auri & argenti.

v. 14. A. B. C. & amplius illa jam non *invenient* mercatores hominum.

v. 17. A. B. C. *Omnes*, qui in lacum *navigant*.

Apoc. XIX. 5. A. B. C. qui timetis *Deum*.

v. 8. A. B. C. *bisfinum*, *splendens*, *candidum*.

v. 15. A. B. C. de ore ejus *procedebat* gladius.

v. 17. A. B. C. quæ *volant*.

v. 20. A. B. C. *pseudoprophete*, & qui fecit signa.

Apoc. XX. 10. A. B. C. *pseudoprophete*.

Apoc. XXI. 10. A. B. C. descendentem de coelo : a *Deo* non habent.

v. 14. A. B. Apostolorum & Agni.

Nota :

Cum ultimum primæ Bibliorum editionis folium hæc scribenti in promptu haud esset, sed in manibus sculptoris Lindaviensis versaretur, a. v. 14. Cap. XXI. ad finem usque Apocalypseos non potui eam cum

cum Antvverpiensi Theologorum Lovaniensium editione conferre. Binas igitur duntaxat lectiones a Lovaniensibus non observatas ex cæteris duabus antiquis editionibus hic adjungo.

Apoc. XXI. 25. B. & C. & portæ ejus non claudentur per *noctem*.

Apoc. XXII. 3. B. & C. *sed* sedes Dei & agni in illa erunt.

COROLLARIA.

I.

Non sine voluptate hic adjicio, quæ, Diatriba mea jam ad finem perducta, humanissime ad me perscriptit Vir Illustris, ac summis nostri sæculi literarum & literatorum Patronis jure suo accensendus, Gerardus MEERMANNUS, utpote ad ea, quæ supra in Obs. V. de Ulrico Zellio, primo typographo Colonienfi dixi, illustranda & confirmanda apprime inservientia. Ita autem Vir laudatissimus: „Nuper mihi e Germania missa est - - tua Diatribe de antiquissima Latinorum Bibliorum Editione, quæ post varias aliorum hariolationes nobis cognitam reddidit veram impressionem sacri Codicis principem, a Chronographo Colonienfi memoratam. Hujus vero testimonium longe pluribus argumentis corroborare possum, quam a Te factum est. Tractavi enim manibus librum B. AUGUSTINI *de singularitate Clericorum*, excusum, ut impressa subscriptio distinctissime docet, per *Ulricum Zell de Hanau, Clericum Dioceſeos Moguntinæ, anno &c.* (id est millesimo quadringentesimo) *sexagesimo septimo* in 4. Tractavi folium integrum Donati membranacei impressum iisdem typis, iisque mobilibus, quibus Speculum humanæ Salvationis Belgicum &c. Lætam quoque in eadem epistola longe suavissima spem excitavit Vir summus operis de Originibus typographicis habitu splendidissimo edendi, quod mecum avidissime expectabunt omnes, qui literis bene cupiunt.

II.

His demum diebus nactus sum, & jucunde legi eximiae collectionis fasciculos priores, quæ sic inscribitur : *Altes aus allen Theilen der Geschichte, oder Alte Urkunden, alte Briefe und Nachrichten von alten Büchern mit Anmerkungen.* In Falc. III. p. 356. sqq. nonnulla commemorat doctissimus auctor de Joannis Koelneri de Vankel Summariis & Conclusionibus Sexti (Decretalium) A. 1465. excusis, cujus operis ex Viri Ill. Val. Ferd. de GÜDENUS Sylloge I. variorum Diplomatariorum Monumentorumque vett. ineditorum p. 402. in Obs. V. mentionem feci. Ex ipsa oculari inspectione sub finem annum quidem MCCCCLXV. clare exprimi asserit, sed ex comparatione cum ejusdem Koelneri Summariis ac Conclusionibus Clementinarum per Johannem Koelhoff de Lubek, civem Colonensem A. MCCCCLXXXIV. impressis, censet, numerum anni MCCCCLXV. mendosum esse, ac ejus loco substituendum A. MCCCCLXXXV. cum utrumque opus iisdem plane typis excusum, chartaque iisdem chartulariorum signis notata sit; id quod pro meo candore silentio prætermittere nolui.



ANGELI MARIE CARD. QUIRINI
LIBER SINGULARIS

DE

OPTIMORUM SCRIPTORUM
EDITIONIBUS

QUE EX

PRIMA TYPOGRAPHIA ROMANA
GERMANORUM ARTIFICUM

AB

A. MCCCCLXVII. AD A. MCCCCLXXII.
PRODIERUNT

CUM ANNOTATIONIBUS
JO. GEORGII SCHELHORNII.

L. COELIUS LACTANTIUS.

§. I.

Typis, quos Romani Germanorum Opificum opera advectos PAULUS II. excepit, materiem principio præbuisse Lactantij, Ciceronis, Augustini, & Hieronymi Volumina, ut hac ratione Urbs illa depositam diu literarum dictaturam resumens, postliminii hujus auspiciis non aliunde caperet, quam a præstantissimis Christianæ, atque Ethnicæ eloquentiæ Antesignanis, & Magistris, jam diximus (a) Vindiciar. Cap. I. indeque argumentum desumpsimus PAULI erga eandem amoris, ac munificentiam.

Lactantium (de quo modo agendum est) Romæ prodiiisse an. 1468. ibidem tradidimus, quum tamen ante triennium excusus fuisset in Monasterio Sublacensi (b), ad quod ut Germani illi Opifices primum

(a) Recitatis ibi p. XIV. variis hanc in rem locis ex Joannis ANDRÆ, Episcopi Aleriensis, epistolis nuncupatoriis adjecta sunt pag. XV. ex libello MS. Bibliothecæ Vaticanæ, qui auctorem agnoscit Gasparem Veronensem de Gestis tempore Pauli 11. verba, quæ hic repetere juvat: *Hac tempestate sanctissima Romam quidam juvenes acceperunt, & ii quidem Teutonici, qui Lactantium Firmianum de hominis Opificio, de Dei natura, nec non contra gentes mense uno formaverunt, & ducentos hujusmodi libros quoque mense efficiebant. Quorum artificium narratu perdifficile foret, sed plurimi omne ipsum cognoverunt, quia fuit magna ingenii inventio. Sed & Augustinum de Dei Civitate itidem finxerunt, nec non de Oratore ad Quintum fratrem, & Ciceronis Epistolas, & vili venundederunt pretio; sic alios codices sunt formaturi.*

(b) Cum hoc Monasterium typographiæ, e Germania in Italiam translata, primum præbuerit hospitium, non inamœnum fortassis fuerit, ex libro hodie minus obvio, PII II. P. M. Commentariis rerum memoranda-

num diverterent, valde credibile est in causa fuisse gratam Teutonico-
rum Cœnobitarum, quos eo tempore Monasterium illud incoluisse de-

K 2

pre-

morabilium, quæ ipsius temporibus contigerunt, cum Jacobi PIC-
COLOMINEI, Cardinalis Papiensis rerum gestarum sui temporis
Commentariis ac Epistolis, Francofurti An. 1614. in fol. recufis, Lib.
VI. p. 161. sq. quale ea illud tempestate fuerit, hic re-
cognoscere: „Cum ventum esset inter vineas oppidi Sublacensis,
„ibi Cardinalis (Joannes de Turrecremata, Hispanus, Monasterii
„Sublacensis administrator, cujus varia opera exstant, & a quo Pius
„II. ad id invifendum invitatus erat) occurrit, & paulo post sacer-
„dotum monachorumque pompa. Exceptus est Pontifex summo
„populi desiderio; neque enim memoria hominum Romanus Pontifex
„illic alius fuerat. Oppidum est multa plebe refertum; rupem domus
„obsedere, altera super alteram sitæ: in summo cacumine arx est pro-
„pmodum in expugnabilis, nisi valle interjecta rupe altior immineret
„Anio magnam oppidi partem ambit: ex oppido ad monasterium Sub-
„lacense est via duorum milliarium per abruptas petras, & difficiles adi-
„tus, quos facile liceat hosti præcludere: ubi ad monasterium ventum
„est, ibi tantum in plano spatii repertum, quantum ad Ecclesiam
„claustrum & officinas cœnobia necessarias construendas opus fuit:
„quæ omnia magno sumptu construxere priores. Hic Pontifex cum
„vineam novam magna vi ferri in saxo plantatam vidisset, rubenti-
„bus uvis uberem, undique muro septam, & oliveto cinctam viren-
„ti, & in medio torcular, ac domum ad habitandum candidam,
„percunctatus quis novi operis auctor esset: responsum accepit;
„Episcopum quendam Silvensem, hominem Hispanum, ex Lusita-
„nia natum, ecclesiasticarum pomparum tædio, & mundialis curæ
„odio fatigatum, Ecclesiæ suæ renunciassè: reservataque sibi an-
„nua pensione, ex qua possèt honeste vitam traducere, huc pro-
„fectum inter fratres non mutato habitu degere, divinis officiis in-
„teresse, celebrare, quando sibi ex animo detur: præter liberta-
„tem & vestem nihil a monacho distare; ab hoc domum & vineam
„constructam, cujus magna sint proventura monachis emolumen-
„ta. Pontifex ad se episcopum vocavit, & cognita causa renun-
„tiationis Ecclesiæ, ac delectæ solitudinis, propositum laudavit,
„qui noverit pro cœlestibus terrena commutare: ille paulo post ex
hac

prehendi, hospitalitatem. Editio Sublacensis hanc præfert ad calcem notam: *Lactantii Firmiani de Divinis Institutionibus adversus Gentes libri*

„hac vita decessit. Beatus profecto, si (ut credibile est) verus fuit
 „mundi contemptus, & spreta nostri sæculi dignitate, quæsitæ est
 „major. Pars monachorum in hoc monasterio, quod Sublacense
 „diximus appellari, dies ac noctes gratissimas Deo laudes canit;
 „Pars in altero, quod specus vocitant, ad quod mille passibus
 „ascenditur, via difficili, & ferro facta, adeoque præcipiti,
 „ut absque horrore adiri nequeat: hinc profundissima in Anienem
 „descendente rupe, inde altissimo imminente saxo, nec accessibilis
 „ullo pacto, nisi modo ad dexteram, modo ad sinistram varios
 „agens flexus in anguis morem ab imo usque ad summum ducta,
 „& plerisque in locis muro defensa fuisset: Monasterium sub altissimo
 „saxo ædificatum est, ita ut magna pars ejus vicem tecti gerat,
 „partem exterius construxere ædes; ipsa sacra & officinæ monachorum
 „multæ intra saxum patent. Benedictus, magnus ille monachorum
 „pater, & Deo plenus, in quo Nursia totum quod habuit
 „bonitatis effudit, priusquam domus aliqua hoc in loco constructa
 „esset, aut homo quispiam habitaret, solus in hac cremonæ
 „pœnitentiæ sibi locum delegit: procul ab humano cultu nulli cognitus,
 „nisi Deo, in durissimo sibi lapide lectum stravit: hic se
 „vigiliis ac jejuniis maceravit, hic Deo gratissimum præbuit famulatum;
 „secuti sunt eum discipuli, & cœpta est habitari speculunca,
 „sicut in altis scopulis nidos videmus arundinum in crepidine
 „lapidum; ita est hoc monasterium cernere affixum sublimi
 „saxo, ex quo sæpe frustra concidunt, quæ aut monachos perimunt,
 „aut ædificii ruinam faciunt: multa hic sancti viri miracula
 „referuntur, & tintinnabulum ostenditur, quo diabolus
 „illusisse bonis operibus conatus est: monachi circiter viginti
 „hic degunt, (ut par est credere) Deo cari, nunquam carnes
 „edunt, vinum multa domant aqua, jejunia longa producunt:
 „luxuria est, duo ova comedisse, oleribus & pane vescuntur; ad
 „sunt & legumina: his epulis mensam onerant, brevissimum tempus
 „cibo datur, nec multo majus somno; reliquum in oratione
 „consumunt: rem divinam peragunt summa devotione, & psallunt
 „Deo confidenter: major pars senum est, quorum plerique inof-

libri septem, nec non ejusdem ad Donatum de Ira Dei liber unus, una cum libro de Opificio Hominis, finiunt sub anno Domini MCCCCLXV. Pontificatus PAULI Papæ SECUNDI anno ejus secundo, Indictione XIII. die vero antepenultima Mensis Octobris. In venerabili Monasterio Sublacensi. Deo gratias. Memorat hanc Editionem Michael Maittaire in Annalib. Typograph. fateturque post Moguntiam nullum sibi occurrere locum, quem Typographia certo noscamus inclaruisse, ante Monasterium Sublacense, & Lactantii Opus illud ea artis pompa ad amussim exactum fuisse, ut nemo, qui viderit, nomen Typographi abesse non dedignetur.

Hoc minime abest in Romana alia an. 1468. ejusdem Operis Editione, in cujus fine ita legitur:

*Hoc Conradus Opus Sweinheim ordine miro,
Arnoldusque simul Pannarz, una æde colendi,
Gente Theotonica Romæ expedire sodales.*

In Domo Petri de Maximo

MCCCCLXVIII.

K 3

In

„inoffensa valetudine ad octuagesimum annum pervenere, vultu
„alacres, & alloquio venerabiles: quorum unica cura est, dissol-
„vi tandem, & esse cum Christo. Pius cum superius, atque in-
„ferius in utroque monasterio rem divinam coram se celebrari jus-
„sisset, & omnia loca exosculatus esset, quæ fama vulgaret Bene-
„dicti corpus tetigisse, spirituales gratias elargitus, quas monachi
„petivere, & omnium conscientiis abunde saturatis, ad oppidum
„pernoctaturus descendit. Cœnobium hoc lautis fuisse prædi-
„tum redditibus, vel hinc apparet, quod Alexander VI. suorum di-
„tandorum studiosissimus, gentem suam Borgiam illius patronam in
„omne ævum An. 1501. d. 27. Sept. constituerit, teste Jo. BUR-
„CHARDO, ejus ceremoniarum Magistro, in Diario Curiae Roma-
„næ sub Alexandro VI. Papa Jo. Ge. ECCARDI Corpori histori-
„co mediæ ævi Tom. II. inserto, col. 2134.

In Voluminis autem initio post Capitum singulorum argumenta, hæc mihi nota primum comparuit: *Lactantii errata, quibus ipse deceptus est, per Fratrem Antonium Raudensem Theologum collecta*; deinde sequens Octastichon auctore Adamo Januensi.

*Hic male corripuit stolidis Antonius ausis
 Authorem: in variis causa pianda locis.
 Non erat in tenebris errantis imaginis astrum
 Dicere, vel nitidum luce cavere jubar.
 Denique cum Sanctæ Ecclesiæ pia lumina constet
 Obsequio ex tanto conticuisse Viro,
 Tu vero eloquio lingua interdicta Latino
 I cubitum; nam te pensitat Eleborum.*

Antonium hunc Raudensem, humili loco in Insubria natum, commendat Wadingus de Scriptor. Ord. Min. præsertim ex ea Lactantii Operum emendatione. At contra ob illam ipsam, præter Adamum Januensem, acerrime quoque carpitur a Francisco Philelpho lib. V. Epistola ad ipsum Raudensem data, ubi cum ita alloquitur: *Quæ enim per immortalem Deum fanatica ratio te commovit, ut perinde atque infesto quodam, atque inimico afflatus spiritu in Virum illum doctissimum, atque disertissimum tam insolenter, tam injuste, tam impie invehereris, ut non res solum pene innumerabiles, sed nomen etiam Viri depravare studueris, utpote quem Lactensium pro Lactantio nomines? Nam de rebus ipsis quid loquar? Quas vel pueris notas dum corrumpere laboras, te omnibus eruditis, & gravissimis Viris ridiculum præbes.* Eundem Raudensem ob compositas de Latinæ linguæ elegantia Observationes refellendum lumpsit Laurentius Valla in libro, quem in *Errores Antonii Raudensis* inscripsit, subjunxitque sex Elegantiar. ling. Lat. De aliis Raudensis reprehensoribus infra.

Iis ipsis Germanis Typographis, qui Lactantii Editionem modo recensitam curarunt, alia pariter ejusdem Auctoris debetur an. 1470. vulga-

vulgata, ac proinde, ut binæ superiores, PAULO II. Pontifice, cui insuper Joannes Andreas, Episcopus Alerienfis, Epistolam inscripsit, hoc loco recitandam. Quam studiosam operam impenderit Episcopus hic Alerienfis primis Romanæ Typographiæ conatibus, quibusque propterea a PAULO beneficiis fuerit affectus, jam vidimus Vindicari. Cap. I. resque apertius patebit ex ejusdem Præfationibus in hac Appendice afferendis.

*Joannis Andrea, Episcopi Alerienfis, ad PAULUM II. Venetum
Pont. Max. Epistola.*

Laboriosis recognitionibus nostris plures videmus, veræ humanitatis amore, delectari, PATER BEATISSIME PAULE II. Venete, Pont. Maxime. Idcirco animus impendio nobis crescit, vigilantius etiam quam antea, laudabili quidem incæpto non deesse, neque prius conatui hujusmodi parcere, quam summus nobis Deus dignabitur præstare, ut linguae omnis Latinæ, quibus in facultatibus potuerimus, circulum (quod ajunt) absolvamus. Sumant igitur studiosi abs Te hoc tempore per nostros ingenuos opifices Lactantium Firmianum semel ab iis, iterumque impressum prius, nonnullis in locis profecto verioverem. Hacque opera, cæterisque omnibus, quicumque futurus est Lector, sedulo sit oratus, ut ita de chartis nostris munda, si quæ illum offenderint, benivolens, ac minime contumeliosus tollat, ut nos de reliquorum libris demenda sine omni morfu, virulentiaque curamus. Non enim errorum imputamus recognitori ipsi emissorum ante nos Codicum, sed depravatis exemplaribus, culpam. Experti satis nos quoque, in diemque magis impendio experientes, incredibilis opus esse felicitatis, ut sudoribus nostris exemplorum dentur subsidia non vulgarium. Collatis profecto vigiliis nostris ad reliquorum operas, facillime extabit differentia. Tu tantum, PATER BEATISSIME, quod clementissime facis, atque sanctissime, in Christiana undique religione pacem perpetuo fove, studiis castis opitulare, felicitatem numinis tui, nominisque hac mercede, meritoque diffunde, ut tuo potissimum tempore numerus virorum cultissimus omnibus in facultatibus singularium excellenter augeatur. Non enim frustra omnipotens Deus tam uberem, ac facili-

lem Latinis præbuit, Te tanto Pontifice, ad cunctas immortales artes, & divina studia facultatem. Ita fiet, ut dives sapientia, ditior Catholica religione Pontificatus tuus Augustissimus, omni sit futuro tempore in animis, & linguis mortalium duraturus apud immortalem Deum æterno regno coronandus illius ope, cujus in terris legitimus es Vicarius. Romæ anno Natalis Dominici M. CCCC. LXX. Pontificatus tui floridissimi Anno sexto.

Quod diximus, tertiam fuisse Lactantii Editionem istam, ea Aleriensis verba confirmant: *Sumant igitur studiosi abs Te hoc tempore nostros ingenuos Opifices Lactantium Firmianum, semel ab iis, iterumque impressum prius, nonnullis in locis profecto veriores. Aliis autem verbis, quæ illico sequuntur, declarat, si quæ menda in Lactantii Editione illa Lector offendisset, non quidem recognitoris aut negligentia, aut audacia adscribenda, sed exemplaribus; non æque tamen depravatis, ac ea unde superiores Editiones prodierant, quarum quoque culpam a recognitoribus deprecatur: Non enim (inquit) errorum imputamus recognitori ipsi emissorum ante nos Codicum, sed depravatis exemplaribus culpam; experti nos quoque, in diemque magis impendio experientes, incredibilis opus esse felicitatis, ut sudoribus nostris exemplorum dentur subsidia non vulgarium. Collatis profecto vigiliis nostris ad reliquorum operas, facillime extabit differentia. Hisce verbis viriatarum Lactantii Lectionum Aleriensis crimen illud propulsat, cujus reus ab iis, qui posteriores Editiones vulgarunt, injuria agitur, sive Aleriensis ipse, seu quivis alius primarum illarum curator.*

Tres Editiones modo memoratas Venetæ plures subsecutæ sunt, hæque parum castigatæ, quare an. 1515. nova evulgata fuit Aldi Manutii typis ex emendatione Jo. Baptistæ Egnatii; & alia apud ejus filium Paulum Manutium, qui Germano Minadoo, Monacho Casinati, eandem inscripsit, professus in Epistola, quæ Editioni illi an. 1535. præmittitur, eam maxime deberi Cœnobii illius Codicibus, quorum collatione Lactantium emendaverat Honoratus Fasitellius ex imposita sibi ab Aldo Manutio provincia. In Editione ista, Lactantii textus pluribus

ribus locis augetur; quæ tamen additiones, ne Lectoribus fraudem faciant, duabus stellulis concluduntur. Aliqua ex iis fragmentis pro genuino Lactantii textu omnino habenda esse contendit Sixtus Betulejus in Basileensi an. 1563. Editione. At Michael Thomafius, novæ jussu S. Pii V. P. M. Editionis artifex, ea ipsa ab Hæreticorum manu potius quam a Codicum fide obvenisse suspicatus, in Præfatione ad eandem diserte affirmat, se Lactantii textum a multis erroribus liberasse, *qui ejus libris dolo, & fraude veterum Hæreticorum additi fuerant.* His omnibus, aliisque, quæ pariter præcesserant, locupletio-rem Editionem curavit Josephus Isæus, & publici juris fecit an. 1546. Cæsena, dein an. 1550. Romæ, Thomafii quidem diligentiam commendans, qui Codices multos, & præsertim antiquissimum Bononien- sem consuluerat, pluribus tamen locis vitiosam Editionem illam con- tendens, quibus ipse medicam manum adhibere curaverit novis Codi- cibus inspectis, & inter hos duodecim Varicanis, & admodum insigni Michaelis Thomæ Taxaquetii. Indiculum vero erratorum, Lactantii librorum frontibus, nomine Antonii Raudensis, præfixum, omnino explodit Isæus, qua mancum, qua supervacuum, nonnulla supprimen- tem, alia vero affingentem, neque rationibus ullis, aut sacrarum li- terarum, Doctorumve testimoniis, cur quisque cavendus sit error, edocentem. Id ipsum præstiterat Jo. Baptista Egnatius, diserte pro- fessus in Editionis, de qua supra, a se curatæ Præfatione, seu Epistola nuncupatoria ad Præsulem Antonium Trivultium, Francorum Regis Oratorem ad Senatum Venetum, se Notas illas in Lactantium *nescio* *cujus fraterculi* expunxisse, quod multa imperite reprehenderit in Viro illo disertissimo, qui illis temporibus floruit, quibus sententiæ quædam nondum communi Ecclesiæ judicio fuerant damnatæ.

Mirum autem valde, eundem Josephum Isæum, imo vero Ser- vatium Gallæum, cujus studio nitidam, & luculentam debemus Lactan- tii Editionem cum selectis Variorum Commentariis Lugduni Batavorum an. 1660. publicatam, in eo, quem veterum ejus Scriptoris Editio- num catalogum texuerunt, haudquaquam memorasse Sublacensem, aut binas Romanas, de quibus superius locuti sumus, ac proinde prin-

cipem locum in eo catalogo dedisse Venetæ an. 1472. (c) quum tamen vel ipsi versus, qui in hac leguntur, Romanarum illarum Editionum monitos

- (c) Hæc editio ne quidem inter Venetas principem locum obtinet, qui potius debetur alii, A. 1471. ibidem curatæ. Hujus ego antehac plane incognitæ ex Bibliotheca nostra publica mentionem feci in Additamentis ad Mich. MAITTAIRE Annales typographicos, Miscellan. Lipsiensium Tom. XII. insertis p. 67. uberiorem vero notitiam dedi Amœnitat. literar. Tom. I. p. 312. sqq. Venetiis eam prodiisse, licet urbis nomen expressum haud sit, ex his versibus sub finem adjectis, patet:

*Arguit hic hominum sectas Lactantius omnes,
Septeno falsas codice vera docens.
Sive Deum tangat: turbato numine cernens
Ira furor: gemino pernotat inde libro,
Et volucrum versu phœnix comprehenditur una:
Quæ nosiro nunquam pascitur alma solo.
Hincque Redemptoris nostri non carmina desunt,
Quæ positum e tumulo dulce canendo vocant.
Presserat hunc primum Mundi caput inclita Roma:
Post Regina premit quippe colenda maris.*

Hos excipit indicium anni MCCCCLXXI. cui additum est nomen *Adam*, haud dubie typographi, qui eleganti characterè Romano usus est, diphthongos æ & œ non per unicum e vel æ subjecta virgula, sed per unam literam ex duabus conflata expressit, & fragmenta ex Græcis auctoribus inspersa suis jam exhibuit literis, satis legibilibus. FABRICIUS in Biblioth. Lat. mediæ & infimæ ætatis, Vol. IV. ubi diligenter recensuit Lactantii editiones, p. 676. hanc per fratrem Adamum Genuensem excusam esse meminit. Is autem non fuit typographus, sed monachus, cujus oëstastichen in fratrem Antonium Raudensem, nasutum & inspidum Lactantii censorem, supra adductum, in nostra quoque editione legitur. Summa ejus raritas

monitos reddant Lectores. Hi enim quatuor Dodecastichon ibi appositum concludunt.

L 2

Pref-

raritas vel inde cognosci potest, quod Cel. BUNEMANNUS in Catalogo suorum Codicum MSS. & librorum rariorum p. 14. se illam in quadringentis, quos possidet, catalogis frustra quævisse asserat. Exstitit vero quondam in Bibliotheca Dalmaniana publice Hagæ Comitum A. 1723. mense Nov. divendita, ac licitatori quinquaginta florenorum pretio cessit, vid. ejus Catalog. p. 4. Ornavit etiam Bibliothecam Frid. ROSTGAARDI Hafniæ ejus exemplar impressum in membrana, & auro variisque coloribus passim decoratum, teste laudato FABRICIO. Cum hujus Adami editiones sint pauca, nitida, valdeque rara, hac occasione quasdam ad Annales typographicos supplendos commemorare visum est. Servo meas inter reculas volumen in forma quadrifariam complicata, sequentia continens opuscula, sine loci annique indicio, iisdem typis ab eodem Adamo excusa: Petri Pauli VERGERII ad Ubertinum Carariensem de ingenuis moribus librum, e magno Basilio Leonardi ARETINI traductionem (de liberalibus studiis & ingenuis moribus) ad Colucium, eque Xenophonte Leon. ARETINI traductionem de tyrannide. In hujus collectionis calce hoc tetrastichon adjectum est:

Ingenuos mores formis hic pressit ADAMUS,

Et studia ingenuis concelebranda viris.

Basilius magnus, Xenophon Hieronque tyrannus

Hic fantur: mira quilibet arte loquens.

In hoc volumine exstant præterea Augustini DATI Elegantiolæ in eadem officina sine loci annique nota iisdem typis exscriptæ, quarum sub finem hoc distichon legitur:

Presserat hoc primo, placuit formare secundo

Ne defuit, quamvis sit breve, doctus ADAM.

*Prefferat hunc primum mundi caput inclyta Roma,
Post Regina maris nempe colenda premit.
Impressum formis, iustoque nitore coruscans,
Hoc Vindelinus condidit Artis opus.*

De Laëtantii Editionibus præter Maittaire in Annal. Typograph. Peregrinum Antonium Orlandum de Artis Typograph. Orig. atque Progress., Jo. Albertum Fabricium in Biblioth. Lat., præter hos inquam, agit Richardus Simonius in Epistolis Selectis Gallice editis Tom.

In Bibliotheca Uffenbachiana quondam habebatur Virgilii nitidissima elegantissimaque editio, loco haud indicato A. M. CCCCLXXI. in primæ magnitudinis forma luci exposita, & hac coronide instructa:

*MINCIADÆ quicumque cupit cognoscere VATIS
Carmina: seu quisquis Vegi simul optat habere:
Me legat: aut fratres parvo numerosa juvenus:
Uno eodemque sumus pressi sesquique locoque.
Non Solomon: neque Hyran, non Dædalus: atque Sibylla
Græcia non omnis sapientibus inclyta quanquam
Non armis Romana potens æquandaque Divis
Gloria jactavit tali sese arte decoram.
Nos igitur peperit patrem qui nomine primum
Rettulit alter ADAM: formis quos pressit abenis.*

Vid. Bibliothecæ Uffenbachianæ Universalis Tomi II. Appendicem, p. 15. sq.

Cæterum an Adamus noster vel cum Adamo Rot, Clerico Metensis Diœceseos, vel cum Adamo de Ambergau, typographis coævus, unus idemque fuerit, incertum est.


Tom. 2. Epist. XXV. (d) Ibidem pollicetur Simonius se alibi acturum de manuscriptis Lactantii Codicibus, quorum agmen profecto ducit Bononiensis superius memoratus, de quo ita Bern. Montfauconius Diar. Ital. Cap. XXVII. Indicem referens Codicum Cœnobii Canonicorum Regularium S. Salvatoris ejus Urbis: *Lactantii Codex membranaceus vetustissimus, charactere unciali, egregiæ notæ. Ibi loca Græce bene multa adferuntur, præter Latinorum Codicum morem, ubi Græca misere fœdاتا comparent. Codex est VI. vel VII. Sæculi. Vellem sane Lactantium ad hujusmodi Codicem emendatum; ejus quippe nullus, ut æstimo, adhuc usus fuit. Vellem ipse Virum Clarissimum, dum hæc scriberet, sumendarum in manus Lactantii Editionum curam aliquam cepisset, nam illico Michaellem Thomassium, Josephum Isæum, Servatium Gallæum, qui easdem curarunt, maximis præconiis Codicem illum commendasse, eoque usos fuisse deprehendisset. Gallæus (ut ejus tantum hoc loco testimonium recitem) Elenchum librorum manuscriptorum, quorum variantes Lectiones adducit, & expendit, his verbis exorditur: Duo Codices Cœnobii S. Salvatoris Bononiensis, quorum prior, omnium qui in Europa, antiquissimus habetur. Alter ejusdem est Cœnobii, qui etiamsi prioris vetustati cedit, bonitate tamen baud est inferior. Utroque hoc Codice olim usus fuit Michael Thomassius.*

L 3

Quam

(d) conf. V. C. Jo. Ludolphi BUNEMANNI Specimina Lactantii ex LX. amplius MSS. & editionibus illustrati, Miscellan. Lips. Tom. III. inserta p. 11. fqq. præsertim vero ejusdem Viri doctissimi præfationem, præstantissimæ suæ Lactantii editioni, A. 1739. in 8. Lipsiæ luci expositæ præmissam, in qua copiosissimus index Codicum MSS. & editionum Lactantii, addito plerumque ejus judicio, exhibetur. Inserta quoque sunt Specimina Alphabeti Codicis Bononiensis omnium antiquissimi, & Colbertini Manuscripti de mortibus persecutorum, æri incisa. In Parerg. Gættingenf. Tom. I. Lib. III. p. 189. fqq. variantes lectiones a Jo. Mich. HEUSINGERO, Gymn. Goth. Prof. e Codice MS. Gothano Lactantii descriptæ cum animadversionibus HEUSINGERI & HEUMANNI injunguntur.

Quam celebris, & præclara Lactantii Editio a Gallæo vulgata, jam superius indicavimus; admodum quoque celebris, & obvia Thomassii illa, Antuerpiæ semel & iterum an. 1570. & an. 1587. publicata, semel autem Parisiis an. 1589. Duplicem Isæi Editionem Cæsenæ, & Romæ pariter indicavimus.



M. TULLIUS CICERO.

§. II.

Quam merito Germanorum Opificum præla, ut primum Romæ sedes fixerunt, L. Cœlio Lactantio M. Tullium Ciceronem illico collociaverint, cuivis ostendit Christiani Ciceronis nomen, quo passim Lactantius donatur; indeque Ludovicus Vives lib. 2. de Anima: *Ex nomine Ciceronis (inquit) venit in recordationem Lactantius, qui fuit imitator ejus; ex hoc de Chalcographia. Nam is liber dicitur formulis æneis excusus vel primus, vel cum primis.*

Inter Ciceronis Opera primos eorum Opificum conatus occuparunt Epistolæ Familiæres, quarum extat Editio an. 1467. vulgata, cum iis ipsis ad calcem carminibus, quæ in superiori §. recitavimus. *Hoc Conradus opus &c.*

In domo Petri de Maximo.

MCCCCLXVII.

Si ipsi Opifices easdem denuo impresserunt an. 1469. & quidem ab Joanne Andrea, Episcopo Alerienti, recognitas, subdunturque ad libri calcem hi versus.

Aspicias

Aspicias illustres, Lector quicumque, libellos,

Si cupis Artificum nomina nosse, lege.

Aspera videbis cognomina Teutona forsan :

Mitiget Ars Musis inscia verba virum.

Conradus Sweinheim, Arnoldus Pannartzque Magistri

Romæ impresserunt talia multa simul.

Petrus cum fratre Francisco Maximus, ambo

Huic operi optatam contribuere domum.

MCCCCLXVIII. Prid. Non. Novembr.

Anno vero illico sublequenti iidem Typographi Ciceronis Epistolæ ad Atticum, Brutum, & Quintum Fratrem ediderunt, iisque præfixa legitur nuncupatoria Aleriensis Episcopi ad PAULUM II. Epistola, qua se in eo opere adiutum profitetur ab Jacobo Cardinale Papiensi Tit. S. Chrysogoni; monetque præterea quosdam seu in PAULUM Pontificem, seu in se ipsum adeo pravo animo esse, ut Epistolæ PAULI nomini, numinique dicatas e fronte librorum, quibus inerant, detrachere dicerentur. Qua in re Aleriensis, quod ad se spectat, mirificas iisdem gratias agere affirmat, tum quod, Præfationibus illis suppressis, librorum errata, si quæ insint, haud sibi amplius adscribi valeant, tum quod libri ipsi, quotquot eas Præfationes retinent, rariores inde effecti, pluris ab Impressoribus venumduntur; *At quod ad tuam (inquit) Celsitudinem pertinet, propterea ægre fero, quod quibus temporibus tanta studiis felicitas sit exorta, se putant ex hominum memoria prorsus abolere.* Danda modo integra Aleriensis Præfatio ex ea ipsa, quam ad manus habeo, Editione exscripta.

Jo. Andreas Episcopus Aleriensis PAULO II.

PONT. MAX.

Karthaginenses ad Romanos Legati aliquando, PATER BEATISSIME
PAULE II. VENETE PONT. MAX. cum a plerisque clarissimorum
Civium

*Civium invitati, eodem ubique argento acceptos esse se nosse, dixisse feruntur : Vere concordissimam Romanorum gentem esse, ubi Proceres cuncti eodem uterentur argento. Par aliquid posteros de nobis dicturos reor, dum libros nostros tam multos, ac varios, veluti una & manu, & hora descriptos esse perspicient, totumque tuæ tribuent virtuti immortalī, æternæque beatitudini, sub cuius auspicio, & numine tantum præstantissimorum voluminum emissorum tam parvo tempore mira suavitate lætitabunt. Ecce emissus difficillimus Epistolarum Ciceronis ad Atticum opus & multis in partibus, quod notis secretioribus, & inter paucissimos cognitæ scriptæ sunt litteræ, non satis intellectum, in paucitate præsertim exemplariorum, quæ aut non sunt apud liberales eroganda, aut ab invidis communi hominum odio occultantur. Equidem hac in parte præcipue adjutus ab elegantissimo, dignissimoque fratre tuo Sancti Chrysogoni Cardinale Papiensi, tamen egi quantum in re tantæ difficultatis, & tenebrarum potui. Neque fui id circo segnior in juvandis pro virili studiosis, quod quidam dicuntur mihi (utinam falso, eorum jam quicumque sunt) Epistolas meas tuo nomini, numinique dicatas e fronte librorum detrabere. In quo, quod ad me attinet, illis habeo mirificam gratiam, quod tam benigne de laboribus meis judicant, ut quantumvis eos oderint, carere tamen non possint. Quod ad tuam Celsitudinem pertinet, propterea ægre fero, quod quibus temporibus tanta studiis felicitas sit exorta, se putant ex hominum memoria prorsus abolere. Si labor meus est nausæ viris delicatissimis, & solis Arabicis mercibus dignis, relinquunt eos asperioribus, ne dicam rusticis, in alieno libro importune ingeniosi. Errores si sunt qui mihi inscribi debeant, multum per eos lucror, authoris nomine Epistola oppressa celato. Si gratiam mereor, hoc conatu nihil faciunt; nam neque multi eorum sunt similes, & quisque natura nosse cupit, ubi beneficio referre benevolentiam possit. Si tamen hoc quicquam est, sci-
ant, quas relinquunt Epistolas ab impressoribus cum eorum utilitate pluris vendari. Sed quisque nostro vivamus more. Proxim ego omnibus voluntate, illi & mihi tali quoque actione. Nec conscii sibi a me dictum de se putent. Per me facillime latebunt. Si se ipsi prodiderint, judicent viri boni, uti justius exposularint. Verum indecens est, longiore Epistola facundissimam Ciceronis impedire lectionem. Satis sit mihi te, PA-
TER*

TER SANCTISSIME, *scire me superioribus diebus, & Familiares & ad Atticum Tullii Epistolas ad pauperum commoditatem emisisse. Sis igitur semper perpetuo felix; sitque sanctus Dei populus tuo moderamine diutissime in hoc sæculo fortunatus, in futuro tecum sine fine beatissimus. Datum Romæ anno Dominici Natalis MCCCCLXX. Pontificatus tui gloriosissimi Anno sexto.*

M. Tul. Ciceronis ad M. Brutum, & cæteros Epistolæ,

In Calce.

Impressum Romæ opus in domo Petri, & Francisci de Maximis juxta Campum Floræ Anno Dominici Natalis MCCCCLXX. S. D. N. Domini PAULI II. Veneti Pont. Max. anno VI.

Paucitatem exemplarium, quibus in ea editione adornanda est usus, jure causari valuit Alerienſis, quandoquidem certum est, primum Petrarcham fuisse, qui Ciceronis Epistolas tam ad Atticum, quam Familiares, in manus hominum dederit, quum per plures annorum centurias desideratæ fuissent. Cujus beneficii a Petrarcha in literariam Rempublicam collati mentionem fecimus in Volumine Brixianæ nuper edito de Brixian. Literat. renascent. literar. ætate. Extant Epistolæ illæ ipsæ Petrarchæ manu conscriptæ in Bibliotheca Laurentiana Florentiæ, evolvi-que ipsemet Codicem ipsum, dum in ea Urbe, quam studiorum meorum parentem vocitare soleo, commorarer, ac sæpe Bibliothecam illam inviserem una cum doctissimo, ac celeberrimo Viro Joanne Maria Salvino, quo duce, ac magistro ibidem Græcis, Latinisque literis per quatuordecim annos pro ingenii mei imbecillitate admodum glorior.

Plura alia Ciceronis Opera Romæ prodire PAULO II. Pontifice, seu per Conradum & Arnoldum superius memoratos, seu per Hulricum Han de Vienna. Prioribus debentur Ciceronis Officia, Paradoxa, de Amicitia, & Senectute MCCCCLXVIII. die XXIII. Januarii, in domo magnifici viri Petri de Maximo; eoque anno de Oratore, Brutus de Claris Oratoribus, Orator ad Brutum duodec. mens. Januar. in domo Petri de Maximo; pariter Orationes an. MCCCCLXXI. Hulrico vero Han, seu Uldarico Gallo, cujus prælo Joannes Anto-

nus Campanus, Episcopus Teramensis, eam ipsam operam præstabat, quam Alerienſis prælo Syveinheim, & Pannartz, debentur de Oratore libri tres, *Anno Domini millesimo quadringentesimo sexagesimo octavo, die quinto mensis Decembris*; Tusculanæ Quæstiones, & ad calcem, Paradoxa, de Amicitia, de Senectute, Somnium Scipionis, *MCCCCLXVIII. die primo Aprilis*; Orationes Philippicæ, absque tamen anni nota, at cum Præfatione ad Franciscum Piccolomineum Cardinalem Senensem, & his versibus in fine libri, quos passim annexos reperimus Udalrici Galli Editionibus ad suam artem commendandam.

*Anser Tarpeji custos Jovis, unde quod alis
 Constrepere, Gallus decedit, ultor adest
 Uldricus Gallus, ne quem poscantur in usum,
 Edocuit pennis nil opus esse tuis.
 Imprimi ille die quantum non scribitur anno,
 Ingenio, haud noceas, omnia vincit homo.*

Auctor hujus Hexastichi Jo. Ant. Campanus; cujus rei fidem facit in ejus Vita Michael Faernus, narrans præterea se Umbriam peragrantem, forte Turcam offendisse idem iter facientem, quem Campani studiosissimum reperit, eorumque versuum ita conscius, ut de memoria sibi ab eodem recitari non sine magno stupore intellexerit. Campanum hunc Vindiciar. Cap. I. laudavimus, eumque inter doctos illos Viros, quos ingentibus beneficiis PAULUS affecit, recensuimus.

Brevi illi indiculo Ciceronis Operum, regnante PAULO II. Romæ editorum, subjungenda modo Alerienſis Epistola ad ipsum Pontificem, quam exhibet memorata Orationum Editio an. 1471. Prolixa ea admodum est, scatetque a fronte ad calcem laudibus divini illius Oratoris, qui *perfectum prosæ eloquentiæ decus* jure, ac merito a Vellejo dictus est, ab Hieronymo autem *Rex Oratorum, qui in arce eloquentiæ Romana stetit*. Eandem orditur Alerienſis a temporum notitia,

tia, quibus scilicet Orationes quæque seu actæ, seu scriptæ sint. Quam rationem de quibusdam quidem reddi posse confidit, si Alconius Pedianus, C. Plinius, Plutarchus, ipse Cicero, alique veteres Scriptores consulantur, at de omnibus ad amussim dici nullo modo posse arbitrat. Primas omnium habitas fuisse eas pro P. Quintio, & pro Sexto Roscio prodit; postremas vero in Antonium. Dolet non omnes Ciceronis Orationes atatem tulisse, simulque in illos indignatur, qui insolentes, & putidi, rarissimorumque tantum operum amatores censerī volentes, dum ea, sive Ciceronis, sive aliorum celebrium Scriptorum, quæ deperdita sunt, magno studio se perquirere prostentur, contra quæ ad manus sunt seu negligunt, seu nesciunt omnino. Digreditur deinde Alerienfis ad binas M. Annæi Senecæ Suasorias, sextam nimirum, & septimam, quarum prima deliberat Cicero, an Antonium deprecetur, altera vero, an Scripta sua, Orationes scilicet in Antonium, quas Demosthenis exemplo *Philippicas* Cicero ipse appellavit, comburat, promittente Antonio incolumitatem, si fecisset. Quoniam vero & eæ haud ita breves, & facile peti possunt ex utriusque Senecæ Operum Volumine, Notis etiam doctorum Virorum ibidem illustratæ, ideo eam Alerienfis Epistolæ partem omittendam existimavi. Postrema autem ejusdem pars eo tendit, ut demonstret, Philippicis illis, quas tamen Cicero vitæ suæ præposuit, utpote ab eo scriptis *turbulentissimis eversæ Reipublicæ temporibus, a fatigato, exercitoque, & pluribus anxietatibus, & curis vexato sene in perspicuo Reip. occasu habitante*, multo præstantiores habendas esse alias Orationes, quas *vigente, florentequæ Rep. in ætate constanti, in maximis honoribus, nec minore fortuna Cicero habuit, quasi in Orbis terrarum theatro frequentissimo, & Regum mundi confessu ornatissimo*. Præcipue autem extollit Orationes pro Quintio, pro Murena, de lege Agraria, in Catilinam, pro Dejotaro, pro Ligario. Argumenta Orationum, licet ab aliquibus haud parum desiderata, a se consulto præteriri scribit Alerienfis, quod alterius sint operis, quodque multa eorum in Pediano, aliisque veteribus Authoribus, nec non in recentioribus, Antonio scilicet Lusco, & Georgio Trapezuntio, deprehendantur. Tandem affert C. Plinii testimonium de divina Ciceronis facundia, & his

verbis Epistolam claudit, nepotes suos commemorans, quibus ut gratificaretur Tullii Orationes collegerat, nam in hunc modum Pontificem alloquitur: *Per Te M. Victorino, nepoti meo ex Hieronymo fratre germano, Viro optimo, quem ab hinc biennium prope Domino restitui-
mus, & cæteris nepotulis meis, quos in tutelam tui numinis jam dudum
tradidi, & omnibus, ut perscripsi, gratificaturus.* En autem ipsa Epistola.

Jo. Andreae Episcopi Aleriensis in Corsica ad PAULUM II.
VENETUM PONT. MAX. Epistola.

Tullii quot potuimus Orationes, PATER BEATISSIME PAULE II. VENETE PONT. MAX. unum in corpus nuper congregavimus. Opus, ut facile arbitror, non doctis modo, sed & omnibus, quicunque hominis nomine digni censentur, gratissimum futurum, atque optatissimum. Nam neque inveniri imago uspiam ulla potest, quæ summi tantum, atque omni numero consummati habeat Oratoris, quæve civili, atque honorato Viro, qualem a te potissimum diligi scio, æque conveniat. Tamen si nescius non sum, vix hic partem exiguam superstitem facundissimi esse Ciceronis; in tam pretioso tamen, & animæ inani, ut sic dixerim, corpore non erit difficillimum mente complecti, quales spirantis, atque agentis aliquando fuerint Tullii actiones, quæ tantopere Lectorem instruant, & usque adeo permoveant auditorem. Temporum fortasse quispiam rationem, quo scilicet quæquæ & actæ, & scriptæ sint ordine postulabit. Eam rationem equidem, ut reddi de quibusdam posse confido, Asconium Pedianum, C. Plinium, Plutarchum Chæronensem, ipsum denique Ciceronem, alios quosdam veteres Scriptores, recentesque legentibus, ita de omnibus examussim dici, nulla ratione posse arbitror. Sed neque ex omnibus, quas M. Cicero egit Orationes, quota pars desideretur satis perspicui licet. Illud quidem in promptu sane est, & ab omnibus nosci facile est, nonnullarum de his quoque ipsis a nobis coacervatis vel maximas deesse, sicut in cæteris quoque divini Ciceronis libris perplura interisse. Tolerabiliorem tamen idcirco tantam, tam pretiosi operis, tamque felici ingenii iacturam reor, quod ea, quæ hodie quoque extant,

ejus

ejus sunt excellentiæ, ut fere nihil cogitari, nedum dici possit, quod diligenter, accurateque Ciceronem operosum dicendi artificem rimanti, in divinis hominis scriptis non inveniatur. Sed, quod dicere pudet, & piget tacere, nostrorum quidam sunt adeo insolentes, & putidi, adeo varissimorum tantum amatores Operum volunt censerì, ut in vocabulis solummodo eorum Operum, & bujus Auctoris, & cæterorum celebrium, quæ periere, sint occupati; in his vero, quæ ad manum sunt, quid scriptum sit, non dicam negligent, sed nesciant omnino. Eorum similes, qui relicto pane triticeo, alicæ nescio quam diu commendatam similam, atque uvarum succo acidas sorborum expetunt potiones. Ipse tamen, ut soleo, percupide studiorum sectatoribus omnibus profuturas, quæ in præsentia utilia cognitu, & lectu amæna, jucundaque putavi, ex quorundam Authorum minime vulgarium perfunctoria lectione de eloquenciæ, sapientiæque magistro Cicerone degustata, in banc Epistolam contuli, non ut magnum aliquid dicerem de homine, ne a seipso quidem unquam pro dignitate laudando, sed ut partim temporum ipsarum Orationum ordinem, partim nonnullorum de eo attingerem testimonia. Quod enim ad tempus attinet, Orationes pro P. Quintio, item pro Sexto Roscio primæ sunt ab eo habitæ. In M. Antonium vero, quæ Philippicæ nominantur, exemplo actionum Demosthenis in Philippum Regem, Magni Alexandri Patrem, postremæ Oratoris fuerunt. In C. Verrem primam dumtaxat dicitur habuisse Orationem, & ea tantum valuisse, ut Q. Hortensio partis adversariæ patrono, statim a defensione deterrito, Verrem in voluntarium exilium coegerit ab Urbe facessere. Sex reliquas in Verrem Orationes deinde otiosus fertur solum scripsisse, non etiam egisse, ut tota posteris turpissimi, ac scelestissimi hominis accusatio per manus scriptis traderetur. Pro lege Manilia, quæ est de eligendo Imperatore, in qua Pompeji magni splendor perspicitur, deinde actionem oravit, quæ propterea vulgo appellatur Pompejana. Nec multo post dicitur L. Catilinam, & ambitus, & repetundarum accusatum, tametsi nonnulli id factum negant, defendisse. Hæc ante tempora egisse Ciceronem Consulatus sui æterni, & immortalis. Consul legem Agrariam dissuasi; de consensu in theatro ratione pro Othone differuit, de proscriptorum item filiis ad Magistratum rationem assequendam non admittendis, pro C. Rabirio perduellionis reo,

in L. Sergium Catilinam invehctus est; pro L. Murena dixit. Post Consulatum pro P. Sylla luculentam habuit Orationem, in Senatu, & ad populum, & antequam iret in exilium, & post gloriosum reditum suum pro se, & rebus suis, multas Orationes habuit, de Provinciis Consularibus, in C. Caesaris potissimum favorem, & Gabinii, ac Pisonis odium egregie oravit, pro Milone, pro L. Sextio dixit. Salustio in Senatu respondit, dominante Cesare Dictatore, pro M. Marcello, pro Q. Ligario, pro Rege Dejotaro mirifice oravit. Ut de his, quas percensui, Orationibus aliqua clarius possunt sciri, ita de cæteris id solum testari licet, medio ante victoriam Dictatoris Caesaris tempore actas omnes esse, modo apud Iudices, modo in Senatu, modo ad populum. Hæc de tempore a tertio, & vigesimo, aut, ut alii volunt, sexto, & a vigesimo ætatis suæ anno usque ad tertium, seu quartum & sexagesimum, tot enim annos vixit Cicero, acta sunt. De testimoniis excellentissimorum quorundam de Cicerone Virorum nunc locus est referendi. Cum exercendorum in dicendo ingeniorum causa hanc sibi Rethores Suasoriam declamandam proposuissent, deliberaſſe scilicet in periculo extremo positum Ciceronem ajunt, An Antonium deprecaretur, ita eos legimus inter cetera ne id faceret, suasse. Q. Haterius hoc modo scriptum reliquit. Sciant posterius potuisse Antonio servire Rempubicam, non potuisse Ciceronem &c. Hoc loco Alerienſis binas Senecæ Suasorias exſcribit, ut superius dixi, ex Rhetorum ſententiis compositas, quorum Indicem collegit Jo. Albertus Fabricius in Biblioth. Lat. eumque conferendum monet cum Dionysii Gothofredi Nomenclatore ad Senecam, & Andreæ Schotti libello de Claris apud Senecam Rhetoribus. Postea his verbis ad PAULUM Pontificem Alerienſis sermonem convertit. Quorsum ista de Cicerone? ut quod Tu optime nosti, PATER BEATISSIME, cæteri quoque, ex veterum doctorum hominum judiciis, ſententiisque intelligant, quantus fuerit Orator Cicero, cujus dictionis pars, non dicam exigua, quandoquidem ejus hominis dici nihil exiguum queat, sed vix una, sed minima, & ea quidem turbulentissimis eversa Reipublicæ temporibus a fatigato, exercitoque, & pluribus anxietatibus, & curis vexato sene in perspicuo Reipublicæ occaſu habitante ponderis fuit, ut vitæ quoque Ciceronis, principis sine controversa mortalium, tantopere præposita, non collata

collata a singulis fuerit, qua censura, & pretio illa sint perpendenda, quæ vigente, florentequæ Republica in ætate constanti, in maximis honoribus, nec minore fortuna Cicero habuit, quasi in orbis terrarum theatro frequentissimo, & Regum mundi confessu ornatissimo. Cum adversarius factus & prodians pæne unus, & is quidem adolescens, pro Quintio dicturus, dominatum Syllæ contempsit, quo tempore in primoribus eloquentiæ suæ tyrociniis, vix biscere audentibus fori proceribus, ex Ciceroniano ore, non quod de Nestore dicitur, melle dulcior, sed igne vehementior nequaquam fluere, verum erumpere videretur oratio. Cum M. Catonem gravitatis, & sapientiæ illum authorem, ac magistrum, Serviumque Sulpitium civilis Juris moderatorem, & Senatus maximum columnen, ita coram Judicibus pene lusu, jocoque tractaret, ut non contra principes Civitatis suæ pro Murena suo, sed contra novitios adolescentes, ac rerum imperitos pro viro numeris omnibus ornamentorum civilium prædito videretur orare. Cum popularissimam legem Agrariam, Populo Romano borreum, nunquam absque maximo totius Civitatis motu agitatum, jam jamque Tribuum suffragiis prope omnibus, ut perspicere erat, ferendam, Populo Romano tantopere erecto, & expectante, eodem populo judice, & præside veluti alienæ causæ, tamquam in vertiginem a sensibus omnibus alienato, ne ferretur, effecit, ut magis mirum sit Ciceronem id agi posse, aut sperasse, aut credidisse, quam agente Cicerone ab optatissima, & tamdiu sitita lege Populum Romanum recessisse. Cum Sergium Catilinam tantis fautoribus, machinationibusque suffultum togatus ex Urbe armatum ejecit, & linguæ opibus omnem vim pestiferarum facium illius extinxit. Cum de manibus Cæsaris, rerum omnium potiti, Dejotarum, Ligariumque subduxit, ut cui Romana potentia armato succubuit, eidem irato, persuasoque candor linguæ Tullianæ iram, animumque subtraxerit, & prope renitenti ex reis absolutos & damnatis restitutos, ut suos esse vellet, vehementer homini dominanti inimicos reconciliavit. Quid non valuit vox tua divina Cicero? Quid non effecit? Dominatori orbis ipsa dominata est, & populi terrarum victoris effecta est ipsa dominatrix; ut jure hemistichion illud in Augusti adulationem compositum, de summo poeta tollendum videatur, nam de animis certe hominum ab initio usque sublatum est. Orabunt causas melius. Quis enim

enim Demosthenes? Quis Eschines? Quis Nestor? Quis Ulyxes? ne fabulas quoque fileamus, quis unquam Mercurius, non dixerim melius Cicerone, sed vel pari assensu audientium peroravit? Qui vel puer, & adhuc Urbis inquilinus, Arpinas inquam, adhuc meracus, nondum Romanus, omnino inter filios Principum Civitatis propter ingenii, ac linguæ immortalē gloriam, etiam increpantibus filios suos parentibus, certatim tamen adolescentulorum studiis medius tamquam in arcem Urbis, in fastigium certe orbis collocandus, deducebatur. Qui adolescens Græce apud principes eloquentiæ Græcorum orans, meruit ingens testimonium viri laudatissimi Apollonii: Unum eum esse, cum quo facundia quoque a Græcis ad Romanos deducta transfret. Qui Oratorum maximus cum fuerit, & regnator Fori, ac Senatus, & Iudiciorum arbiter, quod alia Epistola explicandum restat, non minor tamen fuerit in vitæ magistra Philosophia. Non sum nescius a Lectoribus multis Orationum Argumenta desiderari, quod ego, quia alterius operis esse putavi, consulto præterii. Sunt earum multa in Pediano, sunt in aliis magnis veterum Authoribus, sunt in recentioribus quædam Lusco, & Trapezuntio, quæ a diligentioribus studiosis facile poterunt exquiri. Ego si de C. Plinii libro septimo Naturalis Historiæ unum testimonium de Cicerone in hujus Epistolæ calce posuero, finem scribendi faciam, & Orationum nostri Voluminis indicem subnectam. Quædam enim memini me alio in Opere magnæ commendationis Ciceronianæ, de qua nihil tam magnum dici potest, quod non pro ejus viri meritis minimum sit, a clarissimis Authoribus sumpta posuisse, quæ legere cupientibus erunt in promptu. C. Plinius. Sed quo & te, M. Tulli, piaculo taceam? quoque maxime excellentem insigni prædicem, quo potius quam universi populi tuæ illius gentis amplissimo testimonio, e tota vita tua Consulatus tantum operibus electis? Te dicente legem Agrariam, hoc est alimenta sua, abdicarunt Tribus. Te suadente Roscio theatralis auctori legis ignoverunt, notatasque se Sedis discrimine æquo animo tulerunt. Te orante proscriptorum liberos honores petere puduit. Tuum Catilina fugit ingenium. Tu M. Antonium proscripsisti. Salve primus omnium parens Patriæ appellate. Primus in Patria triumphum, linguæque lauream merite, & facundiæ, literarumque Latinarum parens, æque ut Dictator Cæsar hostis quondam

dam tuus de te scripsit, omnium triumphorum lauream adepte majorem, quanto plus est ingenii Romani terminos in tantum promovisse, quam imperii. *Habes de Marco Tullio Cicerone pauca, PATER BEATISSIME, de quo certatim viri doctissimi Græci, Latinique veteres, & nostræ ætatis eruditissimi copiosissime scripsere. Ego hac Epistola propter Orationum immortalem splendorem, quæ aptissime præponi illis visa sunt, solum attigi, per Te M. Victorino nepoti meo, ex Hieronymo fratre germano, viro optimo, quem ab hinc biennium prope Domino restitui, & cæteris nepotulis meis, quos in tutelam tui numinis jam dudum tradidi, & omnibus, ut perscripsi, studiosis gratificaturus. Vale perpetuo candidissime Papa. Romæ Natalis Dominici M. CCCC. LXXI. Pontificatus vero tui anno septimo.*

Annus hic ad calcem Epistolæ appositus illos redarguit, qui censent Orationum Ciceronis Editionem an. 1472. nullo addito loco, ubi prodiit, & in cujus calce hoc Tetrastichon legitur,

Hoc ingens Ciceronis Opus, causasque forenses,

Quas inter Patres dixit, & in populo,

Tu quicunque leges, Ambergau natus abenis

Impressit formis, ecce Magister Adam;

Censent, inquam, omnium principem esse. Nec aliam ea antiquiorem novit Jo. Georgius Grævius, cui luculentam, & facile omnium præstantissimam earum Orationum Editionem debemus, Amstelod. 1699. sex voluminib.

Antequam Ciceronem dimittamus, placet adnotare Epistolarum ejusdem Familiarium Editionem, quæ prodiit Venetiis an. 1469. opera Joannis Spirensis, primam omnium habendam esse ex iis, quas ipse Joannes Venetiis vulgavit, primumque eundem Joannem habendum,

qui Venetiis Typographiam exercuerit, si hujus versibus ad illius Editionis calcem appositis fidem habeamus (e), qui ita se habent,

Primus

- (e) Versibus his omnino fidem habendam esse censeo, praesertim quia Nicolaus Jenson, aliiue veteres typographi Veneti nunquam iis contradixerunt. In Weislingeri quidem Armamentario Catholico-rum p. 17. recensetur Francisci Materatii Perusini de componendis versibus hexametro & pentametro Opusculum in 4. asseriturque in fine ejus hæc legi verba : *Erhardus Ratdolt Auguſſenſis probatiſſimus librariæ artis exactor ſumma conſecit diligentia. Anno Chriſti MCCCC-LXVIII. VII. Calend. Decembris, Venetiis.* Sed hic in anni numero erratum eſſe, dubitandum non eſt, cum Erhardus Ratdolt Venetiis primum ſociatus Bernardo Pictori & Petro Loslein A. 1475. ſolus vero demum A. 1478. artem ſuam exercuerit. Hinc MAITTAIRE Annal. typogr. Tom. I. p. 391. edit. II. hoc ipſum opusculum, cui vero formam integri folii adſcribit, recensens, hic errorem manifeſtum pro LXXVIII. eſſe commiſſum monet. Iucundiſſimum lectori rei literariæ ſtudioſo futurum ſcio, hic recognoſcere, quæ hac de re erudite diſputantur in Bibliotheca Smithiana, ſeu Catalogo librorum Viri illuſtris Joſephi SMITHII Angli per cognomina Authorum diſpoſito, ac Venetiis typis Jo. Baptiſtæ Paſquali A. 1755. „in 4. excuſo, p. CXVI. Librum hunc (Epiſtolas nimirum familia- „res Ciceronis) primum omnium Venetiis cuſum, eoque Joannem „de Spira, Vindelini Fratrem, typographicæ artis initium poſuiſſe, „certo affirmari poſſe reor, cum ante annum 1469. nullus neque „ab ipſo Joanne, neque ab alio Typographo liber ſit editus. Ne- „que obſtat, quod Nicolaus Jenſonius libellum, cui titulus : *De- „cor Puellarum*, Anno 1461. ut in fine legitur, emiſiſſe dicatur. „In numerales enim illius anni notas mendum irrepſiſſe neceſſe eſt ; „proque anno 1461. annus 1471. reponendus eſt. Præterquam „enim quod in ſelectiſſima Eruditiſſimi viri Apoſtoli ZENI Biblio- „theca libelli duo exſtant Annum 1471. præferentes ab ipſo Jenſo- „nio editi, quorum alter pro titulo habet. *Queſta e una Opereta „La quale ſi chiamo Palma virtutum, zioe Triumpho de virtude : la „quale da Riegola : Forma ; Et modo a qualunque ſtato : ouer perſona „ne ſeculo ſe ſia : a poder viuer ſenza peccato mortale non impiaziando „niuno ſuo honeſto e neceſſario exercitio al viſto pertinente e al veſtito* „conde-

*Primus in Adriaca formis impressit abenis
Urbe libros Spiræ genitus de stirpe Johannes.
In reliquis sit quanta, vides, spes, Lector, habenda;
Quum labor hic primus calami superaverit artem.*

Hi versus crucem nobis figunt, quibus nimirum compertum jam erat, Nicolaum Jenfon, natione Gallicum, post Typographiæ Inventores Fautum, & Schœferum, in conspectum se dantem, præla in ea Adria-

N 2

ca

„condecete. In fine Deo gratias Amen. Opus Nicolai Jenfon Gallici
„MCCCCLXXI. Alter vero : *Parole deuote de l'anima innamorata in mis-*
„*ser Jesu.* In fine. MCCCCLXXI. octavo Idus Aprilis : per Nicolaum
„Jenfon Gallicum Opusculum hoc feliciter impressum est : eadem plane
„forma, charta eadem, iisdemque typis exarati, quibus *Decor pu-*
„*ellarum*, quæ formæ, chartæ, typorumque similitudo facit, ut eodem
„tria hæc opuscula anno excusa verosimiliter dici possint ; quis cre-
„dat Jenfonium, post instructam tot tantisque sumptibus typo-
„graphicam officinam, ab Anno 1461. ad Annum 1470. otiatum
„omnino esse, nihilque per octo continuos annos emittere voluisse ?
„eo nimirum tempore, quo hæc ars innotescere cœperat, libri-
„que, tanquam novæ res, incredibili cum voluptate excipiebantur ;
„quæ quidem tanta per id tempus fuit, ut Joannes de Spira Fami-
„liares Ciceronis Epistolas bis intra annum edere coactus fuerit.
„Qui certe adeo perfrictæ frontis fuisse censendus non est, ut
„omnis verecundiæ expers impudentissime sit mentitus, seque in
„Adriaca Urbe, in qua ipse Jenfonius esset, primum typographum
„dixerit. Jenfonium vero ita bonum hominem, ne dicam stupi-
„dum, reputabimus, ut apertissimum mendacium minime agueret,
„silentio etiam probaret, suamque sibi præreptam laudem nunquam
„doleret ? Alia profecto ad rem probandam argumenta non desunt,
„quæ, ne sim longior, omitto ; pluraque item annorum falso apposi-
„torum exempla suppetunt, quæ attendere si velimus, vera artis
„typographicæ Epocha incerta adhuc esset., Conf. CLEMENS
Biblioth. car. bistor. & crit. Tom. VII. p. 126. ubi antiquissimæ pa-
riter ac rarissimæ Ciceronis Epistolarum, a pag. autem 130. ad p.
155. aliorum ejusdem operum editiones docte recensentur.

ca Urbe collocasse, ibique vulgasse anno, qui in libri calce (f) notatur, 1461. celebre admodum Opus, quod *Puellarum Decor* inscribitur. Hac in re hærere nobis aquam fatemur, quod pariter fassus est Annalium Typographicorum parens.

Tandem adnotamus, nihil Ciceronis impressum typis apparere ante libros de Officiis, & Paradoxis Moguntiae editos ab Joanne Fust an. 1465. ad cujus calcem legitur hæc nota : *Præfens M. Tullii Clariffi-*

mun

(f) Si verba illa finalia, quæ MAITTAIRE Annal. typ. Tom. I. p. 37. edit. I. recitat, typis sunt expressa, mihi nullum est duobus, anni numerum mendosum, & pro LXI. legendum LXXI. esse, cum Jenfonium anno demum 1470. libros excudisse, constet: si vero calamo veteres typos æmulante sint adscripta, manum falsarii eandem fraudem hic commisisse arbitror, quam in Diatribæ præliminaris Obs. XXX. de exemplari Dialogorum Gregorii, in Bibliotheca Comitatus de Pembrok exstante, annotavi. In altera editione Tomi I. Annal. typ. p. 6. MAITTAIRE narrat, alium in quodam catalogo librum Italicum, itidem a Nicolao Jenfon A. 1461. excusum, a Comite Pembrokiano visum fuisse, cujus titulus, lectu licet ob informem literarum non plane descriptarum figuram difficilis, exhibere videbatur *Delle Cani*: illum Catalogum Comitem ab Italo quodam Londini commorante accepisse, navimque, qua libri in Catalogo descripti vehebantur, prope oras Galliae fractam fuisse. Hæc si conferamus cum iis, quæ Dav. CLEMENS Tom IX. de la *Biblioth. Curieuse* p. 380 sq. ex literis Ill. MEERMANNI & Tom. X. de la *nouvelle Biblioth. German.* p. 453. de Italo quodam falsario, Amstelodami diversante, observavit, qui hujusmodi fraudibus Anglos aliosque bene nummatos bibliophilos circumvenire solebat, probabile est, ab hoc vel alio hujusce furfuris homuncione istiusmodi etiam dolum in subscriptione *Decoris puellarum* fuisse patratum. Ego sane naufragio illo, quo intercidit liber Jenfonianus *delle Cani* nihil detrimenti passam esse rem literariam existimo. Veterator enim ille Italus haud dubie, si fuisset servatus, & in Anglia aliquem pecuniosum magnatem reperisset procum, hoc pacto denuo orbi erudito proterve illuisset, ac novam literatoribus fixisset crucem.


mum opus Johannes Fust, Moguntinus civis, non atramento, plumali canna, neque ærea, sed arte quadam perpulchra Petri manu pueri mei feliciter effeci finitum. An. MCCCCLXV. Multa de hac Editione Lector tradita reperiet in Annalib. Typograph.

S. AUGUSTINUS.

§. III.

Post Lactantium, & Ciceronem Romana præla nobis exhibent Augustinum, & Hieronymum, præstantissimum Ecclesiæ Doctorem par. Ea, quæ ad primum spectant, paucis omnino expedienda sunt verbis. Opus S. Augustini de Civitate Dei jam diximus Vindiciar. Cap. I. editum fuisse an. 1468. Romæ, ad cujus calcem leguntur hi versus. *Hoc Conradus Opus &c.* ibique pariter diximus, aliam extare ejusdem Operis Editionem, Typographi quidem, & loci indicio destitutam, quam tamen in Monasterio Sublacensi prodiisse, ex ipsa characterum forma, cum Annalium Typographicorum parente conjecimus, quæque præfert has temporis notas: *MCCCCLXVII. PAULI II. tertio, tertio regnante Frederico, indictione XV. 12. Junii. Deo gratias.* Quum neutra Editio Præfatione aliqua seu Typographi, seu Editoris exornetur, id unum hic dicendum occurrit, Opus illud Augustinæ denuo ab iisdem Germanis Typographis excusum fuisse anno 1470. cum versibus in fine: *Aspicias illustres &c.* tertiamque hanc Editionem (ni quartam dicere malimus, nam alia eo ipso anno Venetiis prodiit per Joannem, & Vindelinum de Spira) habitam fuisse pro omnium prima a Bernardo Montfauconio *Diar. Italic. Cap. XVIII. In ædibus (inquit) Maximorum an. 1470. cusus primo fuit Augustinus de Civitate Dei.* Atque ita Vir Cl. iusto recentior censuit primam hujus Operis Editionem, quum Lactantii Sublacensem illam, de qua superius §. I. non seipsa tantum vetustior, sed & Typographicæ arti in Italiam in-

vectæ anteriorem effecisset eodem Cap. Quam postremam opinionem iterum inculcavit Cap. XXII. his verbis: *Jam diximus Sublaci primum Lactantii Institutiones typis datas fuisse an. Chr. 1461. quod an observatum pridem fuerit, ignoro.* Non aliud Augustini Opus, præter illud de Civitate Dei, seu Romæ, seu alibi regnante PAULO II. excusum fuisse, ex Annalium Typographicorum fide affirmamus, nec mirum hanc Operi illi prærogativam concessam, quum in ipsum Augustinus tanquam in thesauros conjecerit, quidquid apud veteres legerat Authores Varronem præsertim, Salustium, Livium, Ciceronem in libris de Republica; *quo factum est* (ita loquitur Ludovicus Vives in Epistola ad Henricum Angliæ Regem, Operi illi, suisque Commentariis præfixa) *ut aliud agens, magis optimarum rerum servavit reliquias, domiciliis earum, & quasi sedibus, unde prius peti solebant, everfis (g).*



S. HIERONYMUS.

§. IV.

Binas Epistolarum S. Hieronymi, una cum nonnullis ejus Opusculis, intra biennium, scilicet ab an. 1468. ad an. 1470. vulgatas Romæ Editiones, easque ab iisdem Typographis, Conrado, & Arnolando sæpius laudatis, commemorant Annales Typographici, Richardus Simonius Selectar. Epistolar. T. 1. Epist. XXXIV. antiquiorem ex ipsis in Bibliotheca Colbertina a se visam scribens, Dominicus Vallartius in Præfat.

-
- (g) Hujus operis præstantia fecit, ut in Italicum sermonem conversi duæ antiquæ editiones, in Bibliotheca Hulsiana quondam, teste Catal. Tom. I. p. 18. obviæ, prodierint, quarum una loci & anni indicio destituta, altera autem Venetiis A. 1473. in fol. curata fuit. Neutrius MAITTAIRE mentionem habuit.

Præfat. ad Veronenſem Hieronymi Editionem, id ipſum, quod Simo-
nius, de Novarienſi Bibliotheca prodens, Peregrinus Antonius Or-
landus de Orig. & Progreſſ. Typographiæ, ac demum Author Catalogi
Regiæ Pariſienſis Bibliothecæ Impreſſ. Part. I. Unus Jo. Albertus Fa-
bricius in Biblioth. Lat. Part. II. binas illas Editiones pro una, eadem-
que habens, priorem tantum Tomum datum tradit an. 1468. posterio-
rem vero an. 1470. Qua autem de cauſa adductus hic fuerit ad aliter
in hac re exiſtimandum, quam laudati illi Scriptores, non liquet, nul-
lam ipſo dicti ſui rationem afferente. Neutram ego ſententiam omnino
probans, cenſerem annos illos 1468. & 1470. ita binas Editiones de-
ſignare, ut unicam ſimul deſignent, vario tantum temporis indicio no-
tatam. Utramque in duo Volumina diſtinctam fuiſſe, contra quam
ſcribit Fabricius, certum reddunt ea ipſa Volumina, non ita quidem
rara, quæ præferunt notam anni 1470. rariora vero, quæ aliam an.
1468. exhibent, cujuſcemodi in Veneta S. Marci Bibliotheca, nec non
in Sublacenſi S. Scholaſticæ Cœnobio reperiri, certis documentis mihi
innotuit. Ut autem binas illas Editiones ad unicam redigam, in cauſa
ſunt, quæ ſequuntur. Tomus prior, ſive an. 1468. ſive an. 1470.
notatus, unicam gerit Alerienſis Episcopi ad PAULUM II. Epistolam
nuncupatoriam, & unicam Tomus posterior, & ipſe cum utraque illa
nota. Neutra vero Epistola duplicem Editionem ne verbo quidem in-
dicat, ſed duplicem tantum Tomum, & quidem cum aliquo inter
utriuſque publicationem temporis intervallo. Credi autem minime
poſteſt, ipſum Alerienſem, ſi poſt adornatam Editionem an. 1468.
aliam ex integro adornafſet an. 1470. iisdem Typographis uſus, & ei-
dem Pontifici nuncupans, poſteriori Editioni novam Epistolam adap-
tare neglexiſſe: qua & poſterioris Editionis cauſam, & adhibitam in
ſecundis illis curis diligentiam, impenſamque a Typographis magnam
pecuniæ vim, ob magnæ molis Volumina intra biennium cuſa, & re-
cuſa, Pontifici de more enarraret; nihil enim frequentius in iis Ale-
rienſis Epistolis legitur, quam laborum ſuorum in iisdem curandis,
Typographicorumque ſumptuum commemoratio, unde Pontificiæ erga
ſe beneficiæ majora in dies argumenta impetraret. Sententiæ, quam
adſtruximus, firmius adhuc momentum accedet ex binis illis Episto-
lis

lis jam jam recitandis, si Lector ad plura earum loca animum adverterit, quæ duplex Hieronymianorum Operum Volumen, nunquam vero duplicem Editionem testantur. Qua ratione Typographi e re sua aliquando existimaverint, uni eidemque Editioni varias temporis notas affingere, præsertim si pluribus Voluminibus non uno tempore emissis constaret, haud defuit occasio semel, iterumque adnotandi in libro de Brixiana Literat. renascent. Literar. ætate.

Ea, qua ad primum eorum Voluminum Alerienfis præfatur, Epistola post commendatam in colligendis libris seu Principum, seu Pontificum curam, explicatamque, quam ipse in recognitione veterum Exemplarium adhibebat, diligentiam, quamque jam in A. Gellio, in Irenæo Lugdunensi Episcopo, & in plerisque aliis ostenderat, postea enarrat, qua ratione poscentibus amicis gratificaturus, *D. Hieronymi libellos, Epistolasque perplures mendose satis scriptas, & ex diversissimis Epistolis prius collectas, in certum ordinem a doctissimo & optimo Patre Theodoro, Tarvisino Episcopo redactas*, suo studio emendatiores edere susceperit, opportunissimo quidem tempore, quo Te (ita PAULUM alloquitur) *Summi Pontificatus majestati præsidente, merito in melius cuncta profectura non solum sperantur, sed etiam perspicuntur.* Mox PAULI Principatus felicitatem extollit, quod Volumina antea vix centum aureis emenda, (b) post divinum Typographiæ inventum viginti tantum redimerentur, eaque bene exarata, nec mendis infecta; hocque

-
- (b) Quanto olim pretio ante inventam typographiam libri MSS. venerint, nonnullis illustrare exemplis haud piget. Jo. WALCHIUS in Decade Fabularum p. 181. refert, unicum Bibliorum exemplar, quod totum membrana constabat, & impigri ac solertis alicujus scribæ seu Bibliographi manus assiduo labore post longum tandem tempus absolutum reddiderat, quadringentis aut quingentis coronatis venisse. Quanti Antonius Bononia BECCATELLUS, cognomento PANHORMITA, Livium a POGGIO emerit, memorabile hoc ejus epistolum ad Alphonsum Regem Neapolit. declarat:
- „ Signi-

que illud esse subjungit, quod maxime in votis fuerat Nicolao Cusano, Cardinali S. Petri ad Vincula, ut nimirum Ars illa, quæ oriri tunc in
O Ger-

„Significasti mihi nuper ex Florentia extare T. Livii opera venalia
„literis pulcherrimis, libri pretium esse CXX. aureos. Quare Ma-
„jestatem tuam oro, ut Livium, quem Regem librorum appellare
„consuevimus, emi meo nomine, ac deferri ad nos facias. Inte-
„rim ego pecuniam procurabo, quam pro libri pretio tradam. Sed
„& illud à prudentia tua scire desidero, uter ego, an Poggius me-
„lius fecerit, is ut villam Florentiæ emeret, Livium vendidit,
„quem sua manu pulcherrime scripserat: ego ut Livium emam,
„fundum proscripsi. Hæc ut familiariter à te peterem, suasit hu-
„manitas, & modestia tua. Vale & triumpha.„ Vid ejus Episto-
las cum orationibus & carminibus Venetiis A. 1553. in 4. evulgatas,
p. 118. Typographia quidem jam inventa, sed in Italia nondum sa-
tis cognita, Plutarchi Vitis, in Latinum sermonem conversis, sta-
tutum esse pretium LXXX. aureorum, Donatus Acciajolus Floren-
tia A. 1465. d. 11. Maji ad Jacobum Card. Papiensem, qui eas de-
siderat, scripsit. vid. hujus Epistolas, f. 542. & conf. f. 539. Illud
autem omnem fere fidem excedit, inventa jam diu typographia
Bohuslaum HASENSTEINIUM, Musagetam sui ævi incompara-
bilem, Platonem Græcum, tum quidem nondum editum, sed ab
Aldo Manutio demum Venetiis A. 1513. publici juris factum, duo-
bus aureorum millibus sibi comparasse. Testatur id Bohuslaus
BALBINUS in Epitome rerum Bohemicarum p. 583. cujus en tibi
verba: „Ulysses & Plinius Bohemiæ appellatus est, illud ob pere-
„grinationes per universam Asiam, Europam, & Africam diligen-
„ter obitas, istud ob varietatem doctrinæ, & ob Bibliothecam me-
„morabilem multis librorum millibus divitem, nullis ad eam au-
„gendam pecuniis comparcens, adeo ut Platonis græcum opus duo-
„bus aureorum millibus compararit. Periiit incomparabilis hic do-
„ctrinæ thesaurus diu post Bohuslai mortem A. 1570. in arcis Com-
„motoviensis ferali incendio. Testamento caverat (quod in tabulis
„Regni legitur) ne libri separari possent, legavitque Bibliothecam
„universæ Lobkoviciorum genti, cujus usum is tum temporis habe-
„ret, qui inter Lobkovicios emineret doctrina, & ingenium hîc
„studiis oblectaret.„ Id tamen ipsum etiam confirmat Bibliotheca
Hasi-

Germania videbatur, Romam deduceretur. Alias tandem PAULI Pontificis laudes recenset, quibus tamen omnibus antepositum ejusdem Artis inventum, ejus Principatus felicitati adscribendum. *Nunc igitur sume* (his verbis PAULUM ad Epistolæ calcem affatur) *Pontificum mansuetissime, & vere gloriosissime, S. Hieronymi primum Volumen, habiturus*

Hastinenſis Catalogus poſtremus librorum reſiduorum poſt miſerabilem illam circiter LXX. ſic voluminum conflagrationem in Arce Chomutoviendi, annexus rariffimæ Farragini poematum & epiſtolarum ejusdem a Thoma MITI Pragæ A. 1570. in 8. publicatæ, ubi inter Græcos auctores manuſcriptos nitidiſſime commemoratur Plato 2000. ducatis Mediolorum emtus. Thomas MITIS in epiſtola ad Georgium FABRICIUM, A. 1570. ſer. S. Marci Evang. veteri Praga data, & Catalogo ſubjuncta, inter cætera de illa Bibliotheca reſert, ex ea 700. volumina per Matthæum Aurogallum D. Sigismundo a Lobkowitz Wittebergenſis Academiae tum temporis Rectori adveſta fuiſſe, & poſt, quam ſatis uſi fuerant Mart. Lutherus, & Phil. Melanchthon, & alii, reportata Chomutoviendiſem in arcem, hac vero deinde incendio vaſtata, periſſe & ipſa, neglectu Domini arcis, & velut ad ignem damnata, ſuſpicionem hæreſeos. Luculentum etiam raritatis pariter & caritatis librorum ante excogitatam typographiam documentum præbet memorabilis ſubſcriptio Lexici manu exarati, quod *Catholicon* vocatur. *Explicit liber Catholicon ſcriptus anno MCCCCXXXII. ad requieſtam nobilis viri Domini Matthæi de Launays, pro tunc temporis Abbatis S. Amandi in Pabula, quem dicitur Abbas tunc temporis non habens gubernationem bonorum temporalium eccleſiæ prædictæ de propriis ſuis ſolvit pecuniis. Ordinavit denique idem, quod præſens liber in medio dictæ eccleſiæ collocaretur, & non ſolum conventuales illius monaſterii, quin immo curatus villæ ejusdem, capellani rector, rector ſcholarum, ceterique clerici & advenæ in eodem proficere valerent* Rogat demum dictus abbas omnes in hoc libro ſtudentes, quatenus omni menſe dicant orationem dominicam cum ſalutatione angelica ad honorem Dei, & animæ ſue miſericordiam apud Deum conſequendam. vid. *Second Voyage Littéraire de deux Religieux Bénédictins de la Congrégation de S. Maur*, Edmundi nempe MARTENI & Uſſini DURANDI, edit. Paris. A. 1724. in 4. p. 100. conf. CHEVILLIER *L'Origine de l'Imprimerie de Paris*, p. 370.

rus deinceps statutis temporibus semper nova tuæ felicitatis indicia, quasi frugum te dignissimarum primitias. Fassus tamen antea fuerat non omnia in eo Volumine comprehensa veros Hieronymi foetus censenda.

Richardus Simonius loco paulo ante allegato agens de Prodomo, quem Joannes Martianeus, novam Operum S. Hieronymi Editionem curaturus, in lucem præmiserat, mirari se scribit, hunc in Desiderium Erasmus, & Marianum Victorium, tanquam veterum Codicum, ad quos ipsi suas ejusdem S. Doctoris Editiones exegerant, corruptores, acerbe, & contumeliose invecum, nullam ejusdem criminis culpam Joanni Andreae, Episcopo Alerienti, tribuisse. Longe æquior erga Aleriensem Vallarsius in laudata Præfat. quem de re literaria optime meritum fatetur, eique multam suam fidem, ac diligentiam in Latino Hieronymi contextu afferendo testanti haud quaquam refragatur; eademque usus æquitate, Erasmanam Editionem haud parum commendandam scribit, si Auctor ab effræni illa, & projecta Sanctos Patres carpendi temeritate abstinuisset; multo adhuc magis commendat Victorii industriam, qui præter Romanos Codices, alios etiam per Italiam diligentissime conquisitos, Florentiæ præsertim, & Brixiae Monachorum Casinatum, & Neapoli, Bononiæque Dominicanorum Patrum opera adjutus, consuluerat, quique in ea Editione adornanda prolixam erga bonas literas trium S. R. E. Cardinalium, nimirum Guilielmi Sirleti, M. Antonii Amulii, Joannis Moroni, voluntatem, & collata sibi ab iisdem beneficia gratus commemorat in nuncupatoria ad Pium IV. Epistola.

Epistola autem Alerientis ad PAULUM II. hujusmodi est.

*Joannis Andreae Episcopi Alerientis ad PAULUM II. VENETUM
PONTIF. MAX. in Epistolarum D. Hieronymi primi
Voluminis recognitionem Epistola.*

S*acrosanctam Romanam Ecclesiam, cujus omnipotens Deus ad temporum
nostrorum felicitatem Tibi, PATER BEATISSIME PAULE II.*
O 2 VENETE,

VENETE, Pontificum misericordissime, sancta dedit gubernacula, hanc habuisse consuetudinem a Patribus accepimus, ut pretiosissimam librorum supellectilem diligenter semper exquireret, diligenter vero congregatam, cura Bibliothecario injecta, conservaret, Sacrorum præsertim Voluminum, in quibus ut divinior sapientia, ita cognitu utilior continetur; ut si quando necessitas, exegisset ex sacris Archivis deprompta Volumina spectarentur; ne soli, aut Atheniensis Pisistratus, aut Ægyptius Ptolemæus, cæterique in construendis Bibliothecis Viri solertes, hac quoque in parte Christianis hominibus diligentiores fuisse censerentur. Gordiano certe, ex Romanorum Caesarum numero principi excellenti, una die sexaginta Voluminum millia ad Bibliothecæ usum dono tradita referuntur. Nec inter omnia Principum munera legitur illustrius ullum unquam fuisse eo, quo Philadelphus, præcipuus ille Rex Ægyptius, Eleazarum Judæorum Pontificem donavit, quique ab ipso veteris Testamenti libros per LXX. meruit Interpretes suis hominibus in Græcam Linguam conversos exhibere. Sed quid opus est multis? Quicumque in Ecclesia Dei maxime floruerunt, impenso studio semper id egerunt, ut coacervatis undique Catholicis præcipue Voluminibus, sedes suas exornarent. Sic Pamphilus, sic Eusebius, sic Hylarius, sic Origenes, sic omnes Deo digni Pontifices omni cura egerunt. Possem de gentium quoque Philosophis, & prudentissimis sæculi hominibus, Aristotele, & Varrone idem dicere. Senatum etiam Romanum, & quidquid prudentium Virorum in Orbe terrarum usquam fuit, testes adducere, nisi sole clarior hæc res ipsa assertores extra non quæreretur. Verum cum doctoribus, & majoris industriæ Viris illam muneris dignioris partem concedi oportere censuerim, de alienis linguis, Hebræa scilicet, Punica, Arabica, Græca, & cæteris in nostram linguam clarissimorum Scripta in omni facultate traducendi, mihi doctorum abortivo, qui docti nomine non sum dignus, satis visum est, si in recognitione librorum, qui quidem imperitorum incuria depravati usque adeo erant, ut intelligi posse nullo modo viderentur, adbibito labore, mendas, si non valerem omnes, aliquas certe tollerem, & amicorum consilio, si qua vertenda essent efficerem Latina, si nimis obsoleta, ad usum nostrum, sermonemque redigerem. Id igitur in A. Gellii, id in Irenei Lugdunensis Episcopi libris, id in plerisque aliis egi. Nuperrime vero cum D. Hieronymi Libellos, Epistolaf-
que

que per plures, mendose satis scriptas, & ex diversissimis Codicibus prius collectas, in certum ordinem a doctissimo, & optimo Patre Theodoro Tarvisino Episcopo redactas, qui apud tuam Sanctitatem, dum in mortalibus ageret, Apocrisarii munus, Referendarii que cum magna commendatione semper implevit, amici quidam ad me delatas impendio poposcissent, ut mea diligentia emendatiuscule redderentur, quo minore difficultate legi possent; excusata rei magnitudine, ingeniolique mei tenuitate, ea conditione rogantibus annui, ut meo exemplo ad hoc utilissimum opus aptiores incitarem, sciens sæpiissime evenisse, ut ex initiis tenuissimis magnarum rerum primordia nascerentur; eoque id egi libentius, quod nunc præcipue visum est tempus opportunissimum, quo Te Summi Pontificatus Majestati præsidente, merito in melius cuncta profectura non solum sperantur, sed etiam perspiciuntur.

Quis enim non videt, nunc potissimum studiosorum tempora vota sua cælitus esse sortita, in summa pace Italiae, Urbis statu quietissimo, rerum omnium copia, inquietis hominibus incusso metu, bonis vero protectione monstrata, in Curiae Romanae ab omni sorde mundicia, justitia vigente florentissima? Fateor equidem non esse hoc meum exiguum munus, tua dignum Sanctitate, quod tamen a me offertur, nisi quantum omnia D. Hieronymi, & ejusmodi Sanctorum, quandoquidem hæc ipse Hieronymi non sunt omnia, quantumvis minima, apud te tamen maxima sunt. Sed quid facerem tot beneficiis a Te cumulatus? de pulvere, & stercore in Principum Solio collocatus? Delitescerem ne semper, & ex nimia verecundia ignavia crimine obruerer? Dabis veniam, PATER BEATISSIME, Pontificum mansuetissime, Ecclesiae Dei gloria, dabis veniam, & promptam voluntatem pro majori munere computabis, cum videris me digniora voluisse. Trado enim tibi quidquid habeo, & duo minuta in Gazophylacium mitto, & pilos vilissimos, ut dicitur, ad templum Dei offero. Tuis certe temporibus ad reliquas Dei gratias hoc etiam felicitatis Orbi Christiano munus accessit, ut pauperrimi quique parva pecunia Bibliothecas possint redimere. An parva est hæc tuæ Sanctitatis gloria, ut quæ volumina vix centum aureis eni poterant aliis temporibus, viginti bodie, ac minoris bene exarata, & non mendosissime facta vedimantur?

quæ vix viginti aureis lecturi mercabantur, quatuor, & vilius etiam nunc emantur? Adde, quod quidquid ingeniorum olim fuit, latebatque pene in pulvere, & tineis propter immensos labores, ac nimia describentium pretia, sub tuo Principatu captum est scaturire, & per omnem Orbem uberrimo fonte diffuere. Ejusmodi est enim Impressorum nostrorum, & characteres effingentium artificium, ut vix inter hominum inventa, non modo nova, sed ne vetera quidem, quidquid excellentioris inventi possit referri. Digne honoranda, saculisque omnibus magni facienda profecto Germania est, utilitatum inventrix maximarum. Hoc est quod semper gloriosa illa, & cælo digna Anima Nicolai Cusensis, Cardinalis S. Petri ad Vincula, peroptabat, ut hæc Sancta Ars, quæ oriri tunc videbatur in Germania, Romam deduceretur. Jam vota illius, qui Te, BEATISSIME PATER, ut pupillam oculi sui dilexit, coluit, admiratus est, credo ipso ad genua Domini nostri Jesu Christi hæc flagitante, tuoque tempore impleta sunt. Tuus Pontificatus cæteris ex partibus gloriosissimus, hac Arte ad tuos sanctos pedes advecta, oblivionem in hominum memoria nunquam accipiet, nisi si quando esse desinet mentio literarum. Magnum est Te Venetiis natum ex clarissima Barborum Domo, Eugenii quarti Pontificis Nepotem, tantæ Sedi, quasi jure hereditario Pontificem Maximum successisse; magnum, quod gravida bellis Italia, tuæ industriæ, auctoritatisque medicamento tandem abortivit; magnum, quod id, quod cæteris Pontificibus, vel metus tribuit, vel quodlibet artificium, Tibi Clementia sola tua, & hominum ultronea affectio contulerit, & gratia; magnum, quod Conclave ingressus, prius Pontifex existi, desideratus omnibus, quam initium Electioni factum putaretur; magnum, quod ad gloriam Regni pacifici Salomonis Romanam provebis Ecclesiam; magnum, quod corruptelæ, & Simonia, & Bullarum super Bullas involucra, in tua Curia tuo tempore ne nominantur quidem; magnum denique, quod absque omni strepitu omnia gubernantur sub Auspiciis, & Majestate tuæ Sanctitatis & quod Te Pontifice inter Prælatos nemo est intolerabiliter pauper. Verum hoc quoque magnum est, PATER BEATISSIME, & Deo amabilissime Pontifex, quod tuo tempore, non minus valet pene papyrus vacua, & nuda, pergamenave, quam hodie optatissimi libri emantur. Gloriantur non immerito sunt Principes nonnulli, quod saccus non
multo

multo pluris ipsis principantibus emeretur, quam triticum, aut quam vinum, inanis vegetas. Ego posteris in his Scriptis constanter semper admirationi futurum trado, præstantissimos characterum imprimendorum auctores, sub PAULI II. VENETI Pontificatu, Romæ Artem exercere cæpisse tanto artificio, & industria hominum, gratia nobis hac cælitus per divinum Pastorem importata, ut minoris libri emi fere possint, quam alias solet redimi ligatura. Nunc igitur sume, Pontificum mansuetissime, & vere gloriosissime, Sancti Hieronymi primum Volumen, habiturus deinceps statutis temporibus, semper nova tuæ felicitatis indicia, quasi frugum, Te dignissimarum primitias, & fove Artis hujus utilissimæ sub protectione Conradum, & Arnoldum Germanos homines, arte imprimendi præstantes, advektores; & semen Cæli, populum Christianum tuo munimini commendatum, apud Deum Orationibus, inter homines pace, & rerum omnium juva abundantia. Servulo tuo satis sunt pedum oscula beatorum.

Quæ Aleriensis ad secundum Volumen præfatur, clarius adhuc indicant, quid diligentia in ea Hieronymi Editione curanda ipse adhibuerit, quibusve subsidiis. De Exemplaribus manuscriptis, quæ consuluit, ita loquitur: *Latina Codicum, quotquot habere valui, diversitate, & omnium assidua vexatione, frequentique repetitione, plurium amicorum consultatione, longo Scriptorum ejus a primis usque annis usu, & magnæ partis Latinæ linguæ Auctorum lectione mediocriter reintegravi, quamquam in pluribus Epistolis vix unum Exemplar, idque salebrosissimum, & minime facile intellectu propter mendarum multitudinem, & fragmenta quiverim invenire. In Græcis autem vocabulis, quæ frequentissime in Hieronymi libris occurrunt, fatetur Aleriensis se in primis consuluisse Theodorum Gazam, eumque eximiis laudibus exornat: Hic est (inquit) meæ navigationis Septentrio, absque Theodoro meo non magis quicquam aggredior, quam absque meo genio. Restabant Hebraicæ voces, quibus pariter Hieronymi libri inspersi reperiuntur, easque Latinis characteribus effingere consilium cepit Aleriensis, causamque ita reddit: *Missa igitur Hebraica feci, recogitans in suo quemque Volumine illa esse, si licuerit, & voluerit, suppleturum.**

Richardus Simonius, qui, ut superius vidimus, vitio dedit Alerienſi Latinarum vocum in Hieronymi Scriptis correſtionem, qua factum fuerit, ut iſſis violentas plerumque manus inferret, eundem commendat, quod Hebraicas voces Latinis characteribus expreſſerit; nam id iſſum ab Hieronymo præſtitum fuiſſe clare idem Simonius evincit in Epiſt. XXXV. quæ ſuperius allegatam ſubſequitur, teſtes afferens Druſium, Riberam, & Frontonem Ducaum, hoſque de nuperorum Correſtorum audacia conquerentes, quod nimirum ſuppreſſa, veteri Leſtione Latinis literis expreſſa, novam, & Hieronymo incognitam poſuerint, & quod characteribus Hebraicis eam extulerint. Quod vero ſpectat ad Græcas voces, dupliciter peccaſſe ſcribit Alerienſem, ſeu potius ejuſdem aurigam, & genium Theodorum Gazam, quippe qui & frequenter vacuas iſſdem ſedes reliquerit, & quoties replevit, non breves eas voces, quas Hieronymus allegaverat, poſuiſſe contentus fuerit, ſed integros Septuaginta Interpretum verſus recitaverit, quum iſſ additionibus æquum foret locum tribui ad libri oras, non vero in iſſo textu. Et id iſſum peccaſſe conqueritur Simonius, Eraſmum, & Viſtorium, veteres illas Editiones plerumque exſcribentes. De his omnibus multo accuratius V. Cl. Dominicus Vallarſius in Præſat. Gener. ad nuperam Edition. Veronen.

Afferenda nunc Alerienſis Epiſtola ad ſecundum hoc Volumen.

*Joannis Andreae Epiſcopi Alerienſis ad PAULUM II. VENETUM
PONTIF. MAXIMUM in recognitionem ſecundi Voluminis
Epiſtolarum, & Tractatum Divi Hieronymi Presbyteri, Epiſtola.*

ANte omnia munerum omnium largitori Deo, ac Sanctis ejus, ſecundo loco Tibi, PATER BEATISSIME, PAULE II. PONTIF. MAXIM. ſtudia mea jamdudum dedicavi, ſacroſanctoſque Fratrum tuorum Collegio ampliffimo, in quibus R. Eccl. dignitas, & ſalus collocata, toto Orbe floreſcit. Prius igitur D. Hieronymi Epiſtolarum partem fere dimidiam cum illius Opuſculis, mediocri mea diligentia emendatam, in
manus

manus hominum misimus. Nunc alteram partem, in qua fere reliqua ejusmodi omnia collecta sunt, tradimus. Tertium Volumen quomodo perquiramus, in quo, quicquid reliquum divini bujus Doctoris Scriptorum invenitur, post ista redigatur, solerti animo meditamur. Hæc Tibi in præsentia, PATER BEATISSIME, deinceps ad omnes literarum studiosos, quorum Tibi est cura præcipua, nostra stectetur oratio. Puto multos tamquam arduum opus accepturos, libros describentium incuria, magna sui parte depravatos, emendare. Quod si attente perlegerint, duo jam nostra Divi Hieronymi vigiliarum Volumina præclara, contulerintque cum iis libris, qui prius vulgo lætitabantur, secus, mea opinione, judicabunt. Perspicientes enim ipsum jam tunc graviter queri de quorundam importunitate librariorum, qui pene in ipsius oculis, ac cellula Codices suos corruperant, ut vix sensus ullus elici posset, forsitan nos aliquid egisse grata conscientia prænuntiabunt. Tentantesque idem ipsi in aliquo similium Operum efficere, non minus facile instruentur, quantum sit ei comandum, qui vel mediocriter emendandi velit susceptam provinciam cum aliqua dignitate sustinere; libertumque aliquando Ciceronis Tyronem commendabunt, quem Patroni sui clarissimos libros mirifica vigilantia correxisse traditur, atque recognovisse. Si quis autem erratum alicubi esse, quod fieri facile potest, a nobis deprehenderit, ipse quoque potius mendum tollere, quam socordia nos arguere, boni consultum volet, illius Horatiani prope oraculi memor, Operi longo fas est irrepere somnum. Multum profecto temporis sese quisque lucratum nobis, si ingratum non esse placuerit, acceptum feret, dum tantum legendo brevi morula fuerit affectus, quantum nos multis vix diebus apprehendere propter rei magnam difficultatem potuerimus. Nihil enim differre arbitror librum recognitum diligenter habere, & ante prælegentem Magistrum confidere, ut pene mediocriter quoque intelligenti, maxima, & abstrusa quæque in disciplinarum penetralibus pateant, cum certus de libri veritate, prope in duabus tabellis, velut grandem comprehensam habeat Bibliothecam. Quid enim aliud est prudenter commentari, quam recte quodammodo pronunciare, doctæque distinguere? dum ipse legentis distinctiones quasi quædam sint interpretamenti luminaria. Ex quo præclare ad Nepotem Ausonius:

Tu flexu, & acumine vocis,

Innumeros numeros doctis accentibus effer,

Affectusque impone legens, distinctio sensum

Auget, & ignavis dant intervalla vigorem.

Liber quidem pure descriptus, suis locis distinctus commatis, & punctis, cui non pateat, non rupici homini, & rusticano? Ejusmodi, sicut arbitror, & facto periculo nosci per quam facillime potest, nostræ sunt libri. Quod ego asserendo, venaliores non facio illos, (absit enim ab animo litterato talis cogitatio) sed ad prompte legendos inertiores etiam invito, securus de invidorum judiciis, qui non solent illa carpere, quæ vident nonnisi a paucissimis, & sui simillimis lacerari. Dicendæ sunt tamen hoc loco, quæ mihi in hoc munere maxima sint visæ difficultates, & quibus me inde consiliis, adjumentisque explicarim; ut qui tale quid efficere velit, nisi melius ipse aliquid habeat, nostra possit æmulatione proficere. Nam magnopere cupimus omni in facultate homines consurgere (quod quidem speramus fore) qui pauci ipsi, & laudatissimi pro omnibus elaborent, veluti quidam Soles inter humana Sydera. Ego ipse, cum viderem Divum Hieronymum, Virgiliano illo præcepto mirifice excitatum, quo dicitur: Labor omnia vincit improbus, quia volenti nihil est difficile, capi impendio magis animari, quando me paucis studiosorum dumtaxat labore (quod nulla dixerim arrogantia) cessasse, sæpe numero expertus fueram, fortassisque in ea parte adhuc nequaquam multis concessurum. At cum omni doctrinarum genere excelluisse illum divinum Virum gravissimis testibus, imo omnium mortalium, qui post eum nati sunt, perpetua sententia perspicerem, omniumque linguarum, quibus Ecclesia Sancta potissimum uteretur, notitiam habuisse, bisque duabus rebus, maxima scilicet scientia, & linguarum gratissima, & utilissima varietate, omnia sua Scripta complexisse, consilium ex re capi, primum non esse diffidendum, tum deinde ad ætatis nostræ doctorum hominum, illius similibus, quantum fieri posset, subsidia confugiendum, eaque in primis omittendum, quæ non tanta utilitate, & longe maximo labore, ac tempore erant conquirenda, & forsitan minime invenienda. Missa igitur Hebraica

braica feci, recogitans in suo quemque Volumine illa esse, si licuerit, & voluerit, suppleturum. Latina Codicum quotquot habere valui, diversitate, & omnium assidua versatione, frequentique repetitione, plurium amicorum consultatione, longo Scriptorum ejus a primis usque annis usu, & magnæ partis Latinæ linguæ Auctorum lectione mediocriter reintegravi, quamquam in pluribus Epistolis vix unum Exemplar, idque salebrosus, & minime facile intellectu propter mendarum multitudinem, & fragmenta quiverim invenire; quod nisi Deus ipse magis quam homines tunc juvisset, fortasse efficere nequivissem. Restabant cognitu necessaria in primis Græca, sine quibus, ut præcipua fere Latinorum Volumina, ita nullo modo hujus Sacratissimi Doctoris legi Scripta ad intelligendi profectum poterant. In his igitur nequaquam omittendis, tum alios quosdam laude viros, & memoriæ dignos consului, tum cum primo meum doctissimum, humanissimumque Theodorum Gazam, quem Latinorum hominum propitius Opifex rerum Deus, adiutorem, illustratoremque præcipuum, ut nasci voluit, ita ad nos misit, quem, si quid ego suffragii habeo, inque judicando ponderis, facillime doctissimorum temporum hominibus quibusque doctissimis confero, multis etiam haud vulgaribus antepono. Hic est meæ navigationis septentrionis, absque Theodoro meo non magis quicquam aggredior, quam absque meo genio, omnem eo duce verius quam comite, me prope dixerim in corrigendo impossibilitatem superatum ire posse confido, de quo utinam majora possem loqui. Auriga ingenii nostri, & studiorum oculus, ac Sol quidam litterariæ maturitatis, doctorum hujus ætatis in bonis litteris lumen, & decus, cujus conversatio vita est, & benevolentia immortalitas, cujus Viri utinam virtutes, & commoda, quibus assidue Latinos homines afficit, locupletius pensitarentur. Sed de hoc plura alias, de quo numquam nimia quisquam poterit dicere. Nunc ad propositum revertamur. In priore veluti in præsentē quoque Volumine multa conniventibus oculis, nonnullis amicorum serviētes, inseri toleravimus, potius quam consensimus, ne pedaria quidem (ut ajunt) sententia decernendo, quæ aliorum sunt, & eorum sane quædam, qui Divi Hieronymi, ut cum Statio dicam, vestigia semper debeant adorare, ut ipse quid sentiam, affirmem, non modo attingere, sed ne longissimo quidem intervallo queant prospectare. Ea tamen minime

sunt mala, aut scitu indigna, etsi Hieronymi splendore, & fastigio sint minora. Divum ipsum Hieronymum sciebamus quibusdam in locis Scriptorum suorum veluti novum lustrum facere. Nonnullos item præstantis auctoritatis viros, inque suis facultatibus sapientiæ, & famæ singularis, inter quos est, Pontificii juris decus egregium, Joannes Andrea (i) Bononiensis, qui veneratione, atque admiratione multa Divum Hieronymum suspiciens, & prosequens ægerrime ferebat illota (ne nugalia dixerim) quædam tanto Doctori tribui, quæ ex illius Officina nequaquam prodiisse a mediocriter etiam studiis, vel primis labris imbutis possent judicari; ex quo etiam ut de Homero Aristarchus, de nostro Plauto M. Varro, de multis item plerique, ita ipse in Scriptis suis fecit de Hieronymo; quæ hoc loco ideo commemoranda tantum, non etiam explicanda putavi, ne nimium me crassa, & præcipiti emendationis Minerva usum quispiam arguendum existimaret. Et nos quidem manum subduximus ferulæ, auresque habemus non omnino inelegantes, aliquanto forsitan ab ejus hominis judicio alienas, qui aliquando, nescimus quo instinctu, ausus est, lite nondum contestata, de nostris studiis præcipitare sententiam; Qui quidem meo judicio multum ne quicquam sapit, quoniam sibi nondum est sapiens. Quis ille hominum fuerit, ab eo malim quam a me pronunciari. Satis contentus ego ex mea verecundia, & ingenio fuerim, tamdiu expectasse respondere, ut vere aliquando, tempestiveque referrem, quod illum posset remordere, ut fiat aliquando cautior, & modestior, si id unquam potuerit ulla ætate indipisci. Valeat igitur, atque delitescat. Nos ad nostra studia redeamus, quæ nemini invidemus, omnibus esse communia peroptamus, atque ob id quoque, ut bona sint, & vilissime emi queant,
pro-

(i) Jo. Conr. ZELTNERUS in Centuria Correctorum in typographiis eruditorum p. 67. 199. cum nostro Episcopo Alerienti celebrem tunc Ictum Bononiensem, Pontem Canonum appellari solitum, confudit, qui tamen jam A. 1348. Bononiæ fato perfunctus est. Noster autem obiit A. 1475. prid. Non. Febr. quod ejus testatur Epitaphium in Phil. BONAMICI Libro de claris pontificiarum epistolarum Scriptioribus, Romæ A. 1753. in 8. edito, p. 202.

procuramus. Haud ignorantes studioforum difficultates, qui sapissime oleo egent, & rigescunt propter extremam rerum omnium paupertatem: illis, qui ditiusculi sunt, hoc certe non dubitamus evenire, ut malint pauxillum pecuniæ pro hujusmodi libris impendere, quam rependendi beneficii obstringi, gratis accipiendo, necessitate. Nam vilis est animi, qui sese potius velit dignissimi muneris fateri debitorem, quam, cum possit, illud tenui dispendio differat commercari. Legimus inter cætera apud A. Gellium, secundum tantum Aeneidos librum in sigillariis 20. nummis aureis, emendationis ejus gratia distractum, & quod magis est, grandem exhibitam mercedem, ut ex libro emendato versus unus tantummodo posset recenseri. Illud quidem sciant nostra hæc legentes, multum nos pro tempore in hoc suscepto munere laborasse. Quantum profecerimus ipsorum sit cum judicio testimonium. Forsitan quispiam expectet, uti de immortalis Doctoris aliquid hoc loco gloria prædicemus. Voluntate id quidem conari nos possemus, non autem facultate. Ipse de se lectus ubertim dicet, cujus facundiæ, & sapientiæ crater, quanto crebrior, & meracior fuerit tanto pronior erit ad animi sanitatem. Etenim quod Socratem dixisse ferunt prudenter, atque doctissime, hominum pectora esse oportere aperta, atque fenestrata, uti non occultos, clandestinosque habeant sensus, sed patentes ad considerandum, atque explicatus, quis unquam ejusmodi naturæ magis fuit, quam Divus hic Doctor? qui animum gestavit in fronte, & in lingua voluntatem; qui maxima omnes homines docuit ubertate, redarguit libertate, allexit beneficio, provocavit exemplo. Morum vexillarius, religionis signifer, Paradisi mango, vitæ Christianæ exemplar, multo melior vita, quam major doctrina, etsi omnium maximus eruditione, seculorum post se excultor, priorum illustrator, utrorumque gloria & merito corona præcipua. Sed nos in silvam ligna, aquam in mare, stellas in firmamentum conamur afferre. Qui alium, præsentē Hieronymo, querit legere, cibario pane, relictis esculentorum deliciis, cupit impleri. Illud sit satis, hac nostra operula studiosos homines ad legendum excitasse. Nunc patrum in liberos promptas voluntates invitemus ad hos libros levi patrimonii onere coemendos, filios autem ad studendum alacrius, atque ferventius incitemus, & quicquid temporis describendo insumpissent, quæ prius emere propter vim preciorum non valebant; nunc illud omne in per-

discendo terant. Quandoquidem frustra illis omnis esse librorum copia juxta videatur, qui plus chartas, quam doctrinam videantur dilexisse; quod facile multis accidit, qui in scriniis domi habent maximam reclusam librorum, & sapientiæ suppellectilem, & foris apertam circumferunt ignorantiam. Quid enim prodest homini acervos librorum habere, purpura vestire, umbilicis ornare, minio illuminare, pulvere detergendo familiam occupare, ostentationi proferre, sepultis incubare, nominibus librorum plenum esse, ignorantia scatere, curarum vanitatibus tumescere, primis vix labris litteras ipsas degustare? Hæc videmur merito dicere debuisse, nos magis, qui pro omnibus laboramus, ne nostro studio Codicibus homines impleamus, ipsi incuria sua desegnescant. Veterum multi absque libris maxima quæque didicerunt, detrimentum memoriæ libros esse arbitrati, ut Galliarum Druides sapientissimi, Pythagoræi castissimi, Romani vetustissimi. Nos ne libros condemnamus, qui tempus omne in libris ponimus? Absit, amicissimi, absit. Sed si fieri potest diligentiam legendi excitamus, memoriam provocamus, sapientiam poscimus, quæ ut auxilio librorum eget, ita absque vigilantissima exercitatione haberi non potest. Veniam necessariam damus Curialibus, qui officiorum publicorum munere communibus utilitatibus magis vivunt, quam sibi; imo in eo ipso sibi maxime quia multis beneficiis in universum omnibus sunt auxilio. Illis vero non damus, qui gratis desident, tunc victuros se dicentes, cum de procurando funere vix tempus erit super. Hos velim potissimum studere, minimum vagari, quandoquidem Civiles homines, & in Clero positi, vel ad commissorum eis utilitatem, vel ad suam ipsorum commoditatem, ac veram tranquillitatem melius nihil queant invenire. Verum de his satis: non enim Diogenem induimus, qui liberis didicerat hominibus imperare. Reliquum est, ut non re tantum, sed spe quoque laborum nutritia, eorum aures, qui hæc legerint, impleamus, quali, ut facile arbitror, avorum nostrorum tempora caruerunt, qui in eo nobis etiam infeliciores fuere, qui non solum bonis, & emendatis libris eguerunt, sed ne Doctores quidem in litteris humanioribus, ac cultoribus ullos habuerunt. Unde factum esse reor, ut tam ingenia, quam studia, rubigine quadam quasi callo obdurata perforduerint, tandiu in squalore mersa, donec nati sunt, suoque prope ipsi Marte delinmati, Gasparini illi præceptores,

res, & iis terfiores, locupletioresque Victorini, Guarini, & cæteri, quorum adhuc nonnulli vivunt, a quibus Patres nostri viam discendi, ut facilitate, ita copia, & tersu, majorem sunt adepti. Tunc tamen major multo, quam nunc librorum fuit penuria, aliis, atque aliis in dies, & inventis, & de Græcorum thesauro conversis, & ex novarum officinarum fabrica, vetustatem omnium exprimentium artificio ingenti, & felicitate elaboratis. Hoc igitur tempore & doctissimorum numerus ubique urbium frequentissimus est, & librorum minime vulgariū venales acervi; ut adhibito studio, nihil defuturum iis videatur, qui voluerint; velle autem omnes debent, sese efficere cultis quoque veteribus cultiores. Hæc felicitas donorum omnium datori Deo nostro primum, quod initio præfatus sum, tum Clementissimo Pontifici Maximo Dom. N. SS. ferri accepta debet, cujus æquissima Pontificatus administratione, & maxima omnium rerum moderatione, magna est pacis tranquillitas, & placida omnia quiete florescunt, ut cupientes civilem vitam degere in Christiana charitate, studiis dediti præsertim piis, tempus suum in primis habeant opportunum. Cæterum quia forsitan expectatis spei vestra quasi promissum, & tamquam aliquod vadimonium, quenam potissimum Volumina veluti ad novam sæturam parata incubemus, accipite brevibus, quod optatis. Dignissimum fuit, necessariumque maxime a sacrorum Doctorum majestate incipere, veluti animæ, & vitæ ferculis potioribus. Ea nunc tamquam Dei mensas, atque altaria bellariis quibusdam, ac floribus conspergentes, studiorum quoque humanitatis difficiliore, elegantioresque in eo genere Auctores delegimus A. Gelium, Macrobiū, Apulejum, Platonis defensionem, & denique Declamationes quasdam elegantissimas, quibus nonnullas ejus generis doctrinæ appendices forsitan copulabimus. Horum quinque Auctorum, ceu quinque lapillorum pretiosissimis gemmis, coronam quandam studiofis in correctionis auro fabrefacimus, quam qui eruditionis suæ capiti imposuerit, absque controversia multiplici varietate, elegantiaque fulgebit; erit enim ejus generis mundus, nam eo quoque nomine censeri merito potest, ut quamvis facultatum Reginam mirifice queat exornari, non nugis muliebribus, sed decoris virilibus. Vos pro pauperis ingenio mei exigui, laboris vero maximi, proque Magistris nostris Conrado, Arnoldoque characterum opificibus, qui nostros conatus effingunt,

gunt, humilibus, ac devotis Orationibus Deum rogabit, ut successum nobis præbeat, cupidis tam divina vobis Volumina, quam humana præparare. Valete Amantissimi, atque Optatissimi lectionum comites, & castæ Latinitatis studiosi.

Quod in Epistola ad primum Volumen Aleriensis monuerat, non omnes Tractatus a se editos pro Hieronymi foetibus habendos, id ipsum in hac altera modo recitata disertius affirmat, insuper addens, nonnullos ex illis Hieronymi splendorem, & fastigium non modo non attingere, sed ne longissimo quidem intervallo prospectare, indeque indignari solitum Joannem Andreæ Bononiensem, eos tanto Doctore a quibusdam per maximam injuriam tribui. De supposititiis Hieronymi Operibus, quæ nimis multa sunt, se dicturum pollicetur Vallarsius in Præfatione ad postremum Tomum, ad quem eadem amandavit. Idem Epistolarum Collectionem adornavit, primus omnium laudabili prorsus methodo, nimirum Tractatus, & prolixiora Opuscula, quæ ab ipso Hieronymo in Catalogo, atque alibi, si quando eorum mentio occurrit, inter libros censentur, inde loco movens, & alteri Tomo reservans.

Dum vero Aleriensis in eadem Epistola inculcat, ea ætate, & doctissimorum hominum numerum ubique urbium frequentissimum esse, quorum primipilos Gasparinum Bergomatem, Victorinum Feltrensem, Guarinum Veronensem facit, & librorum minime vulgarium copiosam, facilemque parabilem suppellestem reperiri, tam præclarum beneficium, post Deum Optimum Maximum, adscribit PAULO II. atque iis quidem verbis, ut Platinæ, aliorumque calumniam de literis ab eo Pontifice odio habitis apertissime refellant, quod pluries adnotavimus. Adnotet autem, velim, Lector præ cæteris ejusdem Epistolæ verba illa, quibus monemur nihil prodesse, *acervos librorum habere, purpura vestire, umbilicis ornare, minio illuminare, pulvere detergendo familiam occupare, ostentationem proferre, sepultis incubare, nominibus librorum plenum esse, ignorantia scaterere, curarum vanitatibus tumescere, primis vix labris literas ipsas degustare.* De quinque Auctoribus, ad quos in
lucem

lucem emittendos Alerienſis ſeſe comparare ad calcem Epistolæ ſcribit, ſcilicet A. Gellium, Macrobiũ, Apulejum, Platonis deſenſionem, & denique Declamationes quasdam, nil opus eſt hoc loco dicere, quum locis ſuis ex inita a nobis ratione de ſingulis ſit diſſerendum.

Novam Hieronymi Epistolarum Editionem prodiſſe Romæ an. 1476. in domo Petri de Maximis juxta Campum Floræ præſidente Magiſtro Arnolſo Pannartz, docent nos Annales Typographici, eo ſcilicet anno priorem partem, poſtერიoreν vero an. 1479. *per Venerabilem Virum Magiſtrum Georgium Laurentium de Herbipoli.* Editionem hanc memorans Vallariuſ in laudata Præfat, elegantiffimam eam vocat; at dum Georgio Laurentio (k) unice tribuit, & an. 1479. figit, ad ſecundam tantum ejus Partem reſpexit. Fabriciuſ vero eandem proluſ ignoraffe videtur. Ante ipſam duobuſ pariter Tomi cuſæ fuerant eæ Epistolæ an. 1470. Moguntia; ſubſecutæque poſtea ſunt treſ Venetæ Editiones an. 1476. an. 1488. an. 1496. nec non Parmenſis an. 1480. quam omnium ſplendidiffimam dicit Vallariuſ. Hæc, quemadmodum & Romana an. 1470., in manibuſ mihi fuit, legique ad Tomi ſecundi calcem hæc verba: *Divi Hieronymi Religionis Eccleſiaſtica Doctoriſ eximii huic ſecundo Epistolarum Volumini ſiniſ imponitur. Quod quidem Opus una cum priore Volumine in Urbe Parmenſi diligenter emendatum, & impreſſum eſt anno Nataliſ Dominici MCCCCLXXX. Idibuſ Madiiſ. In quo quidem, ut diligens poterit Lector advertere, multi & Tractatuſ, & Epistolæ, quæ in cæteriſ impreſſionibuſ minime reperiuntur, inſerti fuere.* Romanæ autem illiuſ Editioniſ in calce primi Tomi hæc verba mihi occurrunt: *Impreſſum Romæ Opus in domo Petri, & Franciſci de Maximis juxta Campum Floræ, præſidentibuſ Magiſtriſ Conrado Schweinheim*

Q

(k) Non Laurentiuſ, ſed Lauer vel Laur nominabatur hic typographuſ. Errori huic anſam dedit MAITTAIRIUS Tom. I. Annal. typogr. p. 398. edit. II. ubi Hieronymi Epistolarum Partem ſecundam per Georgium Laur. de Herbipoli Romæ A. 1479. excuſam eſſe ſcribit, alibi p. 312. & 334. eum rectiuſ Lauer nuncupans.

heim, & Arnolde Pannartz An. Dominici Natalis MCCCCCLXX. S. D. N. Domini PAULI II. VENETI PONT. MAXIMI an. VI. Urbe & Ecclesia florent. Eaque ipsa verba in secundi Tomi calce leguntur, nisi quod omisso Francisco solus Petrus de Maximo memoratur.

Dum hæc omnia de Romana Hieronymi Editione jam scripsissemus, imo vero iisdem excusis, subsequenti §. jam Typographus initium fecisset, valde opportune contigit, ut hujus operam remorantes, vel in hoc ipso §. Lectorem monitum facere valeremus, sententiam, quam de unica, non vero duplici, ea Editione PAULO II. ab Ale-riensi nuncupata, ex conjectura tantum superius adstruximus, certam nobis modo evasisse, quum binos Tomos, an. 1470. notatos, quos Romæ jam deprehenderamus, diligenter conferentes cum alio, quem pariter ut inspiceremus, optatis nostris fortuna ex insperato respondens effecit, posteriore scilicet cum anni 1468. nota, illico comperimus, iisdem prorsus typis absque ulla varietate omnes illos Tomos excusos fuisse, ac proinde certo innotuit, ipsos unam, eandemque Editionem componere, licet Exemplaria nonnulla Typographo libuerit anni 1468. indicio signare, reliqua vero anni 1470. profecto ut venalia redde-
rentur.



SACRA BIBLIA.

§. V.

Quum in superiori §. actum sit de S. Hieronymo, haud immerito de Sacris Bibliis illico dicemus, in quibus scilicet vertendis, explicandisve non alius inter eximios Ecclesiæ Doctores eo excellentius laboravit. Vetusiores divini illius libri Latinas Editiones Annales Typographici nos docent, nimirum Moguntinam an. 1462. aliam absque loci indicio an. 1464. tertiam an. 1466. Augustæ Vindelicorum, quar-
tam

tam an. 1469. Reutlingæ, quintam an. 1471. Romæ. Has omnes aut nihil, aut parum notas habuerunt Lucas Brugenſis, & Brianus Waltonus, cujus in Prolegom. IV. ad Bibl. Polygl. hæc ſunt verba : *Prima Bibliorum Editio impreſſa (erat Latine Vulgate) Moguntiae an. 1472. teſte Luca Brugenſi Præfat. libri de Variantib. Script. loc. Aliam tamen illa priorem quidam ſe viſiſſe dicunt.* Romanam illam, quæ ad rem noſtram facit, ad manum habuimus, licet pro adeo rara eandem cenſuerit Maittaire, ut primum ejusdem Volumen viſum fuiſſe ab amico quodam ſuo in Bibliotheca Regis Hiſpaniæ Matriti, operæ pretium exiſtimaverit referre. In fine libri leguntur verſus: *Aspicias illuſtres &c.* in fronte autem hæc habetur Alerienſis ad PAULUM II. Epiſtola.

*Joannis Andreae Episcopi Alerienſis ad PAULUM II.
VENETUM PONT. MAX. Epiſtola.*

Chriſto Jeſu Domino Noſtro Optimo Maximo, qui Te PATER SANCTE PAULE II. VENETE PONTIFEX MAXIME, Vicarii ſui Petri Apoſtolorum Principis prius nomine, dein Majeſtatis, ac Sedis gradu ſucceſſorem dedit, non poſſum pro merito gratias agere, quod illum diem lætiſſimus vidi, in quo utriusque eruditionis prima Volumina gratiæ ſcilicet, & naturæ impreſſorum noſtrorum induſtria ſub umbra numinis tui in medium litterarum cupidis jam multa ſunt propoſita; ut & qui ſæcularibus diſciplinis, quas Majores noſtri humanitatis vocarunt, & qui divinis contemplationibus vacant, in quibus ſeſe exercean, parabiles de cetero Codices non deſiderent. Edidimus nos quidem prius multi nominis, ac ſtudii Authores celeberrimos, nunc utriusque Teſtamenti libros, quam Bibliam nominant, cupientibus exhibemus. Et quoniam id quoque putavimus ſtudioſis placiturum, in divini operis fronte Ariſteæ, magni illius viri, cujus Divus etiam Hieronymus in ſua Præfatione meminit, libellum (1) appoſuimus, ut qua hominum vigilantia, quo Dei munere, quibus

Q 2

pra-

(1) Fuit etiam Nicolai MALERMI verſioni Bibliorum Italiciæ A. 1471. primum editæ Ariſteæ hiſtoria ſubjuncta: unde R. Gedaliæ fuiſſe per-

præmiis de Hebræorum veris fontibus ad Græcos in Egyptum prius, postmodum ad nos Vetus Instrumentum derivavit, & qui scierant, recolant, & qui nescierant, instruantur. In quo libello tum alia quædam præclara disci posse perspexi, tum id in primis tales, tantosque Interpretes illos LXX. appellatos fuisse, quales, & quantos pene LXX. Seniores, quibus spiritus Moyſi a Deo quondam sit communicatus, vetustas sancta præconavit. Quorum responsa, certaque oracula summis in omni statu Viris clarissima esse possunt specula, in quibus vitæ utriusque omnes actiones contemplantur, ut ita quales ipsi sint, & cujusmodi esse debeant, conscientia sua judicante cognoscant. O nunquam satis laudata incredibilis virtus antiquorum! O semper vetustas casta admiranda! quæ terrestres plures habuit, ut sic dixerim, Deos, qui eorum ingeniis veluti novis cælis, atque luminaribus unius veri Dei exemplo, ac dono mundum illustrarent, & in eo tamen solliciti forent, ut de mortalibus sæculorum omnium possent agendi bene monstrata luce promereri. Quid hac Interpretum paucorum præceptorum doctrina potest in tam exiguis chartis sanctius legi? Quid utilius perdisci? Magisterium Principibus quoque omnibus sæculis graduum quorumlibet propositum est, & tamquam norma rectissima oblata cogitationes suas omnes, atque actiones ad virtutis, & gloriæ culmen dirigendi, quasi enim in annuli pollicaris palla impressa est solida, & exacta gerendi principatus vivæ imaginis disciplina. Hinc se quisque qualis ipse sit, qualisve esse debeat, & amore ne, ac gloria, an vero contra odio, & dedecore dignus statim potest explorare. Colligant in sinum suum ex his monitis, & tam illustri signo causam suam Principes mundi rerum, & ipsi de se conscientia nihil errante pronuncient; ut hoc modo sibi, & principatus sui tempus, & posteritatis gratiam, si sapiunt, parent. Sed Aristæas ipse legentibus multo hac Epistola melius satisfaciet. In divini autem Voluminis calce, veterum exemplo, verborum interpretationes Hebræorum annexuimus. In quibus si cuiquam videbitur alia describendi, idest orthographiæ

persuasum existimat Jo. Christoph. WOLFIUS in Biblioth. Hebr. Tom. I. p. 215. illum libellum a Christianis inter libros sacros numerari.

phæ ratio constare, quam quæ in Volumine deprehenditur, sciat non eandem posse in Hebraicis, quæ in Latinis, & Græcis verbis solet, descriptionis regulam teneri. Non enim habemus varios illos characteres, quos Hebræi in iisdem litteris nonnullis effingunt, vel punctis & notis peculiaribus signant; quod statui memorare, ut qui legerit modo Esaiam, modo Isaiam, & id genus quædam scribi nequaquam miretur. Etenim multo melius altero illorum modorum ejusmodi describi nomina arbitror, quam quomodo vulgo describuntur. Nam littera y. quæ tantum Græca est, & nullibi recte potest in dictionis capite absque aspirationis nota exarari, quæ ratione proponatur, non video. Sed de hujusmodi minutiis litteratores quidam certabunt, & ii maxime, qui sunt elementorum potius figurarum, quam sensuum rationis studiosi. Nos quo ordine Bibliæ libri in hoc Codice sequantur, explicabimus. Tu vero, PATER SANCTE, quod assiduo facis, nos numinis tui majestate omni tempore defensos sereno tuo vultu suscipe, & gratia Pontificiæ pietatis, ac perpetua felicitate Ecclesiæ Catholicæ corpus immaculatum rege, & simul in æternum.

Romæ XV. Martii Natalis Dominici Anno MCCCCLXXI. Pontificatus tui florentiss. Anno VII.

Mirari subit, in hac Epistola Aleriensem Episcopum ita præfari, ut Græcam tantum Septuaginta Interpretum Versionem commendans, idque multis verbis, ne uno quidem præclaros Hieronymi labores, quibus Latina Bibliorum Versio debebatur, commemorandos censuerit, perinde ac si non Hieronymianum, sed Septuaginta-Virale opus evulgasset. Quæ autem prodit idem Aleriensis de Aristææ libello, acutiores Critici haud facile admittunt, ad quos curiosum Lectorem ablegamus. Hic vero recitabimus Matthiæ Palmerii Epistolam PAULO II. inscriptam, & libello in ea ipsa, de qua loquimur, Editione præpositam.


PAULO II. VENETO SUMMO PONTIFICI

Matbias Palmerius felicitatem.

Cum & antea semper, B. PONTIFEX, intellexerim, S. T. in perquirendis Majorum nostrorum splendidis gestis mirifice oblectatam, & nunc, quo amplior sis, eo majori quoque, ut par est, studio excellentium Virorum magnifica quæque perquirere, quum alia quidem omnia, tum ea maxime, quæ vel ad divini cultus ornatum excolendum pertinent, vel ad sacras Patrum nostrorum institutiones firmandas, illustrandasque ducere videantur. Quod profecto studium non ab re Sacrato pectori ab ineunte ætate firmissimo animi instituto divinitus inbæsisse omnes persensimus. Sed veluti in reddendis populo juribus, justitiæque servanda magnos excellit Patres, sic & in emendandis hominum moribus, ac sacris ad veram pietatem instituendis, perficiendisque summorum Virorum gesta, ceu exemplar, sibi animo proponat, quod aut imitetur egregie, aut longe exsuperet. Rem plane Summo Pontifice dignam, & quæ hætenus vix paucis divino nempe munere contigisse fertur, Viris quidem quum omni virtute summis, tum amplissimis opibus accumulatis. Ex quorum numero si unum, aut alterum coram visendum S. T. adduxero, neminem factum nostrum reprehensurum arbitror. Leget igitur S. T. si quando ab ingentium negotiorum, quibus assidue obruitur, cumulis parum ocii subripere valet, breve Aristææ, Viri quidem gravissimi, de LXX. Interpretibus libellum pridem Latinum a me factum. In cujus profecto lectione, BEATISSIME PATER, Sacras Summorum Pontificum vestes, vasa, phialas, crateres, mensamque auream, cum ipsius Sacerdotis, ac Templi ornatum omnem, sic cernere putabit, ac si ea omnia coram ante oculos lustranda exponerentur. Adduntur præterea, quod jucundissimum est legere, quum sapientissimorum Virorum dicta, responsaque gravissima, tum mira quædam, & prorsus divina sacrorum observatio. Accedunt ad hæc quales, quantique maximi & potentissimi Regis erga Sacerdotem ipsum cultus, honoresque servantur. Ex quibus rebus facile colligi poterit, quanta maxima laude extollenda sit SANCTITAS TUA, cum neglectus diu Dei cultus, ac Clerus ipse improborum insolentia pene conculcatus, tua incredibili industria, tuo labore,

bore, ac diligentia sublevetur, exorneturque, ac in veterum ritum, veluti ab exilio revocatus, summa omnium gratulatione reducatur. Valeat SANCTITAS TUA Servi sui memor.

Palmerius hic patria Pisanus, (m) Matthæi Florentini Chronicon, quod incipit ab an. 444. ubi definunt aliquæ Editiones Prosperiani Chronici, & usque ad an. 1449. exporrigitur, continuavit ab an. 1450. ad an. 1481. Eundem Græcis etiam literis valuisse, & ex libelli Aristæ Versione, & ex aliis innotescit.



S. CYPRIANUS.

§. VI.

Priſcis Eccleſiæ Patribus, nimirum Lactantio, Auguſtino, & Hieronymo, quos ad Typographicæ Artis primitias exornandas, Alerienſis Episcopuſ Germanorum Opificum prælis, quibus præerat, ſelegiſſe jam vidimus, accenſendi modo ſunt Sanctus Cyprianus, & Sanctus Leo, & de iis ſtatim agendum, ac primo loco de S. Cypriano. Miſſum enim facere oportet S. Irenæum Episcopum Lugdunenſem, de cujus Operibus aliquando edendis Alerienſem quidem cogitaſſe dignoſcimus ex hujus Epistoſa primo Hieronymianorum Operum Volumini præfixa, & in ſuperiori §. recitata, at eadem illum edidiſſe Annalium Typographicorum Parens ſe minime noſſe proſitetur. Confidentius ipſe de hac re loqui potuiſſet, ſi oculos ad Epistoſam ejusdem Alerienſis, quæ

(m) Matthias PALMERIUS fuit Abbreviator & ſecretarius pontificius, mortuus A. 1483. d. 19. Sept. anno ætatis 60. cujus Epitaphium exhibet Phil. BONAMICUS in Lib. de claris pontificiarum epistoſarum ſcriptoribus, p. 210.

quæ in initio V. Tomi Glossæ. Nicol. Lyr. legitur, coniecisset. In ea siquidem singillatim designatis libris omnibus, quos Conradus, & Arnoldus usque ad an. 1472. impresserant, S. Irenæus reticetur. Epistolam illam suo loco afferemus. Nunc vero afferenda, quæ Cypriani Editioni præfigitur.

*Joannis Andreæ Episcopi Aleriensis ad PAULUM II. VENETUM
PONT. MAX. in Epistolas Divi Cypriani
Epistola.*

Vellem, PATER BEATISSIME PAULE II. VENETE PONTIFEX MAXIME, ingenium quod exiguum est mihi, par esse voluntati; præstantius equidem aliquanto & tuæ Majestati, & suscepto recognoscendi officio satisfacerem. Sed quando tantum efficere non valeo, ut cupio, id saltem meditor attingere, quod opinione mea tibi placeat, & non nihil præ se dignitatis ferat. Hoc certe tempore sudanti satis mihi in immenso Nicolai de Lyra super Veteris, & Novi Testamenti ad litteram Glossæmate, ab impressoribus nostris, qui Bibliæ libros informabant, repente efflagitatus sum, ut quoniam charta major illos defecerat, ne officinæ eorum vacarent, quod nunquam sit absque ingenti artis dispendio, aliquod minoris voluminis opus illis commodum expedirem. Res visa mihi est, non parum difficultatis, & aliquanto magis periculi habitura, ut prospere, & recte possem aliquid facere, paratis semper quibusdam ad nimis exacte judicandum, immo potius inclinatis, si quæ reprehendi videantur posse, quantumvis rara, & minima sint, ea insectanda desumere, quam si quæ feliciter, & industrius cefferint, etsi perplura forent, gratificantis ingenio, officioque complecti. Persiti tamen in vetere quodam instituto meo, melius esse judicans a paucis de quisquiliis quibusdam reprehendi, quam a bonorum multitudine labores meos desiderari, certissimum potissimum de Clementiæ tuæ amplitudine, qui quidem semper majoris animi propensi conatum fovere, quam frigidioris quoque studii opera condemnare. Converti me igitur plurimo incitatus ardore ad sublimis, & animi, & facundiæ Virum, Divum Cyprianum Chertaginensem Episcopum & ejus Epistolas in manibus sumpsî, fidentiore ob id conscientia, quod olim adolescentens

lesceus famatissimis in Scholis Parisiensibus agens, quo propter Urbis celebritatem, & studiorum fervorem, atque animi cultum capeffendum concesseram, ex vetustiore Exemplari eas manu mea descripseram, ratus quod ita evenit, minus me in eo Codice difficultatis, & tamen apud Tuam Sanctitatem, & doctissimorum hominum mentes non minus gratiæ habiturum. Cæterum percurso magis quam deambulato libro, cujus quidem ordinem ideo non mutavi, etsi videbam me aliquorum exemplo, non inepto sane, id posse facere, quia & Urbis, unde illud habueram, majestati, & voluminis vetustati honorem statui suum exhibere. Plura medius fidius verba elegantia quidem, & Latina annotavi, tametsi propere perlegendo, qua visum est alicujus interpretamenti propter tyrunculos quosdam litterariæ facultatis indigere. Ea perfunctoria, & una lucubratiuncula exposui, non ignarus ab aliis ea posse appositius, & ad unguem magis declarari. Quod utinam mihi cæteris in Operibus facere, in quibus non mediocriter contendere, venisset in mentem. Haberent a me profecto studiosi si non stratum, & militarem Latine linguæ viam, calles saltem, & semitas quasdam non omnino male ducentes, atque pravissimas. Eo tamen id egi studiosius, quod superioribus diebus cum apud elegantissimi, & in primis culti animi Patrem Oliverium Carrafam Tituli Sancti Eusebii Cardinalem Neapolitanum aliquot convivæ cenaremus, multo de litteris sermone habito visum est inter cætera præstantissimi ingenii Viro, hinc quoque posse studiosis morem geri, si vetusta quædam in Authoribus verba, quæ partim pluribus ævi nostri, partim fere omnibus inaudita sunt, ab iis, qui totam prope vitam in ejusmodi stadio consumpsissent, fierent planiora. Et uti ipse arbitrabar, res erat habitura plurimum voluptatis, & gratiæ nequaquam parum & absque controversia maxime videbatur necessaria, in qua semper doctissimi Viri, & omnium in doctrinis suarum ætatum primi impendio laborassent. Huic igitur tantum, & tam culto Patri, Te mihi propitio, in præsentem Epistola placuit veluti prægustationem exiguam exhibere, ut hinc experiretur, quantum illi optarem hoc tempore obsequi, semperque parere. Sed ego prius nostrarum Epistolarum ordinem transcurram, multa de industria præteriens, immo vero paucissima delibans ex plurimis, ne amicorum meorum quispiam me existimet dedita opera Cypriani verba omnia rariora collegisse.

In Epistola sane numero secunda ad Cornelium Pontificem Romanum scripta, cujus principium est : Cyprianus, Liberalis, verbum ingregari offendi magis compositione novum, quando originis, aut partium suarum ratione, idem significare eum visum, quod adunari, & unum in gregem cogi. In III. & X. & XXVI. & LXI. scriptum fuit abstinere pro repellere, quod hodie dicimus suspendere per Ecclesiæ censuras, vel excommunicare. In IIII. exambire pro ambitiose contendere, impetrare. In VI. & item IX. Succedaneus a succedendo pro successivus. In eadem VI. pransit tempore præterito pro pransus est. In VII. contristare pro contristari. Possẽ equidem exemplis magnorum Auctorum uti, veluti in hoc ipso verbo Virgilii, Et pluvio contristat frigore Cœlum. Sed non est suscepti operis munus; quod volui memorare ne putes hæc tantum in Cypriano perlegisse. In VIII. Sportulantes idest accipiendis sportulis dandisve operantes. In XI. alio pro alii & remissa pro remissio. In XII. ac XXI. tinctus id est baptizatus, & tingentes id est baptizantes. In quo, ut in aliis multis, Græca facilius a Latinis, quam Latina ipsa intelliguntur. In XIII. Epulares cænæ, hoc est saliares, & ferculorum multitudine, præciositateque opiparæ, & amœnare pro oblectare, & poenitendus, & epotatus pro epotus. In XIII. brutus, idest insensatus, & autumnus neutro genere id est autumnus. In XV. comestura idest ærugo, & exhibitio idest victus, & stibium, quod unguinis, sive unguenti est genus, & fidelia, idest hydria & capsaces idest lecytus, quod est vas olearum, & munerarii idest munerum hoc est ludorum exhibitores. In XVI. mussitare pro murmurare & gremium idest manipulus. In XVII. animositas idest indignatio. In XX. plastici idest ars plastæ hoc est fictorii. In XXII. hybernus substantive pro hyems, & faventia idest favor. In XXV. sed immo pro quin immo & in LVIII. quin immo fed, & discordiosus, sicuti etiam in XXXI.. In XXVI. puramen idest, pus, & sanies. In XXVIII. partio, idest, partus. In XXXVIII. extorres I. lapsi a fide, & hypodiaconus, idest, subdiaconus. In XLI. tuitus est pro defendit, In XLII. delimare, idest, decidere. In XLIII. designare. I. peccare, & Presbyterum. I. Presbyterorum conventus, & palabundus. I. vagus. In LXV. stabulum, idest, hospitium meritorium. In LVI. figere. I. determinare. In LVIII. inestimabilis pro inestimabilis.

In LVIII. inordinaliter, *ideſt*, abſque ordine, & implanare *pro* decipere, & implanator, ſeduc̃tor, & excludere *pro* diſſolvere, ac impugnare, & fluxus, ac fluxi, *ideſt*, libido, ac libidinoſi, & hemitritæum ſpecies febris incurabilis, & protelare, *ideſt*, perducere, & ſuſtentatio, *ideſt*, patientia, & taxare *pro* tangere, & improboſus, egeſtoſus, dedecoroſus, pudoratus; *ab improbitate, egeſtate, dedecore,* & pudore, *declinata*, & Plagarius, *ideſt*, retiarius, & deſingere *pro* maculare, & ancillatus, *ideſt*, compeditus. *In eadem* ſobrioſus, naufragalis, probroſitas, caſtificare, parilitas *a ſobrio, naufrago, probro, caſtum facio, pari.* *In* LX. aſpredo *pro* aſperitas, & mortiferare *pro* occidere, & depalatus, *ideſt*, vulgatus. *In* LXII. abdic̃i *pro* interdici, & conſiliatio *pro* conſilii datio, & deprædari, *ideſt*, ſeducere, & urſi præteritum tempus *a verbo* urgeo. *In* LXVII. Clinici, quos ibidem ipſe interpretatur Cyprianus. *In* LXX. Cuſtodiarium *pro* cucumerario, & pinguamina, *ideſt*, adipēs, & Senitium color niger, & ſuppedaneum, *ideſt*, ſcabellum, & ovis maſculino genere, & picrides, *ideſt* lactuæ agreſtes, & intuere *pro* intueri, & tædui præteritum *a tædeo,* & abducere, *ideſt*, in domum colligere. *Poterit, ut arbitror, hoc exemplo doctior quiſque, immo etiam indoctior, multa ſibi ipſe colligere tam in hoc Opere, ubi equidem, ut prædixeram, conſulto reliqui potius alia, quam contempſi, & in reliquis, in quibus & ipſe aliquando decreveram laborare.* Tu, PATER BEATISSIME, quum tibi licebit ſpatiari, atque requieſcere poſt tot conciliandæ Italicæ pacis labores, poſt tam immenſas curas Turco iſti impio, & Hæreticorum inſaniæ reſiſtendi, poſt Pontificatus ſummi labores nunquam exiguos, ſemperque perpetuos, quaſi animi gratia ad Cyprianum tuum converte Clementiæ Pontificiæ, & Majeſtatis tuæ oculos, & per illum veniat tibi in mentem perpetuus cultor tuus, & manuum tuarum factura, Aleriensis Episcopus, & quaſi in cuſtodia carceris chartarii recluſum miſeratus aliquando exire jube, & perpetua felicitate commiſſam tibi Chriſti Eccleſiam rege. Romæ Pontificatus tui ſtorentiſſ. Anno VII.

In Calce

Aspicias illustres &c. M. CCCC. LXXI.

In Præfatione nuperæ Editionis Operum S. Cypriani an. 1716. Parisiis ex Regia Typographia, memoratur quidem Editio hæc Romana, de qua modo actum est, quemadmodum & Veneta an. 1471. per Vindelinum Spirensē, & alia innominata, quæ scilicet nec Urbis, nec Typographi nomen adscriptum gerit, ibidemque observatur post nonnullos alios Eruditos, Spirensē falso vocari, quæ a Vindelino Spirensi Venetiis cusa fuit, hocque ex nomine errori locum datum; at Præfationis illius Author haud quaquam affirmat, se Romana Editione, quæ omnium princeps habetur, usum fuisse. Eam ipsam vel in Catalogo Regiæ Parisiensis Bibliothecæ desiderari animadvertimus. Quum tamen eo studiosius & in Bibliotheca ista adlervari, & ab Editore illo allegari, ad variantes Lectiones inde excerptendas, oportebat, quo majori in pretio Lutetiæ, quam alibi, habenda videtur, Alerienſe ipſo, ut vidimus, ita de se testante, *quod olim adolescens famatissimis in Scholis Parisiensibus agens, quo propter Urbis celebritatem, & studiorum fervorem, animique cultum capeſſendum conceſſeram, ex vetustiore Exemplari eas (Cypriani epistolas) manu mea descripseram; & præterea se Exemplaris illius ordinem omnino retinuisse, propterea quod Urbis illius (inquit) unde illud habueram majestati, & Voluminis vetustati statui bonorem suum exhibere.*

An vero Romana nostra Editio pro omnium principe omnino habenda sit, certo definiri non potest. Eodem siquidem an. 1471. & ipsa, & Veneta, ut diximus, prodierunt; neutra tamen nec diem, nec mensem præfert, unde quænam prior, quænam posterior, dignoscatur. Errorem superius indicatum de Veneta hac, quæ passim pro Spirensi venditur, Editione adnotat Maittaire in nova Edit. *Annal. Typogr. T. I. P. I. p. 301.* & jam antea nempe pagina 19. affirmaverat, se minime pro certo habere, quod plures tradunt, Vindelinum Veneta Urbe relicta concessisse in Germaniam: ibique Operibus imprimen-

primendis incubuisse, quum constet ex Catalogo in iis Annalib. Typograph. exhibito, eundem libros Venetiis annis 1471. 1472. 1473. excudisse.



S. LEO MAGNUS.

§. VII.

Editor Parisiensis Operum S. Leonis Magni, Paschasius Quesnellus, Luteriæ primum an. 1675. deinde an. 1700. Lugduni, ab insigni hallucinatione Præfationem suam incipit, dum veteres eorundem Operum Editiones recensens, de harum principe ita loquitur: *Joannes Andreas Aleriensis in Corsica Insula Episcopus primam Operum S. Leonis I. Editionem procuravit Venetiis an. 1485. typis Andreae Parmensis socii Artis Impressoriæ.* Neque ad annum illum vitam protraxisse censetur Aleriensis, neque unquam Venetis typis præfuit, nec annum 1471. prætergressus est Pontificatus PAULI II. cui Editio illa fuit ab Alerienſe nuncupata, demum nec ipsa Veneta eorundem Editio typis Andreae Parmensis an. 1485. primum perfecta fuit, sed typis Lucae Veneti an. 1482. Utinam vero in ea tantum principe Editione investiganda hallucinatus fuisset Quesnellus, non vero in aliis quoque multo majoris profecto momenti, dum scilicet haud raro & Romanæ Sedis, Ecclesiarum omnium Principis, & Matris, prærogativas, & sanctiora quædam dogmata, quantum in ipso est, in dubium revocare conatur, falsis argumentationibus usus, & parum sinceras veterum Codicum Lectiones pro libitu obtrudens; quæ duæ res efficiunt, ut sanioſorem, ac fidelioſorem Editionem ad Vaticanorum præsertim Codicum fidem piorum, atque eruditorum vota modo depoſcant, ac sperent.

Romanam, de qua hic agimus, prodiisse an. 1470. tradunt Annales Typographici, & in ejus calce legi versus: *Aspicias illustres &c.* at quo fundamento ignoro, duplex enim vetustissimum Exemplar, quod inspexi, temporis, locique nota, & versibus illis destituitur;

præfert autem Aleriensis Epistolam, cujus nullam mentionem faciunt iidem Annales. Ea hujusmodi est.

*Jobannis Andreae Episcopi Aleriensis ad Summum
Pontificem PAULUM II. VENETUM
Epistola.*

Si Tua mihi PATER BEATISSIME PAULE II. VENETE PONTIFEX MAXIME, Sanctitas antebac veniam tribuit, ex imperitia forsitan audenti tenuitatis meæ majusculas lucubrationes tuæ potissimum dicare pietati, ut per sese obscuræ mirifico tuo illustrarentur fulgore, & fierent Te suscipiente pretiosæ; merito bis Quadragesimæ augustis, venerabilibusque diebus, inclitum illum Pontificem Leonem primum, natione Tuscum, ut puto, in Calcedonenſi Synodo summa Patrum admiratione ter Sanctum acclamatum, Tibi maximo Pontifici tantæ Cathedræ thronum ornatissime implenti, debui offerre, non magna difficultate recognitum, sed summa utilitate perlectum. Cujus in brevibus, sed divino artificio consummatis sermonibus, latissima rerum divinarum mysteria, & secundum Canonicas Scripturas, quidam sacri eloquii principatus includitur. Oratione enim parvus, sensibus vero sublimis, in primisque cælestis, & quod est ante omnia admirabile, profundissimus pariter, atque planissimus Pontificia differens majestate, & Apostolico facundus eloquio, modestia illa vere Christiana, virtuteque divina, viva nimirum Evangelii Tuba, & prope Electionis Vas alterum, castæ Fidei Sacramentis aures implet Christianas; ut si plura illi scribere, vel Pontificalium negotiorum ingens labor, vel invidæ ætatis angusta spacia permisissent, omnes divinitatis thesauros facile fuerit supra expositoris etiam qualitatem aperturus. Hic est, PATER SANCTE, Leo ille Magnus cognomento, primus dignitate, eloquentia nemini cedens, multosque excedens sapientia, brevitatæ magister, & pene unicus artifex, qui tantæ appellationis nomen, sanctitatis tamen merito superavit, a sacrosanctis Apostolorum memoriis nunquam discedens, cujus Tu quoque exemplo sacratissima Apostolorum pignora semper amplexus, nullo tempore deferenda censuisti. Quo adhuc Diacono, & pro rebus Pontificiis ab Urbe absente, Ecclesiæ Romanæ regius

regius Clerus, & Sanctus, Summi Pontificis prope duos menses distulit electionis suffragia sanctiora. Qui etsi vita omni maximus fuit, sese tamen copia miserationis excessit, & divini ingenii claritate, quem successorum multi adeo sunt admirati, ut diu continuata vocabuli successionem, Leones per ordinem voluerint appellari; a quibus Civitatis quoque Leonina facta est celebris appellatio. Hic est ille Leo, qui maximis Ecclesiae Syderibus Ambrosio, Hieronymo, Augustino (ne Græcas Pontificum majestates percesseam, pares maximis omnibus excellentia) occidentibus orbi Christiano, & cælo orientibus, Angelorumque consortio, ut Sol quidam pro omnibus unus mundo satis fuit illustrando: quem ut fulgur perborruit hæreticorum impietas, coluit ut Numen Imperatorum Majestas, plusquam dici potest, veluti Parentem venerata est fidelis cuncta Christianitas. Hic est Leo certe Ecclesiasticæ dictionis Tullius, Theologiæ Homerus, rationum fides Aristotelis; & ut omnia unico absolvam verbo, Petrus in Pontificio Throno, Paulus in Pulpito Christiano, ita demulcens, ut victos Auditores teneat, ita docens, ut sensibus divinis impleat, ita exhortans, ut ardoribus virtutis incendat, legendus, ediscendus, imitandus. Hujus propria Pontificis jure dici potest Oratio, de quo a me magis illum stupente, quam laudante id solum accipi dictum velim, amari facile Leonem posse, pro merito nunquam laudari, prædicari licere. Is igitur sit noster in terris instructor, in Cælis apud Omnipotentem Deum intercessor, qui est in sæcula benedictus. Amen.

Ea verba: Cujus Tu quoque exemplo sacratissima Apostolorum pig-nora semper amplexus, nullo tempore deferenda censuisti, referuntur ad id, quod Vindiciar. cap. VI. diximus, PAULUM ne semel quidem toto Pontificatus sui tempore pedem ex Urbe movisse, adeo ut nec insalubri anni tempestate, nec pestilentia Romæ vigente alio unquam diverterit, quod ab ipso factum cum Curiae omnis querela scribit Cardinalis Papiensis, quum contra vitio datum foret Pio II. quod annis pene singulis sui magis recreandi, quam aliorum causa Urbem relinquere consuevisset. Quod autem subdit Alerienensis, Regium, & Sanctum Romanæ Ecclesiæ Clericum prope duos menses electionis suffragia distulisse, donec Leo Diaconus, pro rebus Pontificiis ab urbe absens, reverteretur,

tur, clarius traditur a S. Prospero in Chron. his verbis : *Quo (Sixto) defuncto, quadraginta amplius diebus Romana Ecclesia sine Antistite fuit, mirabili pace, atque patientia adventum Diaconi Leonis expectantes, quem tunc inter Aetium, & Albinum amicitiae redintegrandæ causa Galliæ detinebant. Demum, quod idem scribit, Leonis successores ejus nomen adeo admiratos fuisse, ut diu continuata vocabuli successionē, Leones per ordinem voluerint appellari, a quibus Civitatis quoque Leoninæ facta est celebris appellatio, haud multum consonat longo illi temporum intervallo, quod inter eosdem excurrisset deprehenditur, quum a Leone I. ad Leonem II. anni fere ducenti, & quinquaginta effluerint, & centum fere a Leone II, ad Leonem III. quinquaginta & paulo amplius a Leone III. ad Leonem IV. hicque postremus ille est, qui antiquæ Urbi addidit novam, ab nomine ejus Leoninam dictam.*

Placet autem, ne tam cito eximium hunc Doctorem deseramus, superius recitatam Aleriensis Epistolam Italice etiam afferre, quam nimirum præfert, ex Philippi Corsini, Filii Bartholomæi, interpretatione Editio Sermonum S. Leonis Florent. die 27. Maji an. 1485.


Epistola di Gio. Andrea Vescovo Alerienſe a PAULO II. Sommo Pontefice in commendatione di S. Leone Papa.

SE la tua Santità BEATISSIME PATRE PAULO II. VENETO PONTEFICE MAXIMO pel passato m' ha sopportato per aventura presumptuoso, che la mia imperitia alla tua somma pietà della tenuità mia habbi alquanto maggiori studii consecrato, e quelli per loro medesimi obscuri dal tuo maraviglioso splendore sieno illustrati, e da te ricevuti sieno fatti di gran prezzo; meritamente in questi sacri, e venerabili giorni della Quadragesima quello eccellente Pontefice Leone I. di natione (come io stimo) Toscano, nel Calcedonense Concilio con somma admiratione da Padri tre volte Sancto giudicato, a te Pontefice Maximo nel throno di tanta Cathedra degnissimamente sedente, offerire debbo non con grande difficoltà ricognosciuto, ma con somma utilità diligentemente lecto. Ne Sermoni del quale brevi, ma con sommo artificio perfecti profondissimi mysterii

sterii di cose divine, & secondo le Canoniche Scripture alcuno principato del sacro eloquio si interchiude. Imperocchè lui nella oratione temperato, ma nelle sententie sublime, e celeste, & quello che innanzi a tutte l'altre cose di admiratione degno, e profondissimo parimente, & amplissimo con pontificale maestà disputante, & nello apostolico eloquio abbondante con modestia veramente cristiana, e virtù divina, viva tromba di Evangelio, & quale di electione un altro vaso, di Sacramenti di casta fede le cristiane orecchie adempie: in forma che se le grande fatiche delle pontificali occupationi, o veramente e brevi spatii della invidiosa sua età gli avessero concesso più cose scrivere facilmente tutti e thesori della divinità sopra la qualità ancora dello expositore habrebbe manifestato. Costui è, o Padre Santo, quello Leone, per soprannome grande, primo di dignità, di eloquentia a nessuno cedente, molti avanzante di sapientia, maestro di brevità, & quasi solo artefice: el quale tanto nome di Sanctità dalle santissime memorie degli Apostoli non mai partendosi meritamente superò: per lo exemplo del quale tu ancora e Sacratissimi pegni degli Apostoli sempre abbracciando quelli per nessun tempo dovere essere indietro lasciati giudicasti. Pel quale essendo ancora Diacono, e per lo stato del Pontificato dalla Città absente, il Clero Regio, e Santo della Chiesa Romana quasi due mesi e sancti Suffragii della electione del Sommo Pontefice sopratenne. El quale benchè in tutta la vita sia stato grandissimo, nientedimeno nella abbondantia della commiseratione se medesimo avanzò, & per la clarità del divino ingegno molti de' suoi Successori in tanta admiratione l'hanno havuto, che lungo tempo continuata del vocabulo la successione, Leoni per ordine habbino voluto essere nominati; da quali ancora della Città Leonina fu fatta la celebre appellatione. Costui è quello Leone, el quale nelle eccellentissime Stelle della Chiesa Ambrosio, Hieronymo, Augustino (per non raccontare le simili maestà de Greci Pontefici tutti grandissimi per dignità) al Mondo Cristiano mancanti, & in Cielo nel consortio angelico nascenti, come un Sole a illustrare il mondo per tutti fu sufficientissimo; el quale la scelerata beresia (come fulgore) hebbe in tremore, & degli Imperadori la maestà (come cosa divina) lo venerò, & tutta la fedele Christianità (come padre) che dire non si potrebbe, l'ha osservato. Questo è Leone certamente dello orare Ecclesiastico Tullio, della Theologia Homero,

delle ragioni della fede Aristotele; & con una parola tutto absolvendo nel Pontificale Throno Pietro, Paulo nel christiano pulpito, così suave, & dolce, che tuti gli auditori tenga così admaestrante, che di divini senzi riempia, così exhortante, che d'ardori di virtù incenda: da esser letto, apparato, imitato. Di costui per ragione pontificale la propria oratione si può nominare, del quale da me più lui stupendo, che lodando questo sol detto voglio sia ricevuto. Leone facilmente potere essere amato, ma secondo il merito non mai da potere essere predicato. Lui adunque sia nostro admaestratore in Terra, & in Cielo appresso allo omnipotente Idio intercessore: il quale è ne Secoli benedetto: Amen.

Philippus Corfinus; hujus Epistolæ, & Sermonum S. Leonis Interpres, ex Florentinæ Reipublicæ Proceribus, quartus avus fuit Clementis XII. P. M. cujus obitus, qui sex abhinc mensibus contigit, eo luëtuosior Ecclesiæ cessisse reputandus est, quo diutius nostra hæc Comitia pro deligendo ei Successore adlaborant, nec viam adhuc inveniunt tantæ jacturæ relarciendæ. Nulla ejusdem mentio seu apud Verinum Flor. Illustr. seu apud Nigrum Script. Florent. non ita vero apud Marfilium Ficinum, qui in Versionis illius fronte Lectorem alloquens, Philippum Corfinum magnopere callandat, quemadmodum alibi fratrem ipsius Almericum, Platicum Philosophum.



S. THOMAS AQUINAS.

§. VIII.

Agmen Sanctorum Patrum, qui Romanis prælis in lucem editi tempora Pontificatus PAULI II. illustrarunt, Thomas Aquinas claudet, magno jure in eorundem numerum veniens, quippe qui (ut Sixti Senensis Bibl. Sanct. l. 4. verbis utamur) *sincerioris Theologiæ studiis ita sapientissimo Augustino proximus incescit, atque ita mentem ejus, &*

omnes

omnes reconditos sensus intropexit, exhaustitque ut juxta Pythagoræ μετεμψύχωσιw communi doctissimorum hominum adagio jactatum sit, Augustini animam migrasse in Thomam.

Sancti hujus Doctoris Catenam in quatuor Evangelia impresserunt Romæ anno 1470. Conradus, & Arnoldus, operam suam iisdem de more conferente Alerienſe Episcopo. Quæ omnia nos docent ad secundi Tomi calcem (duos enim ea Editio complectitur) verba ista: *Joannes Andreas Episcopus Alerienſis recognovit. Impressum Romæ Opus in domo Petri, & Francisci de Maximis juxta Campum Floræ, præſidentibus Magistris Conrado Sweinheim, & Arnolſo Pannartz, anno Dominici Natalis MCCCCLXX. die vij. Decembr. SS. D. N. D. PAULI II. VENETI PONT. MAX. anno VII. Urbe, & Ecclesia florente. ad calcem autem prioris Voluminis extant versus: Aspicias illustres &c.*


Annales Typographici allegant ejusdem S. Doctoris Secundam Secundæ an. 1467. Moguntia excusam (n) cum hac nota: *Hoc Opus præclarum alma in Urbe Maguntina inclytæ Nationis Germanicæ, quam Dei clementia alti ingenii lumine, donoque gratuito cæteris terrarum nationibus præferre, illustrareque dignatus est, artificiosa quadam ad inventionem sic effigiatum, & ad eusebiam Dei industrie ita est consummatum per Petrum Schoiffer de Gernsheim. Anno Domini MCCCCLXVII. die vj. mensis Martii.* Memorat Editionem hanc, quemadmodum & præcedentem Catenæ Aureæ, Jacobus Echard T. I. Scriptor. Ord. Prædic. & quibus in Bibliothecis Parisiis reperiantur significat, ac præterea affirmat exſtare apud suos Rothomagenſes Secundam Secundæ absque anno, & loco in Typographiæ incunabulis cusam. Aliud Thomæ Aquinatis Opus in Quart. Sentent. per Petrum Schoiffer de Gernsheim impressum

S 2

anno

(n) Summæ Thomæ Aquinatis primæ Partis editionem vetustissimam, quæ hanc secundam Partem procul omni dubio antecessit, possidet Clar. CHRISTGAVIUS, & luculenter describit in Commentatione historico-literaria de Mammothrecto, p. 25. sq.

anno 1469. laudant iidem Annales, ex Biblioth. Norib. Sauberti a Bubernanno citatum, at una simul adnotant, eam, aliasque plurimas Editiones, quæ unico Catalogorum testimonio nituntur, non ita facile admittendas, ni prius eorundem loci examini subjiciantur. Hanc Editionem ipsemet inspexi.



RODERICUS ZAMORENSIS.

§. IX.

Antequam a sacris Scriptoribus, quos hucusque recensuimus (eorum serie unico abrupte Cicerone, idque ob vetustissimam Epistolarum ejus Familiarem Editionem) ad prophanos transitum faciamus, commemorandus venit Rodericus Zamorensis, & Calaguritanus Episcopus. Speculum Vitæ humanæ ab eo compositum lucem vidit primum Romæ an. 1468. nuncupatumque fuit ab autore PAULO II. ad cujus calcem exstat hoc Epigramma.

*Edidit hoc linguæ clarissima norma Latinæ
 Excelsi ingenii Vir Rodericus opus.
 Qui Romæ Angelica est custos bene fidus in Arce,
 Sub PAULI VENETI nomine Pontificis.
 Claret in Italici Zamorensis Episcopus ausis
 Eloquii, it superos gloria parta Viri.*

Romanam aliam Editionem paucos post annos perfectam ad manus habeo, in qua legitur hæc nota: *Sedente Sixto IV. Pont. Max. impressus est hic liber Romæ in domo nobilis Viri Joannis Philippi de Lignamine Messanenensis, ejusdem S. D. N. familiaris, anno ejusdem secundo, ultima die mensis Julii.* Maittaire, qui priorem illam Editionem commemorat,

rat, perfectam utique a Conrado, & Arnaldo, ut probant versus, qui ibi reperiuntur : *Hoc Conradus opus &c.* quin Catalogus ipse librorum ab iis cuforum Sixto Papæ exhibitus, alteram hanc silet, nullamque ejus mentionem facit Orlandus, licet ambo plures libros ab Joanne Philippo de Lignamine Romæ impressos diligenter recenseant; parique ratione eandem omittit Nicolaus Antonius in Biblioth. Hisp. Vet. T. II. quo loco agit de Roderico Zamorensi, multasque Speculi ab eo scripti Editiones laudat. Nuncupatoria Roderici ad PAULUM Epistola, quæ in pluribus Editionibus desideratur, exstat in Romana, quam dixi mihi in manibus esse. Ex ejus Epistolæ fronte illico innotescit, quod modo allati versus etiam declararunt, Rodericum a PAULO constitutum fuisse Castellani in Arce Romana Sancti Angeli, idque ipsum testantur ejusdem Roderici libri alii, qui in Vaticana Bibliotheca servantur, de quibus aliquid inferius dicemus. Hic tantum monemus, ibidem extare libellum ab ipso Roderico compositum de Castellanis, & Custodibus Arcium, & Castrorum, & de Ducibus Exercitus, Guillelmo Cardinali Ostiensi, & Archiepiscopo Rothomagensi dicatum, de quo ita Rodericus: *In hac igitur excellentissima, atque munitissima, S. Angeli Arce de Urbe ego ipse constitutus, ubi aliquid otii superest, decrevi paucula ex multis de Ducis officio, de Castellani cura, & eorum munere, qui Castra, Urbesque custodiunt, qualesve esse debeant, brevi sermone perstringere.* Præter officium Castellani Rodericus alios honores a PAULI munificentia accepit; nimirum Zamorensensem primum Ecclesiam, deinde Calaguritanam, tandem Palentinam, cui propterea Tractatus, Epistolas, & Opuscula complura dedicavit, professus se sub illius glorioso, & æterno nomine potius quam studio, & ingenio suo conquiescere. Quibus verbis se PAULO obnoxium declarare in more haberet Rodericus, fidem faciet Epistola ipsa, quam modo recitamus. Prius tamen adnotamus, Speculum hoc minime confundendum esse cum Speculo Salutis, cujus Editio inter informia Typographiæ, infirmæ adhuc, & cunis vix dum exemtæ, tentamina refertur. De eo libro fuse agunt Annales Typographici prior. edition. a pag. 13. usque ad pag. 23. T. 1. visumque a se scribit Maittaire, imo, quam diu libuit, versatum, ex copia sibi facta a Nobilissimo Pembrochiæ Comite. Curiosum Lectorem eo

amandamus, quum nihil faciat ad præstantes illas Editiones, quas Romæ PAULI II. temporibus eductas lucubratio hæc nostra complectitur.

Ad Sanctissimum, & B. Patrem, & D. D. PAULUM II. P. M. liber incipit dictus Speculum vitæ humanæ, quia in eo cuncti Mortales in quovis fuerint statu, vel officio spirituali, aut temporali speculabuntur cujuslibet artis, & vitæ prospera, & adversa, ac recta vivendi documenta, editus a Roderico Episcopo Zamorensi, postea Calaguritano Hispano S. S. in Castro suo S. Angeli Castellano, & Referendario. Prologus.

Sanctissimo, ac Clementissimo in Christo Patri Domino Domino PAULO II. Sacrosanctæ Romanæ, & Universalis Ecclesiæ Summo Pastori, & Pontifici Maximo, ejusdem S. obsequentissimus Servulus, & familiaris Rodericus Episcopus Zamorensis, Hispanus, ac Castri sui S. Angeli de Urbe fidelissimus Castellanus, & Referendarius, seipsum cum utriusque hominis humillima inclinatione. Cogitanti mihi hanc munitissimam Romanæ tuæ Urbis, imo totius Orbis amplissimam Sancti Angeli Arcem Tuæ S. jussu, tua auctoritate, & dignatione custodienti, ubi aliquid ocii superest, quid dignum Tuæ S. in his tui felicissimi Pontificatus beatis initiis offerre valerem; video nil omnino mihi, cæterisque mortalibus superesse, quod aut ad laudem, aut ad commotionem pertinere possit. Tecum n. habes ea omnia virtutum ornamenta, quibus omnis laus recte comparatur. Tecum denique tanta insidet sapientia, quin potius a natura innata ingenii vis, tantaque prudentia, rerumque omnium experientia, ut nullis egeas exterioribus adjumentis. Verum ego gloriæ, & nominis Tuæ S. avidissimus, existimavi paululum aliquid, utinam dignum, Tuæ S. offerre, in quo dum ingens occupationum sarcina paulisper Tuam S. respirare permiserit, babeas in hoc opusculo Tuæ S. dicato aliquas parvitatibus intellectus mei ineptias, ut in eis recreationis gratia, non tam delecteris, quam tui acutissimi ingenii calamo, atque censura emendes, & corrigas. Dignum namque existimavi, ut cujus corpusculi mei membra tuis obtines obsequiis perpetuo devicta, ejus etiam si quæ sunt animi vires possideas. Et dum exterioris hominis partes sese ad tua devo-

vent

vent obsequia, debilis quoque, & rudis interior intellectus ad Tuæ S. gloriam non dormitet; quo fiet, ut eidem Tuæ B. serviat uterque meus, imo tuus homo. Venit igitur sæpe in mentem, B. Pater, & Pontifex Maxime, quam varia, quamque diversa sunt cunctorum hominum studia, variae artes, varia officia, varia denique vivendi genera; adeo ut anxius, dubiusque sit plerumque hominibus vitæ suæ modus, dubia in hoc sæculo vivendi fors, nec satis eligere possit, quod tandem vitæ studium, quam vivendi formulam securius assequantur. Cum enim humanus animus non modo bonum simpliciter, sed, teste Aristotele, summum bonum naturali conamine appetere videatur, nihil certe deesse videtur, nisi recte eligendi ratio. In ea igitur nonnunquam error contigit, illa potissimum ratione, quia cum juxta Philosophi sententiam, electio nonnisi de præcognitis existat, pro eo quod nemo quæ ignorat eligit, ut ille in recte eligendo deficiat necesse est, qui diverforum statuum, vivendi generum dulcia, & amara, commoda, & incommoda non satis agnoscit. Ut igitur noscamus, quales a nobis artes, qualia studia, qualiaque conversandi, aut vivendi genera, dum in hoc fallaci sæculo vagamur, & quo ordine diligenda, sectandaque sint; decrevi pro modulo ingenii, quid in ea re sentio Tuæ S. dedicare, tuoque nomine consecrare. Nec ab re quidem. Cum enim ad te unum omnis vitæ modus, omnis mortalium status, & humana conversatio, atque conditio, referatur, Tuque cunctorum mortalium sis norma, moderatio, & speculum, Tu denique cunctorum vivendi generum non solum distributor, sed emendator existas; recte Tibi uni hujusmodi opusculum dirigendum, atque dicandum fuit; eritque ejus libri titulus, Speculum vitæ humanæ. Nam veluti in materiali speculo unusquisque, non modo sua, sed & aliorum intuetur aut pulchra, aut deformia, & quid commendandum, quidve emendandum sit; sic in hoc opusculo tanquam in limpidissimo speculo liquido conspiciet dulcia, & amara, recta, aut deformia cujusvis status, & artis totius humanæ vitæ; quo fiet, ut apertissime agnoscat quid in seipso, ac vita & sorte sua, & demum cæterorum mortalium laudandum, sequendum, sive reprehendendum, & corrigendum sit. Quemadmodum igitur, teste Gelasio Papa, duo sunt vitæ genera, quibus Orbis principaliter regitur, & omnium mortalium conversatio pendet; aliud videlicet eorum, qui temporaliter, aliud illo-

rum,

rum, qui spiritualiter vivunt, ita duos sub brevi compendio Tractatus attingam. In primo quidem de cunctis temporalibus statibus, sive sæcularibus artibus, & vivendi formulis brevi agemus, incipientes a summo temporali culmine, videlicet Cæsarum, Regum, & Principum usque ad bubulcos, & infimæ vitæ homines; & in ea parte diversos hominum vivendi modos in temporali statu degentium, varique artium, & occupationum sæcularium genera, quibus homines sese, ut plurimum conferre, aut implicari solent, brevi perstringam. Et quid in eis animæ profectus, aut temporalis honoris, vel commodi, aut incommodi, laboris, vel periculi lateat, succinctius, atque exquisitius quam potero explicabo. Tandem de cunctis fere malis, suppliciis, pænis mortalibus, ac damnis corporalibus, nec non de cæteris intrinsecis, & invisibilibus ærumnis, ac mentis afflictionibus, quæ ab origine Mundi homines tam boni, & innocentes, quam mali, & peccatores magis excellentes, & nominati in omni statu existentes perpeSSI sunt, & in dies mortales omnes patiuntur, & de causis eorum ad utramque partem brevissime subjiciam. In secundo libro de spiritualis vitæ statu, & vivendi genere sermo erit, qui cum binarius sit, quorum alter Ecclesiasticus, alter Regularis, sive Monasticus existat, de utriusque principiis, natura, & origine, auctoritate, institutione, & differentia, nec non necessitate, & utilitate, excellentia, & prærogativis, sed & de eorum aculeis, laboribus, & periculis agendum erit. Incipiendo a Summo Pontifice, qui omnium statuum vertex est, atque totius vitæ humanæ exemplare speculum existit. Deinde cæteros omnes Ecclesiæ status, & ordines particularius discutiam. Ut tandem discat humanus animus, etsi ubique sit labor, & dolor, ubique ad virtutes; & vicia via sit, cui potius vacare, & se accommodare debeat, ut tandem dulcorem simul, & amaritudinem cujusque status considerans, illam vivendi formam eligat, quæ & fragilitati, naturæque suæ potius conveniat, minusque periculi, sed pluris habeat ad bene, beateque vivendum. In quibus quidquid a me differendum erit Tuæ S. quæ fidei magistra est, correctioni, & emendationi remitto. Quam Altissimus diutine, & feliciter protegat, & conservet.

Catalogum aliorum Operum Roderici Zamorensis diligenter affert, ex manuscriptis Codicibus plerumque Vaticanis, Nicolaus Antonius Biblioth. Vet. Hisp. T. II. affirmans ea parum ex cultu stylo, ut ipse Rodericus quoque fatetur, & quandoque barbaro edita, sed utique doctissima, & humaniorum disciplinarum floribus sapius conspersa. Sunt autem Theologica, & Juridica majori ex parte. Notiora sunt Historica; nam jussu Henrici IV. Regis Historiam Hispanam scripsit quatuor partibus, ab origine rerum scilicet usque ad sua tempora, ut quod Rodericus Toletanus Episcopus (quod ipse ait) Latinis literis usque ad suam ætatem perduxerat, Rodericus alter iisdem usque ad suam abolveret. Adlunt in iisdem Codicibus Vaticanis Orationes ejusdem quamplures, quorum pariter Indicem texit idem Antonius, ac tandem concludit, manifestum reddi unum Rodericum fere omnes tam Joannis, quam Henrici regias vices Romæ, & alibi gessisse, eundemque Theologi, Jurisconsulti, atque Oratoris, statusque Ministri partes, eadem industria, & facilitate, summorumque quinque Pontificum Eugenii, Nicolai, Callisti, Pii, atque PAULI, duorumque illorum Regum commendatione, plausuque tractasse. Hujusque rei non postremum argumentum subdit, quod Pius II. Historiam a se scriptam, & aliqua Opuscula præclare, ingentique elegantia exarata, eidem Roderico suo Referendario communicare dignatus fuerit, antequam edita forent, quod ipse refert Hist. Hisp. IV. Part. Cap. 40.



JULIUS CÆSAR.

§. X.

Quoniam in §. II. actum est de Cicerone, elenchum prophanorum Scriptorum, quos sedente PAULO II. Romana præla ediderunt, ab Julii Cæsaris Commentariis inchoabimus, Ciceronis puritatem, & elegantiam ita æmulantibus, ut Quintilianus lib. 10. cap. 1. ita scripserit:

T

rit:

rit: *C. Cæsar si foro tantum vacasset, non alius ex nostris contra Cicero-
nem nominaretur. Tanta in eo vis est, id acumen, ea contentio, ut
illum eodem animo dixisse, quo bellavit, appareat. Exornat tamen hæc
omnia mira sermonis, cujus proprie studiosus fuit, elegantia.*

Princeps horum Commentariorum Editio prodit Romæ cum Epi-
stola Joannis Andreæ Aleriensis MCCCCLXIX. XII. *Maji in domo Pe-
tri de Maximis.* Hanc memorant Annales Typographici, nec non Ro-
manam alteram MCCCCLXXII. XXV. *Augusti in domo Petri de Ma-
ximis.* Utramque inspexi, eandemque utrique inesse deprehendi Ale-
riensis Epistolam mox recitandam, imo vero quum primo intuitu nul-
lum mihi compareret inter utriusque paginas, & lineas discrimen, jam
jam in eam lententiam descendebam, qua in §. IV. binas passim puta-
tas Hieronymianorum Operum Editiones ad unicam tantum redegi, du-
plici quidem annorum indicio notatam. At re accuratius, & minutius
introspecta, aliter postea visum est. Ad quam tamen detegendam nul-
lam mihi lucem attulerunt luculentæ Cæsaris Editiones, quas consului,
Jungermannia scilicet duplex, Arnoldi Montani cum Notis Varior.
Joannis Godvvini in usum Delphini, & Joannis Georgii Grævii, in
quarum Præfationibus nullus de primis illis Editionibus sermo, non
ita vero in Cantabrigiensi Joannis Davisii, & Londinensi Samuelis
Clarke. Græviana quidem non mediocriter commendatur ex Com-
mentariis de Vita Cæsaris Julio Celso passim tributis, quos a Viris do-
ctis antea expetitos, & a Godvvino frustra in celeberrimis Bibliothe-
cis requisiti, Grævius suæ Cæsaris Editioni subjecit, idque ex unica,
& rarissima eorundem Editione anni 1473. En autem Epistola Ale-
riensis.

Joannis Andreæ Episcopi Aleriensis Epistola.

Diffatoris Cæsaris Commentarios jam pridem multa diligentia me re-
cognovisse memineram, quos cum a me impressores nostri proximis
superioribus diebus efflagitarent, exemplaria illa penes me non esse excu-
sabam. Non potui tamen illis, ut differrent, persuadere. Quocirca per

eos movem iis gesturus, quicumque latinitati afficiuntur, etsi perfunctorie denuo illos recognovi, de quibus duo mihi dumtaxat brevissime sunt dicenda. Alterum tenere memoria omnes oportere, qui ad horum venerint lectionem, quæ Suetonius Tranquillus in Cæsaris Vita de iis scripsit, hoc modo: Reliquit & rerum suarum Commentarios, Gallici, Civilisque Belli Pompejani; nam Alexandrini, Africique, & Hispanienfis, incertus author est. Alii enim Opium putant, alii Hirtium, qui etiam Gallici belli novissimum, imperfectumque librum suppleverit; ne in frontibus scilicet librorum indices ascribantur emendandi. Equidem alia quædam a nonnullis scribi scio; & tamen ipse Suetonio assentior. Ideoque ut eos, quos Cæsar scripsit, tum Ciceronis, tum plurimorum testimonio, esse fateor elegantissimos, ita Bellorum Civilium novissimum prioribus omnino imparem esse non diffiteor, adeo quidem, ut præter in eo paucissima, vel propter mendas, vel propter scriptoris infantiam, indignum pene judicem lectione. Historia in illo sane comprehendi potest, reliqua, ut mea fert opinio, difficulter intelligi. Hoc unum e duobus fuit. Reliquum erat, ut Cæsaris potissimum exemplo maximis etiam in rebus gerendis viris occupatis, a legendo, scribendoque prorsus ostenderem non debere avocari. Quis enim potest inveniri majoribus quam Cæsar curis implicitus? Quis a puero usque difficilioribus negotiis circumventus? Quis tamen æque studiosus? ut nescias, major ne imperio fuerit, an eruditione cumulator. Certe nemo diffitebitur, eloquentiores eo ullos non fuisse, teste Cicerone, in latinitate vero elegantiores, Prisciani quoque arbitratu, in Astrologia denique peritiores, Plinio ipso ita prædicante, in imperio demum majores, omni mundo attestante, & Cæsaris ipso nomine hæreditario Imperatoribus summis perdurante. Talem igitur, & tantum in negotiis, & in ocio virum, ut ego recognoscendum, ita legendum omnes facile sument, & pro virili imitandum.

Quæ de incerto Auctore quorundam librorum, qui genuinis Cæsaris Commentariis copulantur, tradit Alerienfis ex Suetonio, fusius explicat Vossius de Hist. Lat. & post hunc alii plures, quos Lector consulat. Hic vero potissimum adnotet velim verba illa Alerienfis, quibus Viri maximis etiam in rebus gerendis occupati Cæsaris potissi-

mun exemplo, monentur, ne se a legendo, scribendoque omnino se-moveant.



TITUS LIVIUS.

§. XI.

Jo. Albertus Fabricius Bibl. Lat. lib. 1. cap. XI. agens de Tiro Livio, antiquiores ejus Editionum notitias fatetur se magnam partem debere Viro de Livio immortaliter merito Jo. Friderico Gronovio Prolegom. ad Livium. At imprudens ab eo dissentit, dum Romanam omnium principem, curante Jo. Andrea Alerienſi Episcopo, *ex Codice præceptoris sui Viſtorini Feltrensis*, ad annum 1470. refert: nam Gronovius ei Editioni, cujus bina apud se exſtabant Exempli, nullum annum appositum reperiri diſerte affirmat, & ſolum conjicit, eam anteverſiſſe annum 1471. quod hoc anno PAULUS, cui dicatur, mortalitatem expleverit. Convenit vero Fabricio cum Gronovio, dum Romanam alteram per Udalricum Gallum factam cura Joannis Antonii Campani refert ad annos 1471. & 1472. Hiſce enim eam exiſſe, anno ſcilicet 1471. primam Decadem, tertiam & quartam anno 1472. fidem ſibi facere Regiæ, quæ Pariſiis eſt, Bibliothecæ Indicem, ſcribit Gronovius. Venetam per Vindelinum Spirenſem Livii Editionem accurate designat ipſe Fabricius; non ita tamen Gronovius, qui in errorem adductus a Francisco Robortello in Convenientia Livianæ ſupputationis cum marmoribus Capitolinis, & in Emendationibus, eandem cum Romana confundit, additque de ſuo, ſe putare, Vindelinum eum eſſe, *qui ſe Schweinbeim in calce Voluminis appellat, ut ſolent Itali Germanica vocabula invertere.*

Princeps illa Romana Editio, quam ad manus habeo, anni nota, ut Gronovius tradit, destituitur. Prodiisse ipsam conjicit Maittaire an. 1469. quod Editio, quæ a Vindelino an. 1470. prodiit, eandem, quam illa, habeat Episcopi Alerienfis Epistolam; *Oportet itaque* (ait Maittaire) *huic illam antecessisse. Cumque illa Romæ, hæc Venetiis excusa fuerit, haud facile credam, utramque eodem anno exiisse.* Idem Maittaire memorat quoque Romanam alteram per Udalricum Gallum (sed inter illas, in quibus anni indicium desideratur) quin partem Epistolæ recitat Campani Editoris ad Jacobum Cardinalem Papiensem, cujus jussu Campanus tres Livii Decades, librariorum inciticia magna ex parte depravatas, receperat emendandas. Quod anni nota in utraque ea Romana Editione fileatur, justa videretur dubitandi ratio, num Campani hæc, an Alerienfis illa præcesserit. Aequum reputavimus Alerienfi palmam relinquere, quam ei Gronovius, Fabricius, & Maittaire tribuerunt, quibusque ad stipularem censendum est Vindelinius, quippe qui Venetæ suæ Editioni non quidem Campani, sed Alerienfis Epistolam præfixit. Hoc loco minime dissimulandum puto, in dubium etiam ab aliquibus vocari, utrumne Udalricus, an Conradus, & Arnoldus Romæ Typographicen primi exercuerint. Postremis aperte favet Alerienfis testimonium in Epistola præfixa v. Tomo Gloss. Nicol. de Lyra. Haud magna tamen contentione decertandum recte monet Maittaire, si quis hos, & illum cum conterraneos, tum contemporarios affirmaverit, sed admiratione maxima dignos videri sub ipsis literarum renascentium primordiis impigros, mutuosque illorum Typographorum conatus, qui studiorum contentione, & quasi æmulatione erecti in procurandis principum Authorum Editionibus, qua fieri poterat, diligentia desudando, secum invicem veluti luctabantur, præsertim Romæ, & Venetiis, ut abunde patet ex singulis fere hujus Appendicis Articulis.

Venio nunc ad Alerienfis Epistolam, in qua ad Veneti nominis gloriam magnopere faciunt plura, quæ in ea afferuntur, scilicet de florentissimis ingeniis, quæ Romam ex Venetia accesserunt, ex quibus Virgilium, Plinium, & Livium nominat Alerienfis, nec non de subsidiis a PAULO Pontifice, ejusque consanguineo Marco Cardinali Barbo, Typographicæ Arti mirum in modum juvandæ munifice collatis, ac deni-

que de insigni Victorini Feltrensis Schola, quam Patavii, & Venetiis magna etiam cum integritatis fama aperuit, Mantuam postea ab Joanne Francisco Marchione pertractus, suisque liberis datus præceptor, ubi Alerienfis ipse se illo usum parente, & magistro affirmat his verbis : *Istic ego sum usus parente, & magistro, istic Livii partem prælegendem audiui. Quod ideo non fuit silentio prætereundum, ut, si quid in recognitione profeci, auctori acceptum Victorino referatur.* Huic præterea palmam dat Alerienfis, quod *Livium primus, ut intactum pelagus, atque inexpertum, noster Tiphis aperuit, & Patavinos thesauros Hesperidum hortis clusiores patefecit* ; nam quod tempestate sua in Liviana Historia lucubrasse ferebatur Franciscus Petrarcha, hujuscemodi erat, ut vere de eo dici posset cum Pacuvio, *sibi profecit, & musis.* De Petrarchæ in Livium lucubrationibus altum silentium apud Gronovium, & alios, quod ego quidem sciam. Gronovius, & alii Romanam Editionem ex Victorini Codice deductam scribunt ab Alerienfi. At quo fundamento mihi incompertum ; nam Alerienfis in Epistola ne verbulo quidem designat Victorini Codicem, sed ejus in Livium Prælectiones memorat, atque commendat.

Joannis Andreae Episcopi Alerienfis Epistola ad PAULUM II.
 VENETUM PONT. MAX. & Marcum
 Cardinalem S. Marci.

Fausto, ac felici solo tuam Urbem, PATER BEATISSIME PAULE II. VENETE PONT. MAX. ac fortunatis originibus positam a primis illius fundatoribus, cum sequuta Imperii magnitudo testatur, tum in primis illud, quod aut eodem in loco maxima, innumeraque excellentium hominum sunt exorta ingenia, aut undequaque oriunda, natalis dulcedinem patriæ Roma felici migratu commutarunt, fortunæ majoris vicem, ac munus Romana sibi mænia fore arbitrati. Romam enim ex iis plurimi, post diffusum late Imperium, qui in diversis terrarum partibus nati sunt, miro studio, veluti in primum, & maximum orbis theatrum convolarunt. Cujus rei hodie quoque speciem amplissimam cernimus, cum ex tot clarissimis regionibus, in tua felici Curia tantæ majestatis Patres intue-

intuemur, ut merito haud ita Imperii jure (etsi id quoque permagnum est) ut fidei, & Religionis gratia sacrosanctæ, quæ est splendor, & justior in terris principatus, ab exordio ad tantam rerum molem tua Urbs esse præparata noscatur. Crevit ab exiguis quidem initiis, PATER SANCTE, Urbs tua, ingeniis quoque, ac scriptis clarorum hominum, variarumque linguarum vocibus celebrata, quæ tanquam ad speciem sui oculos luminis fulgor, ac splendor rapit; ita quicquid magna nixum virtute, & claræ indolis sibi conscium, omni in genere mortalium fuit, claritudine, ac nitore ad sese propriæ majestatis allexit, ut brevissime, verissimeque Poeta magnus cecinerit.

Scilicet & rerum facta est pulcherrima Roma,
Septem quæ una sibi muro circumdedit arces.

Verum sicuti nihil æque difficile est, atque quibus ex orbis terræ partibus præstantioris ingenii Romana felicitas, nominis tanti magnitudine, viros ad se ornandam traxerit; ita constanti doctorum consensu, ex tua Venetia liquet, florentissima quidem, & virorum summorum uberissima, ingenii quosdam, & doctrinarum primarum cultu facile principes, Romam accessisse. Quis est enim Virgilio, suo in genere (ut ab eo incipiamus) major? Quis Plinio doctior? quis Livio candidior, & uberior? Hos certe elegantissimos, & maximos misit Venetia; quorum reliquis de eorum laudibus loco alio servatur oratio. Patavino nostro Veneto amplissimum Divus Hieronymus testimonium reddidit. In quo certe illud fuit (quod præterea fortasse datum est nemini) ut seipsam facilius in monumento, æve perenniore, quam vel in immensis ædificiorum molibus, vel in legum venerandis sanctionibus Imperii tanti viribus, atque magnitudine nudam, & seriam, non absque summa dignitate, majestate, amplitudine, gratia, & (quod est his magis omnibus) æternitate orientem simul, coalescentemque, ad fastigium usque provectam, ibique placidissime generi humano dominantem, Romæ licuerit intueri. Tibi igitur Pontifici Max. Historicorum primum, & maximi Imperii ornatores, ac per te cultissimo tuo, ac modestissimo Marco Sancti Marci Cardinali, Episcopo Vicentino, quam fieri potuit, diligentissime recognitum (si quid unquam alias)

hoc tempore potissimum destinavi. Morem meum, tua venia, in præsenti etiam Epistola servans, ut animi gratia paulo uberius scribam, quam fortasse Epistola postulare. Ille vero dictionis hujus erit modus. Laudationem primum delibabo Livianam: rem mihi in primis arduam vires proprias aestimanti. Quis enim tam eleganti fretum se putarit ingenio, quis ea doctrinæ copia, quis tanta erit eloquentia, vel arte politus, vel natura præditus, vel imitatione formatus, vel studio præparatus, ut ornatorem audeat amplitudinis Romani Imperii Livium, non inepte, non jejune, non minus Auctoris merito prædicare? Quod est tamen ideo tentandum in præsentia, ne laudati Romani nominis gravis prædicator, exilem, ac modicum, saltem in Operis sui Principio, non habeat præconem. Conabimur illud igitur, ostendemusque deinceps, quo præeunte nostris potissimum diebus ausi simus Livium attrectare, illius auctoris admiratione succensi, nostro tamen Marte impotentes ad magnificæ dictionis ejus intelligentiam aspirare. Quod ego denique hac illustri lectione me plurimum delecter collegisse, ita labor mihi lectionis levabitur, & quibus maxima debeo, parva opera satisfaciam. Sed id primum confiteor, non magis opinione mea Livianæ dignitatis attingi laudem posse, quam triumphantis Romæ splendorem cerni, quæ Oceano Imperium, astris famam terminavit. Satis ne commendabit Livium quisquam, qui maxime omnium inter Historicos censetur flumine labi perpetuo eloquentiæ, tanta urbanitate, nitore, ac gloria, ut Romano Imperio par, illius decus dicendo cœquaverit? Neque enim Urbs præpotens tot annorum, tantarum nationum dominatu præstantius armis bellavit, togave pacis tradidit morem, non sublimius inquam victor nationum Populus, & eorum, quos vicit, illustris moderator, aut generosior in rebus gerendis, aut in gubernando justior fuit, quam noster Historicus domitoris nationum Populi facta, dictaque in utriusque sorte fortunæ æquali retulit dictione. Talis quidem, ac tantus sui singulis, atque omnibus Operis partibus, quales & quanti viri ii fuere, & singuli & universi, quorum manibus, ac consiliis illa sunt gesta. Herculem enim merito Historiarum dixerim, qui alacris ubique incedens, robustus, & floridus, nulla rerum difficultate, nullo obrutus pondere superatur. Non illum varietas confusum, non simplicitas historia fastidientem reddit. In tenui (quod per sæpe accidit) atque humili rerum materiæ, non est exanguis, aridus,

duſ, & jejunuſ. In copia vero, ac magnitudine, turgeſcens non exit, ac vaſtuſ, plenuſ citra tumorem, æquabilis, ac leniſ citra molliciẽ. Nec luxurioſe effluẽſ, nec nimia ſterilitate tabeſcẽſ. In aſperis rebus non ſalebroſuſ, neque languẽſ in mollibuſ, non violenta, & coacta oratione ſuſultanſ. Non ita tamen copioſuſ, ut nimiuſ, neque ita ſuaviſ, ut laſcivuſ, nec adeo leniſ, ut remiſſuſ, non ſic triſtiſ, ut horriduſ, neque ita ſimplex, ut nuduſ, aut adeo comptuſ, ut affectata compoſitione calamitriſ videatur inuſtuſ. Par verbis materiæ, par ſententiis rebus, in re geſta exprimenda graviſ, atque magnificuſ, & tamen ſuccinctuſ, ac propriuſ, in narratione naturalis, & ſemper expectatuſ ordinẽ minime confundẽſ, & reruſ eventa non præcurrenſ. Minime in gratiam adulator, aut reprehendendo parcuſ in veniam, non amaram lætuſ in noxam. Ipſi quoque Senatui, Ordini illi orbis terræ moderatori venerando, Populoque Romano terraruſ principi, ſi vel temeritate præcipiteſ, vel errore lapſi, vel quacumque forent ratione ſupra modum, juſtuſque eveſti, nequaquam parcenſ. Reſ etiam adverſarioruſ debita commendatione non defraudanſ, ut modo narrator tantum, modo cenſor eſſe videatur, atque ita ſeveruſ, & tetricuſ, ut ne cenſoribuſ quidem graviſſimiſ, quibuſ nihil Romæ ſanctiuſ fuit, ubi factuſ uſuſ fuit, unquam ignoverit. Quibuſ quidem virtutibuſ ſummiſ, clariſſimiſque Scriptoriſ comparatur, ſicuti in ſententiaruſ ubique, præcipue tamen in conſiliis, & diſceptationibuſ, majeſtate. At vero in Concionibuſ ante omnia, verboruſ parcuſ, ſententiaruſ dives, multo eſt verbis, quam ſenſu reſtriſtor, atque conciſior. In qua parte non cæteroſ Scriptoreſ tantum, ſed ſeiſpſum quoque longe antecellit, ut aliquanto auguſtiuſ diſſerẽſ ſermone humano ad oraculoruſ pene reſponſa accedere judicetur. Quæ reſ ſi ſunt ulla arte acquiſitæ, cur nemini unquam diſcipulo æmulandæ tradi potuere? cur a quo ſint præceptore ſumtæ, non diſſeritur? ſin, ut potiuſ reor, naturæ fuerunt excellentiſ, Viro unico illi, & ſingulari magiſ cælituſ perbibitæ, quam humanituſ vel traditæ vel meditatæ ſunt cenſendæ, ut majeſtaſ illa æternæ rationiſ, ſimul ac Romanuſ potentatuſ decrevit, tantopere ſupra omnia Imperia eminere, continuo quoque ejuſcemodi Scriptorem ejuſ decerneret, qui diſtinctioniſ gloria par Romano potentatui, æqualem in omnibuſ ſibi Hiſtoricuſ neminem unquam foret habituruſ. Nam nemo pleniuſ aures hominuſ im-

plet, vividius animos penetrat, excitatque facilius affectiones, nemo acrius proponit, vehementius persuadet, asperius irritat, urget impensius. Nemo dissolvit aptius, sedat facilius, velocius dissuadet. Cumque in delectando sit summus, in amplificando ditissimus, exemplis in primis copiosus, stimulos præcipue habet utramvis in partem accommodatissimos, aculeosque acerrimos, & tormentis verba simillima, ut quocunque intenderit, humanos illuc sensus, affectionesque, vel torrentis rapiat modo, vel turbinis more prosterнат, vel roris vice refrigeret, blandique malagmatis ad omnem mollitudinem restinguat exemplo. Extollant Timotheum alii, alii Orpheum prædicent, illum fidibus, & cantu armatorum rabiem, istum dirarum horribilos tumultus leniisse. Illorum profecto artes perdiscere nemo est vetitus, hujus ne ediscerentur Conciones edicto est Principum interdictum; quoniam tantus nullo quisquam fuerit tempore, in flectendorum quovis animorum, vel artificio, vel gratia, vel natura. Quid multis immoror? non materie magis Livii decades felicitate censendæ sunt, quam ipse Romanorum inde felicissimus potentatus, quod Livium illi contigit habere præconem. Hujus sit orationis summa, hic cardo, velut solum Romanum Imperium denuo resforescens, aut nulla mundi potentia Romam redivivam, ex suis bustis, ac ingentium molium parietinis, quæ sparsa, lacera, & trunca conspiciamus, excitabit, restaurabitque, omnino pari modo aut Livius, si restituatur ab Inferis, aut mortalium, qui sunt, quique erunt, nemo extinctas suæ Historiæ partes renovabit, aut similes cudet. Quod si cuiquam dicere nimis videor, ea Historiarum membra in manibus sumat, quæ noster Livius semel absolverat. Nam bodie quoque ex Græcorum thesauris superstes ad nos pervenit historia, & vel ex Polybio, magno quidem illo, & gravi Scriptore primum Punicum bellum, a Fabii retro Gurgitis, & Collegæ inchoans, quando ibi desit Livius, Consulatu, vel ex Appiano Alexandrino, vel Authorum alio bella Civilia, Socialiave, aut cætera Romanarum rerum membra complectatur. At sunt viri clari, & nobiles, qui hæc cum laude vertunt in latinum. Non equidem inficias eo, verum ea non sunt talia, ut cum Livianis scriptis conferantur. Hactenus pauca de Livio. Ad primi ævo nostro prætoris ejus memoriam propero, nec tacebo Franciscum Petrarcham (quod fando accepi) modestissimum illum quidem, & amæni cultus, atque inge-

nii virum, non mediocriter tempestate sua, in Liviana Historia vigilasse, sed ille (ut dicam cum Pacuvio) sibi profecit, & musis. Illud verissime referre me puto, primum omnium ætate nostra Victorinum Feltrensem, lectionem publice audientibus præfisse Livianam, ingenti hominum admiratione, & fama. Quo Viro quoniam mihi Christus Dominus dedit, ut altore sim usus, atque præceptore, veniam præfatus peto, ut mercedis loco pauca de illius moribus Te audiente perstringam. Victorinus Feltrensis, ævi nostri Socrates, sæculi sui ornator, ac decus, fama, & gloria Academiæ Mantuanæ, vivens ille quidem, vitæ constantia venerabilis, legens admirabilis, absens quæsitus, mortuus admodum desideratus, hospes ille, quinimmo pater pauperum studiosorum, humanitatis suscitator, latinitatis erector, sapientiæ magister, honestatis specimen, bonitatis exemplum, divitiarum contemptor, ingeniorum sublevator, & alia pleraque, & Livium primus, ut intactum pelagus, atque inexpertum noster Tiphys aperuit, & Patavinos thesauros Hesperidum hortis clausores patefecit. Ille quidem in Italia natus Veneto angulo, Patavii partim, partim Venetiis, ingenti gratia, & fama, & (quod est in docentibus laudatissimum) magna docuit cum integritate, ubi cum auditorum liberalitatibus grandem posset pecuniam facere, ita divitum scholasticorum dona capiebat (neque enim vir ille quæstu docebat mercenario) ut Proculi illius Socratici præceptoris more, atque instituto, dativus aliquid, aliquid sumeret, ut dividenda haberet in pauperes studiosos. Tantum enim aberat, ut fundis delectaretur, ac peculio, ut singularibus annorum omnium contentus vestimentis æstatis, atque hyemis, quotannis in egentiores, quos domi alebat, & docebat, bina sua divideret suis manibus indumenta. Harum fama virtutum Jo. Franciscum Marchionem illum inclytum Mantuanum, Cardinalis Illustris, ac liberalissimi Mantuani avum, ad illum Mantuam trahendum incendit, quo cum plurimo honore, & donis tandem venisset, Principis liberis datus est præceptor. Istic ego sum illo usus parente, & magistro, istic Livii Decadum partem prælegentem audiivi. Quod ideo non fuit silentio prætereundum, ut si quid in recognitione profeci, auctori acceptum Victorino referatur. Tantum enim abest ut me paniteat præceptorum meorum gloriæ, ut id unum, ac maximum docti animi, atque ingenui argumentum censeam, a quibus ipse hausserim omnia fontibus referre

magistrorum. Qui plura voluerit discere de Victorino (Sunt enim ejus omnis splendoris, ac dignitatis plenæ actiones) Saxoli Pratenfis inter condiscipulos nostros minime contemnendi, quamquam admodum juvenis ille fato concesserit, librum legat de vita, & moribus Victorini, aut cæterorum, quibus laudi magnæ est non mores, & vitam solum, verum etiam totam Victorini Scholam perscripisse. Quorum scriptis potueram equidem esse contentus, nisi in eadem cultus officina, obtusore licet scalp pro, mihi visus in præsentī Epistola forem, non absque ingratitude criminis potuisse dissimulare, ac præterire Victorinum.

Venio ad Te, Pater Colendissime, cui, ut ipse nosti, maxima debeo, atque ut cæteri se in hac quoque haud exigua humanitatis parte tibi debere sciant, cogor ostendere. Tua enim opera, subsidioque, ac liberalitate Impressorum nostrorum ars juvatur, & crescit, unde mirum in modum egenorum necessitatibus subvenitur, cum doctissimus ipse, ac minime invidus libros excellentes omnis generis habens facultatum, nobis volens, & expositus Bibliothecam tuam semper aperias. Tu vero (ut revertar ad Livium) modestissime Vir, atque sapientissime, in nostro teipsum Codice, hoc est incredibiles animi tui verecundi inprimis virtutes, ut sæpiissime antea, percensens nunc quoque, non sine ratione delectabere. Gravis enim morum tuorum censura, quo sanctius monumento cognosci, quo exemplo reddi verius potest? etsi præcipua pars tui, virtus vere Christiana, quasi manus optimi pictoris extrema (quod constanter fateor) omni gentilitatis ornamento in te superlinenda restabat. Recognoscis tu quidem in Livio laudes tuas, cum illustrium Virorum verba, & actiones legis. In alio religionis cultum, in alio animi magnitudinem, in alio vitæ omnis tenorem æqualem, & jugem, hic tuam maximam modestiam (quæ perraro in alto dignitatis, & status fastigio positorum est comes) refert, hic tuarum in Republica sententiarum modum, hic in castigandis moribus multæ lenitatis gravitatem. Mihi quidem hæc proxime legenti Tu jugiter eras in mente. Actionum tuarum imaginem in gravissimis, & compositissimis viris de propinquo cernebam. In Q. Fabio Maximo, placidum, ac cunctabundum tuum ingenium admirabar. In Furio Camillo, maximi animi vigorem, gravitatem, atque in omni fortuna constantiam. In Appiis miram

miram scientiam, atque facundiam. In Scipione, dexteritatem, alacritatemque animi, & minime inanes cogitationes ardua, & magna negotia capeffendi. In T. Quintio, providentis, ac mirifice casti pectoris tui monita salutaria. In Papyrio celeritatem, atque indefessum ad res gerendas robur. In Valeriis, popularitatem placidam, modestamque, ac nequaquam effluentem obsequelam. Fidem vero in omnibus maximam, paremque prudentiam. Addebam religionem, & a Gentilibus longissime abscedens, eam quidem Christianam, atque Catholicam. Unum apud Livium reperiebam, cui, ut maximo quamquam simillimus es, omni tamen a parte non es idem. Cato ille Censorius, vir consummatus, & summus, in quo velut in Te bodie, hoc maximum quondam decus virtutis fuit, ut quisquid ille ageret, natus ad id tantum esse videretur, Cato ille, inquam, tantus vir, amaro fuisse fertur ingenio, atque ad lacerandum semper exposito. Cætera ejus in Te cognoscimus; naturæ vero amaritudinem, & carpendi ingenium non videmus. Quin imo, si quisquam est, Tu es maxime detractorum adversarius, quippe qui es ad benemerendum de omnibus hominibus natus, atque S. D. N. institutis eruditus. Tibi igitur tali Viro, ac tanto præstet gratiarum dator Christus Dominus, ut assidue magis pacem, ac gloriam Sacrosanctæ Ecclesiæ videas, Christiani populi de Paganorum feritate, & Hæreticorum obstinata pravitate victoriam, Summi nostri Pontificis sospitatem, omnium terræ fructuum copiam, Cæli temperiem, & aeris salubritatem, & veluti in Sanctissimo Dominici gregis, felicissimoque Pastore, tua studia, spemque omnem a nativitate collocasti, ita tuarum quoque actionum successu fortunato ille assidue magis in te quieturus recumbat. Ut cum summus Deus suo in terris Vicario cuncta mentis tranquillæ optata tribuat, Tibi ille rerum maximarum administrationem secundet. Tu nobis apud illum omnia impetres, quibus aliquando cum dignitate vitæ præsentis necessitates per studia honesta, bonoratasque actiones transeamus. Vale.

Liber Saxoli Pratenfis, ad quem eos Alerienfis amandat, qui de Victorini Feltrensis doctrina, & moribus plura discere cuperent, editus reperitur Tom. III. Ampliff. Collect. Veter. Script. & Monum. Paris. anno 1724. at dum ejus Collectionis Auctores in Præfatione ad

illum Tomum affirmant, quamvis celebrentur ubique Victorini merita in Remp. literariam, vix quenquam, uno forte excepto Ambrosio Camaldulensi, virtutes ejus vel paucis prædicasse, inde dignoscitur iisdem minime compertam fuisse recitatam modo Aleriensis Epistolam, quæ Victorini laudes abunde refert, easque ab aliis etiam, præter Saxolum Pratensem, luculenter descriptas testatur his verbis; *Qui plura voluerit discere de Victorino (sunt enim ejus omnis splendoris, ac dignitatis plena actiones) Saxoli Pratenfis inter condiscipulos nostros minime contemnendi, quamquam admodum juvenis ille fato concesserit, librum legat de vita, & moribus Victorini, aut cæterorum, quibus laudi magna est non mores, & vitam solum, verum etiam totam Victorini Scholam perscripsisse, quorum scriptis potueram equidem esse contentus, nisi in eadem cultus officina, obtusiore licet scalpro, mihi visus in præsentī Epistola forem, non absque ingratitude crimine potuisse dissimulare, ac præterire Victorinum.* De hoc ipso Victorino (o) haud raram dicendi occasionem nactus sum & ipse, tam in libro de Brixian. literat. renascent. literar. ætate, quam in Diatriba Præliminari ad Francisci Barbari Episto-
las

- (o) Valde honorificum est VICTORINO, quod Græcos doctissimos Theodorum GAZAM & Gregorium TRAPEZUNTIUM Latinam linguam docuerit. De illo enim Christianus Frider. BOERNERUS in eleganti libro de doctis hominibus Græcis literarum Græcarum in Italia instauratoribus p. 122. hæc commemorat: In Italiam ubi GAZA pervenit, & exquisita Latine loquendi scientia, ad excitandum Græcarum literarum decus, valde sibi opus esse vidit, protinus ad VICTORINIUM FELTRENSEM accessit, a quo eruditus, brevi post ea sermonis Latini excelluit peritia, ut, siue Græca, siue Latine, siue Latina Græce redderet, omnes eum admirarentur. TRAPEZUNTIUM vero in dicata Victorino Ciceronis pro Q. Ligario orationis expositione se ipsius alumnum vocasse idem p. 106. testatur. Conf. Cardinalis nostri Diatribam præliminarem ad Franc. BARBARI Epistolas, p. LXXVII. Paulus CORTESIUS in Dialogo de hominibus doctis eum toti Galliæ Transpadanæ præcepta dicendi tradidisse scribit. Inter PHILELPHI epistolas exstant quædam ad eum datæ.

las propediem publicandas. Saxoli vero Pratenfis (p), cujus vix ullam restare memoriam in eadem Præfatione affirmatur, non solum meminuit

- (p) Inter Epistolas Francisci PHILELPHI variæ exstant [ad SAXOLUM Pratensem ab ann. 1439. ad annum 1451. scriptæ, e quibus patet, eum fuisse literarum Græcarum studiosissimum. In literis ad illum A. 1440. v. Kal. Oct. Mediolano datis VICTORINI & Joannis ANDREÆ mentio his verbis fit: *Flaccum & Ciceronem nostri eruditissimi Victorini dedi Joanni Andreae. Id quod ut sacerem significasti literis.* Ex Epistola autem A. 1441. VI. Id. Jun. exarata apparet, illum tunc iter in Peloponesum fuisse molitum, de quo consilio ita Philelphus: „De tua in Peloponesum quam instituisti profectio, accipe sententiam meam. Fuit olim Peloponesus in universa Græcia & viris & opibus pollens: nunc his vacua prorsus: Nam propter „continuas Barbarorum incursiones incolarumque ignaviam, adeo „est bonis exinanita omnibus: ut, præter unum Georgium Gemystum, virum certe & doctum & gravem & disertum, nihil inventas dignum laude. Principes enim illi Palæologi ipsi quoque inopia „pressi, vel suis sunt ridiculo ac prædæ. Itaque præter unum Gemystum cætera illic omnia commiserationis sunt plena. Accedit: „quod lingua etiam ipsa adeo est depravata, ut nihil omnino sapiat priscae illius & eloquentissimæ Græcæ. Mores vero barbaria „omni barbariores. Quare si me audias, non Peloponesus tibi, sed Thracia, hoc est nova Roma Constantinopolis petenda est. „Illic enim & viri eruditi sunt nonnulli: & culti mores: & sermo etiam nitidus. Quod eo tibi magis faciundum censeo, quod „nesciam, quanta sit tibi Georgii Gemysti futura copia, si Peloponesum petieris: Est enim jam admodum senex: quique magistratum gerit nescio quem. Cæterum Constantinopolin petitarus, poteris, si videbitur, ad virum ex itinere tantisper divertere, donec præsens ipse coramque dijudices & regimen & viros. SAXOLUS fuit filius Laurentii, qui nobilissimus philosophus atque ætatis suæ medicus per tissimus dicitur in sepulcrali epigraphe in Templo Florentino S. Mariæ Novellæ, teste Nic. Stanisl. MEUCIO in Notis ad Tom I. Epistolarum PHILELPHI, Florentiæ A. 1743. in 8. editum p. 144. Non modo PHILELPHUM & Victorinum Feltrensem, sed GUARINUM etiam præceptorem habuit,
- POG-

minit Alerienſis, ſed præterea teſtatur, (ut allata verba demonſtrant) ipſum admodum juvenem fato conceſſiſſe.

Quo amplioribus autem laudibus in eadem Alerienſis Epiſtola cumulatur Marcus Barbus, Cardinalis, qui viros omnes illuſtres, quorum verba, & actiones Livius deſcribit, unus ipſe referret, religionis ſcilicet cultu, animi magnitudine, æquali vitæ omnis tenore, maxima modeſtia, ſuarum in Rep. ſententiarum modo, in caſtigandis moribus multæ lenitatis gravitate, eo magis commendanda venit (ut hoc obiter dicam) PAULI II. egregia moderatio, qui huiuscemodi naſtus conſanguineos, adeo tamen carni, & ſanguini non indulſit, ut vel ab ipſo Cardinali Jacobo Papienſi ea moderatio in exemplum Romanis Pontificibus fuerit propoſita. Siquidem in Epiſtola ad Sacramorum, Proto-notarium Ariminenſem, maxime dolens, ex amore Sixti Pontificis in ſuos, Eccleſiæ patrimonium in diſcrimine eſſe, illico ſubdit: O PAULE SECUNDE, *ubi tua nunc eſt in parandis, & retinendis rebus Eccleſiæ laudata attentio?* Agebatur de Senogallico negotio; quod binis ejusdem Papienſis literis, quæ illas ad Sacramorum ſequuntur, argumentum præbuit; earumque primis pauperis ſui cenſus querelas interſerit, quas ad faſtidium uſque ab ipſo inculcari conſueviſſe, jam monuimus Vindiciar. Cap. IV.

VIR-

POGGIO dictus adoleſcens ſingularis ingenii & vitæ continentiffimæ. l. c. p. 158. Inter Leonardi DATHI Epiſtolas, a Laurentio MEHUS Florentiæ itidem A. 1743. in 8. publicatas una legitur p. 39. ſqq. Florentiæ A. 1443. d. VIII. Febr. ad eum ſcripta, cum ipſi librum ſuum de vita ac moribus Viſtorini tranſmiſſet, quæ Viſtorini laudibus plena eſt. Alia ad illum exarata habetur p. 13. ſq.

VIRGILIUS MARO.

§. XII.

Primarum Virgilii Editionum notitiam haud omnino exactam tradiderunt Maittaire, Fabricius, & Orlandus, quod ipsis videre minime contigerit Romanam, quæ mihi in manibus est, cum Epistola Alerienfis ad PAULUM, & alia ad Pomponium Infortunatum. Maittaire itaque recitans pag. 14. Catalogum, quem pluries memoravimus librorum in Conradi, & Arnoldi Typographeo per septem annos excusorum, Romanam illam se nondum vidisse fatetur, deinde vero suo loco Venetam recenset an. 1470. per Vindelinum Spirenses, item aliam an. 1471. sine loci, & Typographi indicio, ejusdemque anni Romanam, quam putat eam esse, quæ in laudato Catalogo recensetur, quamquam affirmat se comperisse in quadam Angliæ Bibliotheca extare. Fabricius vero binis Venetis nominatis an. 1470. & an. 1472. tertio loco Romanam subdit per Udalricum Gallum, & Simonem de Luca an. 1473. Hanc ipsam memorat Orlandus, refertque notam, quæ illi inest, a Maittaire pariter, & Fabricio relata: *In alma Urbe Roma non atramento, plumali calamo, neque stylo æreo, sed artificiosa quadam adinventione imprimendi, seu characterizandi Opus sic effigiatum est, ad Dei laudem, industrieque est consummatum per Udalricum Gallum, & Simonem de Luca MCCCCLXXIII. die IIII. Novembr. Sexti Quarti tertio.*

Hiscæ omnibus ut certiora tradere valeam, faciunt binæ illæ Alerienfis literæ Editioni Romanæ præfixæ, quas statim recitamus, quæque fidem faciunt, non unam, sed duplicem ab ipso Alerienfi fuisse adornatam. Prior ex binis illis Epistola, licet ad PAULUM Pontificem data, non hujus, sed Pomponii Infortunati nomen in epigraphe refert, propterea quod posteriorem Editionem, unde illam desumpsi, Alerienfis eidem Pomponio nuncupaverit, ut patebit ex altera Epistola, priori illi subnexa, & Pomponio ipsi vere inscripta.

*Johannis Andreae Episcopi Aleriensis in Cirno, idest Corsica
Insula, in secundam Virgiliti Impressionem ad Pomponi-
um Infortunatum suum Epistola.*

Eloquentiæ splendore, & rerum dignitate locupletiozem Virgilio Poe-
tam, unum fortasse Homerum Greci nullum certe Latini invenient,
quem merito linguæ latinæ excellenti ingenio Viri delicias nuncupant;
quamquam ne Poetarum quidem cæteris vel Græcis, vel Romanis propriæ
commendationes, ut veræ, ita ingentes, desunt. Maronem igitur, ve-
luti facundiæ dulcioris formatorem, pueris decantandum, & perdiscendum
tradimus, ita excoli, ac fingi ingeniorum amœnitatem judicantes, si
Poetæ suavis imprimis, atque castigati facundissima carmina cum nutricis
lacte misceantur. Hac nos potissimum ratione cum jam ab Impressoribus
nostris efflagitarentur Poetæ, PATER BEATISSIME PAULE II. VE-
NETE PONTIFEX MAXIME, a Mantuani Vatis Operibus Poetarum
exprimendorum initia, Domino auxiliante, sumus auspicati, cæteros item
temporibus idoneis, prout Tibi placere didicerimus, per ordinem omnes
impressuri. Ut autem in eo quoque velut perpetuam moris nostri servare-
mus rationem, quicquid Maronis Scriptorum indepti sumus, quantum
quidem fuimus intelligendo in tanta, tamque mendosa Exemplariorum va-
ritate, multorumque ejusmodi prope desuetudine, immo vero interneccione,
in corpus unum omne compegimus, laboriosiore licet nobis studio, arbi-
trantes tamen magnum nos discendi cupidis ad doctrinam compendium alla-
turos. Qua in voluntate (quoniam facile fieri potest, ut rectius nonnulla,
& frugalius effici potuerint) ingrati erunt mea opinione Lectores, nisi
quicumque veriora habuerint Exemplaria, & ipsi sua in medium prompse-
rint; qui vero acrius perspiciunt, ac doctius, quod a mendo sit longius,
nobis quoque communicaverint. Ut enim Tu maxime omnium nosti, PA-
TER BEATISSIME, qui quidem veritatis Cathedram tenes, non lucri
aviditate, non laudis ambitione, non jaciendis bonorum amplioribus fun-
damentis, non vitæ degendæ necessitate, non denique ullius imperantis ar-
bitrio, tanto huic operi ardore insistimus, quod est revera difficillimum,
neque interquiescendi unquam spatii quicquid finit. Sola nos gratificandi
Tibi, & per Te amatoribus doctrinarum omnibus ingens, atque infatiga-
bilis

bilis voluntas tenet ; qua excepta (desit verbo invidia) nullum esse opinor præmium, quod par buic labori afferri queat. Operæ pretium illud equidem amplum ratus sum, quod Tibi studium nostrum cordi esse scio, PATER BEATISSIME. Quo circa non prius oneri me subducam, quam quicquid in egregiis est Voluminibus, quamplurimis adjuvero exemplaribus communicari, quantum fieri poterit, verissime. Eo etiam fidelius, ac promptius, quod nonnullos audio (quibus ut felix, ac faustum sit Deum omnipotentem quæso) in hujusmodi artificio aut jam cæpisse, aut non multo post pro virili capturos laborare. Quod velim Te propitio, PATER BEATISSIME, fiat a plurimis, ut nullum qualibet in facultate Opus sit, quod expositum pauperibus studiosis vili non inveniatur. Cæterum quia omnibus hominibus pernotum est, honore præcipue, ac premio artes ali, ex quo sane fonte versus ille cantatur, Sint Mecenates, non deerunt Flacce Marones, attentus Lector ex hoc facile discet Volumine, in quo, si non omnia, plura certe Virgilii sunt Opuscula, quantum honore, præmioque proposito, divini perfecere animi, atque orationis Vates, ubi fortunam minime imparem suæ adesse sensit industria, & doctas lucubrationes suas Principum orbis terræ donis, & honoribus cumulari. Jacentem sane, immo latentem, & obscurum adhuc Maronem fuisse ostendit prope horridus, certe incultus Poetæ divini Culex, nisi si exprimitur a me hac confessione ingenii mei tenuitas, atque bebetudo crassioris. Equidem Culicem Maronicum ingenue fateor, vix me ad plenum intellexisse iterata etiam, atque etiam lectione; neque ob id modo, quod inemendatum habui Exemplar (quæ res plurimum obstare intellectioni solet) quinimo ob id quoque, quoniam, dum id pangeret carmen, novicius adhuc Poeta, natalis soli, plusquam Castalii fontis præferens, tantus postmodum futurus totius latinitatis excultor, ac prope summus doctrinarum omnium arbiter Vates, nec quid ageret satis perspiciebat. nec quomodo eloqueretur, facillime reperiebat; magisque inclyti Poete adeptum postea nomen, quam proprius ullus nitor, & ipsi Culici, & Opusculorum nonnullis, quasi nihil ex amplissimo illo ingenio non absolutum prodierit, peperit, alioqui neglectis, æternitatem. Omitto fictionem nullibi in eo Poeta minus elegantem, dicendi filum, artemque desidero. Eminent sane tamquam stupentis adhuc, nec satis numerosi ingenii dictionis facies quædam salebrosa, &

coacta profecto; non fuit naturalis illa quidem, sed affectata, qualis potest, eluctatur oratio. At in Divis, hoc est in execrabilis voti cantilena, Maro minus quidem videtur compeditus, non eousque tamen explicitus, ut Poetico ad plenum censeas adipe saginatum. Copa incedit pexior, ac mollior, & uberiore Pieridum haustu saltat bilavior. Est & Non Virgilianum versiculi concinentes, ingenii satis, & non parum industriae redolent. Vir ipse Bonus, & Sapiens Maronicus, philosophiae quidem multum habet, & non minimum elegantiae. Rosae, ut non erant plurimum, rosas quoque ipsas, quae odorem suum late non diffundunt, imitatae, ita baudquaquam nitore deficiunt, atque suavitate. Lepidius multo est Moretum, & quantum gustus judicare potest meus (et si suam quaque lactucam babeant labra) multum elegans, tantum post se Culicem relinquit, quantum ad Virgilianam, quae paulo post late effulsit, accedit propria suavitate dignitatem. Priapeam illam quidem spurce nimium scriptam, non inelegantem esse fateor. Sed an optimi, atque modestissimi sit Vatis, quoniam nonnulli ambigunt, nequaquam asseruerim. Ea tamen, si honesti tantum haberet, quantum latinitatis ostendit, forsitan posset opibus vigilantissimis comparari. Quae praeter haec Opuscula in nostro sunt Codice, me arbitro, nemo, Epithaphiis versiculis duobus exceptis, Vati tribuet Mantuano. Ex ingenio illa quisque censebit suo. Ego omnes obsecro per Te, PATER BEATISSIME, studiosos, ut grato, civilique animo laboribus nostris faveant, Tuæque Sacrosanctæ Majestati, Sanctæ item Romanæ Ecclesiæ, ac Christianæ sospitati felicissimam perpetuitatem exoptent. Vale.

Quod in superiori §. XI. tamquam valde verosimile tradidimus, Conradum, & Arnoldum omnium primos Romæ, teste Alerienfi, Typographicen exercuisse, robur accipit ex hujus Epistolæ verbis, quibus idem affirmat, nonnullos in eo artificio aut jam coepisse; aut non multo post pro virili cepturos laborare, unde libri venales expositi a studiosis pauperibus vilius emerentur. Praeter Aeneidem, Bucolica, & Georgica complectitur Editio Alerienfis plura alia Opuscula Virgilio passim adscripta, de quibus quam sane ex ingenio suo ipse censeat, facile quisvis judicabit, qui ejus dicta conferat cum iis, quæ de iisdem a doctis

doctis Virgilio Editionum Authoribus, aliisque Viris eruditis prodita reperiuntur. Flocci Opuscula illa fecisse censendus est Angelus Politianus, quippe qui ipsam Alerienfis Editionem Scholiis Græcis, Latinisque exornans (quæ ipsiusmet manu exarata, jucundissime, dum hæc scribimus, intuemur) Opuscula illa intacta prorsus reliquit, si pauculas ad Priapeja notulas excipias.

Subdam modo aliud Alerienfis Epistolium, quod utique unice spectat ad Virgilianam alteram Editionem, ea de causa curatam, quod in priore Impressores plus, nescio quomodo quam communiter solent, dormitassent, ut ipse loquitur. Secundæ illius recognitionis beneficium acceptum fert Alerienfis Pomponio suo, a quo impetraverat, ut antiquissimum Virgilianum Exemplar suas ad manus perveniret, etsi carprim evolvendum, *Et si fieri poterit (inquit) quod spero, ut possim diutius illum per dominum ejus in meis manibus tenere, diligentissime curaturum me spondeo, ut tertia fiat impressio, ne quid omnino videatur ex Virgiliana a nostris majestate desiderari.* Quænam insuper Opuscula, quibus prior Editio carebat, Pomponius Alerienfi tradiderit, Epistolium ipsum declarabit. Pomponius ille certo putandus videretur non alius fuisse, quam Julius Pomponius Lætus, quem celeberrima in Quirinali Monte positum Bibliotheca magno doctorum Virorum commodo, plura horum Scripta testantur, & cujus in veteres Auctores lucubrationes multi recensent; nullus autem luculentius, quam Author Diar. Erudit. Ital. T. XXII. Art. XI. At de Infortunati nomine, ei tributo ab Alerienfi, quod nulla prorsus mentio in eo Diarii loco invenitur, etsi pluribus ibi agatur de noxa, quæ Pomponio Læto (q) datur ob

X 3

nomina

- (q) Pomponius LÆTUS fuit Academiæ Romanæ (cujus ut quis historiam ex instituto describeret, operæ pretium foret) stator & princeps. Solemne illi erat, eorum, qui in istam recipiebantur, nomina immutare, id quod & aliis deinde Academiis fuit usitatum. Hoc vero LÆTUM ac præcipuos ejus Academiæ sodales in summam Pauli II. indignationem & maximas molestias conjecit, quod PLATINA non sine stomacho copiose narrat, qui ipsemet magna ejus calamita-

nomina sibi, suisque eadem literarum studia affectantibus, immutata (qua de re Vindiciar, Cap. I. a nobis dictum est) inde ancipitis sententiae

calamitatis pars fuit. Michael CANENSIUS in vita illius Pontificis, a Card. QUIRINO edita, p. 79. ita de ipso: *Hujus sectæ principem pro honestate hic nominare minime intendimus, cum in ore omnium popalam versetur, qui Romæ grammaticam publice edocens, primo nomen sibi commutavit, dehinc certatim discipulorum amicorumque nomina ingerens.* Haud incongruum erit, recitare locum huc facientem Octavii FERRARII, splendidissimi, dum inter vivos ageret, Italiae suæ ornamentis, ex Operum ejus variorum, a Jo. FABRICIO Wolfenbüttelii A. 1711. junctim evulgatorum, Tomo I. p. 110. Flos „eruditorum ea tempestate fuit. Inter quos Platina, Pomponius „Lætus, Callimachus, Pontanus, Sabellicus, Sannazarius emine- „bant. Hi ad propagandas bonas literas sodalitiū Romæ institu- „erant, & quicumque in eum cœtum adscribebatur, veterum in- „geniorum illustria nomina ad æmulandum decus assumebat. Ita „Bartholomæus Saccus, sive ab hoc instituto, sive aliunde Platina „est dictus, Julius Sanseverinus Pomponii Læti cognomen assumpsit, „Philippus Geminianus Callimachi, Jacobus (sive potius Joannes) „Pontanus Joviani titulo gaudebat, M. Anton. Coccius Sabellici, „Jacob. Sannazarius Actii Sinceri cognomento nobilis fuit. Ea no- „minum novitate populorum pastor offensus, quasi occultæ conspi- „rationis testera esset, Platinam, & Callimachum, tanquam im- „pios ac maleficos, tormentis excruciauit, Pomponium Lætum „Venetiis ad dicendam causam in urbem pertractum, nunquam ta- „men adigere potuit, ut falsa aut se indigna fateretur: sed in nul- „lum atrocius, quam in Platinam sævit. Hujusce Academiæ quædam veluti colonia erat Academia Neapoli a PONTANO insti- „tuta, in qua idem commutandorum nominum mos observabatur, de quo audire, juvat Joannem Antonium VULPIUM, Virum do- „ctissimum, in vita SANNAZARII, ejus poematibus Patavii A. 1731. nitidissime editis, præfixa p. IX. sq. ita perorantem: Flo- „rebat ea tempestate in celeberrima urbe (Neapoli scilicet) Joan- „nes Pontanus, vir disciplinis omnibus, & præcipue illis, quibus „juvenum animi ad humanitatem informantur, præter cæteros ex- „cultus atque expolitus. Ad hujus domum, tanquam ad certissi- „mum

tiã iusta exoritur causa. Cui dubietati momentum accedit ex eo ipso
 Infortunati nomine, quo distinctus mihi occurrit Pomponius, Author
 vitã

„mum Musarum & Sapientiã templum, flos nobilitatis & juven-
 „tutis Neapolitanã undique confluebat : & cuicumque adolescenti
 „bona de ingenio suo spes esset, is neminem alium, nisi Pontanum,
 „studiorum suorum hortatorem quarebat. Quapropter non defue-
 „runt, qui Pontani Academiam (sic enim ipse lectissimorum inge-
 „niorum concilium illud coetumque appellabat) equi Trojani simil-
 „limam fuisse docerent, ex qua scilicet non quidem belli duces,
 „urbiumque expugnatores, at egregii poetæ, summique oratores
 „plurimi in apertum prodierint. Consuetudo autem erat, ut qui-
 „cumque bonarum artium cupiditate inflammatus ad maximum
 „virum se applicuisset, novum sibi nomen imponeret, ex antiqui-
 „tate depromptum. Putabant enim, ejusmodi nomina & plus di-
 „gnitatis in se continere, & blandius quodammodo iucundiusque
 „in aures influere posse. Quo tamen facto nonnulli censoriã gra-
 „vitatis homines vehementer offensi sunt ; quibus nimirum Chri-
 „stiana lædi pietas, & majorum instituta convelli videbantur, si,
 „nominibus, quæ sanctissimorum virorum olim fuissent, penitus
 „abjectis, in eorum locum alia supponerentur, quæ profanarum
 „gentium memoriam renovarent. Sed pleraque res in hominum
 „vita, quæ neque summam honestatem, neque rursus insignem
 „turpitudinem adjunctam habent, perinde sunt, ut accipiuntur ;
 „nec quidquam adhuc in eo genere vel sapientissimis excogitari po-
 „tuit ita elegans atque perfectum, ut nullos omnino reprehensores
 „invenerit. Pontanus igitur, quo reliquos exemplo excitaret, Jo-
 „vianus appellari voluit : Sannazarium vero jam pridem in familia-
 „ritatem receptum, Actium Synterum ex eo nominavit, quod ille
 „princeps ex Latinis bucolico poemate piscatores de amoribus suis
 „in acta colloquentes induxisset, & quod sine fūco & fallaciis vi-
 „tam ageret, nec aliud clausum in pectore, aliud in lingua prom-
 „tum haberet ; amaretque puram & simplicem dicendi formam, in
 „qua scilicet ipsius ingenium & mores apertissime elucebant. Quæ
 „vero argumenta impulerint Paullum Jovium, ut monumentis tra-
 „deret literarum, a Sannazario avitum gentilitiumque nomen re-
 „pudiatum fuisse, equidem ignorare me fateor. Nam tametsi Ja-
 „cobus,


vitæ Lucani, Fortunati vero, Julius Pomponius libri Columellæ de Cultu Hortorum Commentator. Has enim lucubrationes neque modo laudatum Diarium, neque alii Scriptores adscribunt Pomponio Lato. Epistolum autem Alerienfis, recitatæ Epistolæ ad PAULUM illico subnexum, hujusmodi est.

Hucusque Epistolam clauseram, amantissime Pomponi, in superiore edenda impressione Virgiliana, in qua tu testis es optimus, nostros Artifices plus, nescio quomodo communiter solent, dormitasse. Dein ipse antiquitatis totius studiosissimus, Maronis tamen aliquanto amior, dedisti operam, ut ex manibus tuis antiquissimum Virgilii Exemplar, majusculis characteribus descriptum, vix carptim possem evolvere. Erant in eo, quod meministi, minus prima Bucolicorum Eclogæ, Georgica, Æneisque absoluta. Præterea nihil. Fateor aliquibus in locis, & verbis Codicem mihi vetustum illum judicatum esse nostro veriorum. Et si fieri poterit, quod spero, ut possim, diutius illum per dominum ejus in meis manibus tenere, diligentissime curaturum me spondeo, ut tertia fiat impressio, ne quid omnino videatur ex Virgiliana a nostris majestate desiderari. Tu tamen mihi etiam Ætnam Maronis, & Cirin, integras quidem, sed inemendatas, Catalecton vero etiam corruptius, & imperfectum tradidisti. Vitam item divini Vatis brevissime scriptam, & nonnullos summarios operis versiculos, eos quoque, qui Hortuli nomine inscribuntur. Quæ ego omnia diligentia tua, ut debui, mirum in modum oblectatus, adscribi huic novæ impressioni curavi, tali tamen conditione, ut si quid imprimendo nostri Artifices errarint, tua sit etiam emendandi cura, qui ut hæc legi a pluribus possent, sedulitate tua effecisti. Vale.

Tandem

„cobus, ubi conventus amicorum iisdem studiis gaudentium, aut
 „festiva aliqua scriptio hilaritatem & jocos postulare videbatur,
 „illo altero nomine sapius uteretur, non tamen ad eas ineptias
 „umquam descendit, ut proprium clarissimæ familiæ vocabulum
 „aspernaretur. Immo vero, id sibi magno ornamento esse, &
 „apud posteros fore, existimans, optimis versibus commemorare
 „ac celebrare non desistit.

Tandem Lectorem monemus, Peregrinum Antonium Orlandum in Operis sui Part. II. qua ulterioribus studiis, ut ipse loquitur, & diligentius adhibitis, nonnullas exhibet Editiones in I. Part. prætermittas, memorare Virgilium editum Romæ in Aedibus Maximorum circa annum, ut ipse putat, 1469. Romæ profecto ex Aedibus Maximorum, atque opera Conradi, & Arnoldi prodiisse Editionem, qua usi sumus, certo documento sunt versus: *Aspicias illustres &c.* qui ibidem leguntur post incerti Authoris Elegiam de obitu Mœcenatis.



OVIDIUS NASO.

§. XIII.

A metamorphoseon libris præclarissimis, ut eos merito vocat Lactantius, præla Conradi, & Arnoldi inchoarunt Ovidianorum Operum Editionem. In manibus ii mihi sunt, indeque Aleriensis Epistolam, quæ subsequitur, ad PAULUM II. exscripsi.

Jo. Andrea Episcopi Aleriensis in Cyrno Epistola.

P. *Ovidium Nasonem, PATER BEATISSIME PAULE II. VENETE PONTIFEX MAXIME, acerrimi Poetam ingenii nemo est, qui maxime non admiretur, nemo qui non diligit, & ut suavissimum exosculetur. Magnum tamen ejus Metamorphoseos Opus, quanquam inemendatum ab eo propter exilii calamitatem relictum est, omnibus illius præstat Operibus. Id nos per ætatem præsentem, quasi ludentes inter majora Ciceronis Orationum Opera, recognovimus, & parva quædam Argumenta Fabularum principiis apposuimus. Si quis fortasse diligentius in ea re vigilavit, aut plenius quicquam ab antiquis traditum habetur, exponat illum in publicum, rogamus. Nos ipsi satis arctati temporum angustiis, necessitati potius parvimus, quam nostro desiderio. Cætera omnia Poetæ*
Y Opera,

Opera, quanta cura possumus, congregamus, ut lenissimus Vates in duobus legi totus Voluminibus possit. Romæ quintodecimo Kalen. Augusti M. CCCC. LXXI. Pontificatus tui candidissimi An. VII.

Quamvis autem Maittaire in hujus anni 1471. Catalogo recenset tria Ovidii Operum Volumina a Conrado, & Arnolando edita; recensens tamen paulopost Bononiensem ejusdem anni eorundem Operum omnium Editionem, ibidem monet duas tantum ipsorum partes Romæ anno illo emissas fuisse, scilicet Metamorphoses, & Elegias, idque constare ex *Alerienfis* (ait ipse) *Epistola bis præmissa, & Catalogo ad Biblia Nicol. Lyr. an. 1473. adjecto.* Fastorum autem libros mox subdit ex illorum prælo post illud tempus prodiisse. Quod de Elegiis traditur a Maittaire, & ex ejus fide a Fabricio, non video tam facile admitti posse pro certo, sive Epistolæ, sive Catalogo a Maittaire allegatis nitamur. Epistolæ fragmentum tantum hic recitat; nos integram attulimus, & in ea non Elegiarum, sed unica habetur mentio Metamorphoseon. Catalogus autem ille, utpote an. 1473. conditus, non omnino probat, quod Maittaire intendit. Adde recitatam Alerienfis Epistolam datam fuisse paucis dumtaxat diebus ante PAULI obitum, qui propterea præcesserit oportet Elegiarum, aliorumque Ovidii Operum Editionem, quibus congregandis, dum eam Epistolam scriberet, Alerienfis incumberebat.

Ad calcem Voluminis Metamorphoseon leguntur versus, *Aspicias illustres &c.* ad calcem autem Epistolæ Alerienfis sequens Hexastichon.

Orba parente suo quicumque Volumina cernis,

His saltem vestra detur in urbe locus.

Quoque magis foveas, non hæc sunt edita ab ipso,

Sed quasi de domini funere rapta sui.

Quicquid in his igitur vitii rude carmen habebit,

Emendaturus, si licuisset, eram.

ANNÆUS LUCANUS.

§. XIV.

Binis aureæ ætatis Poetis jam jam recensitis totidem argenteæ subjun-
gemus, scilicet Annæum Lucanum, & Silium Italicum, nec non
æneæ ætatis unum, nimirum Julium Calpurnium; nec enim alios La-
tinos Poetas, præter hos quinque, in lucem emiserunt Romana præla,
PAULI II. temporibus, licet integram eorum coronam publico bono
evulgare in animo habuerit Aleriensis.

Princeps Lucani Editio, quam in manibus habeo, præfert ejus-
dem Aleriensis Epistolam, in qua Lector magnopere observet velim,
adeo litteris faustum fuisse PAULI II. Pontificatum, ut hujus exemplo
Cardinales omnes rei Typographicæ, bonisque studiis juvandis incredi-
biliter afficerentur, & quo major foret in eis dignitatis splendor, eo
etiam humanitas cumulator duceret.

*Joannis Andreæ Episcopi Aleriensis ad PAULUM II. VENETUM
PONT. MAX. Epistola.*

Hoc tempore, PATER BEATISSIME PAULE II. VENETE PONT.
MAX., bonam primum valetudinem ab Omnipotenti Deo per castif-
simas tuas preces opto ut incredibili queam sufficere recognoscendi oneri,
prius, alieno rogatu suscepto, nunc manibus, pedibusque (ut ajunt) mea
sponte ita complexo, ut nulla videar posse difficultate revocari. Libera-
lem deinde illis animum dari, libros suos quicumque habent, in medium
exponendi, ut variorum Exemplarium fideliori subsidio facilius possim,
alioquin tempore pauper ingenii, publico studiosorum commodo subservire.
Aut si quos tanta occupavit vel rusticitas, ut multos, vel invidia, ut
plures, vel item avaritia, ut nonnullos, ne eorum chartæ vilescant (quas
ut prædam barpyrarum more unguibus retinent) saltem in meam vel sug-
illationem, vel ruborem, nostram præsentem operam irridentes, carpant,

modo proferant sua ipsi, vel ex libris, vel ex ingenio locupletiore, veriora. Tanto enim ardore flagramus hujus quidem liberalis, cæterum negotiosi ocii, ut dummodo profimus literatis, nostro etiam queamus in re hujusmodi dedecore gloriari. Cæteri sane stomacharentur, atque ægre ferrent, ingratis, quales sunt multi, suæ tempestatis hominibus, studia peritiora, & vigiliæ multum habentia, exhibere. Nos, absit, ut ægre feramus hanc (vere dixerim) inhumanitatem. Neque enim nostri tantum ævi hominibus inservimus, sed futuris omnibus vacamus, cupientes quidem præsentium voluntatem, sed non minus utilitatem futurorum. Nostri in eo virtus ob id clavior forsitan extabit, quod ne ingratitude quidem irritati quorundam, nobis negantium Exemplaria, ab optimo instituto fuerimus revocati. Sed Deo gratia Optimo Maximo, & Tibi, PATER BEATISSIME, quod ex Sacro Collegio Cardinalium Tuæ Sanctitatis Fratrum, neminem adhuc reperimus, nostris studiis non incredibiliter affectum, atque favorabilem, adeo ut quo major sit in eis dignitatis splendor, eo etiam humanitas plenior elucescat. Quod utinam de cæteris gradibus dicere vere possimus, forsitan essemus aliquando nonnullis de laboribus liberati. Sed sciant tenaces isti, non se libros amare, sed chartas, quibus pro ingratitude hoc solum recipimus, nos tanto plus laudis merituros, qui quidem sumus etiam in avarissimos chartæ bonorum librorum copiam munifice liberales. Sed jam M. Annæi Lucani Vitam, deinceps Poema canorum audiamus.

Annus Editionis certo nobis designatur ex nota ad calcem Voluminis: Hoc Conradus Opus &c. MCDLXIX. Post Alerienfis autem Epistolam subditur Lucani Vita a Pomponio Infortunato conscripta, in qua & Alerienfis diligentia, & Conradi, Arnoldique labores hisce verbis commendantur: Jo. Andreas, Antistes Alerienfis, diligentissime nostro tempore emendavit (Pharsaliam) rogantibus Conrado, & Arnoldo, qui, ne lingua Romana pereat, libros laudabili inventione imprimunt. Vitam hanc memorant tam Annales Typographici, quam Nicolaus Antonius in Biblioth. Hispan. At an Pomponius ille Infortunatus idem sit cum Pomponio Læto, vel cum Julio Pomponio Fortunato, cujus existant lucubrationes in Columellam de Cultu Hortor. vel sint hi omnes inter

inter se diverſi, nullam inveſtigandi curam ſuſceperunt nec Maittaire, nec Antonius, nec alii (r), quod ſciam. Sat notus etiam Julius

Y 3


Pompo-

- (r) Ignota ergo fuit Eminentiffimo Cardinali egregia Bernardi MONE-
TARII (*de la Monnoye*) diſſertatio de rebus ad Pomponium LÆ-
TUM pertinentibus, inſerta Tomi II. parti primæ Adriani BAIL-
LETI *Jugemens des ſavans ſur les principaux ouvrages des Auteurs* pag.
371. ſqq. edit. Amſterod. A. 1725. in 12. in qua p. 376. ſqq. Pom-
ponium Lætum, Julium Pomponium Sabinum & Julium Pomponi-
um Fortunatum unum eundemque fuiſſe hominem, fatiſ eviciſſe mi-
hi videtur. Fortunati quidem nomen (de altero enim Sabini nomi-
ne nemo fere dubitat) Lætum adſciviſſe demonſtraturus, provocat
ad Curii Lanciloti Paſſi Grammaticæ inſtitutionis libros, in quibus
LÆTUM ſemper vel ſimpliciter Pomponium Fortunatum appellat :
& ad Guilielmum Varronem Vercellenſem, Senatorem civitatis
Taurinenſis, qui in epiſtola nuncupatoria ad Senatam Taurinenſem
Orationi a Petro Cara coram Alexandro VI. nomine Caroli I. Sa-
baudiæ duciſ A. 1494. d. 29. Maji habitæ præmiſſa ita inter cæ-
tera :

*Convenerant ad hæc comitia, ut eſt moris ex omnibus liberalium artium
Profeſſoribus peritiſſimi, inter quos Pomponius Lætuſ Fortunatuſ togato-
tuſ erudiſſimuſ.*

Præterea Pyrrhuſ PEROTTUſ, Nicolai e fratre nepoſ, in proce-
mio Cornucopiæ patrui hiſ verbis utitur : *Cum jam ſupra quintum
annum POMPONII FORTUNATUS, Vir ſeculo noſtro doctiſſimuſ & Ro-
manæ Academiæ princepſ, ac plerique alii ſtudioſi viri Nicolaum PEROT-
TIUM, Siponti Pontificem, patrum meum hortati eſſent, ut M. Valeri-
um Martialem, optimuſ quidem poetam, ſed vitio librariuſ infinitiſ
pene erroribuſ plenuſ pro communi ſtudioſorum utilitate emendanduſ
ſuſciperet ; aggreſſuſ eſt illi hanc provinciã libenſ, & corollariuſ addi-
dit.* Illud elogiuſ nemini eã ætate præter quam LÆTO tribui po-
terat, quem POLITIANUſ etiam Cap. XLIV. Miſcellaneorum Ro-
manæ Academiæ principem vocat. FORTUNATI vero nomen poſt
mortem Pauli II. quem hoſtem inſenſiſſimuſ expertuſ eſt, adſci-
viſſe videtur, ſuperatiſ ſummis calamitatibuſ, quæ ipſum revera
INFORTUNATI nomine dignuſ reddidere, & mutata tunc reruſ
facie

Pomponius Sabinus, qui sub Pio Secundo floruit, Quintiliani Institutionum Scholiasta; ut vocatur in Biblioth. vet. Hispan.. Quo jure Infortunati nomen nancisci valuerit Pomponius Lætus, facile cuivis, traditastrarum Vindiciar. Capite I. recolenti, veniet in mentem. Qui etiam recolet, quæ de Lucano in libro de Brix. Literat. tradidimus, dignoscet, manca prorsus esse, & imperfecta, quæ in eadem Biblioth. Hispan. de Lucani illustratoribus produntur, inter quos nullus locus datur Joanni Taberio, Brixiano, quum tamen Joannis Britannici, pariter Brixiani, Epistola a nobis eo loco recitata, certum fiat, ejusdem Taberii cura, fide, & ingenio, emendatissimos primum prodiisse Commentarios in Lucanum, qui antea falso Omniboni Vincentini titulo inscripti circumferebantur.



SILIUS ITALICUS,

ET

JULIUS CALPURNIUS.

§. XV.

Quod in principe Silii Editione, quam in manibus habeo, una cum ejus de Bello Punico Poemate compactus reperiatur Julius Calpurnius, Bucolicorum Scriptor, visum est utrumque hoc loco conjungere. Ad ejus Editionis calcem hæc leguntur: *Anno Dominici Natalis MCCCCLXXI. die V. mens. Apr. Summ. Pontifice PAULO II. VENETO.*

Anno

facie sub Sixto IV. Pont. cujus gratia fruebatur. Conf. *NICERONII Memoires pour servir a l'histoire des Hommes illustres* Tom. X. Part. II. p. 223. sqq.


Anno Pontific. VII. Jo. Andreas, Episcopus Aleriensis in Insula Cyrno, recognitionem absoluit diebus circiter XV. Lector benivole vale perpetuo. Sequuntur versus, *Aspicias illustres, &c.* Calpurnii Eclogas editas fuisse eodem anno, quo Silius, ad affirmandum, licet dubie, adducitur Maittaire ex Catalogo ad Lyran. Bibl. in quo Poetæ illi sic recensentur: *Silii Italici cum C. Calpurnio, & Hesiodo.* At dubitationem omnem rejecisset, si illius Editionis Volumen verfasset, quod in Calpurnio incipit, & desinit in Silio. Id ipsum si Fabricio innotuisset, haud quaquam is affirmasset Bibl. Lat. lib. III. c. 5. Eclogas Calpurnii primum Parmæ an. 1478. lucem adspexisse; qui præterea ibidem demonstrans, ex Epistola Petrarchæ ad Guillelmum Pastrengum Veronensem, falso a quibusdam prodi eas Calpurnii Eclogas ex Gallia primum allatas fuisse ab Actio Sincero Sannazario una cum Gratio, Ovidii Halieuticis, & Cynegetico Nemesiani, nullam de hac re litem esse posse, ex eo ipso Volumine, de quo loquimur, confidentius pronuntiare valuisset.

Calpurnio, & Silio medius inseritur in eodem Volumine Hesiodus Poeta a Nicolao de Valle e Græco in Latinum sermonem conversus, nuncupatusque Pio II. cum quibusdam elegis, quos hic afferemus.

*Si vacat Ænea rerum dignissime Præsul,
Grataque sunt animo carmina nostra tuo.
Perlege quæ quondam dulci modulatus avena
In Latios ausus vertere Græca modos.
Ascræi inspicies ἡμέρας, καὶ ἔργα Poetæ,
Græcia quo quondam floruit Hesiodo.
Hac fuerant fateor plectro meliore canenda,
Hoc opus ingenii quippe senilis erat.
At quia nonnullos tam magna superbia vates
Elevat, ut nullo Græca in honore putent;*

*Sum tamen hoc ausus bis septem, & quatuor annis
 Dum mea labuntur lustra trabente Dea.
 Sumpsimus & tenues Græcorum e fontibus haustus,
 Mixtaque cum Græco lingua Latina fuit.
 Quidquid id est, ad Te, Vatum clarissime Vates,
 Mittimus, es Clario non minor ipse Deo.
 Suscipe, & Hesiodum placido complectere vultu,
 Hic quoque iudicio stetque, cadatque tuo.*

De Silii Codice Ms. a Poggio in Germania invento dictum a nobis est Part. I. Cap. I. §: I. Diatr. ad Epist. Franc. Barb. & de Hesiodi Genealogia a Pylade Brixiano in Latinum versa, de Brix. Literat. P. II. num. XXIII.



PLINIUS MAJOR.

§. XVI.

Harduiniana Plinii Editio, *omnium* (ut loquitur Fabricius Bibl. Lat. lib. II. cap. 13.) non modo illius Scriptoris, sed etiam aliorum, quotquot in usum Delpbini illustrati exstant, longe præstantissima, Proœmium suum ab insigni hallucinatione (quibus verbis usi sumus agentes de Quesnelliana S. Leonis) exorditur, dum hæc habet: *Ut primum divino munere typis edendi libros ars est concessa mortalibus, publicandi statim Pliniani Operis mentem Vivis cum nobilitate, tum omni virtutum, ac doctrinarum genere clarissimis Numen injecit. Quamquam alias nemo tam obscurus fuit, quin illustris esse cæperit, postquam huic operi manus admovit. Vulgavit igitur illud omnino primus Joannes Andreas, Aleriensis Antistes in Corsica. Hunc ille primus omnium agrum aravit: sed sentibus,*

tibus, ut ita dicam, adhuc reliquit, rubisque plenissimum. Dubio procul Romanam Alerienfis Editionem præcessit Veneta, quæ mihi in manibus est, per Vindelinum (s) Spirensē, ad cujus calcem hi versus leguntur.

Quem modo jam rarum cupiens vix Lector habebat,

Quique etiam fractus pene legendus eram,

Restituit Venetis me nuper Spira Joannes,

Exscripsitque libros ære notante meos.

Fessa manus quondam, moneo, calamusque quiescat,

Namque labor studio cessit, & ingenio.

MCCCCLXVIII.

Z

Editio

(s) Non Vindelino sed Joanni Spirensi ea editio accepta ferenda, quod ex ipso hexasticho sub calcem adjecto apparet. Splendidum hujus editionis principis Plinii exemplar, quod instructissimam olim Bibliothecam Hohendorffianam ornavit, descripsit SALLENGRE *Memoires de Litterature* Tom. I. Part. II. p. 275. sqq. De summa ejus raritate vel hinc judicium ferri potest, quod centum duntaxat exemplaria fuisse excusa versus operi Augustini de Civitate Dei, quod idem ille Joannes de Spira imprimere cœpit, Vindelinus autem ejus frater A. 1470. ad finem perduxit, subiecti docent:

Qui docuit Venetos exscribi posse JOANNES

Mense fere trino CENTENA volumina Plini,

Et totidem magni Ciceronis SPIRA libellos

Cœperat Aureli, subita sed morte peremptus

Non potuit cœptum Venetis finire volumen.

VINDELINUS adest ejusdem frater & arte

Non minor, Hadriacæ morabitur urbe.

Editio autem Alerienfis dumtaxat anno 1470. prodiit, ut patet ex ejusdem Epistola mox recitanda. Neque Veneta tantum, sed Veronenfis quoque an. 1468. palmam Romanæ præripiet, si tamen Beughemio assentiamur diserte illam memoranti in Incunab. Typograph. p. 110. quamque qui negant extare, *non alio* (ait Fabricius) *id argumento videntur facere, quam quod illa se oculis ipsorum necdum obtulit, uti nec meis.* Imo vero efficax aliud argumentum asserre sibi visus est Maittaire Annal. Typograph. secund. Edit. p. 280. in nota ad num. 3. nimirum Joannis Veronenfis testimonium, qui an. 1472. edens Veronæ Valturium de Re Militari, hanc notam libro apposuit: *Jobannes ex Verona oriundus, Nicolsai Cyrurgie Medici filius, Artis impressorie magister, hunc de Re Militari librum elegantissimum literis, & figuratis signis, sua in patria primum impressit MCCCCLXXII* At argumentum hujusmodi non adeo utique efficax, quin potius infirmum, quum aliud prorsus sit Valturium editum primum fuisse Veronæ anno 1472. aliud eo anno imprimendi artem Veronæ cœpisse principium. Argumentum autem illud a Fabricio allatum non ita levis momenti censeretur debet, postquam Clariss. Author Veronæ Illustratæ ingenue fassus est Part. II. lib. I. nec suis oculis Veronensem illam Editionem sese unquam obtulisse, & solum conjicit, eandem Venetiis an. 1469. perfectam, Veronæ an. 1468. inchoari potuisse, Impressoribus Verona Venetias advolantibus. Cui conjecturæ juvandæ aliquo modo facit, quod tradit Maittaire, in Catalogo Biblioth. Ultraject. fol. 76. (teste Bunemann) legi: *Plinii Historia Naturalis per Joannem Spiren. fol. Venet. 1468.* qui duo anni, 1468. & 1469. eidem Editioni adscripti fuerint, non quidem, ut Maittaire conjectare placet, per foliorum aliquot, quæ ad examen revocare, & recudere opus fuerit, disunctionem, sed ob prælum Verona Venetias translatum post Plinianam Editionem in ea prima Urbe inchoatam. Venetam aliam an. 1470. fol. grandi charta, & typis luculentis per Nicolaum Jenfon, Gallicum, fuisse in Bibliotheca Joannis Mori, Eliensis Episcopi, testatur Fabricius, penes quem de hac re fides esto (t).

Exstat

(t) Notitiam hujus editionis hausit FABRICIUS ex indice librorum, sub artis typographicæ primordia, vel temporibus ab ejus inventione haud

Exstat quidem, & eam ipse inspexi, Veneta anno 1472. per Nicolaum illum Jenfon, in Romana Angelica Bibliotheca, eaque magnifica, ut superiorem describit Fabricius. Hujus, non vero superioris, meminit Maittaire, qui præterea prior. Edit. p. 34. fidem facit, eam se vidisse in curiosissima Bibliotheca Richardi Mead cum initialium literarum illuminationibus, singulorum librorum argumentum exhibentibus. Quod Jenfon in calcem suæ hujus Editionis, Aleriensis Epistolam datam an. 1470. transcripserit, inde fortasse hallucinationis causam accepit Fabricius, seu quisvis alius, qui eandem ab ipso Jenfon anno 1470. vulgatam existimavit, quum ea vere ad an. 1472. pertineret. Viderunt quidem publicatam Venetiæ tertio Plinii Historiam, nempe an. 1473. ab ipso Jenfon, nam & hanc etiam Editionem inspexi.

Epistola Aleriensis, Romanæ præfixa, ita se habet.

Jobannis Andreae Episcopi Aleriensis ad Pontificem Summum
PAULUM II. VENETUM *Epistola.*

Properatio omnis jure reprehendi solet, PATER BEATISSIME PAULE II. VENETE PONTIFEX MAXIME, iis in operibus, quæ vix satis maturari queunt. Quod ipse cum multis aliis in rebus sim expertus, in Pliniana tamen recognitione potissimum, quæ ejusmodi quidem est, ut semper incipi posse, nunquam digne absolvi, ac pro Auctoris merito videatur. Sed quid facerem? tot undique flagitantibus in nomum annum premi non potuit emendatio, ne futura quidem exacta post nonagesimum. Versandi erant etiam, atque etiam Scriptores omnes Latini, Græcique, consulendique non tantum sapientiæ principes, verum officinarum quoque omnium opifices, ac penita, abstrusaque in artificiiis omnibus, &

Z 2

per-

haud ita remotis impressorum, in Jo. MORI, Episcopi Norvicensis, Bibliotheca instructissima asservatorum, qui insertus est Tom. II. Part. I. Catalogi librorum MSS. Angliæ & Hiberniæ, Oxoniæ e theatro Sheldoniano A. 1697. evulgati, f. 379.

perscrutanda diligentissime, & eruenda planissime. Juvit sane, ac mirifice juvit conatus meos (quod minime dissimulandum arbitror) Vir summae eruditionis, & sapientiæ, Theodorus meus Gaza; atque ita quidem, ut absque illo neque ego, nec (pene dixerim) mundus hoc munus fuerit impleturus, Codicum nostrorum lectio, ubi in manus hominum venerint, periculum de sese præbebit nostræ diligentia. Conferentur cum iis Voluminibus, quæ prius habebantur omnia, & ex librorum collatione judicii censura constabit. Quæ mihi sint visa plus habere difficultatis, emolumenti vero, rectissime etiam inventa, minus, ea sunt, locorum quorundam nomina, & dimensionum numeri in situ terrarum positi. Potuissent tamen longissimo tempore ea quoque partim ex Cosmographis, partim ex Historicis, partim denique ex Poetis, atque Oratoribus sparsim attentata, & expressa nonnunquam colligi. Sed diuturnitatis prope immensæ opus illud fuisse; & legentium plurimi sibi per se se multa in dies efficiant eo studio meliora. Qua in parte omnes humanitatis sectatores obsecro, ut ad communem utilitatem ipsi quoque solertia eorum inventa proponant in medium. Nihil enim unquam, aut tam exiguum, & parvum fuit, aut adeo ingens, atque immensum, quod non fieret pluribus melius. Rudimenta sunt, & inchoata quidem rudimenta nostræ recognitiones, experiendo utique assidue profectura. Quod si in suis quique regionibus animadvertentes jam minus resistentem Lectori Plinium, fuerint annisi cognitos sibi situs solertius emendare, & vetustatis tenebris ex parte incognitis præsentium nominum lucem præferre, & more doctissimo tum Viros excellentissimos, tum res ampliter gestas, qua ex historiis majorum, qua ex gestis recentioribus, suis locis adjungere, ingens fiet illis gloria, legentibus utilitas mira, & voluptas impendio singularis. Juvare potest multis in locis hanc partem divini Vir ingenii, & facundiæ compositissimæ, Prædecessor tuus, Pius Pontifex Maximus, Aeneas Senensis nomine, qui recto more Pontificum apud Romanos Gentiles adhuc Maximorum (qui soli maximos Annales scriptitabant) historica dignitate plurima scripsit elegantissime, simul atque doctissime. Possunt prodesse Præsules multi, immo vero omnes perdocti suarum Diæcesum loca designando. Europam certe longe melius maxima sui parte, ac verius nos possumus, quam veteres omnes nosse. Hæc ipsa tamen ego quoque, si vixero, pro mea virili

adhibe

ad huc sum diligenter tractaturus. Sed est hoc quidem opus dierum multorum, hominumque doctissimorum, atque plurimorum. Mensuræ quidem, & fuere hactenus certæ, & erunt omni tempore inconstantes rationibus innumerabilibus, quæ in promptu sunt omnibus. Verum de Cosmographia hactenus. Cætera sunt, ut ratione ad attingendum faciliora, ita propter rerum magnitudinem, pondus, varietatem prope infinita, dum a Cælo exorsus Plinius quicquid in cognitionem hominum scitu dignum ad ætatem suam venerat, quicquid opifex rerum Deus, & deinceps parens natura crearat, atque progenuerat, inexplicabili hoc, ingeniosissimoque Opere, nulla oratione unquam satis laudato, est complexus. In hac tamen tanta rerum summa illud est maxime animadversu dignum, & ante omnia memorandum, discere quantum, quæ in parte vita ex eo tempore ad nostram profecerit tempestatem. Decrevit illa quidem, quod facile assenserim, multis in rebus usque clarissimis. Sed aucta est in dignissimis pluribus, atque utilissimis, de quibus exempli gratia pauca subnectam. Navigatio sparsum late orbem maxime omnium artium semper una conjunxit. Illa enim extrema Indorum Gadibus prope annexuit, & ab Æthiopibus ultimis ad Balthicum usque mare discurret, miscuitque res invicem ortas Cælo diversissimo. Cæterum in navigandi arte quid habuit iuste hac in parte rudis vetustas cum posteriorum inventis conferendum? Pyxis una magnete moderata plus habet commodi, quam omnis antiqua in contemplando navigatio. Res militaris nonne est evecta magnopere bombardis, pyxidibusque, & id genus multis, quæ a sonitu sclopetros, aut zarbata-nas, aut aliter rustice appellant, excogitatis, quibus vix montes, nedum arma, murique possunt resistere, etsi in hac parte scio multa veteres habuisse miri ingenii, & artificii immortalis. Mel cannæ, saccaria Galeno, dictum a nobis succarum, vix veteres novere, cujus hodie tam multiplex, & numerosa compositio est, ut ab ea parte suavis deliciarum omnis sit ad excolendam vitam industrie maxime introducta. Attingam ne cætera, quæ exquisitissime Lapis Biragus multumque investigavit, & ut puto redegit in volumen? Hujusmodi multa lectione erudimur Pliniana, dum quæri ab eo cernentes singula acerrime, & minutissime, per multa tamen habere nos experimur, quæ ille non paucis Voluminibus, sed suis quoque fuissent temporibus orta, explicuisset. Sed age, quid in omnibus ho-

minum inventis tanti unquam fuit, ut cum Impressorum nostrorum libra-
ria arte digne conferri, & anteferri queat? Quam gloriam æternus Deus
Tuæ potissimum felicitati tribuit, quod alio quoque loco scripsisse me me-
mini, ut, Te Pontifice Maximo, id Romæ splendoris, & utilitatis ad-
vexerit, unde ingenia, monumentaque sapientum nulla unquam in mundi
senectute peritura, unde futura omnis ætas sit incredibiliter se se littera-
rum genere omni excultura. Quæ industria si fuisset apud veteres, pro-
fecto & Plinii nostri excellentissima alia monumenta, & cæterorum cæle-
stium hominum nostra ætate non desiderarentur. Equidem, PATER
BEATISSIME, Plinianam recognitionem amplissimo Domino meo tempo-
rali, Galiazsfortiæ Vicecomiti, Duci Mediolani inclitytissimo, statueram
tua favente majestate delegare. Sed existimavi aliquid me adhuc posse ad-
dere huic præstantissimo Operi, quod sit deinceps illi Principi plus præbi-
turum voluptatis. Quare in proximam additionem, recognitionemque hoc
illi munus reservavi. Tu, si vides me jam tantopere vigilasse, ut quod
prope factu videbatur impossibile, jam aliqua ex parte sit inchoatum
(nunquam enim dicam perfectum) hanc meam voluntatem, conatumque,
MUNIFICENTISSIME PATER, pro opere computa, & volentem,
tamquam affecutum, quod tam enixe concupivi, gremio fove, juvaque
auxilio. Tibi det Sancta Trinitas, Cælitesque omnes Chori, & primi
omnium præsides Throni immortalis tui, Petrus, & Paulus, Apostolorum
Principes, ut Te florentissimo, & faustissimo diutissime Pontifice, Chri-
stianus Populus de orbe triumphet infidelium, & contumaciam debellet
hæreticorum impietatis, quod ille impleat, qui est sæpe benedictus in sæ-
cula Amen. Romæ Pontificatus tui felicissimi anno sexto.

Herenaus Lugdunensis Episcopus, item Justinus ex Philosopho Mar-
tyr, item cum Divo Hieronymo Eusebius Casariensis, serio posteritatem
adjurarunt, ut eorum descripturi Opera, conferrent diligenter Exempla-
ria, & solerti studio emendarent. Idem ego, ut in cæteris libris omni-
bus, tum maxime in Plinio, ut fiat, vehementer obsecro, obtestor, at-
que adjuro, ne ad priora menda, & tenebras inextricabiles tanti sudoris
opus

opus relabatur, insauratum aliquantulum sub Romano Pontifice Maximo
PAULO II. VENETO (u).

Quæ de Plinii Opere, suæque Editione ab Alerienſi in hac Epistola traduntur, haudquaquam a Plinii illustratoribus negligenter opor-
tebat. Quin luculentæ eorum Editiones majus sibi pretium conciliaſ-
sent ex ea ipsa Epistola, quam in earundem fronte recitandam censuis-
sent. Ornarent profecto veteres hæ priorum Editorum Præfationes re-
centiorum illustres in ea ipsa sparta excolenda conatus, & multa insuper
Lector dignosceret, quæ passim ob magnam earum Præfationum rari-
tatem ignorantur. Lucubrationes Lapi Biragi in Plinium, de quibus fi-
dem facit Alerienſis in recitata Epistola, nec Harduino, nec aliis notæ
fuisse comperiuntur. Satis autem notum Auctoris illius nomen, qui
Plutarchi Vitas plures in Latinum sermonem tranſtulit, quemadmodum
& XI. Dionysii Halicarnassei libros, quos PAULO II. dicavit. Hic est
ille Lapis Florentinus, sive Castilioneus, de quo nos §. XIV. institui-
mus Part. I. Diatr. Prælim. ad Epist. Franc. Barbari.

Sentes ab Alerienſi in Pliniana Editione relictos primum omnium
extirpare conatum fuisse Hermolaum Barbarum, nec infelici omnino
exitu, scribit Harduinus in Præfat. addens eidem tamen passim expro-
brari, quod in ea cura sæpe nimis conjecturæ, memoriæ etiam, plus-
quam hominem decet, tribuerit, quo factum sit, ut plurima ex iis,
quæ castigavit, non errata illa sint, sed parum intellecta. Nemo ta-
men iuste inficiabitur, Hermolao Barbaro, plusquam reliquis omnibus,
debere

(u) Referenda est hæc obtestatio inter exorcismos literarios, de quibus
singularis LILIENTHALII observatio legitur Tom. I. Selectorum hi-
storicorum & literariorum, Regiomonti A. 1715. edito, p. 1. sqq.
conf. G. H. PIPPINGI Diss. de imprecationibus libris adscriptis,
Lipsiæ A. 1721. ventilata, & J. B. MENCKENII Programma de di-
ris imprecationibus, quas libris, tabulis & monumentis addidere
veteres, Dissertationibus ejus literariis junctim a filio Frid. Ott.
MENCKENIO Lipsiæ A. 1734. publicatis inserto, p. 21. sqq.

debere Plinium. Contra Harduiniana Editio suos & ipsa nacta est censes, qua de re Fabricius Bibl. Lat. ubi de Plinio.

Tandem (ut de hoc etiam Lectorem moneam) adnotatum ab Harduino reperio in ea Præfat. civitates ipsas nobilissimas, Brixensem Joanni Taberio anno MCVIII. Salmanticensem Pintiano, aliasque aliis; Plinii in publico Gymnasio interpretandi provinciam imposuisse, salario etiamnum largissime ex ærario persoluto. De Cathedra Brixienfi Joanni Taberio, posthabito Raphaele Regio, collata attulimus ipsi in testem de Brix. Literat. P. I. pag. 104. Marinum Becichemum in Prælect. ad Plin. at eam Cathedram ad Plinium interpretandum institutam fuisse, compertum minime facit Becichemus.

M. FABIVS QVINTILIANVS.

§. XVII.

Romanam Quintiliani Institutionum Editionem ab Alerienfi curatam, PAULOQUE II. nuncupatam, non omnium principem habendam esse, recte monet Fabricius in Bibl. Lat. ubi de Quintil. quum eam alia præcesserit apud Ulricum Gallum anno 1468. adornata, hancque observat in Annalibus Typograph. Michaellem Maittaire omisisse. An Fabricius Ulrici Editionem ob oculos habuerit, an ipsam alicubi exstare certo compererit, ignoro; nec enim alios dicti sui testes allegat, nisi Historiam Typographiæ anno 1689. Gallico sermone Parisiis vulgatam, & per elegantem Campani Præfationem, qua Quintilianum confert cum Cicerone. Non eum annum 1468. sed annum 1470. Quintiliani Institutionibus Romæ cum Præfatione Campani publicatis assignat Orlandus, monetque præterea in illius Editionis calce hanc notam legi: *Absolutus Romæ in via Papæ prope S. Marcum anno salutis MCCCCLXX. die vero tertia mensis Augusti* PAULO VENETO PAPA II. *florente*

anno ejus VI. Idem Orlandus Operis sui Part. II. Romanam Editionem in Ædibus Maximorum anni nota carere scribit.

Horum omnium fides penes auctores. Ex Epistola Alerienſis, quam illico recitabo, certo conſtat, Quintiliani Editionem, a Campano curatam, Alerienſis illi præviſſe. Hic etenim librum illum, minore quam cæteros labore, recognoviſſe ſcribit; *propterea quod* (ait) *ab homine ordinis noſtri excellenti ante traditus erat alteri talium opificum officinæ imprimendus, cujus etiam Epistolam in Volumine noſtro tranſtulimus, ut quid Vir doctiſſimus de Quintiliano ſenſerit ex noſtris quoque Codicibus intelligatur.* Ea Campani Præfatio exiſtat in Alerienſis Editione, hujus Epistolæ ad PAULUM illico ſubjuncta, eademque pariter impreſſa reperitur in Volumine Operum Campani. At quum neutro loco anni notam præferat, nullum nobis argumentum præbet, Campani Editionem ſive anno 1468. quod facit Fabricius, ſive anno 1470. quod facit Orlandus, figendi. Alerienſis Editio certum annum ſuum demonſtrat, quum is eidem apponatur, ſicuti Impreſſorum nomina, & Maximorum Ædes innotescunt ex verſibus in calce Voluminis recitatis: *Aſpicias illuſtres &c.*

*Joannis Andreae Episcopi Alerienſis ad PAULUM II. VENETUM
PONT. MAX. in Quintiliani recognitionem
Epistola.*

Quintilianum, PATER BEATISSIME PAULE II. VENETE PONTIFEX MAXIME, omnes merito diligunt. Nonnulli vero Ciceroni etiam ingeniorum, ac facundiæ fonti illi immortalī conantur anteferre. Quā in aſſertione, Magno ſe judice quiſque tuctur. Ipſe jam hunc artium dicendi Theſaurum, quam reliquos veteres: ſatis habuerim, ſi queam recte intelligere, & veneratione doctriſinis debita obſervare, cantans cum altero Hiſpano ingenioſiſſimo quidem, atque elegantiffimo, ac latinitatis maximo illuſtratore:

Quintiliane vagæ moderator summe Juventæ:
 Gloria Romanæ Quintiliane Togæ,
 Vivere qui proprio pauper, nec inutilis annis,
 Da veniam, properat vivere nemo satis.

Hunc proximis calorū Urbis diebus mediocri cura recognovimus, minore sane labore quam ceteros, propterea quod ab homine ordinis nostri excellenti ante traditus erat alteri talium opificum officinæ imprimendus: cujus etiam Epistolam in Volumine nostro transtulimus, ut quid Vir doctissimus de Quintiliano senserit, ex nostris quoque Codicibus intelligeretur; utque mihi, alioquin hoc tempore febrienti, aliquid de dictandi opera demeretur, qui facile præsentem quoque Epistolam addere nostro operi super sedissem, nisi quod S. TUÆ nostra omnia jam inde ab initio conatus bujus audacioris munera consecravi. Tu vive in æternum, PONTIFEX SANCTISSIME, Anno Dominici natalis M. CCCCLXX. Pont. vero tui Anno Septimo.

Quamvis Campani Editionem Annales Typographici minime memorent, ut observatum diximus a Fabricio, non inde tamen quis arguat eorum Auctorem latuisse Campani in Quintilianum Præfationem, qua contra ita captum se profitetur Maittaire, ut aliquam ejus partem non potuerit Lectori invidere. Eam itaque recitat in utraque Editione, at cum hoc discrimine, quod in priore Præfatio, seu Epistola Campani scripta dicitur Antonio Moretto, in posteriore vero Cardinali Senensi. Antonii Moretti, Brixiani Typographi, nomen & labores literarios pluribus locis commendavimus in lib. de Brixian. Literat. Ibidem tamen pag. 155. P. II. haud dissimulandam putavimus notam fraudis, qua Epistolam Nicolai Peroti in Plinii Historiar. Proœm. in Veneta, quam ipse adornavit, Editione, veluti sibi scriptam publicaverit, quam tamen non Moretto, sed Francisco Guarnerio missam accuratiores Cornucopiæ Editiones, in quibus ea Epistola recitatur, palam demonstrant; & multo adhuc clarius, quod posita in ea Epistola pluribus locis, *Mi Antoni*, compellatio fraudis palam redarguatur ob aliam, *Mi Franciscæ*, quæ ex impressorum, seu Editoris ipsius oscitantia uno loco dolo-

ſam illam immutationem evaſit. Dolum in Campani Epiſtola admiſſum æque certum reddit Alerienſis Editio, quæ eandem tranſcripſit cum hac inſcriptione: *Campanus Franciſco Picolomineo Cardinali Senenſi meo ſalutem.* Deinde priora ejusdem Epiſtolæ verba: *Utinam quod nuper in Livio Papienſis noſtri juffu conatus ſum facere, ut eſſet quam emendatiſſimus, idem nunc bortatu tuo, & in Quintiliano licuiſſet, potius quam inpreſſoriæ artis opifici, Eccleſiæ Principi conveniunt.*

Editionem Venetam earundem Inſtitutionum anno 1471. per Nicolaum Jenſon videri forſan innuere Romanam Alerienſis, quæ anno ſuperiore prodierat, ſuſpicatur Maittaire, quod in illa Omnibonus Leoniceſus in Epiſtola ad Moyſen de Buſarellis, Epiſcopum Belumnenſem, ſic conqueratur: *qui tertio ante anno librum ipſum Auditoribus noſtris exponere aggreſſus, ita vitiatum reperebam &c.* Hæc tamen verba, quum ſat apte referri poſſint ad Codicem aliquem manuſcriptum, quo in Scholis Omnibonus uteretur, anni proxime ſuperioris Editionem vix, aut ne vix quidem deſignare valent.

De Quintiliani Inſtitutionum Codice e Germania a Poggio in Italiam avecto (x) diximus Cap. I. ſ. I. Part. 1. Diatr. ad Franc.
A a 2 Barb.

-
- (x) Ex inſtituto quoque de Quintiliano aliisque priſcis auctoribus, plenius ſitu & pulvere, a Franciſco POGGIO in Monafterio Sangalleniſi tempore Concilii Conſtantiensis feliciter inventis, egit Jo. Gottlieb KRAUSIUS in accurata ſua quorundam librorum hiſtoria (*Umſtändlicher Bücher - Hiſtorie*) Part. I. p. 15. ſqq. exhibens p. 40. ſqq. integram POGGII epiſtolam, inde a FABRICIO in Biblioth. Latin. Vol. II. p. 676. ſqq. repetitam, qua auſpicatum illum eventum enarrat, in Codice Lipſienſi GUARINO Veronenſi, in Bergomenſi autem, quem ad manus habuit Eminentiffimus Cardinalis noſter, & Mediolanenſi, Joanni TORTELLIO Aretino inſcriptam, e qua locum, huc præcipue ſpectantem, decerpere viſum eſt. Ita autem ille inter reliqua: „Quia temere perſæpe eveniunt, quæ non auctores optare, ut inquit Terentius noſter, fortuna quædam fuit cum
„ſua,

Barb. Epistol. De centum XXXVI. Declamationibus, quæ Quintiliani nomine feruntur, iisque pariter e Germania in Italiam missis, exstat

„sua, (i. e. Quintiliani) tum maxime nostra, ut, cum essemus Con-
 „stantiæ otiosi, cupido incesse- rit visendi ejus loci, quo ille reclusus
 „tenebatur. Est autem monasterium S. Galli prope urbem hanc
 „millia passuum XX. Itaque nonnulli animi laxandi, & simul per-
 „quirendorum librorum, quorum magnus numerus esse dicebatur,
 „gratia eo perreximus. Ibi inter confertissimam librorum copiam,
 „quos longum esset recensere, Quintilianum comperimus, adhuc-
 „salvum & incolumem, plenum tamen situ, & pulvere squalentem.
 „Erant enim non in bibliotheca libri illi, ut eorum dignitas postu-
 „labat, sed in teterrimo quodam & obscuro carcere, fundo scilicet
 „unius turris, quo nec capitales quidem rei retruderentur. Atqui
 „ego pro certo existimo, si essent, qui hæc barbarorum ergastula,
 „quibus hos detinent viros, rimarentur ac cognoscerent more ma-
 „jorum, similem fortunam experturos in multis, de quibus jam est
 „conclamatum. Reperimus præterea libros tres primos & dimidi-
 „atum quarti C. Valerii Flacci Argonauticôn, & expositiones tan-
 „quam thema quoddam super octo Ciceronis Orationibus Q. As-
 „conii Pediani, eloquentissimi viri, de quibus ipse meminit quin-
 „tilianus. Hæc mea manu transcripsi, & quidem velociter, ut ea
 „mitterem ad Leonardum Aretinum & Nicolaum Florentinum.

Hic nulla quidem mentio fit Silii Italici aliorumque auctorum, qui posthac reperti ab eodem fuisse videntur. Commemorantur autem illi in epistola ad POGGIUM data, quam Codex Lipsiensis GUARINO Veronensi, Codex autem V. Cl. Jacobi FACCIOLATI Francisco BARBARO rectius tribuit. Primum igitur jure locum occupat inter epistolas ejus & aliorum ad ipsum ab Eminentiss. QUIRINO Brixiae A. MDCCXLIII. evulgatas. In Diatriba vero præliminari, quæ ibidem A. MDCCXLI. prodiit, p. XII. sq. evictum esse arbitror, ipsius POGGII epistolam non ad GUARINUM, nec ad Jo. TORTELLIUM Aretinum, verum ad BARBARUM potius scriptam fuisse. Sed en tibi verba ex BARBARI ad POGGIUM literis, in quibus Silii Italici aliorumque mentio habetur:

„Tu Reipublicæ causa quid facturus esses facile declarasti; cum te
 „non

exstat Epistola Joannis Antonii Campani, prima scilicet earum. quæ ejusdem in varios Authores censuras complectuntur.

A a 3

SUE.

„non vis hyemis, non nives, non longitudo itineris, non asperi-
 „tas viarum, ut monumenta literarum è tenebris in lucem erueres,
 „retardarunt. Tu Tertullianum, tu Marcum Fabium Quintilia-
 „num, tu Q. Asconium Pedianum, tu Lucretium, Silium Itali-
 „cum, Marcellinum, tu Manilium Astronomum, L. Septim. Va-
 „lerium Flaccum, tu Caprum, Eutychium Probum, Grammaticos,
 „tu complures alios, Bartholomæo Collega tuo adjutore, vel fato
 „functos vita donastis, vel longo, ut ajunt, postliminio in Latium
 „reduxistis. De Bartholomæo illo de Monte Politiano, in ea per-
 „quisitione POGGII socio & adjutore, in laudata Diatriba p. V. sq.
 „nonnulla dicuntur. Fuit & præterea CINCIUS quidam Romanus
 „cognomine RUSTICUS, peregrinationis illius Poggianæ Comes,
 „cujus, inter claros pontificiarum epistolarum Scriptores a Philippo
 „BONAMICO p. 172. sq. laudati, memorabilem epistolam, in qua
 „vetusti quidam auctores tum etiam inventi, ac POGGIO BAR-
 „BAROQUE indicti recensentur, ex Cod. MS. Bergomensi l. c. p.
 „VIII. sqq. Cardinalis primus publicavit. Rei jucunditate illectus
 „non possum non ex illa locum, etsi longiusculum, hic recitare.
 „In Germania multa monasteria sunt bibliothecis librorum Latino-
 „rum referta: quæ res spem mihi attulit, aliquos librorum Cicero-
 „nis, Varronis, Livii, aliorumque doctissimorum Virorum, qui ex-
 „tincti penitus esse videntur, in lucem venturos, si accurata inve-
 „stigatio adhiberetur. Nam cum his proximis diebus ex compo-
 „sito, fama bibliothecæ allecti, una cum Poggio, atque Bartholo-
 „mæo Montepulciano ad oppidum S. Galli devenissemus, Biblio-
 „thecam ingressi Jasonis Argonauticon a C. Valerio Flacco editum
 „carminibus luculentis atque gravibus a majestate metrica minime
 „abhorrentibus invenimus: deinde argumenta quædam soluta ora-
 „tione confecta super aliquot Ciceronis Orationibus, ex quibus
 „multi causarum ritus, multaque veteris instituti paritates aperte
 „cognosci possunt. Repertus est etiam liber quidam volumine par-
 „vus, magnitudine autem eloquentiæ, prudentiæque excellentissi-
 „mus, Lactantius scilicet de utroque homine, ubi plane refellit
 „sensu eorum, qui humanam conditionem belluarum statu humilio-
 „rem,

SUETONIUS TRANQUILLUS.

§. XVIII.

Quam immerito Bernardus Montfauconus pro omnium principe vendit Suetonii Editionem Mediolani an. 1475. per Philippum de Lavagnia perfectam, ostendunt quatuor ea vetustiores, quas modo allega-

„rem, dejectioremque esse asseverant. Inter quos Vitruvius de
 „Architectura, atque Priscianus Grammaticus quædam Virgilii
 „carmina commentans inventi sunt. Erat præterea in illa biblio-
 „theca liber quidam ex corticibus arborum: qui cortices Latino
 „sermone libri vocantur, unde, quemadmodum apud Hierony-
 „mum est, libri suum nomen adepti sunt. Is quamquam non ad-
 „modum bonarum scripturarum refertus plenusque esset, tamen
 „propter illam sanctam incorruptamque vetustatem summa cum de-
 „votione complexus sum. Horum quidem omnium librorum ex-
 „empla habemus; sed ubi turrim sacrae ædis S. Galli contiguam, in
 „qua innumerabile libri, utpote captivi, detinentur, diligentius
 „vidimus, Bibliothecamque illam pulvere, tineis, fuligine, cæte-
 „risque rebus ad obliiterationem librorum pertinentibus, obsole-
 „tam pollutamque, vehementer collacrimavimus, per hunc mo-
 „dum putantes linguam Latinam maximum ornatum, maximam-
 „que dignitatem perdidisse. Erravit igitur Paulus JOVIUS, mul-
 „tosque eruditos in eundem errorem induxit, in Elogiis virorum
 „illustrum Quintilianum a POGGIO in falsamentarii taberna reper-
 „tum venditans. Crassius erravit Jo. LOMEJERUS in libro singula-
 „ri de Bibliothecis Cap. IX. p. 169. Collect. Schmid. POGGIUM
 „Fabium Quintilianum sub tempus Constantiaci conventus ex Gal-
 „lia Romam deportasse, eumque ignotum, squalidum, tetroque pe-
 „dore carceris consumtum, in falsamentarii taberna repertum, in
 „apertum retulisse perhibens, adeoque Sueviæ civitatem Constanti-
 „am cum urbe Gallica, in Normania sita, celeberrimum Concilium
 „Constantiense cum conventu quodam Gallorum Constantiaco, ac
 „monasterium Sangallense cum ipsa Gallia turpiter confundens, quod
 KRAU-

allegamus. Romana an. 1470. per Siveinheim, & Pannartz cum Epistola Alerienfis, Romana altera ejusdem anni cum Epistola Campani, Veneta an. 1471 per Nicolaum Jenſon, tandem Romana alia an. 1472, per Germanos illos Typographos. En Alerienfis Epistola.

*Joannis Episcopi Alerienfis in Recognitionem Suetonii ad PAULUM II.
VENETUM PONTIFICEM MAXIMUM Epistola.*

Recognito his diebus Quintiliano, PATER BEATISSIME PAULE II. VENETE PONTIFEX MAXIME, *Artifices nostri detulerunt ad me exquisitæ cognitionis Virum C. Suetonium Tranquillum, ut illius etiam de Imperatoribus Vitas recenserem ab iisdem Opificibus, & eodem Authore impressas, qui prius Quintilianum publicarant. Volui experiri, si qua de Suetonio possem compendiaria lectione perquirere, repperique Suetonium Lenem Augusticlavium tertiæ decimæ Legionis Tribunum, Virum acris animi, industriæque singularis, Tranquilli bujus nostripatrem fuisse; eum vero Epistolarum magistrum Imperatoris Hadriani, abque ejus aula ob certas suspiciones amotum. Illustrium quoque Virorum Vitas præter*
bas

KRAUSIUS l. c. p. 26. ipsi merito exprobravit. Cæterum epistola PETRARCHÆ ad Quintilianum, cujus libri temporis injuria dilacerati in illius manum venerant, ad quam P. BÆLIUS provocavit, quamque laudatus KRAUSIUS in omnibus operum PETRARCHÆ editionibus se frustra quæsisse p. 31. ait, in rara collectione ejus Epistolarum, quam Petrus Roverianus A. 1601. in 8. excudit, exstat p. 672. sqq. De fausta illa POGGII expeditione egit quoque Ægidius Menagius in *Anti-Baillet ou Critique du Livre de M. BAILLET, intitulé Jugemens des Savans*, Part. I. p. 43. sqq. edit. Amstelod. A. 1725. in 12. Ex Bernhardi de la MONNOYE animadversionibus in illum librum p. 48. cognovi, M. A. SABELLICUM in Dialogo de reparatione Latinæ linguæ jam ante LOMEJERUM venditasse, Quintilianum sub tempus Constantiaci conventus a POGGIO ex Gallia Romam deportatum, atque adeo hunc ab illo in istum errorem inductum esse.

bas Cæsarum plurimas scriptitasse, causas etiam egisse. Audiui equidem, qui dicerent, libellum de Viris Illustribus illius exstare. Quod ipse noverim, de Rhetoribus, & Grammaticis libellus ejus vulgo legitur, dignus facile Suetonio. Brevis est in omnibus, & in attingendis, magisque in explicandis negotiis expositus. Dictionis, more temporum suorum, castigatioris, proptereaque alicubi minus apertæ, verbis utens persæpe vel novis, vel novatis, Græcanicisque. Ita tamen concinnus, atque elegans, ut, qui post eum Vitas scripsere, aliquantum videantur ab illius venustate differe. Hæc habenti mihi, quæ summatim de Suetonio referrem, postea visum est versus quosdam Ausonii poetæ in ipsius commendationem adscribere, titulosque ipsis versibus per partes inserere.

SUETONII OPERIS COMMENDATIO.

Cæsareos Proceres, in quorum regna secundis
 Consulibus dudum Romana potentia cessit,
 Accipe bisfenos, sua quamque Monosticha signant.
 Quorum per plenam seriem Suetonius olim
 Nomina, res gestas, vitamque, obitumque peregit.

CÆSARUM ORDO.

Primus regalem patefecit Julius Aulam
 Cæsar, & Augusto nomen transcripsit, & arcem.
 Privignus post hunc regnat Nero Claudius, a quo
 Cajus, cognomen Caligæ cui Castra dederunt.
 Claudius hinc potitus regno, post quem Nero Sævus,
 Ultimus Æneadum; post hunc tres, nec tribus annis.
 Galba Senex frustra Socio confilii inerti.
 Mollis Otho infamis per luxum degener ævi.
 Nec regno dignus, nec morte Vitellius ut vir.

His decimus, fatoque accitus Vespasianus.
Et Titus Imperii felix brevitate, secutus
Frater, quem calvum dixit sua Roma Neronem.

CÆSARUM TEMPORA.

Julius, ut perhibent, divus trieteride regnat.
Augustus post lustra decem sex prorogat annos:
Et ter septenis geminos Nero Claudius addit.
Tertia finit hyems crassantia tempora Caji.
Claudius Hebdoadem duplicem trahit, & Nero dirus
Tantundem summa, sed consul defuit unus.
Galba senex. Otho lascive, & formose Vitelli,
Tertia vos Latio regnantes nesciit ætas,
Interitus dignos vita properante probrosa.
Implet fatalem decadem sibi Vespasianus.
Ostenfus terris Titus est brevitate bienni.
Quindecies sævis potitur dum frater habenis.

CÆSARUM OBITUS.

Exegit poenas de Cæsare Curia mollis.
Addidit Augustum divis matura senectus.
Sera Senex campis exul non fata peregit.
Terdecies periit repetito vulnere Cajsus.
Claudius ambigua conclusit fata veneno.
Matricida Nero proprio se perculit ense.
Galba senex periit sævo prostratus Othone.
Mox Otho famosus clara sed morte potitur.

Prodiga succedunt perimendi Sceptra Vitelli.
 Laudatum Imperium, mors lenis Vespasiano.
 At Titus orbis amor rapitur florentibus annis.
 Sera gravem perimunt, sed iusta pericula fratrem.

Tibi, PATER BEATISSIME, omnes vitam optant, & felicitatem diutissimam. Dominici Natalis MCCCCLXX. Pontificatus vero tui Anno VII.

Epistola autem, quam suæ Editioni præposuit Campanus, & ipsa, utpote brevior, subiungatur.

Campanus Francisco Picolomineo Cardinali Senensi salutem.

Repetii nuper C. Suetonium. Legevam & hunc etiam puer. Verum quod tunc vix degustatum est, nunc plenissime hausi. Visus est ea libertate scripsisse Caesarum Vitas, qua vixisse illi feruntur. Nemini aut demit, aut adjicit quicquam, nihil ad assentationem cujuscpiam, aut studium suum, omnia ad integritatem historiæ refert. Mores illorum, & imperia, & privatorum sic exprimit, ut non legere quis Suetonii scripta, sed ii ipsi speculo intueri sese videantur. Vitia, virtutesque omnino curat, & invidiam, & gratiam aperit, & quæ fortuna foris cuique fuerit, aut domi. Habitus est duriusculus, dum nec lumina quidem negligit, & sunt aridiora pleraque, & minutiora, quam quæ nitere possint, aut capere eloquentiæ corpus. Sed tum est in genere ipso scribendi multum ponderis, eruditio vero tanta, ut severitate orationis gravi, & castigata, quem huic anteponom veterum Scriptorum, non videam. Habebis, cum hunc leges, unde sumere exempla in omni fortuna possis, & intelligere, quantum Principum humanæ res constant, vitiis labuntur. Vale.

In ea Campani Editione legitur hæc nota : *Caji Suetonii Tranquilli de XII. Caesarum Vitis liber ultimus feliciter finit. Absolutus Roma in Pineæ regione via Papæ anno Christi Natali MCCCCLXX. Sextilii mense.*

menſe. PAULI autem VENETI II. PONT. MAX. anno ſexto. No-
men Impreſſoris, quod hoc loco deſideratur, jam ſatis notum, Ulri-
cus ſcilicet Gallus, quem Campanus elegerat potiſſimum, cujus curæ
ſuas committeret lucubrationes, cujuſque laudes cecinit verſibus ꝑ. II.
recitatis: Anſer Tarpei cuſtos Jovis &c.

~~~~~

## AULUS GELLIUS.

### ꝑ. XIX.

**J**acobus Gronovius in luculenta Editione Auli Gellii, quam anno 1706. adornavit, dicata Abbati eo tempore illuſtriſſimo, & doctiſſimo, Dominico Paſſioneo, nunc vero S. R. E. Cardinali ampliſſimo, illico poſt Præſationem exhibens conſpectum operæ a Viris doctis ei Auſtori impenſæ, memorat quidem Romanam anno 1469. Editionem, & Venetam anno 1472. at de utraque dubitare ſe ſcribit, ſed maxime de priore, primamque Editionem putat a Svveinheim, & Pannartz an. 1472. perfectam. Neque de Romana anno 1469. neque de Veneta anno 1472. ullo modo dubitandum, quum utraque exſtet; indeque certo dignoſcatur, Romanæ illi anno 1472. locum principem perperam adjudicari. Gronovio in eum modum temere loquenti præverat Petrus Lambecius in Prodrom. ad Aul. Gell. Noct. Attic. Multoque magis hic a recta ſemita aberravit, dum Romanam illam anni 1469. Editionem ab Aldo Manutio curatam ſcribit, quam proinde Aldinam vocat. Tam ſœda hallucinatio jure, ac merito in admirationem pertraxit Annalium Typographicorum parentem, quo loco Venetam illam anni 1472. per Nicolaum Jenſon memoravit. Joannem Andream Episcopum Alerienſem, cui princeps illa anni 1469. Editio debetur, in Aldum Manutium, nescio quo pacto, Lambecius, & alii quidam commutarunt, idque recte animadvertit Fabricius in Bibl. Lat. ubi de



Gellio. At is ipse mox labitur, dum Venetam Editionem primam ex Aedibus Petri de Maximis anno 1472. lucem vidisse scribit; quum Aedes Maximorum Romæ fuerint, non Venetiis, quumque Venetiis Editio illa lucem viderit studio Nicolai Jenson, quam ipsam penes se esse Eusebius Renaudotus ipsi Fabricio significaverat.

Quinam fuerint Alerienfis in Gellium labores, non aliunde melius, quam ex ejus Epistola mox recitanda dignoscetur. Ea pariter declarabit primum opem a Theodoro Gaza ipsi Alerienfi latam, ut Gellii Græca Latine legerentur; deinde Guillelmi de Estoutavilla, Episcopi Cardinalis Ostiensis, Rothomagensis nuncupati, patrociniū, & propensam adeo erga Aleriensem voluntatem, ut semel vel centum aureos, quot Alerienfis necessitates poscebant, mutuo ei numerari jussert, cui proinde grati animi vices, quas licebat, ipse redditurus, consilium inierit, quod his verbis exponit: *Hoc impulsus studio sciens elegantissimum Scriptorem Gellium, Favorinum in Galliis ortum merito prædicare, quippe qui sua ætate princeps in omni excellentiâ genere summorum Virorum fuerit, & Hadriano Imperatori illi doctissimo, & gloriosissimo acceptissimus, statui dignissimo etiam Cardinali Rothomagensi præstare, ut Favorinus suus, Vir tantus, ab omnibus facilius quodammodo Gellio laudatore nosceretur.* Declarabit demum eximiam PAULI beneficentiam erga eundem Aleriensem, qui propterea fatetur, ipso ad excelsum Pontificatus gradum assumpto, omnem se sub uberrimo gratiarum largitore dedidicisse egestatem, eoque autore ab Accienfi Ecclesia ad Aleriensem fuisse translatum, hancque postea cum Sabacienfi (quæ Savonenfis dicitur) sibi commutatam. Hæc, inquam, omnia Epistola, quam illico recitamus, aperiet.

*Jobannis Andreae Episcopi Alerienfis, in Auli Gellii Noctium Atticarum Recognitionem ad PAULUM II. VENETUM PONTIFICEM  
MAXIMUM Epistola felicissime incipit.*

Clarissimum inter Latinos Autores esse Au. Gellium, PATER BEATISSIME PAULE II. VENETE PONT. MAX., nemo hominum doctiorum

doctiorum ullo tempore inficias ivit, & maximis Scriptoribus annumerandum. Quidam vero asseruere, tanto ceteris Gelium claritudine, atque amantitate ingenii præstare, quanto reliqui uno aliquo dicendi genere, hic autem omnibus latinitatis numeris, figurisque excellat. Quandoquidem cæteri una aliqua propria, & sua sint usi dictione, Aulus omnem eleganter, & caste scribendi formulam expresse-rit. In aliis item baud ita multa, & omnimoda rerum vel tractatio, vel cognitio. At in Gelio nostro vix queat scitu dignum quippiam inveniri, de quo pars ab eo aliqua non tractetur. Præterea cæteri Auctores aliis alii ætatibus, facultatibusque sint accommodati. Aulus nulli etati, nulli disciplina non censeatur opportunus. Denique in reliquorum plerisque sint quæpiam aliqua ratione minus pensculata. In Gelio autem vix unum verbum nota dignum perpendatur. His, atque hujuscemodi rationibus latinæ puritatis studiosi vix sibi quicquam attigisse, vel mediocriter, videbantur, si lectione Geliana caruissent. Erat perdifficilis tamen, duraque in primis provincia, Aulum perpetuo læsitare: quod vix Noctium ejus ulla erat (ita enim vir ille suarum Capita scriptionum appellat) quæ sic legeretur, ut non aliqua, & persæpe magna pars ejus inassequuta, minusque percepta linqueretur. Nam & multa Latina erant librariorum inscitia, negligentia, socordia, depravata, & multo plura Greca, propter linguæ desuetudinem, corrupta, trunca, manca. Ea quoque ipsa, quæ integra exstabant, a Latinorum tamen perpaucis, propter Græcitatæ inscientiam, intelligebantur. Qua ex re fiebat, ut Noctium pleræque incognita, ex meliore sui parte prope omnibus forent. Temptavere igitur quidam, utriusque linguæ non expertes, hanc Latinis gemmam, hunc, ut vere dixerim, unionem detergere, atque perpolire, & omni sui parte lucentem, ac nitidum reddere. Qui aut rei difficultate, aut aliis occupationibus distracti (quod quidem sciam) ab opere suscepto destiterunt. Quod ipsi idcirco sane minime dicimus, ut videri velle censeamur, ex loci eorum successione, quasi fidentioris animi, viriumque majorum expressu, famæ auram aucupari, in Sanctissimo conspectu Majestatis Tuæ, PATER BEATISSIME, præsertim, qui modestiæ flagitator, omnium hominum non vulgarium laudes, obloquutionis adversarius, cupis semper audire. Hæc ego cum intelligerem rei que metirer magnitudinem, quantum in me esset liquido cernens, (etsi

nobis omnes, nescio quo errore pervulgato, placeamus) temptavi & ipse, nunquid opis lectioni futura usqueadeo utili, ac jucunda, ex paupertinis virilis mea posset afferri, confusus præcipue de summa eruditione, & benevolentia mei Theodori Gazæ, qui non in una aliqua seorsum facultate, sed in omnibus generatim animi ingenui disciplinis est doctissimus. Theodoro igitur opitulante, multa, ut arbitror, Latina feci veriora, & ut Græca Latine legerentur, consequutus sum. Qua de parte ratio mihi, Te augustissimo, & integerrimo censore, suo loco est in presenti Epistola explicanda, ut tuo munitus & judicio, & præsidio, cæteros habeam, qui recte senserint, adjutores. Sin vero aliqui carpsierint, facile floccifaciam. Ea potissimum occasione, qua in nonnullis hujus temporis Recognitionum mearum Epistolis id dedita opera scripsi, haud me mihi eo usque tribuere, ut aberrare sæpe posse non existimem; sed doctiores hoc exemplo, & munere provocare, ut qui plusculum possunt, sua me, ac cæteros tenuiores, instituant disciplina; boni grato animo consulturus, quidquid eorum opera ipse didicerim. Hæc enim mens mihi est, hoc unum imprimis studium, ut, quod fieri possit, omnes homines Latinos me quoque ipso esse optem doctiores. Nunc qua de causa Gelianam Recognitionem desumpserim, propter ea etiam, quæ prius dixeram, explicabo; viam etiam, quam in ea re incessem, scire volentibus ostendam, ut facilius noscatur, nunquid in hoc opere dignum videatur vel laude vel vituperatione. Simul tuo permisso, PATER BEATISSIME, veteri cuidam non æris alieni, sed vitæ & officii debito, ex tenui portione satisfaciam, neque magnopere dicendi ordinem sequar, dum valeam modo, quod suscepi, persolvere. Jamdudum, PATER BEATISSIME, splendidissimo Præfuli Guilielmo Episcopo Cardinali Ostiensi, Rotomagensi nuncupato, ex regio Francorum genere Viro illustri, cultu tamen rerum divinarum, & amplitudine religionis, ac magnificèntia pietatis longe illustriori, maxima omnia debere me scio, ejusque in me summis meritis nunquam posse satisfacere. Non debui tamen voluntatis gratæ non exprimere promptitudinem, & qua id maxime vellem, quod minime possem, non testari. Nam de universi sacrosancti Collegii immortalis in me beneficio, Tibi, PATER SANCTE, notissimo, aliud aliquando tempus erit prædicandi. Guillelmi equidem Rotomagensis tantus debitor assidue cogitabam.

*tabam, quid homini clarissimo acceptum referrem, quod illo dignum foret, & ipse possem dissolvere. Venit itaque mihi in mentem id maximis Viris placuisse admodum semper, si non solum ipsi splendidissimi, verum etiam de gente amplissima nati esse noscerentur. Id autem omni in natione dignitatis numeros semper implevisse, quod divinarum pre se specimen virtutum ferret. Igitur si in Francorum gente nobilissima, generosissimaque primarias etiam animi dotes fuisse retro actis temporibus ostendissem, id maximo huic Viro gratissimum fore arbitrabar. Hoc impulsus studio sciens elegantissimum Scriptorum Gelium supra omnes homines Favorinum in Galliis ortum merito prædicare, quippe qui sua ætate princeps in omni excellentiæ genere Virorum summorum fuerit, & Hadriano Imperatori illi doctissimo, & gloriosissimo acceptissimus, statui dignissimo etiam Cardinali Rotomagensi præstare, ut Favorinus suus, Vir tantus, ab omnibus facilius quodammodo Gelio laudatore nosceretur. Deterrebar sane difficultatibus illis, quas initio dixi, quæ quasi de inextricabilibus nodis, & tanquam Gordiani jugi implicamentis inenodabilibus mihi plurima essent evovenda, cui Alexandri vel fortuna, vel gladius non adesset. Sed rei perpensa licet magnitudine, non minus alia ex parte recreabar, quæ non absque excusatione suscepti gravissimi operis difficultates, & calumnias evasurum me cernebam, quaque una cum Tua Sanctitate Rotomagensi tuo, vel hoc conatu solo maxime me gratificaturum perspiciebam. Cum enim & quod iterum, atque iterum testor, maxima omnia deberem, indignum fuisset in alio, quam laboris, & ingenii plenissimo opere, ejus causa contendere. Cæterum debiti magnitudo ea ratione facillime perspicietur, si radices tantum, & incrementa illius delibaro. Quod ob eam rem facere me debere nemo dubitabit, quia, ut qui beneficium præstitit, non debet odiose, quasi exprobrando, commemorare, ita qui accipit, desistere nusquam debet prædicare. Fui, PATER BEATISSIME, quod multis accidere persepe arbitror, in Romanæ Tuæ Sanctitatis Curia, tenui adeo rerum omnium conditione (ut cætera omittam) quod ne ad tondendam quidem barbam sumptus mihi, facultasve suppeteret. Molestis admodum inopiæ angebar angustiis, eo magis quod eorum more, qui Lupum auribus tenent, neque ferre poteram, neque deponere paupertatem. Perseverare igitur diutius nequibam, & discedere in rerum omnium penuria non valebam.*

*Ignor-*

*Ignoscebant illi quidem mihi, quibus ex parte nota erat mea calamitas, nemo tamen ultra verba succurrebat. Ea vero summa difficultas erat in miseria reliquorum, quod illa pudor cogebat occultare, quæ necessitas ipsa, me quoque veniente, prædicabat. Sæpius ergo cogitanti mihi, quænam foret in hujusmodi mendicitatis articulo subsidiaria salus imploranda, ergo oblatus est animo Viri splendor amplissimi, de quo juste Horatianum illud cani potest, Micat in omnes Gallicum sydus, velut in stellas luna minores, qui numquam manum clausit inopi, numquam oratus, tristem remisit supplicantem. Perspecta mihi erat omnium ore Viri illustris celebrata clementia, atque liberalitas, & actorum gloriæ nitor singularis. Accedo ad clarissimum hominem pudibundus, atque humanissimum, qui maximus dignitatis merito, major est tamen benignitatis ornatu. Vix ostenderam mearum necessitatum initia, & vir misericordiarum statim: Esto (inquit) animo præsentem: Ne tibi quidem claudentur meæ facultates. Factum illico putavi. Neque mea me fefellit opinio. Centum e vestigio aureos (tot enim meæ necessitates tunc poscebant) mihi fecit mutuo, ut velle me dixeram, numerari, imo vero juste æstimanti, dono liberaliter tradi. Diu enim licuit mihi esse sub placidissimo creditore, donec absque omni omnino difficultate æs dissolverem alienum. Pecuniam ergo illi reddidi tandem, verum tamen gratiam, quæ omni pecunia longe major est, æternum debebo. Hoc tanto, tamque excellentissimum ego minimum omnium a Præsulum maximo adjutus beneficio. Emit me, bonorum munificus benefactor, homo regius, atque excellentissimus, incredibili munere liberalitatis. Nec eo contentus Cardinalis beneficentissimus, quum primum, PATER BEATISSIME, Tua me Sanctitas ad Ecclesiam Aleriensem ab Acciensi transtulit, mihi denuo aperuit gremium suæ benignitatis, fecitque (quantum in illo fuit) meis omnibus necessitatibus satis. Sed animo usus liberalissimo, ejus eo tempore pecunias non accepi, quia ex quo Tua Clementissima Sanctitas ad altissimum Pontificatus gradum est assumpta, omnem penitus tanquam sub uberrimo gratiarum largitore dedidici egestatem. Verum enimvero neque Tu mei, PATER SANCTISSIME, illo tempore paupertatis in solo jacentis, minor adhuc non animo, sed altissimæ dignitatis majestate obliviscebarris, veluti piissimus Pater, servuli studiosi. Nam (quod tacendum hoc loco non est) Tu quidem eo tempore*

tempore perlato ad Te, nescio quo rumore, de Sabaciensi, ut meministi, Ecclesia, quæ Savonensis dicitur, quoniam ad Tua jura collatio pertinebat, perstudiose illam mihi conferri, consensisti. Sed de tuis maximis beneficiis nunquam desinam prædicare hoc tempore. Te facile concedente, de Rotomagensi cætera perstringentur. Hujusmodi Viri liberalis illustria officia, quo testata omnibus facerem, assidue mihi facultatem dari, ut dixeram, peroptabam. Fecit autem desiderio meo Gellius satis, æterna quadam, & immortalis gloria hominem in Galliis natum prædicans Favorinum. Quisquis enim Aulum legerit, & ut facile confido, omnes avidissime læstibunt, tum multis aliis, quos Gellius mirifice commendat, tum maxime uni afficietur Favorino, propterque illius Viri ingentem probitatem non mediocriter Gallicam admirabitur nationem. Eo etiam cupidius, quod cujus virtutis magna in Favorino benevolentia probitatis, in animis hominum viventi, speciem admirabitur, ejusdem in Rotomagensi splendidissimo alia quadam non ignobiliore via parem cernet claritatem. Dicerem de Viro dignissimo plura, deque illius nobilissimæ gentis aliquid tangere gloria, nisi Epistolare officium prolixitatis reprehensione tardaretur. De Rotomagensi igitur plura alias. Nunc da veniam, PATER BEATISSIME, ut, quod reliquum est, amicis quidem, sed admodum delicatis hominibus, rationem reddamus, quasi nostra sordidiuscula, ut rumificent, in tam puris, tamque elegantibus Auctoribus verba, præter morem gravium Scriptorum infarciamus, atque inculcemus, quasi inter violas urticam, aut inter rosas lappatum, aut ruscum inter lilia inepto coronamentorum fastu assumamus. Non deprecor culpam, PATER BEATISSIME, si minus judicio Tuæ Sanctitatis acerrimo, & sapientissimo satisfecero. Verum tua excusatus censura, cæteros minime pertimescam. Scio, PATER BEATISSIME, scio, Dominae fastidia Romæ, & Quod pueri quoque rhinocerontis nasum habent. Scio semperque paginam vereri, docti subituram judicis examen. Scio. Sed si quispiam melius ista me fecerit, in quibus ego assidue versor, illa suscipiam libens, & mea libentius omittam. Interea loci paupertinis me patiantur meis oblectari. Dicunt, minus consulte actum videri, quod eloquentiæ florem, elegantia cultum, dictionis Latinæ minime imitabilem nitorem quisquam ausus sit squalenti, & detrita oratione deflorare. Illis ego paucis re-



*spondeo, ita tamen, ut non meam magis, quam doctiorum velim sententiam sequi. Amici non facio vobis injuriam. Codices cum habeatis vestros, quare nostros assumitis? Tamen, si vobis grave non est, vestros conferte cum nostris, & arbitrato vestro, quæ probaveritis ex nostris, assumite. Si in perpetuæ, ac continentis dictionis filo, nostra vobis inculcare, ut dicitis, non libet, at in marginibus describite. Si ne ibi quidem, tamquam in commentariolis annotate. Hæc si omnia damnatis, quisnam vos invitos impulit ad nostrarum lucubrationum lectionem? An contrario voto, ac repugnantibus, damnatis, & vultis? quæ istæ est pugna, & obversa sententia? Nolle facta, & facta suscipere. Videmur ne vobis in alieno libro temere, ac inique fuisse ingeniosi? Nullius nos librum attigimus. Gelium conati sumus intelligere. Si omnia non recte, pureque intelleximus, ad aliquam tamen electionem patefecimus melioribus viam. Vos, quæ ipsi assequi non potuimus, quæso nobis patefacite, Viri sapientissimi. At prius (inquiunt) fecerat hoc nemo. Neque ante solem factus fuerat sol ullus. Ante primum Psalmorum interpretem (ut de nostris loquamur) cedo, quis fuerat de Psalmis commentatus? Ante Aristotelis prima glossmata (ut de Gentilibus) ante Homeri prima interpretamenta, ante Virgilianæ expositionis archetypos, ante omnes in cunctis facultatibus Scriptores, profecto scripserat ejusmodi de rebus nemo. Ut illi nobis exemplo, ita & nos cæteris sumus futuri; & ut non propterea reliqui a scribendo sunt deterriti, ita nostra occasione desinet nemo. Accipite tamen amici facti nostri baud ineptam (uti arbitror) rationem. Apud præscos homines nostros, ut scitis ipsi, absque discrimine, & Græca legebantur, & Latina. Prius tamen Græca, nam magno ab iis intervallo sermo Latiaris sumpsit originem. Neque erat quisquam paulo eruditior, qui utriusque orationis, veluti ambidexter, non uteretur adjumento. Erant ista communia Virorum elegantium studia. Meritoque in humanitate scævus censebatur, qui alterutrius facultate caruisset. Tunc communes erant libri, & ipsi communes Præceptores. Latina Græce, Græca Latine pronuntiabantur. Modo Attica lingua, modo Romana, & loquebantur, & scribebant. Una erat prope ex utrisque linguis oratio. Quod quidem illi facillime assentientur, qui modo Latinis verbis, modo Græcis, Marcum Varroem, Nigidium Figulum, Cajum Plinium, & id genus homines doctis-*



doctissimos, scripsisse intelligent. Neque id in Gentilium solum Voluminibus, verum in nostrorum quoque fuit scriptiōibus consuetum. Ex quo fit, ut multifaria priscorum eadem de re interpretamenta lectitemus. Ea tempestate prope supervacaneum, & illiberale opus erat, Græca Latinis libris inspersa convertere, partim quia arduum in primis est, aut verius impossibile, omnem alterius linguæ cultum, vernaculumque nitorem, ac gratiam exprimere; partim quia quum eadem res non uno tantum modo eleganter reddi queat, idem scientibus facere plurimis in medio potius erat relinquenda, quam fucato interpretamento referenda. At vero cum nostra tempestate, præterquam paucissimis, Græca vix sint primis labris degustata, neque intelligentium omnes pure, atque integre Latina possint ea facere, & tamen absque illis Authorum sensus, si modo sint Græca interposita, nullo pacto elici valeat, injustus est arbiter, & iniquus uti opinor, iudex, qui malit aliena ignoranter, quam sua scienter perlegere, & acta necessario potius damnare, quam aliquanto etiam cum minore gratia, & dignitate conversa tolerare. Atque utinam veteres illi nostri patres eruditissimi, atque cultissimi, Græcos omnes Autores doctrinarum certissimos fontes convertissent. Non essent inextricabiles sensus in plerisque omnis generis facultatum libris. Quis enim quæso nescio quæ horrida non interpretamenta, sed umbracula nonnullorum absque Prophetarum, Sibyllarumve spiritu possit ediscere? Sumantur in manibus multi Theologorum, Philosophorum, Medicorum, & reliquorum, barbaries verius, quam libri, aperiantur sensus, explicentur opiniones, nec veritas in illis Græca constabit, neque ulla commodior paulo Latina sententia. Quod videre facillimum iis est, quicumque legerint hispidas, atque spinosas conversiones veterum quorundam, fortasse doctorum, sed certe prorsus infantium. Id vero facillimum factu erit, ex novorum collatione Interpretum, qui videntur scoriam in argentum, & immo lutum in aurum commutasse; nitore enim quodam, & interpretandi elegantia, Græcis Authoribus dignitatem, gratiamque, si non auxerunt, quam tamen in suis libris habebant, integra fide conservarunt. Atque ut de uno aliquo speciatim testimonium proferam, Dionysii divinos omnium consensu libros, qui prioribus sæculis Latine reperiebantur, legat aliquis cum ipso etiam Lynconienſe, Viro acuto in primis, & docto. Num putas absque illo, aut ejusmodi alio,

ullus sensus excudetur? Non magis quam sanguis e saxo. Confer horridam dictionis illius, & echinosam faciem, cum elegantia, & tersu Fratris Ambrosii Camaldurinsis, tametsi vix tantus in Græcis litteris censeatur Ambrosius, quantam Dionysii sublimitas, atque altitudo flagitabat, videbis plane in medio, & illustri Sole, quem vix de tenebris rimabare. De Jobanne Climaco, idem ut facias, moneo. Sumat in manibus alius Aristotelis Problemata, addo, si placet, cum Petro de Abano, quem honoris gratia Conciliatorem vocant, & ubi se plasmato (uti ajunt) pariete incessisse fuerit plane confessus, ac tenebris prætentatis ambulasse. Veniat ad novos conversores, & meum legat Tebodorum, facillime tui adjumento ipsum explanabit explanatorem. Non aliter de Animalium fiet libris, non de cæteris, qui prius maxima cum ærumna, nunc ingenti cum voluptate lætitantur. Ex illo salebroso, atque aspero vertendi genere necessaria fuit Interpretum super Interpretes expositio, quæ ut manca multis in locis sit, propterea est necesse, quod divinantis potius, quam explicantis officio, opus fiat conjectari. Talibus igitur legendorum Authorum propter alienam linguam difficultatibus est factum, ut omnes prope Codices mendis scatentes, fragmentis quoque pleni, ad nos essent perlati, & nisi extremis cum difficultatibus legi ultra non valerent. Ego vero, non ut sapientior, aut doctior, sed ex iis unus, qui intelligendi ardore flagrarem, essemque paulo in gravi Recognitionis opere laboris tolerantior, nec oppositu primarum difficultatum frangerer, ut initio sum testatus, Græca diligentissime in Aulo, Macrobio, Apulejo, aliisque multis, ut Divo Hieronymo, Ireneo, consultis viris eruditissimis, perquisivi, atque indagavi, inventa ad Latinum usum redigi procuravi. Ac ne denuo futuris sæculis par difficultas oriretur, summopere cavendum mihi desumpsi. Dicunt laboribus meis minime invidentes: laudabili hæc industria effecisti, sed ut internosci facilius possent, prout antea dixeramus, factum voluissimus. Erat mihi mens eadem, quoniam ardui operis munus fore perspiciebam, ut vel mediocri excusatione possent nostra Gelianis interferi; verum Impressoribus erat penitus nostris impossibile quicquam in marginibus effingere, & in commentariolo separatim nulla poterant via seponi, quæ ad intelligendi operis necessitatem pertinebant. Ne tamen non foret ex nobis etiam testata distinctio (etsi difficile non est, apposita dignosci, vel

vel ex orationis ipsius filo, atque lineamentis, tamquam a miricis pinus) rubrica ego meorum laborum additamenta descripsi, semperque verbum, idest, anteposui, ut & qui castigatiore ingenio, ac auribus in judicando tersioribus forent, & qui eadem trutina non possent expendere, omnes tamen adjuncta discernere, & Authoribus suam puritatem, nostram nobis omnibus studiosis gratificandi acceptam ferrem voluntatem. Hoc quia aliter facere impressoribus non est concessum, haud gravatim legentes ferrent, in suis singuli Codicibus, lineis quibusdam cum rubrica, interpretata discernere. Et quoniam, veluti de Alexandrinis hominibus scriptum est in Julii Cæsaris Bellorum Civilium Commentariorum libro duodecimo, ipsi homines ingeniosissimi, atque acutissimi, quæ a nobis fieri viderant, ea solertia efficiebant, ut nostri illorum opera imitari viderentur. & sua sponte multa reperiabant: fieri facile potest, ut quæ homines ipsi suo pte inventu non excogitarent, aliorum tamen imitatione accepta ab inventori- bus reddant meliora. Invitamus, oramus, obsecramus omnes doctiores, ut acri ipsi ingenio, & ubere doctrina, nostrorum tenuissimas umbras studiorum, pigmentorum suorum coloribus, atque luminibus illustrare non recusent. Eo modo sibi gloriam parient, & nobis susceptionis non indignæ gratiam aliquam referent. Nos profecto grati sumus omnium judiciis. Nec exprobrationis causa, sed admonitionis caritate suggeri hæc nobis a plerisque amicissimis interpretamur. Idcirco studia hæc nostra nequaquam remittimus, Te præsertim, PATER BEATISSIME, & gravissimis tecum Viris non spernentibus, quin potius vigilantibus impendio magis, atque contendemus, ut quotidie melius placitura in medium proferamus. Hoc quoque modo excelsa, & delimata ingenia jugi hortatu provocantes, si quo pacto consequi possimus, ut in hoc latissimo Recognitionum campo pertrabantur. Nam id si fiet, futurum perspicimus, ut ab iis multa nos quoque discamus, tempusque longum recognoscendi horarum lectione redimamus. Quod votum est præcipuum nobis, atque optatissimum. Neque hoc facto verebimur, ne in spongiam nostri Ajaces incumbant, quandoquidem non ad vulgi opinionem, sed ad pauperum commoda laboramus. In Græcis igitur præscriptam servavimus formulam. Latina item simili rubrica, dissimili tamen industria, ut textus aliunde sumpti internosce- rentur facilius, consignavimus, absque omni litterarum intercapedine,

solo dumtaxat colore, & veluti descriptionis luce annotante. Quisquis igitur A. Gelium lecturus es, Vir studiose, nostro arbitrato recte feceris, si ante omnia Viri illius Proæmium lectitaris, quod in librorum calce ab eo est rejectum, ut & tituli rationem discas, & scriptionis causam, modumque pertingas, & quibus scribendi laborem desumpserit Vir clarissimus, atque elegantissimus, non ignores. Tum vero ita Noctes omnes, & Capita leges, uti neque a superiore, neque ab insequenti te juvari magnopere expectes. Res enim singulares suis quæque Capitibus explicantur. Dein attentiore animo semper interpositas esse alienas orationes, ut dignoscere possis, si occurrerint, assidue suspicaberis. Nec eo minus te semper ipse colliges, & rem, qua de agi ipsa Nocte promittitur, quæ tibi in manibus fuerit, non strictim, quemadmodum ab eo scribitur, sed in universum continuo pensculabis. Is enim tamquam omnium rerum singularum exposito in medium artificio, ex penitissimis vel scientiarum, vel artium adytis, scitu quæque dignissima mutuatur, quæ nisi quis sedulo attenderit, raptim veluti fugitiva dilabentur. Omnibus autem in locis omnes elegantiarum figuras putato te posse indipisci, & modo hoc, modo illo cultæ orationis genere facundiam hominis esse conspersam. Eo pacto fructum facillime capies egregiæ lectionis. Tibi SANCTISSIMO DOMINO NOSTRO PAULO II. VENETO PONT. MAX. sub cujus Pontificatu in placidissima rerum moderatione florenti, talia quietis opera facillime fiunt, felicissimam, & perpetuam salutem, atque sospitatem, mecum quisque candidissimus Lector exoptat.

Mirum tam luculentam Aleriensis Epistolam ne verbulo quidem indicari a Maittaire, Orlando, Fabricio; atque Gronovio. Ex hisce solus Maittaire memorat Commentarios Aleriensis in Gellium, eosque anno ipso, quo Gellius, Romæ editos, & in testem Catalogum Gudianum pag. 327. allegat. Commento huic de Commentariis ab Alerienſi in Gellium conscriptis, ni fallor, ansam præbuerunt verba illa, *Volumina Commentariorum ad hunc diem viginti jam facta sunt*, quæ leguntur in postremis lineis Gellianæ Præfationis, in ea Aleriensis Editione Operis fronti præfixæ, sed ad libri calcem rejectæ, ut monet ipsemet Aleriensis in Epistola. Ea verba palam est non Aleriensis, sed Gellij

Gellii ipsius Commentarios significare, seu Noctes ipsas Atticas in XX. libros distributas. Author autem Catalogi Gudiani eadem, & alia quæ sequuntur, tanquam ipsius Aleriensis habuisse censendus est, quod se-juncta a reliqua Præfatione reperiantur ex lacuna versibus quibusdam Græ-cis, qui eo loco desiderabantur, reservata.

Latini versus eidem Præfationi subnexi, ipsi utique Aleriensẽm habent Authorem, iique ita se habent.

*Aulia mi quondam prædigna Volumina clausa  
Te pandente forem, jam Theodore, lego.  
Tu, quemcunque juvat, mecum has evolvere Noctes,  
Illas cum Gaza me vigilasse tene.  
Si minus est aliquid, succurre ex parte virili,  
Tu quoque, si nescis, rodere parce mea.  
Ut nova pressarent clavi monumenta Magistri,  
Edidimus gratis. Sit procul invidia,  
Quære tuos quisquis habuisti hos forte libellos,  
Atque fatere aliquid te didicisse meis.  
Sparsumus in plures facunda Volumina cartas,  
Ne Noctes doctas nox fera detereret.  
Cincta salo a Cyrno dat Aleria scripta, Latini,  
Hæc vobis. Illi reddite vos melius.  
Sumitis? An taxos pavidi timuistis amaras?  
Sumite. Non omnis est Corsica amara loco.  
Ferre solet vobis hæc Insula mollia vina,  
Munere jam magni dat meliora Dei.  
Radite, siquæ minus Gelium redolere videntur,  
Sed prius albenti quærite digna loco.*


*Vos Juvenes , nostri clarissima lumina Sæcli ,  
 Sumite vos Aulum pectore , fronte , manu ,  
 Pontificum Summus , & mundi gloria PAULUS ,  
 Sacra magis justum est , hæc quoque Scripta probat.  
 Ante illi dedimus divina Volumina nostris  
 Teutonibus ficta ; illa huic prius arce favet.  
 Fluxerat in mendas pæne omnis carta Latina ;  
 Capimus hæc , lapsæ det manus omnis opem.  
 Quod melius fieret , non nos noramus , amici ,  
 Si quis munus habet , proferat in medium.  
 Exposita est doctis ingenti gloria campo ,  
 Ingenui nescit Musa latere viri.  
 Murmuret , ac dente laceret studia ista canino ,  
 Ignoto quisquis mallet biare lave.  
 Nostra piis tuta est , fidentque Thalia modestis  
 Judicibus , si qua es invida turba tace.  
 Sede Petri Veneto PAULO florente SECUNDO  
 Egimus hæc Romæ. Gratia Summo Deo.*

Theodorus Gaza non ex præstita tantum sibi opera in Gellianis e  
 Græca lingua verrendis ab Alerienſi ( ut vidimus ) laudatur , sed ex Ari-  
 stotelis etiam Problematum versione , ab eo post Petri Aponensis expo-  
 sitionem confecta , qua ipsum explanatorem explanavit , sic enim loqui-  
 tur Alerienſis in Epistola ; ibique translationem etiam librorum Aristot-  
 elis de Animalibus commendat. Et quoniam eo Epistolæ loco docto-  
 rum Virorum in Græcis interpretandis labores extollit Alerienſis , Am-  
 broſium quoque Camaldulensem in exemplum profert , Dionysii Areo-  
 pagitæ , post Roberti Lincolniensis Episcopi versionem , nec non Joan-  
 nis Climaci Interpretem.



Editio Alerienfis hac nota concluditur : *Anno Chrifti M. CCCC. LXVIII. PAULO REGNANTE II. Anno ejus V. die vero 11. menfis Aprilis in domo Petri de Maximis.* Digna pariter eft memoratu Brixienfis Gellii Editio per Boninum de Boninis de Ragufa an. 1485. correctore Marco Scaramucino de Palariolo, quam Bibliothecæ Leidenfi legaffe Perizonium fcribit Fabricius. Hocce in ea legitur Oëtaftichon.

*Si quem Cecropia clarum, Latiaque Camoena  
 Effè juvet, Geli fcripta probanda legat.  
 Attica Nox luci nunquam ceffura diurnæ,  
 Ad varias artes quam bene monftrat iter.  
 En tibi, docta cohors, Marcus correxit ad unguem,  
 Quem tulit Adriaco Brixia Murte potens.  
 Si quid erit falſi, veniam dabis, inſcia turba,  
 Forſitan huic nocuit, dum celerabat opus.*



## L. APULEJUS, ET ALCINOUS.

### §. XX.

**F**alſo quidam referunt primam omnium Apuleji Editionem ad annum 1472. & longius etiam aberrant, qui Vicentinæ an. 1488. principatum illum adjudicant. Adeſt Romana, quam in manibus habeo, an. 1469. per Svveinheim, & Pannartz in domo Petri de Maximo, cum Alerienſis Epiſtola ſtatim recitanda. Incipit hæc a Cardinalis Beſſarionis laudibus, cujus conſiliis ita PAULUS Pontifex deferebat, ut nihil de ſummis unquam rebus aggredereſtur, niſi ejusdem accederet authoritas. At nihil in ipſo magis commendat Alerienſis, quam Platonicæ Philoſophiæ ab eodem ſuſceptam deſenſionem adverſus Georgium Tra-



pezuntium Platonis conviciatorem, *etsi in muscam (ait) aquila, in cuculicem elephas putari posse reposuisse videatur.* Quam defensionem quum Alerienfis perlegisset, sibi consilium arrisisse scribit, Platonicos nonnullos, gravitate, & doctrina excellentes, veluti ex tineis potius quam scriniis, eruere, & inter eos Lucium Apulejum, *in quo uno (inquit) summa eruditioni præcipua linguæ copia, & gratia conjuncta est.* De Apuleji Opusculis postea disserit Alerienfis, quæ perpetuum eruditionis penu jure appellantur: De suo autem in iis Opusculis recognoscendis labore ita loquitur Alerienfis: *Hæc ipsa emendandi, ut quibusdam fortasse videatur, simplicitas, ne dixerim, severitas, totum me sibi vindicat, absorbet, & abligurit, ut vix reficiendi corpusculi mihi tempus idoneum superet. Quod facili opera perspiciet, quisquis videbit, quæ nostri Impresores prælegente me effinxerint, effingantque assidue. Quæ quidem vel percurrere, ne dum attentius recognoscere, in tantis temporum angustiis, curisque multiplicibus, rei etiam familiaris, & insuper Exemplariorum perversitate, arduum admodum foret.* Apuleji Opusculis extremum in eo Opere se adjunxisse subdit Alerienfis Alcinoum, Philosophum & ipsum Platicum, servato honore suo Tropienfi Episcopo (fuit is Petrus Balbus Pisanus) ejusdem Interprete. Tandem Alerienfis, quemadmodum initio Præfationis suæ Cardinalem Bessarionem maximis laudibus cumulatam, præsertim quod Platoni foret affectissimus, ad Cælum extulerat, idipsum præstat ad ejusdem calcem de Nicolao Cardinale Cusano, & eam Præfationem claudit, Platonis obtrectatores aculeatis maxime verbis perstringens, ac inter cætera. *Vides (inquit) PATER BEATISSIME, quanto asilo agi, quanta vertigine contorqueri debeat quisquis se se obtrectatorem, & quasi polinctorum divini Platonis audeat profiteri, quem præsci omnes, quem veteres, quem mediæ tempestatis homines, quem nostræ ætatis maximi, quem Græci, quem Barbari, quem Christiani omnes eruditissimi, oraculi vice colant, observent, & prædicent.*

At hæc omnia disertius exponet Alerienfis Epistola, seu Præfatio, quam statim subjungimus.

*Joannis Andreæ Episcopis Alerienſi Epiftola ad*  
**PAULUM II. PONT. MAX.**

**B**essarion S. R. E. Episcopus Cardinalis Sabinensis, & Constantinopolitanus Patriarcha, Nicæni veneranda nuncupatione terrarum ubique celeberrimus, quanquam summis Reipublicæ Christianæ negotiis impeditus, merita tamen indignatione commotus, ac veritatis studio incredibiliter inflammatus, quod Tua Sanctitas maxime omnium novit, PATER BEATISSIME, PAULE II. VENETE, defensionis Platonicæ, immo Divinæ Philosophiæ, quando nil aliud est Plato, quam veræ Philosophiæ exemplar, libros nuper scribere adgressus, tanta id majestate, ac felicitate egit, ut conviciatorem calumniosum credi Plato ipse, divinitatis secretarius, possit, vel suggessisse, vel optasse, vel emississe. Qui enim inter mortales quodammodo non sola hominum benevolentia, ut multi, sed ingenii viventis amplitudine, & supernæ mentis divinitate, pro divo semper fuerat habitus, quique hodie, tanquam ingeniis ipsis quoque, & scriptis, calamitas, ac veluti frequens a morte interitus certis tempestatibus oritur, a Latinorum paucissimis, in exiguis quibusdam Opusculis, legebatur, a plurimis omnino ignorabatur, vix unica Platonis umbra, verius quam nomine, fuisse aliquando inter Philosophos creditus; is, inquam, ita Bessarionis tui, PATER BEATISSIME, defensione perlecta, sapientiæ ipsius antistes, & virtutis minime fucata magister, oceano quidem uberior, facillime in omni scientiarum genere excelluisse perspicitur, Platoque ipse id quasi volens, dum a maximo Bessarione laudetur, reprehendi se a cæteris facile patietur. Quis enim tali, ac tanto testimonio, aliorum si qua sint, aurita judicia, non se putabit debere contemnere? Usque quod de hoc Divino Platone nostro dixisse Antimachum clarum poetam ferunt, qui cum convocatis auditoribus, legeret eis magnum quoddam Volumen suum, & eum legentem omnes, præter Platonem, reliquissent: Legam, inquit, nihilo minus. Plato enim mihi unus instar est omnium; id verissime, ac sanctissime de Bessarione sapientissimo dici queat. Cujus cum ea sit, ut ipse semper prædicas, PATER SANCTISSIME, in rerum omnium maximarum usu peritia, ea in consiliis, vel gravitas, vel perspicientia, ut nihil de summis unquam rebus fiat, si Nicæ-

*ni unius desit auctoritas ; in studiis autem majoribus, & humanis omnibus, & divinis, ea facultas, & copia, ut plura legisse credi neminem possit, acrius lecta, & rectius intellexisse uberius paucissimos cultissimis quibusque temporibus, clariusque scripisse, ipse juxta pro populo, seu malis, pro terrarum orbe, Platonis defensor, unus satis esse censeatur ; etsi in muscam aquila, in culicem elephas, putari posse reposuisse videatur. Tametsi, PATER CLEMENTISSIME, nemo est, qui se se doctrinarum audeat profiteri studiosum, aut virtutum harum, etiam mediocrium, cultorem, quod divini Platonis non miretur majestatem, hominisque minime imitabilis non summopere immortalitate rapiatur. Quem cum in libris suis omnibus, tum in Oratore, M. Cicero maximis Philosophis comparat, & omnibus plane his verbis anteponit : Quamquam enim & Philolophi quidam ornate loquuti sunt. Siquidem & Theophrastus divinitate loquendi nomen invenit, & Aristoteles Socratem ipsum laceessivit, & Xenophontis voce musas quasi loquutas ferunt, & longe omnium, quicumque scripserunt, aut loquuti sunt, extitit & gravitate princeps Plato. Quem etiam in libri tertii de Oratore Praefatione ita laudat, & extollit, ut magis fieri nequeat : Omnino libros Platonis mirabiliter scriptos legi, qui scripti sunt divinitus. Plato linguæ, animi, & virtutis magister. Itemque in Oratore : Nec vero Aristotelem in Philosophia deterruit a scribendo amplitudo Platonis. In Bruto vero ita : Quis enim uberius in dicendo Platone ? Jovem siquidem, ajunt Philosophi, si Græce loquatur, sic loqui. Quin & Demosthenem, sciens, dicere de se in quadam Epistola, se studiose legisse Platonem. Quorsum hæc, inquires, BEATISSIME PATER, de Platone tam multa ? Equidem scripta a clarissimo Bessarione, tum cætera, tum pro Platone maxime, superioribus mensibus perlegens, putavi optimo consilio factum iri, si Platonicos nonnullos, eosque gravitate, & doctrina inprimis excellentes, Latinorum multis, propter librorum raritatem, multis item propter linguæ vetustatem, immo vero incredibilem elegantiam, ignotos, veluti ex tenebris, potius quam scriniis erutos, ea qua consuevi opera, ne dicam sollertia, nostris hominibus traderem perlegendos, quantulumcumque valerem, in tollendis mendis laborans diligentia. L. igitur Apulejum Platonicum, in quo uno summæ eruditioni præcipua linguæ copia, & gratia conjuncta est,*  
*mediocri*

*mediocri vigilantia, ut in exemplariorum penuria licuit, redegi in unum corpus, variis in locis membratim perquisitum, eumque Impressoribus nostris tradidi exarandum. De quo, PATER BEATISSIME, quædam fortassis lectoris non ingrata, huic inferere ad Te Epistola statui, non tam ut faciliore opera Apulejus intelligeretur (id enim longioris lucubrationis indiget) quam ut in novam materiam, veluti inaccessam prius viam, recens ingressos, indiciiis quibusdam, & quasi certioribus signis, quo magis & confiderent, & procederent, admonerem, ne rei ignoratione plus justo trepidarent: ut de Opusculis quoque ipsis, quæ in corpus unum redegi, quam ipse opinionem habeam, explicarem, potius quam sententiam ferrem; eoque item pacto posset videri, qualis Plato ipse fuerit, a quo tam magnæ dictionis orta est occasio, qui quidem a gravissimis, atque eruditissimis Philosophis habitus est verius pro oraculo, ne dicam Deo, quam pro magistro. De Alcino quoque causam adderem, quare illum Apuleji nostri Opusculis annexuissim. Paucis ergo audiant, mecumque intelligere studeant, Apuleii Platonici studiosi. Lucianus ille Syrus, argutulus in primis, atque elegans, vel Sophista, vel Philosophus, ut omnes Græci suffragantur, Satyrus tamen quidam in Philosophos, lusu verius, quam calumnia, multa scribens cum gratia, nemini Philosophorum pepercit omnino. Hic Lucianus Asinum inter cætera aureum lusit, seque in eum finxit esse commutatum: cuius rei varie traditur argumentum, quod non est hujus dictionis, & temporis explicare. Hunc Asinum noster Lucius æmulaturus, ingenii alioquin exuberantis, & ut Afer, acerrimi, Philosophus omnium illius ævi subtilissimus, se se dicit sciendi, atque experiendi incensum cupiditate, tum terrarum alio, tum in Thessaliam esse profectum; isticque apud Magarum maximam, quando quidem ea tempestate mulieres Thessalæ magicæ potissimum sciebant diversitatem, baud optabili occasione, dum in avem affectaret verti, se se in Asinum esse figuratum. Qua de conversione Divus Augustinus noster in præclarissimo de Civitate Dei Opere, quid opinetur, expressit. In corpore tamen asinino mentem hominis sui ait se retinuisse, atque ita sub Asino latitantem multa commoditate, difficilia alioquin cognitu, didicisse. Verum priusquam Asino vestiatur, fabellas mirificas ad rem pertinentes inducit. Asino exinde contextus, in ærumnosas, ac multifarias incidit calamitates, quas festiva*

*diſtione commeminit. Quo in toto ſermone, ſi quis recte intendat, mo-  
 ves humanos effictos, liquido perſpiciet explicari, & impræmeditatas fal-  
 laciæ argutias diſcet, quibus etiam cauti ſapiffime capiantur: cum non  
 homo homini, ſed lupo fit potius homo, ut ſcite Plautus inquit, dum qua-  
 lis fit homo, non noſcitur. Inſpergit tamen ubique res ejusmodi noſter  
 Lucius, ex quibus omnium eruditiffimus, ut prædixi, illius temporis mor-  
 talium facile fuiſſe videatur. Quod ex ea potiffimum cernere eſt Fabula,  
 quam obiter anum quandam conſolatricem puellæ captivæ referentem in-  
 ducit. Quam quidem rem qui certius cupiunt noſſe, Fulgentii de ea ipſa  
 fictione interpretamenta perquirant. Is enim vir doctus in primis com-  
 mentatus eſt illam. Tandem exanclatis multis, ærumnoſiſque laboribus,  
 ut ipſe ait, ideſt cum ſumma animi anxietate, & corporis moleſtia ſupe-  
 ratis, ac victis, tranſcurſiſque multiplicibus vitæ hujus fallacium hominum  
 machinamentis, atque exercitiis, Lunæ auxiliatricis ope, roſis de manu  
 Ægyptii Sacerdotis acceptis, ac devoratis, homini eſt priori ſuo reſtitu-  
 tus, & religionibus magnis initiatus. Hic eſt Afinus ille aureus, tanto  
 dicendi lepore, ac ſale, & linguæ gratia compoſitus, ut quisquis illum  
 ſtudioſius leſtitarit, in diſtione latina fieri terſior queat, atque cumula-  
 tior. Nam quia res ſunt diverſiſſimæ, omnes ſecretiores linguæ theſau-  
 ros, in eo Lucius effundit, ac quantum in dicendo valuerit, reſerat,  
 verbis adeo propriis, & accommodatis, ut non ſcribere, ſed pingere plane  
 hiſtoriam videatur. Per pauca ſane, uti ego arbitror, in media vita ho-  
 mini poſſunt accidere, quæ latine proferre, aut ſcribere cupienti, hinc de-  
 promi ſufficienter non valeant. Ubique enim eſt lepidus, caſtigatus, ve-  
 nuſtus, aptus, varius, copioſus, concinnus, præſto, ut naſci ibidem,  
 non extra adſciſci videatur oratio. Dixit fortaiſſis aliquis, minus tri-  
 tam eſſe, atque uſurpatam Apuleii noſtri diſtione. Idipſum eſt, quod  
 ego demiror, quod laudo, quod extollo, quia non detrita quadam, non  
 ſuccida, non ruſtica, non ſqualenti, & laciniola oratione, non procul-  
 cata, non vulgatiſſima denique, res cotidianas ex media vita ſumptas edi-  
 ſerit: quippe qui non popinis, aut meritoriis tabernis, aut nugalibus tri-  
 viis, aut myſticorum compitis ſcribit, ſed elegantia, ac cultioris doctri-  
 næ urbanis hominibus, atque ſtudioſis. De multis tamen, BEATISSIME  
 PATER, ſi per vitam licebit, & tuam Clementiſſimam Sanctitatem, ubi a  
 recogni-*

*recognitionum munere pauxillum quivero respirare, animus est mihi, rudibus, inexpertisque, & literarum tyrocinia ingredi incipientibus, aliquid scribere. Nunc hæc ipsa emendandi, ut ego puto, necessitas, ut quibusdam fortasse videatur simplicitas, ne dixerim temeritas, totum me sibi vindicat, absorbet, & abligurit, ut vix reficiendi corpusculi mihi tempus idoneum superet, quod facili opera perspiciet, quisquis videbit, quæ nostri Impressores prælegente me effinxerint, effingantque assidue. Quæ quidem, vel percurrere, ne dum attentius recognoscere, in tantis temporum angustiis, curisque multiplicibus, rei etiam familiaris, & insuper exemplariorum perversitate, arduum admodum foret. Quod Deo, & Te, PATER BEATISSIME, ejus Vicario Sanctissimo teste, ideo dico, ut æquo animo patiantur nonnunquam legentes, si quæ invenerint ad unguem minus, ac rubricam, & punctum castigata, atque descripta, & me tamen non putent bis verbis culpam deprecari. Quis enim audeat, possitve in tot, tamque confragosis mendis, tam pravis descriptionibus, tam raro lectis Auctoribus omnes mendas sperare se dempturum? Et ut quod certum est dicam, Impressorum quoque nostrorum operarii, nonnullis in locis ab exemplaribus meis aliquantum aberrant, quod aliter certe fieri est perdifficile. Si tamen Deus dederit mihi tuarum castarum precum, PATER BEATISSIME, merito, ut alioquin C. Plinium difficillimum illum omnium, qui scripserunt, propter mendas Authorem, quem in præsentia cum meo Theodoro Gaza eruditissimo in manibus teneo, vel mediocriter absolvam, propositum est in notitiam ferre, tam Plinii ipsius nonnulla, quam Apuleji, & ejusmodi reliquorum quorundam verba defueta ex fragmentis veterum Scriptorum, quæ licebit, colligendo, recentioribus etiam nostris adjunctis, amicorumque undique imploratis auxiliis, ut hodie certe manca latinitas in verborum desitorum prope explicatione, plus aliquantulum habeat adjumenti. Sed his missis ad Lucium nostrum redeamus. Metamorphosin, uti prædiximus, quam Fabulam ipse Græcanicam appellat, non interpret Apulejus, sed æmulator scripsit. Ab ea ego, uti a majoris operæ libello, initium feci. Secundum locum obtinent Floridorum quatuor libelli, neque enim hoc tempore plures potui diligentia multa adhibita indipisci. Ea nuncupatione merito inscripti, flosculis enim & odoramentis doctrinæ omnis in illis oratio inspersa est. Sunt enim veluti*



*luti brevissimi, ac casti quidam panegyrici; sed rebus gravibus prægnantes, & farti, ad Africæ Proconsules ab Apulejo habiti, in provinciæ ipsius capite, Urbe Carthagine. In iis historia sane brevis est, sed varietate miranda, usque adeo legentem explens, & oblectans, ut pauci libelli plus contineant voluptatis. Tertio vero ab Asino, & Floridis loco magnificas in primis, & doctissimas magicæ calumniæ defensiones posui, in quibus mirifice dictioni Lucianæ adjuncta est rerum abstrusarum penitus magna varietas, & cognitio necessaria. Est enim sequentium omnium Opusculorum id ipsum præcipuum. Quartus erit de Deo Socratis liber, a divo nostro Augustino sapius in præclaris Voluminibus de Civitate Dei, ad rerum primarum, & caelestium opportune citatus testimonia. Ibi de Geniis multa dicuntur. Quis item fuerit Deus ille, ut veteres dicebant, Socratis Philosophi consiliarius, arbiterque, ibidem facile perspicietur, & clarissime præterea quis, & quatenus magister, in ipsa divinarum rerum prima Philosophia noster fuerit Plato. Quintus ordine is liber sequitur, qui quasi calumniatores futuros Platonis aliquando præfagiens, veluti dedita opera ad defensionem divini hominis putari potest esse perscriptus, atque preparatus. Qui quidem, ut ipse, quod sentiam, exsponso dicam, planiore dictione quadam, quam cæteri, scriptus est ab Apulejo, quemadmodum & reliqui quoque omnes, de quibus subinde explicabo. Forsitane non esse Apuleji, ex hujusmodi orationis filo arguerent, nisi extarent & varia, & vetustissima non nullibi exemplaria, indicibus Lucii nostri Platonici præsignata, quæ hoc tempore a me Romæ nequiverunt, admodum id optanti, inveniri. Sed hæc satis sint de mea libellorum Apuleji opinione. Ad rem redeo. Licet, PATER BEATISSIME, vera fateri. Fuere etiam aliis temporibus Platonomastices quidam pro suis meritis digna munerati, meri ipsi verberones in Antistitem naturæ ausi jactare convitia. Ii non ea copia, qua novus quidam Theristes, sed a magnis tamen Achilibus pugnis justæ ultionis sunt mactati. Quibus si merita sacrificiî quoque alicujus gratia rependi debet, digni profecto sunt omnes eo sacro, quo Junius Brutus, Tyrannorum Tarquiniorum ab Urbe tua Roma exactor, pro capitibus humanis, Maniam, Larum matrem, propiciandam esse instituit. Cum enim prius sacri immanis horrore, Larvæ illi, & vere furiosæ, capitibus humanis detestabili vesania, fieret res divina, quod*

*etiam*



etiam Macrobius gravis Author meminit, libertatis Romanæ dignus asseritor, & patronus Junius Brutus, alii fatentis, & papaveris somniculosi capitibus jussit congruens Maniæ fieri sacrificium. Hoc quæso honore calumniatores & Platonis, & reliquorum ejusmodi Virorum, PATER BEATISSIME, patere honorari. Quid enim festivius possit excogitari non invenio. Nam fetutinis, & olenticetis omnibus immerfari tales jure debent, atque obrui, & cum alii Horatiana quoque execratione in ultimas terras deportari, ubi perpetuo somno, & veterno sopiti, quasi nunquam fuerint, ignorent; quando præcipiti rotati vertigine, iis Viris detrabunt, qui humanitatem divinis ornamentis induerunt, luminibusque splendidissimis illustrarunt, quos sani capitis omnes homines venerantur, suspiciunt, admirantur. Quippe qui pene jacentem in tenebris ignorantia mundum scientia sua, & laboribus perpoliverunt, ostenderuntque, quonam adjumento ab infimis terris ad superna sydera homines evolarent, & veluti fortiores intellectionis divinæ alas, quibus facere id possent, addiderunt. Qualem omnium gravissimo testimonio, & vero, tam nostrorum, quam Gentilium, Platonem fuisse, qui nescit, est rusticus, qui dissimulat, ingratus, qui negat, perditus, qui calumniat, amarulentus prorsus, atque detestandus. Cui Viro si vel alterum parem Gentilium ætas omnis ante Domini nostri Jesu Christi adventum habuisset, potuit mundus squalens, non dicam ab omni cæcitatæ errore, nam id per Clementissimum Deum ipsum duntaxat erat futurum, sed profecto prope ab omni inscitia liberari. Qualia enim, Jesu bone, docuisset, qui tanto sublimi Platone fuisset major, quanto divinus ipse homo majoribus suis omnibus anteiverat? Quod si præsentis negotiæ, & instituti operis munus primum foret, dicere speciatiim, quæ res tanta possit de Platone, expanderem equidem aliis antennis vela grandiora, ostenderemque me quoque castissimo, & purgatissimo illi Antistiti sapientiæ nonnihil aliquando vigilasse. Verum ad Apulejum revertor. Hic Philosophus, etsi breviter, aliquo tamen pacto, dogma, hoc est, decretum, ac sanctionem Platonis exposuit, & ejus ipsius partem sub Philosophiæ vocabulo tantummodo delibavit. Sextum locum obtinet de Mundo liber, ab Aristotele sapientissimo, & Physicorum maximo, ad Alexandrum Regem scriptus, ab Apulejo nostro Latinis exhibitus, ut unus vir ex Platonicorum familia, uterque posset & Platoni-

cus, & Aristotelicus esse censei, maximo utrique, & in suo genere Philosophorum primario affectissimus, atque laudis utriusque prædicator indefessus. Et merito; utrumque enim idem recta expensione sentire, minimeque, quod quidam arbitrantur, dissentire, eo modo tacitus judicabat. Quo in libello tanta est, præter illius rei cognitionem, qua de agitur, hoc tempore vel utilitas, vel facultas, ut pauci fortassis Latinorum libelli utriusque linguae in eo scientiarum genere studiosis videri commodiores possint; cum præsertim idem ipse sit Trimegistum interpretatus, & antiquissimum & divinum Philosophum. Qui liber septimum locum in operibus tenebit Apuleii, ejusmodique interpretamento iis gradum omnibus faciet, quipure, ac latine illa quoque voluerint, quæ a forensi magis sunt dictione remota, nequaquam horridule interpretari. Extremum in hoc opere posuimus non ita pridem conversum Alcinoûm, Philosophum & ipsum Platonicum, latius paulo divini Platonis sanctiones, & decreta explicantem, cujus Interpreti Patri Reverendo Episcopo Tropiensi honorem suum justè servavimus, Præfationem ejus libro Alcinoi apponendo. Quod eo etiam pleniore egimus voluptate, quia hic libellus ad Virum maximum Nicolaum Cusensem, Cardinalem, dum viveret, Sancti Petri ad Vincula, cujus nos ipsi in gratissimo nobis, & utilissimo fuimus sex continuos annos obsequio, est inscriptus. De cujus quidem Viri summis laudibus, & virtute quisquis velit scribere, facillime, quod laudet, obvium, promptumque inveniet: ubi tamen desinat, aut cui, quod præferat de summis ejus meritis, vel ornamentis, nunquam, si sapiat, poterit exactè judicare. Fuit enim Vir ille, quod non Tibi, PATER BEATISSIME, sed posteris dico, tanta bonitate, ut Vir eo melior numquam sit natus, vitiorum omnium hostis acerrimus, atque publicus inimicus, & fastus, atque ambitionis ita adversarius, ut quivis maxime: quibus hominum quorundam perversa opinio, quanto magis abundant, eo se putant firmiter, & augustius dignitatis suæ locum, gradumque servare, seque ipsos magis honoravis; tanta vero integritas, ut facilius Apenninus, aut Alpes reliquæ, quam sancte, ac justè ab eo semel concepta sententia, loco potuerint dimoveri. Nec quisquam illi Viro absque justitia, & pietate carus unquam fuit. Ea honestorum laborum patientia, in declivi etiam senectute jam posito, ut annos cum labore æstimantes, aliquid in eo majus homine facile esse sentirent. Ea & bene-

*benefaciendi, & gratificandi promptitudo, ut natus omnibus maxime, sibi ipsi minime videretur. Ea gratiæ referendæ, si præventus, ut fit, a quopiam merito foret, festinatio, & copia, ut vitam quoque pro benevolentibus effundendo, se tamen satisfacere non posse beneficiis judicaret. Usque adeo vero studiosus, ut meipso præsentē, & maxime admirante, in hyberno quoque longo itinere, totum diem ultra millia passuum quadraginta Germanica transgens equitatione, quæ solet esse laboriosior, noctibus tamen, & senex, & quod credi poterat, defatigatus, strato se propriens suo, gravissimas Theologiæ, interdiu secum obiter commentatas, manu sua scriberet Quæstiones, nobisque audiendi ejus percupidis in via, postridianis semper mansionibus faciendis, divini animi sui inventiones explicaret. Sane equidem tanta doctrinarum omnium ubertate Nicolaus, quod est dictu mirabile, fuit, ut quicquid ex tempore dicendum incidisset, tali id semper ille copia edissereret, ut ei solum facultati censeretur studuisse. Vir ipse, quod rarum est in Germanis, supra opinionem eloquens, & latinus, historias idem omnes, non prisca modo, sed mediæ tempestatis, tum veteres, tum recentiores usque ad nostra tempora memoria retinebat. Gesta præcipue Conciliorum omnium, Ecclesiasticam scilicet Historiam, non summatim, sed per capita singula, & veluti diarias ipsas actiones, examussim crebro referebat. Rerum origines, quasi Christianus Cato, & facti cujusque ordinem explicabat, ut vel unica ista re videri facile quiret admirabilis. Quæ tamen majoribus cæteris comparata, inter illius laudes locum sibi minimum vindicabit. Poetas, & Oratores dissimulabat sane, verum, ut erat ingenio peramæno, nequaquam ignorabat. In disciplinis Mathematicis suo tempore Nicolao doctior fuit nemo; quod quidem Viri illius plurimæ testantur scriptiones. Jus civile, & Pontificium recte, pureque didicerat, &, ut immortalī, atque æternæ memoria erat, tanquam tunc primum ex illorum studiorum officina prodisset, memoriter sanctiones, & Patrum decreta omnia, & doctorum insuper sententias recitabat. Philosophiæ Aristotelicæ acerrimus disputator fuit; Theologiæ vero Christianæ summus Interpres, & Magister, & cælestis arcani Antistes sapientissimus. At Platonis nostri, & Pythagoræorum dogmatum, ita cupidus, atque studiosus, ut nemo magis illi scientiæ putaretur intendisse. Quod equidem duobus exemplis breviter, &*


verissime, confirmabo. Proclum habebat Platicum mendosissime scriptum, acri tamen ingenio adeo ei rei intelligendæ assiduus institerat, ut etiam ex mediis librariorum mendis solidam rerum eliceret veritatem. Quod ea ratione perspectum est, quia deinde oblato illi forte fortuna vero quodam exemplari, ita inventus est Proclus ipse scripsisse, veluti Nicolaus ingenio suo fuerat conjectatus. Parmenidem Platonis magna veluti ardens siti, de Græco in Latinum fecit converti, item Platonis Theologiam a Proclo, quem modo nominavimus, scriptam. His ille libris, veluti thesauris suis, & propriis maxime recreabatur, ut nulli alii rei tantopere vigilaret. Quod quare in Epistola hujus calce dedita opera posuerim, Tibi, PATER BEATISSIME, ut dicam, est necesse; nam de Nicolao tuo cætera me rectius, & plenius ipse cognovisti. Ostendi initio meæ Præfationis Virum excellentissimum Bessarionem, Cardinalem Nicænum, Platoni magna ratione esse affectissimum. Idipsum & de Nicolao Cusensi Cardinale, dum viveret, Sancti Petri, declaravi. Quis igitur nisi ineptus, & vanus audebit nostra ætate a Viris his duobus, facile doctorum principibus, dissentire? Quis gravis, & sanus, non maxime consentire? Vides, PATER BEATISSIME, plane vides, quanto asilo agi, quanta vertigine contorqueri debeat, quisquis sese obtrectatorem, & quasi polinctorem divini Platonis audeat profiteri: quem prisca omnes, quem veteres, quem mediæ tempestatis homines, quem nostræ ætatis maximi, quem Græci, quem Barbari, quem Christiani omnes eruditissimi, oraculi vice colant, observent, & prædicent. Prodeant ex gurgustis, si satis sibi nondum videntur prævaricatione præterita delirasse, Daretes novi. Aderunt Entelli ad pugnandum, non præcipientes illi quidem, sed iusta indignatione provocati. Prodeant Therpsita, & Achilles aderunt, vincendi fiducia, & divinis armis instructi. Prodeant Marsia, & Apollines provocent, ut Musis arbitris, ac iudicibus, diffuant excoriati, non in nostri orbis fontes, sed in cocytos Infernos, Lethæas voragines, atque æstuosos pblegetontes. Da veniam, PATER BEATISSIME, contra fabulosos, & lucifugas bosce fabulis utenti. Nam si resipiscant, quod equidem opto, palinodias commodum per plateas decantabunt; neque id solum, sed per & compita scriptas assigent, ut facti cæci parte sui meliore, luminis exiguum, lucisque recuperent. Quæ enim, malum,

*malum, fuit stultitia? immo quæ tanta insania? quis stupor? pulvere, ac calce Solem niti, ac contendere obtenebrare, ut in altum sublatus pulvis in jaculatorum ipsorum oculos recidens, lucem omnem eis eriperet? Quod profecto iis accidit, quicumque Platonicum Solem sese temere obscuraturos crediderunt. Nos tamen non de miseris triumphum optantes, Christianisque, & Platonis simul radiis, & humanitate illustrati, cæcos istos miserati, demus errantibus, & stupidis, & nihil cernentibus, nihil intelligentibus, omnino veniam manum; ad fontesque omnes pœnitentiæ, conscientięque deducamus, ut loci retractationis aqua, lippientesque oculos inuncti, doloris medicamento aliquando discant meliora, ingemiscantque errasse. Tibi sit, & Tuo gregi felicitas perpetua, PASTOR, ET PONTIFEX SANCTISSIME, per quem tempora nostra assidua pace lætiora florescunt. Quod ut perpetuum, & Tibi, & nobis sit, Dominus ipse Omnipotens misericorditer impartiat.*

Bessarionis erga Philosophiam Platoniam studium, quod Alerienſis in hac Epistola testatur, compertius adhuc evadet ex §. XXII. præterquamquod de eo ita constat, ut novis documentis non indigeat. Singularia sunt, quæ de eo ipso studio Nicolai Cardinalis Cusani tradit Alerienſis, præsertim de Procli Codice adeo acri ingenio ab ipso a mendis expurgato, ut novus Codex forte fortuna postea oblatuſ, ita Proclum scripsisse, quemadmodum Nicolaus conjectaverat, comprobaverit; nec non de gravissimis Quæſtionibus Theologicis, quas vel iter agens hyberno quoque tempore secum obiter interdium commentabatur, noctu vero strato se propriens suo, licet annis, & longæ equitationis labore pressus, in scripta redigebat, sociisque, inter quos Alerienſis, audiendi percupidis identidem læſtitabat in otio mansionum.

Nota, quæ legitur ad calcem Editionis, unde Alerienſis Epistolam descripsimus, hujusmodi est: *Lucii Apuleii Platonici Madaurenſis Philoſophi Metamorphoſeos liber, ac nonnulla alia Opuscula ejusdem; nec non Epitomata Alcinoi in disciplinarum Platonis deſignunt. Anno ſal. MCCCCXLIX. PAULO VENETO REGNANTE SECUNDO, anno ejus quinto, die vero ultima menſis Februarii. Romæ in domo Petri de*

*Maximo.* Apulejanæ Metamorphoseos elegantiam, & acumen parum profecto sapit Alcinoi hujus Philosophi in Alcinoum Phæacum Regem, de qua diximus Primord. Corcyr. Cap. XVII. facta conversio in Indic. Biblioth. Coislin. (a).



## STRABO.

### §. XXI.

Strabonis quoque Geographiam in Latinum versam Romanâ præla in lucem eduxerunt, PAULO II. Pontificatum gerente. Interpretes fuerunt Guarinus Veronensis, & Gregorius Tiphernas ex demandata eis cura a Nicolao V. Pontifice Maximo. Horum Exemplaria quum in manibus sumpisset Alerienfis, typis excudenda curavit, usus ope Theodori

- (a) En tibi ipsa Eminentissimi quondam Cardinalis verba, quibus l. c. p. 140. sq. usus est: Facilius æquus lector ignoscat juveni Ascetæ (quam Andreæ Marmoræ, Historiæ Corcyrensis auctori) „Indicis „in Bibliothecam Coislinianam, a Bern. MONTFAUCONIO summa „more suo diligentia recensitam, concinnatori, quod Alcinoi Phæa- „cum Regi, Nausithoi filio, tractatum cujusdam Alcinoi Plato- „nici, *περί τῶν Πλάτωνος δογμάτων*, de Platonis dogmatibus, adscrip- „serit. Palmarium quidem sphalma. Nam refertur ille scriptor a Vi- „ris doctis ad initia secundi a Christo nato sæculi, ac proinde mille „tercentos circiter annos post Alcinoi regis tempora. Verumtamen „hoc seu ex incitia (quod vix crediderim) seu ex præpropere in „scribendo festinatione (quam probant alia in eo Indice perperam „posita) admissum, leve videatur præ mendaciis illis, ex quibus „tota Andreæ Marmoræ narratio facta est, Alcinoi instar Apologo- „rum, quales

*Nec pueri credant, nisi qui nondum ære lavantur.*



dori sui Gazæ, Andronici, Lampique Biragi; ita enim eorum nomina effert Alerienfis Epistola mox recitanda.

*Joannis Andreæ Alerienfis Episcopi ad* PAULUM II.  
PONT. MAX. *Epistola.*

**G**eographiam multos scripsisse novimus, PATER BEATISSIME PAULE SECUNDE VENETE PONTIFEX MAXIME, temporum nostrorum felicitas, & gloria, cum ejusmodi sit doctrinæ opus, quod omnibus gratum, a pluribusque tractatum, vix unquam tamen ad plenum, vel apprehensum, vel explicatum esse censeatur, dum nunc Cæli, nunc Marium, nunc situum cæterorum ratione aliquid priorum scriptis adjici posse perspicitur, tanta consequente lectionis hujus studiosos utilitate, ut indoctus nemo videri sanius possit, qui vel exactam membratim, vel in summam collectam rationem reddere patriarum queat. Illum sane Reges maximo honore prosequuti sunt, illum ingentes sunt exercitus admirati, illum ductores Legionum, tanquam cælestem ducem, sunt sequuti, illum miro amore omnes mortales sunt exosculati, quem regionum peritiam callere didicerunt. Ob eam rem divino ingenio, atque eruditione viri Hipparchus, Eudoxus, Eratosthenes, Hippias, Sebosus, Bion, Xenophon Lampiscenus, Beron, Timæus, Dionysius, & artis totius splendor, & constans artifex Ptolemæus, & ante illum Plinius, ac Mella, Augustique temporibus Strabo, aliique per plures nunquam satis laudati prodire. Absque id genus Viris nulla ab Imperatoribus, ac Regibus unquam expeditio est suscepta. Id Christianitatis Principes, ac Sedis Tuæ Romanæ Ecclesiæ Sanctissimi Antistites recte intelligentes, & ante omnes Pontificum Maximorum splendor ingens Nicolaus Quintus Prædecessor baud dudum tuus, PATER SANCTE, miro studio egerunt, ut Ptolemæus, Straboque Cretensis, non minus Historicus, quam Geographus, atque Philosophus, & Homericæ majestatis illustris expositor, Romanis vocibus audirentur, demandata rei miræ difficilis provincia multi nominis Viris Jacobo Angelo Florentino, in mathematicis doctissimo, ab Alexandro Quinto transferendi in latinum Ptolemæi; Strabonis vero a Nicolao item Quinto, Guarino Veronensi, & Gregorio Tifernati. Quorum ego in manibus sumptis

exem-



exemplaribus, ex Gregorii Archetypis Asiam, atque Africam describi feci; Guarini autem Europa perfecta, quæ in ea multa deerunt fragmentis, ut puto, Græcorum illius exemplarium, amicorum ope addi omnia procuravi. In quo Theodoro meo Gazæ, atque Andronico, Lapo item Birago, Græce, Latineque doctissimis Viris, non exigua gratia est habenda. Equidem Strabonem scio lectionis varietate, copiaque, ac summa rerum plurimarum esse eruditione singularem, multoque in sua, quam in nostra lingua magnificentior, in qua etiamsi non est verior, aliquanto tamen futurus est clarior, Latinis hominibus incredibiliter placiturus. De quo pro Viri merito, atque amplitudine nihil dici nimium potest. Sed ab optimo homine Cretensi ad ineptissimam rabulam, bonos omnes calumniantem, PATER SANCTE, cum tua bona venia verenda est Epistola. Illius enim maledicentia irritatus, tamdiu tacui, quod locum, in quo insigniter eum affigerem omnibus spectandum, non quia tam diu mihi silendum foret, expectabam. Feret igitur Cretensis illustris Cœnsulanum suum per totum Orbem obscurissimum, qui sanctis laboribus meis, utilibus communi studiosorum Reipublicæ, medius irruit importune, ut sava in fruges calamitas, utque in armenta lues, Erinnyes verissime improba quietorum. Hunc quoniam amarulento quondam Timoni, mortales omnes odio insequenti, simillimus est, non alio, quam Cenotimonis, idest, novi Timonis nomine, cum honoris præfatione, doctis omnibus iuste mihi ignoscentibus, appellabo; ita ut si inter ulcerosi illum tergi, ut dicitur, plagas tetigero, responsum sciat, non dictum prius; nec deinceps usque adeo fiat præceptum in conviciando, ne dicendo quod velit, quod nolit cogatur audire. Ignoscam enim illi in præsentia pene omnia, quæ, si irritabit crabrones, secundum banc prægustrationem profundentur. Nam tanquam omnis docte, castæque scribendi occupatus locus omnino foret, nec ulla superesset materia sapientiæ, in tetræm penitus, ac cadaverosam totum se se conviciandi demersit fœditatem, ut nostra iustior fiat iracundia. Quæ enim (proh dolor!) intemperies, quæ larvæ, quæ nisi extrema dementia hos impulit in Platonem &c.? Fusiores, quæ subsequitur, in Georgium Trapezuntium Invektivam, quum ad argumentum nostrum minime faciat, describere prætermittimus, solum adnotantes Georgium stomachatum fuisse adversus Algeriensem,

sem, præsertim quod Platonem, *Divinitatis secretarium*, dixisset, huiusque impii, ut ipse ait, facinoris vindicem PAULUM ipsum Pontificem flagitasse. Tandem his verbis Epistola clauditur: *Tu, PATER BEATISSIME, etiam, atque etiam obsecro, ignosce necessitati hujus Epistolæ, quæ omnino est contraria studiis meæ voluntatis. Vale semper felicissime, sanctissimeque, ac placidissime Pontifex.*

De PAULI II. in Georgium Trapezuntium pietate jam diximus Vindiciar. Cap. I. Plura de eodem Lector deprehendet in Diatr. Prælimin. ad Epistol. Franc. Barb. Part. I. Cap. III. §. II. ac præsertim de Platonis legibus ab ipso in Latinum versis, & de suscepta a Bessarione adversus eundem Platonis defensione.

In Aleriensis Editione, quæ mihi ad manus, anni indicium desideratur, solumque ad ejus calcem recitantur versus: *Aspicias illustres &c.* unde & impressionis locus, & impressorum nomina certo innotescunt. Ita etiam nuncupatoria Aleriensis Epistola certos nos facit, Editionem illam ante finem anni 1471. quo PAULUS II. e vivis excessit, prodixisse. Alia per eosdem impressores, & cum iisdem ad calcem versibus prodit an. 1473. nam post eos versus hæc nota habetur: *MCCCCLXXIII. die vero Veneris XII. mens. Februarii.* Utramve incompertam habuerunt reliqui omnes Strabonis Editores, adeo ut vel in luculentissima Editione Amstelædamensi an. 1707. apud Joannem Wolters Indiculus veterum Editionum a Veneta an. 1480. inchoetur. Eam ipsam pro prima habuit Fabricius Bibl. Gr. lib. IV. cap. I. ibique monet antiquioribus Guarini, & Gregorii versionibus ultimam manum imposuisse Jacobum Antonium Marcellum. Quod autem subdit, Guarinum, sive æmulatione æqualis sui Gregorii (ut Vossius p. 585. de Histor. Latin.) sive Nicolai V. Pontificis jussu (ut Gesnerus in Biblioth.) transtulisse ea, quæ de Europa Strabo, ut Gregorius ea, quæ de Asia scripsit, verterat, certiore testem recipient Aleriensem in Epistola. Hanc pariter recitatam reperio in Veneta Editione anni 1494. per Joannem Vercellensem, ignota & ipsa Editori Amstelædamensi, & plerisque omnibus de rei Typographicæ origine agentibus.

Exstat breve Epistolium, quod recitabo, Francisci Philelphi ad Guarinum Veronensem, unde dignoscitur vel ab an. 1448. hunc de Strabone interpretando cogitasse. *Strabonem Geographum (inquit Philelphus) quem a me petis commodato, darem ad te quam primum, si penes me foret. Sed eum ab usque Constantinopoli cum aliis meis permultis libris misi ad Leonardum Justinianum, Virum clarissimum, & tibi æque amicissimum, atque ipsi mihi, ea scilicet lege, ut cum primum in Italiam revertissim, bona fide restitueret. Nunc illo vita functo, libri omnes sunt apud ejus filium Bernardum, Virum optimum, Patrique simillimum. Tu rem tenes. Vale ex Mediolano III. Non. Aug. MCCCCXLVIII.* De Codice ipsiusmet Guarini manu exarato, quo Strabonis Versio continetur, cuique præmittitur Epistola nuncupatoria Jacobi Antonii Marcelli ad Renatum Andegavensem, Regem Neapolitanum, mentionem fieri reperio Veron. Illustr. lib. III. ubi de Guarino, indeque certo constare, non decem solum, sed decem, & septem libros Cosmographiæ Strabonis a Guarino fuisse conversos.

Idem Philelphus Epistolar. lib. XXIV. in una ad Arginum Buxetanum magna cum laude meminit Andronici Byzantii, quem eruditissimum, & eloquentissimum vocat, ac proinde Arginum laudat, quod Græcæ studens disciplinæ, eam ex Andronici fontibus hauriret. Forte Andronicum hunc designat Aleriensis in recitata Epistola, ubi eum Theodoro Gazæ, & Lapo Birago consociat, horum omnium opem expertus in edendo Strabone. Fuerunt præterea eodem tempore Andronicus Thessalonicensis, & Andronicus Callistus, necnon Andronicus Contoblanca, Græcarum literarum peritia florentes, iisque edocendis occupati.

✱ ) ○ ( ✱

✱

# PLATONIS DEFENSIO.

## §. XXII.

**R**ecenſenda venit hic Platonis Defenſio a Beſſarione compoſita, de qua multa differentem vidimus Alerienſem in Præſationibus ad Aulum Gellium, & ad Strabonem. Ea in quinque libros dividitur, quibus titulus: *Beſſarionis Cardinalis Sabini, & Patriarchæ Conſtantinopolitani libri V. adverſus Calumniatorem Platonis.* Iſdem ſextus adjungitur cum hoc titulo: *Liber de Natura, & Arte adverſus Georgium Trapezuntium Cretenſem (b).* Nulla in Codice, quem in manibus habeo,

F f 2

beo,

(b) Nitida hæc editio Bibliothecam noſtram publicam ornat. Noſtrum etiam exemplar anni notatione caret, ſed opus hoc A. 1469. typis exſcriptum eſſe; ex ipſius Cardinalis BASSARIONIS epiſtola ad Marſilium FICINUM, ſcui illud dono miſit, eo anno idibus Sept. data didici, quam, cum brevis ſit, hic recitare juvat. Ita autem Vir quondam ſummus: „Spectate docteque Vir, amice noſter. Superioribus litteris elucubratum opus noſtrum & nuper editum: „IN DEFENSIONEM PLATONIS, nos ad te miſſuros promiſimus, „cum ob ingenium tuum, & Platonice doctrinæ ſtudium eximium: „tum ut quid nos ex illo fonte hauſerimus, facile perſpicias, & „legas. Siquid enim in hac induſtria noſtra vel eloquentiæ vel bonarum artium cognitionis eluxit: ſi quid fuimus, id omne vel „nos ab illo accepiſſe, vel ipſum ſibi ſe defendendo ſuppeditaſſe, facile exiſtimari patimur & volumus: quod non nihil quoque ad „illius laudem pertinere videtur, ut ſuis viribus, ſua amplitudine „cauſam pro ſe dixerit, alieno auxilio non eguerit, voci tantum „patroni locum reliquerit ac ſtudio. Hunc librum ad te dedimus „iis, qui curam hic gerunt rerum illorum ex Medicis: quo mittendo cum fidei & promiſſo noſtro omnino, tum ſtudiis tuis atque „animo erga Platonem non nihil ſatiſfactum eſſe putamus. Bene „vale, & an librum acceperis, nos facies certiores. Ex urbe idi- „bus

beo, anni notatio, sed in fine leguntur versus: *Aspicias illustres &c.* qui probant libros illos typis excusos fuisse multo ante Aldinas an. 1503. & an. 1516. Editiones, quas proinde immerito tanquam principes memorat Fabricius Bibl. Gr. Vol. X. Opus suum inscripserat Georgius, *Comparisonem Platonis, & Aristotelis*, illudque a Georgio scriptum fuisse in gratiam PAULI II. ægre ferentis Platonicos Academiæ Romanæ, tradi affirmat Fabricius in laudato Vol. X. & ad Diarii Veneti Tomum XV. Lectores amandat. Ex paulo ante laudatis Alerienſis Præfationibus nil minus arguitur, quam PAULUM Georgio in hac causa potius quam Bessarioni favisse. Nil autem iniquius, quam sapientissimo, & religiosissimo Bessarioni notam inurere impensæ patrociniæ Romanis illis Academicis, quos PAULUS iusto odio insectabatur, ut dictum est Vindic. C. I.

Atque in hunc modum exhaustimus universum librorum illorum Elenchum, qui opera Conradi Sveinheim, & Arnoldi Pannartz, horum typis Joanne Andrea Episcopo Alerienſi hortatu, ope, assidua inspectione

„bus Septembris. MCCCCLXIX. Inferta est illa Epistolis Marſilii FICINI Venetiis A. 1495. in fol. excusis Lib. I. f. VI. ubi etiam FICINI responſum legitur, Platonis & BESSARIONIS laudibus turgens. Luculenter hanc ipsam editionem descripsit, opusque copiose recensuit S. R. ac Celeberr. Theologus Augustanus D. Jac. BRUCKERUS, amicus meus veteranus, in *kurzen Fragen aus der philosophischen Historie*, Tom. V. p. 1504. sqq. qui & de Bessarionis vita ac meritis erudite exposuit in *Historia Critica Philosophiæ* Tom. IV. Part. I. p. 43. sqq. Eleganter præsertim ac doctè ejus res gestas & scripta enarravit D. C. F. BOERNERUS in egregio libro de doctis hominibus Græcis literarum Græcarum in Italia instauratoribus, p. 36. sqq. qui etiam Platinæ panegyricum in laudem illius scriptum p. 81. sqq. recudendum curavit, libroque suo graphicam effigiem Viri præstantissimi ex pereleganti pictura, quæ exstat Venetiis in Schola S. Mariæ Charitatis, æri incisam præfixit.

ctione adlaborante, lucem aspexerunt (c), illustraruntque quam maxime PAULI II. Pontificatum, cujus munificentia factum est, ut præstantissimæ illæ optimorum Scriptorum Editiones prodirent maximo rei literariæ beneficio. Libros vero a nobis usque modo in hac Appendice recensitos (d) exacte respondere earundem Editionum numero,

F f 3

certo

(c) Multo rariores esse reliquorum veterum typographorum editionibus libros, a Conrado Schweinheim & Arnoldo Pannarz excusos, evincunt locupletissimarum bibliothecarum Catalogi, in quibus vel plane nullum, vel vix unum alterumve eorum obvium deprehendes. UFFENBACHIUS, qui incredibili, nec infelici industria, haud parcens sumptibus, antiquas hujuscemodi editiones conquisivit, prorsus nullam ab illis eximiis typographis profectam nancisci potuit, quod ex Appendice Tomi II. Bibliotheca ejus Universalis patet. In Joannis MORI, Episcopi olim Norvicensis, Catalogo librorum, sub artis typographicae primordia, vel temporibus ab ejus inventione haud ita remotis impressorum, qui secundo tomo Catalogorum librorum MSS. Angliæ & Hiberniæ f. 379. sqq. insertus est, nonnisi Cypriani Opera a nostris typographis A. 1471. excusa inveniuntur. Christianus Gottlieb SCHWARZIUS in Indice librorum paulo post incunabula typographiæ impressorum, quos satis magno numero possedit, præter Ciceronis Officia & Paradoxa A. 1469. edita nullum memoravit. Postea vero nactus est editionem Lactantii Sublancensem longe rarissimam, uti ex ejus Document. de Orig. typogr. Part. I. p. 30. videre est. Arbitror, multa librorum ab illis venustissime impressorum exemplaria, rebus eorum ad incitas redactis, inter segestria & chartas emporeticas rejecta infelicitè periisse, quæ, si superessent, hodie a justis rerum æstimatoribus inter illustrum bibliothecarum cimelia referrentur.

(d) Extrema antiquissimarum editionum raritas non inde tantum derivanda est, quod tempus edax rerum eas magnam partem absumsit, sed etiam quod haud tanta exemplarium multitudo a prisca typographis fuit impressa, ac hodie fieri assolet. Sic e. c. Joannes de Spira Venetiis A. 1469. centum duntaxat exemplaria Ciceronis Epistolarum familiarium & Plinii Historiæ naturalis (vid. MAITTAIRE Annal. typogr. Tom. I. p. 286. edit. II.) Vindelini de Spira ejus frater

certo certius docemur ex supplici libello eorundem Typographorum, quem ii Sixto IV. suis, & Alerienfis Episcopi verbis obtulerunt. Elenchum illum superius pluribus locis memoravimus; hunc autem integrum recitabimus, qualem nobis exhibet Alerienfis Epistola ad Lirani Operum Volumen Octavum editum Romæ in Domo Petri de Maximis an. 1472. (e).

*Donati*

frater A. 1470. ibidem Sallustii quadringenta (l. c. p. 289.) ac Aemilianus de Orfinis Fulginas & Jo. Numeisterus eodem circiter anno ducenta Ciceronis Epistolarum familiarium (l. c. p. 290.) excuderunt: ut alios taceam. Nostri autem typographi Romani plerorumque librorum, qui ex eorum officina prodierunt, ducenta septuaginta quinque tantum effinxere exemplaria, quatuor duntaxat trecenta, ac unius CCXX. Quamvis enim in eorum catalogo Lactantii volumina octingenta viginti quinque excusa esse dicantur, id tamen de tribus simul editionibus, quarum prima in Monasterio Sublacensi A. 1465. altera Romæ A. 1468. tertia ibidem A. 1470. ab illis curata fuit, accipiendum est, ut uniuscujusque editionis fuerint CCLXXV. exemplaria, quæ ad unam summam relata efficiunt, DCCCXXV. Id quod etiam observandum est de Augustini eximio opere de Civitate Dei tribus vicibus ab illis impresso: Idem monendum de duabus Ciceronis Epistolarum famil. de Oratore librorum & operum Philosophicorum, Virgilii item Maronis editionibus, ubi numerus exemplarium cujusque editionis CCLXXV. computatus efficit summam DL. Biblia cum opusculo Aristæ, Thomæ Aquinatis Catena aurea, Ovidii Metamorphoses & Elegiæ duobus constant tomis, atque adeo numerus exemplarium CCLXXV. duplicatus volumina quingenta quinquaginta conficit Hieronymi Epistolæ & varii libelli duobus tomis comprehensi, bisque a nostris typis exscripti eadem ratione ad summam voluminum mille centumque assurgunt. Cum totidem voluminibus constare etiam editionem Glossarum Nicolai de Lyra in divinum Codicem ipsi typographi in suo indice testentur, illæ autem quinque tomis absolvantur, ducenta duntaxat & viginti biblici ejus operis exemplaria excusa esse, hinc apparet. Hæc MAITTAIRIUS non animadvertit.

- (e) Singulis his libris, quos quidem videre ipsi licuit, addidit MAITTAIRIUS Annal. typogr. Tom. I. p. 14. sq. edit. II. annos quibus in lucem prodire, quos hic etiam adjicere consultum duxi, ejus lacunas simul expleturus.



|                                                                                                                                         |           |          |
|-----------------------------------------------------------------------------------------------------------------------------------------|-----------|----------|
| <i>Donati pro puerulis, ut inde principium dicendi sumamus, unde imprimendi initium sumpsimus, numero trecenti</i>                      | - - -     | 300      |
| <i>Lactantii Firmiani Institutionum contra Gentiles, &amp; reliquorum ejus Authoris Opusculorum volumina octingenta viginti quinque</i> | -         | 825 (f)  |
| <i>Epistolarum familiarium Ciceronis volumina quingenta quinquaginta</i>                                                                | - - - - - | 550 (g)  |
| <i>Epistolarum Ciceronis ad Atticum volumina ducenta septuagintaquinque</i>                                                             | - - - - - | 275 (b)  |
| <i>Speculi humanæ vitæ volumina trecenta</i>                                                                                            | - - -     | 300 (i)  |
| <i>D. Augustini de Civitate Dei volumina octingenta vigintiquinque</i>                                                                  | -         | 825 (k)  |
| <i>D. Hieronymi Epistolarum, &amp; Libellorum volumina mille centum</i>                                                                 | - - - - - | 1100 (l) |
| <i>M. T. Ciceronis de Oratore cum cæteris volumina quingenta quinquaginta</i>                                                           | - - - - - | 550 (m)  |
| <i>M. T. Ciceronis Operum omnium in Philosophia volumina quingenta quinquaginta</i>                                                     | - - - - - | 550 (n)  |
| <i>L. Apuleii Platonicæ cum Alcino volumina ducenta septuaginta quinque</i>                                                             | - - - - - | 275 (o)  |
| <i>A. Gelii Noctium Atticarum volumina ducenta septuaginta quinque</i>                                                                  | - - - - - | 275 (p)  |
| <i>C. Caesaris Commentariorum Gallici, &amp; Civilium Bellorum volumina ducenta septuaginta quinque</i>                                 | - - -     | 275 (q)  |
| <i>Defensionis Divi Platonis volumina trecenta</i>                                                                                      | - -       | 300 (r)  |
| <i>P. Vir.</i>                                                                                                                          |           |          |

(f) A. 1465. 1468. 1470.

(i) 1468.

(l) 1468. 1470.

(n) 1469. 1471.

(q) 1469.

(g) 1467. 1469.

(k) 1467. 1468. 1470.

(m) 1469. 1471.

(o) 1469.

(r) 1469.

(b) A. 1470.

(p) 1469.

|                                                                                                                                            |   |   |   |   |                  |
|--------------------------------------------------------------------------------------------------------------------------------------------|---|---|---|---|------------------|
| <i>P. Virgilii Maronis Operum omnium volumina quingenta quinquaginta</i>                                                                   | - | - | - | - | 550 (s)          |
| <i>T. Livii Patavini cum Epitomate omnium Decadum volumina ducenta septuaginta quinque</i>                                                 | - | - | - | - | 275 (t)          |
| <i>Strabonis Geographi volumina ducenta septuaginta quinque</i>                                                                            | - | - | - | - | 275 (u)          |
| <i>M. Annæi Lucani volumina ducenta septuaginta quinque</i>                                                                                | - | - | - | - | 275 (x)          |
| <i>C. Plinii Veronenſis de Naturali Hiſtoria volumina trecenta</i>                                                                         | - | - | - | - | 300 (y)          |
| <i>C. Suetonii Tranquilli de duodecim Caſaribus volumina ducenta ſeptuaginta quinque</i>                                                   | - | - | - | - | 275 (z)          |
| <i>D. Leonis Papæ Sermonum volumina ducenta ſeptuaginta quinque</i>                                                                        | - | - | - | - | 275 (aa)         |
| <i>M. Fabii Quintiliani Inſtitutionum Oratoriarum volumina ducenta ſeptuaginta quinque</i>                                                 | - | - | - | - | 275 (bb)         |
| <i>Continui, ideſt Cathenæ aureæ D. Thomæ Aquinatis volumina quingenta quinquaginta</i>                                                    | - | - | - | - | 550 (cc)         |
| <i>D. Cypriani Epiſtolarum volumina ducenta ſeptuaginta quinque</i>                                                                        | - | - | - | - | 275 (dd)         |
| <i>Bibliæ cum opuſculo Ariſtæ volumina quingenta quinquaginta</i>                                                                          | - | - | - | - | 550 (ee)         |
| <i>Silii Italici cum C. Calpurnio, &amp; Heſiodo volumina ducenta ſeptuaginta quinque</i>                                                  | - | - | - | - | 275 (ff)         |
| <i>Orationum M. T. Ciceronis cum Inveſtivis omnibus in Antonium, Verrem, Catilinam, &amp; cæteros volumina ducenta ſeptuaginta quinque</i> | - | - | - | - | 275 (gg)         |
|                                                                                                                                            |   |   |   |   | <i>P. Ovidii</i> |

(s) duplex editio, utraq; ſine anni nota.

(t) absque anni indicio. (u) ſine temporis nota. (x) 1469.

(y) 1470. (z) 1470.

(aa) 1470. ac nonnulla exemplaria absque anni indicio.

(bb) 1470. (cc) 1470. (dd) 1471.

(ee) 1471. (ff) 1471. (gg) 1471.

|                                                                          |   |   |   |           |
|--------------------------------------------------------------------------|---|---|---|-----------|
| <i>P. Ovidii Nasonis Metamorphoseos, &amp; Elegiarum omnium volumina</i> |   |   |   |           |
| <i>quingenta quinquaginta</i>                                            | - | - | - | 550 (bb)  |
| <i>Nicolai de Lyra volumina mille, &amp; centum</i>                      | - | - | - | 1100 (ii) |

Solus itaque, ut apparet, Donatus pro puerulis locum in facta a nobis usque modo recensione minime invenit. Nil mirum Editionem illam nobis minime occurrisset, quam Annalium Typographicorum parens fatetur nec a seipso unquam inspectam (kk). Is ipse T. 1. P. 1.

G g

pag.

(bb) 1471.

(ii) 1471. 1472. Atque hic acquievit CARDINALIS nostri industria, cui illos potissimum libros recensere constitutum erat, quos laudati typographi, Paulo II. Romanam sedem occupante, excuderunt. Præter eos MAITTAIRIUS Annal. typogr. Tom. I. p. 329. edit. II. duos modo affert, ab ipsis, societate adhuc junctis, A. 1473. in fol. impressos, nempe Aristotelis Ethica, Leonardo Aretino interprete, ac Nicolai PEROTTI ad Pyrrhum Perottum, ex fratre nepotem, Rudimenta Grammatices. Ab eo tempore Arnoldus Pannarz solus in domo Petri de Maximis excudit iterata vice A. 1474. & 1476. PEROTTI Rudimenta Grammat. A. 1475. Hieroclis Comment. in Pythagoræ carmen aureum, Josephi & Herodoti Historias, Statii Sylvas, Senecæ Epistolas, & Laurentii Vallæ Elegantias Latini sermonis tandemque A. 1476. Quæstiones Thomæ Aquinatis, & Hieronymi Epistolarum Partem primam. Observat MAITTAIRIUS l. c. p. 360. Arnoldum Pannarz, postquam solus imprimere cœperat, typos alios adhibuisse, quam qualibus antea cum Conrado Schweinheim utebatur.

(kk) Donatum illum, vel potius rudimenta grammatica pro puerulis elementariis unice edita, plane disparuisse quis mirabitur? Solent enim istiusmodi libelli quotidiano & incauto tyrunculorum usu deteri, tandemque prorsus aboleri. Nec vero probabile est, Romanam illam Donati editionem ligneis tabellis viscido quodam atramento imbutis impressam fuisse, cum artifices nostri typis fusilibus omnes suos libros tam nitide excuderint, modusque libros tabulis ligneis imprimendi tum jam fuerit obsoletus. Sunt mihi duo folia Donati hujusmodi antiqui, typis singulariis, iisque majusculis, sed fusilibus, exscripti, tegmini libri cujusdam veteris Germanici interius agglutinata.


pag. 271. secund. Edit. Donati Colonienſem Editionem refert apud Quentel 1457. at de ea dubitare ſe ſcribit, quemadmodum & de pluribus annorum ſubſcriptionibus, quas Editiones quædam veteres oſtendant, & quarum aliquot in Voluminis illius initio protulerat. Affirmavit mihi Romanus quidam Bibliopola, ſe Romanam illam Donati Editionem aliquando poſſediſſe, ac diligenter obſervaviſſe, eam non quidem mobilibus formis impreſſam fuiſſe, ſed ligneis tabellis viſcido quodam atramento imbutis, quarum ſingulæ ſingulis foliis aptatæ noſcebantur. Hujuscemodi utique fuit primum Typographicæ Artis tentamen, ad aliam tamen potius Artem referendum, Sculpturam ſcilicet. Fabricius Biblioth. Lat. P. II. Lib. IV. c. 7. memorat Donati Editionem Moguntia perfectam anno 1450. & aliam ea priorem Harlemi, ſed tabulis ligneis inciſis, ex Mariangeli Accurſii apud Angelum Roccam in Comment de Biblioth. Vatic. teſtimonio.

Diffimulare tamen non poſſum, cauſam, qua adducti Conradus, & Arnoldus, atque Episcopus Alerienſis Elenchum illum Sixto IV. obtulerunt, parum favere PAULI munificentia, tot, tantisque verbis ab ipſo Alerienſi in ſingulis fere ſeu Epistolis, ſeu Præfationibus teſtatæ. Eam cauſam Alerienſis in hunc modum exponit: *Vox quidem Impreſſorum, ſub tanto jam chartarum faſce laborantium, & niſi tua liberalitas opituletur, deficientium, iſta eſt: BEATISSIME PATER. Nos de Germanis primi, tanti commodi Artem in Romanam Curiam Tuam, multo ſudore, & impenſa Deceſſoris Tui tempeſtate deveximus. Nos opifices librarios cæteros, ut idem auderent, exemplo noſtro incitavimus. Nos reliquis propter impenſarum magnitudinem a tanto negotio, vel omnino, vel maxima ex parte, quaſi in ſalebra hærentibus, recentiore animo, viribusque geminatis cum ſumma difficultate reſtitimus. Jam tandem deſecti nervis, & ſanguine divinam opem tuam imploramus. Elenchum poſtea recitat, ac ſtatim ſubdit: Horum omnium Voluminum ſumma, ut Tua Pietas perſpicit, PATER BEATISSIME, niſi fallimur, efficit Codices duodecies mille quadringentos ſeptuaginta quinque. Acervum quidem ingentem, & nobis Impreſſoribus tuis ad ferendum, qua parte reſtat, intolerabilem, propter eam, quam in initio Epistoła poſueramus, neceſſitatem;*

*nam*

nam ingens sumptus ad victum necessarius, cessantibus emptoribus, ferri amplius a nobis nequit. Et ementes non esse, nullum est gravius testimonium, quam quod domus nostra satis magna plena est quinternionum, inanis rerum necessariarum. At quod PAULI munificentiae erga literas magis officit, legitur in alia Alerienfis Epistola, praemissa scilicet Lyrani Operum primo Volumini, quem locum pariter minime dissimulabo: Epistolas meas (inquit) cum ad PAULUM II. Pontificem, gloriosum Praedecessorem tuum, in librorum, quos recognoscebam, initiis scriberem, ab eo tamen lectum iri non putabam. Gratis me, quod ad illum attinebat, magna ex parte laborare perspiciebam. Sed non debebam illi esse ingratus, & haud mediocria beneficia ab eo prius accepta non potui absque reprehensione negligere. Et praeterea haec mea est opinio, semper Principibus, qualescumque illi sint, doctorum ingenia debere in laudibus esse liberalia. Fieri enim non potest, quin laudis ardore commoti, quod naturali inclinatione non facerent, id agant ad praedicationis vel fucatae de sua virtute confirmationem. Equidem quisquis sit Princeps meus, illum semper colam, in primis tamen, ut optimus sit, optabo. Data est haec Epistola die XIII. Novembris anni MCCCCLXXI. ac proinde mensibus quatuor nondum elapsis a PAULI obitu. In eo ipso obitu describendo PAULI existimationi haudquaquam in eadem Epistola pepercit Alerienfis; his enim verbis Sixtum alloquitur: Collige Te ipsum tecum, quandoquidem ceteros mortales, ut dignitate, sic sapientia, & spirituum gratia, & dono antecellis, ac mundi bujus fluxas rationes computa. Quid gemmae profuerunt PAULO, considera, quid honores raro hominibus pares Borsio contingentes, quorum utrumque ad humanam, ut arbitror, miseriae exemplum, ad imbecillae mortalitatis documentum, ne dicam confusionem, intra paucos dies a summa dignitate ad miserabilem exitum mortalium conditio pertraxit, ut alter eadem hora pene latissimus fuerit, & a cena mortuus, & quo mortis genere, optime Jesu! quo inaudito! quo minime cogitato! Alter vix siccis primis, ac recentis de Urbe Ferrariensi Ducatus privilegii, longiore morte absumptus contabuit, nulla mediocri ope juvandus. Locos istos ex ipsismet Alerienfis Epistolis fideliter in medium protulisse, ingenuum, ut spero, animum meum Lectoribus commendabit. Ab eo nimis quam abuisse Aleriensem

cenſebit, qui binas hæſce Epiſtolas ad Sixtum cum omnibus aliis ad PAULUM conſcriptis comparaverit. Si juſta de PAULI munificentia conquerendi ei aderat cauſa, cur (ut unum dictum querimoniis ejus opponam) in Præſat. ad Gel. his verbis eundem compellat: *Ex quo Tua Clementiſſima Sanctitas ad altiſſimum Pontificatus gradum eſt aſſumpta, omnem penitus, tanquam ſub uberrimo gratiarum largitore, dedidici egeſtatem?* Immenſi ſumptus, quibus omnino neceſſe eſt obnoxios fuiſſe Typographos in Artis præſertim incunabulis, effecerunt, ut PAULI largitate aliquando non ſatis conſultum ſibi cenſerent. Meminerit Lector, vel ob unum librum in Latinum e Græco converſum (11) 400. aureis donatum fuiſſe a PAULO Philelphum, ut vidimus Vindiciar. Cap. I.



## P. CLAUDIUS PTOLEMÆUS.

### §. XXIII.

**F**abricius Bibl. Gr. lib. IV. c. XIV. loquens de Latina Ptolemæi Geographia, eam Romæ prodiſſe ſcribit an. 1482. apud Nicolaum Haln

- (11) Xenophontis videlicet Cyropædiam. Nemo autem facile ſuperavit liberalitate in Philelphum Nicolaum V. quem literati longe munificentiſſimum Mæcenatem experti ſunt. Quum enim Philelphus Romam forte veniſſet, Neapolim proſecturus, neque Pontificem adire cogitaret, a Petro Nocetano adductus, aureis nummis quingentis donatus, & in Secretariorum pontificiorum numerum honoris cauſa relatus eſt. Præterea indulgentiſſimus Pontifex ei promiſit ædes in urbe Roma pulcherrimas, lautiffimum prædium in agro Romano, quod ſatis eſſet ad opipare & pro dignitate alendam univerſam familiam, & aureorum nummum decem millia, quæ deponerentur, apud quem Philelphus ex omnibus menſarum delegiſſet, quæ illi continuo numerarentur, ſi duo illa carmina Homeri Iliada atque Ulyſſeam Latine reddidiſſet. vid. Philippi BONAMICI Lib. de claris pontificiarum epiſtolarum Scriptoribus, p. 187. ſq.



Hahn (*mm*), five Gallum, *qui primus* (inquit) *Typographiam Italiæ intulit*, PAULOQUE II. inscriptam esse, & Ulmæ anno 1486. recusam fuisse; subditque, Jacobum Angelum Florentinum Versionem adornasse, quam Jo. Mabillonius Ms. Venetiis in Bibliotheca S. Antonii eolverit, ut ipse affirmat T. I. Mus. Ital. p. 37. Hæc omnia Fabricius parum accurate. Memoranda enim ei erat primo loco Ptolemæi Editio Vicentina an. 1475. per Hermanum Levilapidem Coloniensem; deinde Nicolaus Hahn, five Gallus, haudquaquam ei habendus erat pro primo, qui Typographiam Italiæ intulerit; ac tandem de Versione Jacobi Angeli non ita loquendum, ut eam typis nunquam editam fuisse censere videatur. Binæ, quas ad manus habeo, Editiones tradita a Fabricio certius explicabunt, seu emendabunt.

Ut autem ab ea incipiam, quæ Jacobi Angeli ad Alexandrum V. Epistolam exhibet, miretur profecto Lector, dum intelligit ad ejus calcem hanc notam apponi: *Hic finit Cosmographia Ptolemæi impressa opera Dominici de Lapis Civis Bononiensis an. MCCCCLXII. mense Junio XXII. Bononiæ.* Quis unquam somniavit an. 1462. Typographiam jam Bononiæ sedes fixisse, ante Sublacenses scilicet typos, & Romanos, & unico anno post Venetos, si tamen libro huic inscripto, *Decor Puellarum*, a Nicolao Jenson Venetiis, ut certo creditur, impresso

G g 3

(*mm*) Mendose pro *Hahn*, vel *Han*. Sed nec hoc quidem mendo caret. Udalrici enim, haud Nicolai nomine gaudebat ille typographus, de quo in Diatriba præliminari, Obs. VII. differui. FABRICIUS se vidisse illius editionis exemplar, membranæ impressum ait in Bibliotheca Abrahami HINCKELMANNI, quod postea ad manus Jo. Christophori WOLFFII pervenit. Amicus vero quidam, qui oculis suis exemplar istud venustissimum usurpavit, RAIDELIUM docuit ex subscriptione sub calcem adjecta, FABRICIUM lapsu memoriæ editionem Ulmensem anni 1482. pro Romana falso venditasse, Nicolai *Donis* nomine in Nicolai GALLI converso. Caterum Cl. Ptolemæum & Dionysium Halicarnasseum hac de causâ CARDINALEM reliquis adjecisse, quilibet facile videt, quia Paulo II. nuncupati fuerunt.



presso vitium nullum in numeris inesse cenleatur? De illa ne verbum quidem apud Annalium Typographicorum parentem, imo nec apud ipsum Peregrinum Orlandum, cujus tamen maxime intererat, ad Patriæ suæ decus, Editionis illius vetustatem jactare, atque in eum modum Civis sui studio invectæ in Italiam Typographica Artis gloriam adjudicare. Adeo vero Orlandus eo præstigio captus non fuit, ut contra suo in Opere non alium locum Bononiensibus typis assignaverit, nisi post Venetos, Romanos, & Mediolanenses (de Italis tantum loquimur) annumque 1471. statuerit, quod Balthassar Azzoguidi, Civis Bononiensis, primus in sua Civitate Artem Impressoriam invenit, cujus rei fidem facere ait Ovidii Metamorphoseon Editionem eo anno Bononiæ perfectam. Dominicum autem de Lapis neque Bononiensem Civem facit Orlandus, nec librum ullum ab eo ante annum 1476. Bononiæ impressum allegat. Valde tamen mirum, nihil prorsus de eo præstigio, seu de ea Editione rescivisse neque Maittaire, neque Orlandum, neque Fabricium, neque alios, uno excepto Raidelio, cujus accipio extare lucubrationem nuperrime vulgatam Norimbergæ (nn) de Codicibus sive manu exaratis, sive editis Ptolemæi, & in ea sat solide ab Authore confutari Bononiensis illam Impressoris fraudem. Hæc statim mihi occurrit perfectæ Monito, quod post notam paulo ante recitatam reperitur; in eo siquidem commendatam diligentiam deprehendi Hieronymi Manfredi, & Petri Boni in Tabulis, & characteribus castigandis, nec non Galeotti Martii, & Collæ Montani, ultimo vero loco Philippi Beroaldi, *extremam (inquit) emendationis manum imposuit Philippus Beroaldus, qui Plinii, Strabonis, reliquorumque id genus Scriptorum Geographiam cum Ptolemæo conferens, ut esset quam emendatissima,*

- 
- (nn) Commentatio historico-literaria de Claudii Ptolemæi Geographia, ejusque Codicibus tam MSS. quam typis expressis conscripta a Georgio Martino RAIDELIO V. D. M. prodiit Norimbergæ A. 1737. in 4. Is hujus editionis exemplar, quod in Bibliotheca Acad. Lips. Paulina asservatur, perlustravit, & Cap. VI p. 39. sq. iisdem fere, quibus Cardinalis noster, rationibus docuit, errorem in anno impressionis designando commissum esse.

*tissima, elaboravit.* Philippus Beroaldus Senior (ut hunc unum in fraudis documentum adducam) obiisse fertur Bononiæ an. 1504. ætatis annor. 51. ac proinde nondum duo lustra attigerat, dum eam Editionem Dominicus de Lapis in lucem emisit, seu emisisse somniatur.

Veniamus nunc ad aliam Editionem Ptolemæi, quæ hujus loci magis est, statimque Epistolam a Nicolao Donis, (oo) quem an. 1470. Vossius pag. 413. de Scient. Mathem. e Ficino tradit emisisse in Cosmographiam Ptolemæi Opus mirandum cum novis Tabulis, recitemus.

### BEATISSIMO PATRI PAULO SECUNDO PONTIFICI MAXIMO

*Donis Nicolaus Germanus.*

**N**on me fugit, BEATISSIME PATER, cum quæ summo ingenio, exquisitaque doctrina Ptolomeus Cosmographus pinxisset, in his aliquid novari attemptaremus, fore, ut hic noster labor in multorum reprehensiones incurreret. Omnes enim, qui hanc nostram picturam, quæ his Tabulis, quas ad Te mittimus, continetur, viderint, geometricæ præsertim rationis ignari, ab ea, quam Ptolomeus edidit, paululum abhorrentem, certe nos, vel imperitiæ, vel temeritatis arguent. Nam plane nos, aut ignorasse quid egerimus, aut temere ausos esse tantum opus contaminare, affirmabunt; cum aliqua ex parte illud immutatum cernent. Non enim sibi persuadere poterunt, nec fas esse existimabunt, ut tantum Virum, quantus certe is fuit, si quis alius pingendi orbis terrarum melior modus extitisset, is eum fugisset, cum is solus fuerit, qui tantum inter multos excellentes Cosmographos, qui ante se floruerunt, modum videret,

quo

---

(oo) Nicolaus ille DONIS fuit Monachus Germanus Ordinis Benedicti. in Monasterio, ut ferunt, Reichenbacensi, de quo vid. TRITHEMIUS in Catalogo Virorum literis illustrium p. 162. & in Tract. de Scriptoribus ecclesiasticis p. 370. nec non Contr. GESNERUS in Bibliotheca universali p. 519. ac præsertim RAIDELIUS l. c. p. 31. sqq.

quo situm terrarum omnium in Tabulis primus pingeret. Quasi vero aut princeps ille poetarum Homerus a Pisistrato in ordinem redigi, aut Lucretii divinum opus a Cicerone emendari, aut Toletanæ Tabulæ ab Alfonso corrigi nequiverint. Quare hi sane erunt, qui nihil laudabunt, nisi quod se intelligere posse confidant, quemque sperabunt animo, & cogitatione complecti valere, eundem bene pingendi orbis modum esse censebunt. Et cum obruentur crebritate linearum longitudinalium non æque distantium, raram illam, & vastam Ptolomei picturam, rectis lineis distinctam, se malle, quam hanc nostram multiplicem, & commodam pendentibus, inclinatisque lineis discretam dicent. Neque vero nos hæc ideo nunc dicimus, ut quidquam in Ptolomei pictura reperiat, quod corrigi, vel emendari, aut in ordinem redigi oportuerit, cum omnia ita scienter, ac prudenter Vir ille pinxerit, ut nihilquid ad rationem situs terrarum in ejus Tabulis deesse videatur; sed ut illos suæ argueremus ignorantia, qui & cum nullam talium rerum scientiam, aut cognitionem teneant, tamen invidia, & livore quodam moti, si quid viderint ab altero editum, quod ingenii eorum impar sit, statim ad ejus vituperationem se se convertunt. At si qui erunt, qui non omnino Geometriæ, sive Cosmographiæ expertes sint, quique ipsum Ptolomeum sæpius legerint, ac picturam deinde nostram placata mente contemplaverint, hi certe nos aliqua laude dignos, non reprehensione, ut illi, putabunt. Perspicient enim nos opus ita difficile, atque arduum suscepisse, & ita egregie ad exitum perduxisse, ut illud mirari cogantur, præsertim cum nulla in re nos a Ptolomei intentione, licet a pictura, paulum descivisse comperient. Quod ut jam ita esse plane perspicere possis, BEATISSIME PATER, quæso, quid ille dicat, & quod nos fecerimus, parumper attende. Ptolomeus quidem, quod facile in ejus intellexerim scriptis, duplicem pingendi orbis terrarum rationem esse tradit. Unam enim esse asserit, cum pro circulis, ut ejus verbis utar, quæ sunt in octavo circa principium libro, rectas lineas facimus, particularibus in Tabulis meridianos ipsos non inclinatos, & flexuosos, sed invicem æque distantes adnotamus. Alteram vero esse testatur, cum ejus formam ubique flexis, & inclinatis lineis, ut ipsius terræ situs ratio exigit, & non rectis exprimimus. Harum porro rationum, etsi posteriorem magis approbat, utpote artificiosorem, ac subtiliorem, superiorem

perio rem tamen in pictura secutus est, si ejus est quæ circumfertur in antiquis exemplaribus pictura, non procul a veritate esse affirmans, si quis in pingendo orbe pro circulis, ut modo diximus, rectas lineas fecerit. Nos autem BEATISSIME PATER, cum per ocium ejus scripta legeremus, quæ a professione nostra non abhorrebant, & in eum locum, qui est in primo ejus fere libro circa finem, forte legendum incidissemus, ubi præcipit, magis tenendum esse in pictura quid sit æquius, & seriusus, quam quod sit facilius, debiliusque, repente hac lectione admoniti cogitare capimus, quo pacto nos aliquid gloriæ comparavemus. Rati enim nobis oblatam esse occasionem, uti aliquod industriæ nostræ monumentum extaret, & ingenii vires elucescere possent, statim picturam orbis prope ratione aggressi sumus, quæ apud illum approbatio videretur. Nam & pro circulis inclinatas lineas non æque distantes singillatim omnes, ut ipse fieri monet oportere, ubi opus fuit, fecimus, & locorum situs inter parallelos incidentes ex utrorumque rationibus conjectavimus, & quo facilius ratio distantiae cujuslibet loci, quod per lineas, & æque distantes, discerni non satis plane poterat, certior extaret, miliarium continentiam cujuslibet gradus longitudinis quibusdam parallelis singularum Tabularum adscribere non recusavimus. Quid dicam? Quod cum in antiquorum Exemplarium tam Græcorum, quam Latinorum pictura discerni non possit, cujus quantitatis, & formæ qualibet insularum sit, quæ proprias descriptiones non habent, & quot, aut qui in quacunque regione, vel provincia populi, vel gentes, oppida, urbes, flumina, portus, lacus, & montes continerentur, & sub quo cælo posita, aut in quam partem vergant, nos quædam certe ex illis, non tamen omnia, sed cuncta quæ a Ptolomeo ipsa etiam in scriptis suis adnotata sunt, ita distinximus, ac lineis quibusdam punctis signatis vallavimus, ipsas etiam insulas minores ad proprias formas, præter Ptolomeum, redeginus, ut quivis etiam imperitus facile discernere valeat. Atque etiam ipsam formam picturæ, quæ certe apud alios vastissima erat, & communem librorum excedebat rationem, ad eum modum redeginus, servatis diligentissime omnium locorum dimensionibus, qui cunctis sit posthac illam intueri volentibus gratior futurus. Reliqua vero illius tanti Viri, ut prius erant, intacta reliquimus, nisi quantum studii amor, & legentium sollicitudo suggessit, ut ob mutationes tempo-

rum, quæ frequenter in orbe contingunt, duas nobilissimas regiones, Hispaniam videlicet, & Italiam, quarum loca ob Auctoris vetustatem pro maxima eorum parte a notitia nostra deciderunt, ipsas etiam regiones, quæ in Oceano Sarmatico se ingerunt, & sub parallelo per circulum Arcticum ductum occurrunt, Daciam utpote, Scaniam, Norbegiam, Gotthiam, Svetiam, Gronelandiam, & regiones sibi adhaerentes cum insulis adjacentibus, de quibus profecto Ptolomeus ipse, aut Strabo, diligens, nec aliquis Cosmographus descriptionis monimenta relinquit, certa ratione jungendo nostratim poneremus. Nacti autem consilio salutari quod honoris conferet, & famæ, præfatas regiones in suis locis, ut intueri fas est, non describendo, ne tanti Viri opus forte scinderemus, sed pingendo per regna sua singulariter exornavimus. Cum banc igitur picturam, ut dixi, pene ad votum absolvissimus, eamque dicare alicui Principi cogitavimus, nemo sane te dignior nobis visus est, BEATISSIME PATER, quem huiusmodi munere dignissimum existimarem. Cui enim terrarum omnium situm dedicare debeo, quam illi Principi, cujus Sanctissimis pedibus quicquid extremo Oceano circumdatur, subjici oportet, & quod a Sacerdote provenit, id ad omnium Sacerdotum Archimandritam referendum erit? Nec moveat quemque, BEATISSIME PATER, si hoc ipsum opus ad Estensem Ferrariæ Principem, priusquam ad Te delatum sit. Quis enim ita iniquus rerum iudex erit, ut quempiam in honore a me Tibi prælatum putet, cum universum Christianum nomen ita Apostolica Sedi primas partes sine controversia concedat, ut nullus nisi longo relicto intervallo secundus habeatur? Neque enim putavi, neque fas esse duxi, quicquam ad te antea mittere, quam id non modo summa industria lucubratum, expolitumque esset, verum etiam multorum doctissimorum hominum iudicium subisset. Non enim Pontificii fastigii oblitus, alium Summo Pontifici præposui, sed humanæ imbecillitatis memor, & nostræ tenuitatis conscius, meo de re tanta iudicio non prius standum decrevi, quam maximis mathematicis esset approbatum. Quamobrem missum est illud a nobis in eam Urbem, in qua, & auctoritate Principis, qui bonis ingeniis favet, & copia doctorum Virorum, qui & quoniam universam ætatem in hoc litterarum genere contriverunt, exactissime possent, & quoniam studiorum conjunctione, & diuturna consuetudine mihi amicissimi essent, maxime vel-

*lent, emendatius redderetur. Nunc igitur ab illis spectatum, atque probatum, visum dignum est, quod non modo elimatius, verum etiam, quoad a me fieri potuit, materia ipsa ornatius in Pontificiæ majestatis conspectum tandem prodiret. Tuæ igitur Clementiæ fuerit, BEATISSIMÆ PATER, ita a servulo devotissimo munus accipere, ut & si reliqua in eo, non amplissimis omnino laudibus digna sint, sedulitatem tamen, & devotionem nostram erga Sanctitatem Tuam non asperneris. Est enim ejus, quæ in Pontificio culmine majestas est, non quantum dederim, sed quantum dare voluerim, intueri. Supplicem ama.*

Hanc Epistolam desumpsimus ex Ulmenfi Editione, ad cujus calcem ita legitur: *Impressum Ulmæ opera, & expensis de Aldario (pp) de Venetiis per provisorum suum Joannem Reger An. Dom. MCCCCXXXVI. XII. Kal. Augusti. Haud filebo ad manus mihi esse Domitii Calderini Veronensis, Secretarii Apostolici, ad Augustinum Maseum Veronensem, Scriptorem Apostolicum, emendationum, & interpretationum in Statii Papinii Sylvas Brixianam Editionem an. 1475. per Magistrum Henricum de Colonia, ex cujus Præfatione, Epistola scilicet ipsius Domitii ad Augustinum, docemur eundem Domitium Ptolemæi Tabulas recognovisse, emendatasque publici juris fecisse. Et quoniam de Domitii Calderini lucubrationibus plura tradidimus in Part. I. lib. de Brix. Literat. ut ea ipsa majorem hic lucem accipiant, integrum textum afferemus ex ea Epistola, qua quæcumque usque ad id temporis Domitius conscripserat, ipse recenset: Quæ omnia tuo nomine emendare, & explicare conati sumus: quanta ingenii, doctrinæque laude non ausim affirmare. Tantis certe laboribus, Augustinè, ut majores non attulerint nec Martialis argutiæ, nec velatæ Juvenalis reprehensiones, nec affectatæ tenebræ Ovidii in Ibin, nec inconstantes Propertii sensus, & quæsitæ fabulæ, nec concisa Tranquilli sensu, nec Ænigmata Ciceronis ad Atticum, aut ejus in Verrem iracundiæ eloquentiæ artibus instructa (quæ omnia partim compositis, partim etiam editis Commentariis interpretati sumus)*

H h 2

denique



*denique nec varietas Observationum nostrarum, quas nuper tribus libris collegimus, nec recognitio Tabularum Ptolemæi, quæ nostra jam emendatione imprimuntur, nec Opera, quæ e Græco in Latinum interdum vertimus.*

In hæc Domitii verba, in hanc ejus Epistolam oculos si conjecisset Author Ver. Illustr. (qq) haudquaquam, ubi de eo agit, affirmasset, nemini adhuc compertum fuisse, Domitium Calderinum Ptolemæi Tabulis emendandi operam collocasse, idque primum sibi innotuisse ex pretioso Codice manuscripto, quo fuerat jam ab aliquot annis positus, quoque inter plura, vel omnino rara, vel prorsus ignota, Domitii Opera, continentur emendationes illæ in Ptolemæum Sixto IV. nuncupatæ. Inde ipse Præfationis partem affert, quam juvat hoc loco excscribere, quum ad argumentum nostrum faciat: *Hoc opus tam varium, tam subtile, tam divinum, jampridem in Codicibus Latinis admodum depravatatum, quum, ut emendarem, Conradus Germanus, a quo, ut scis, Romæ formandorum librorum industria primum profecta est, olim diligentissime peteret, feci id quidem non tamen tam libenter, quam laboriose. Nam multa ex Mathematicis disciplinis sumenda fuerunt, ut viginti sex Tabulæ æneæ (totidem sunt a Ptolemæo in universum Orbem distributæ) diligenter exculperentur, ex quibus veluti exemplis reliqui ducerentur libri. Numeri, quibus longitudo, latitudoque designatur, libroriorum culpa vel inversi, vel confusi, in sua quisque spatia explicati a nobis, & collocati sunt. Græcorum Codices una contuli, & ex iis vetustissimum quendam a Gemisto Spartanò, Philosopho, Mathematicoque nobilissimo olim emendatum; ad cujus præscriptum, & exemplum hunc nostrum in multis in locis tota plerumque pagina correxi, locorum nomina ferme omnia depravata ad certam redegei lineam, ac scriptionem. Quæ minus eleganter in Latinum conversa fuerant, non attigi, tametsi offendeabant; quæ autem perversa videbantur, in quo genere multa reperi, ad rerum sensum traducere*

---

(qq) Marchio Scipio MAFFÆUS, cui Veronam illustratam orbis eruditus debet.



*cere conatus sum.* Hæc Domitius. Quæ quum comperta nobis reddiderit egregia in Veronensium Scriptorum Catalogo texendo Viri Clarissimi diligentia, nemo iuste queratur, ignotam eidem fuisse, Domitii in Statii Sylvas Præfationem, ex qua tamen præterea dignoscimus, Domitii in Ptolemæum Opus typis excusum lucem aspexisse (rr). Eidem

H h 3

Cla-

(rr) Hanc Ptolemæi editionem rarissimam pariter ac venustissimam, nemini antehac eorum, qui vel annales typographicos, vel bibliothecas veterum scriptorum condidere, visam aut cognitam servavit in bibliotheca sua completissima C. G. SCHWARZIIUS, post cuius obitum illa in illustrem Ebnerianam, quæ Norimbergenfi civitati ornamento est, migravit. In calce ejus sequentia verba literis majusculis sunt expressa: CLAUDII PTOLEMÆI ALEXANDRINI PHILOSOPHI GEOGRAPHIAM ARNOLDUS BUCHKINCK E GERMANIA ROMÆ TABULIS ÆNEIS IN PICTURIS FORMATAM IMPRESSIT. SEMPITerno Ingenii Artifici-que Monumento. ANNO DOMINICANALIS M. CCCC. LXXVIII. VI. IDUS OCTOBRIS SEDENTE SIXTO IIII. PONT. MAX. ANNO. EJUS VIII. *Fol. majore.* In præfatione ad Pontificem inter reliqua hæc leguntur: *Ne librorum inscitia Tue Sanctitatis aures offenderet, Domitius CALDERINIUS, Veronensis, cui hujus emendationis provincia demandata fuerat, eam curam suscepit, asserens, cum vetustissimo Græco, manu Gemisibi Philosophi emendato, Latinos Codices se collaturum, Magister vero CONRADUS SVETINHEIM, Germanus, a quo formandorum Romæ librorum ars primum profecta est, occasione hinc sumpta, posteritati consulens, animum primum ad hanc doctrinam capefendam adplicuit; subinde mathematicis adhibitis viris, quemadmodum tabulis æneis imprimerentur, edocuit, triennioque in hac cura consumto, diem obiit. In cuius vigiliarum laborumque partem non inferiori ingenio ac studio ARNOLDUS BUCHKINCK e Germania, vir apprime eruditus, ad imperfectum opus succedens, ne, Domitii Conradique obitu, eorum vigilia emendationesque sine testimonio perirent, neve virorum eruditorum censuram fugerent, immensæ subtilitatis machinamenta examussim ad unum perferit.* Conrado igitur Schweinheim, Germano, artis figurarum æneis tabulis exprimendarum inventio accepta est referenda. Sunt autem huic Ptolemæi editioni adjectæ XXVII. Tabulæ geographi-  
cæ;

Clarissimo Viro debemus notitiā ex eo ipso Codice desumptam, Confutationis a Domitio Calderino conscriptæ adversus Georgium Trapezuntium, Platonis impugnatores, cui aspera in eundem præit Invectiva Francisco Baroccio, Tervisino Episcopo, transmissa. Epistola autem Jo. Antonii Campani ad Calderinum, quinque libros a Bessarione ad Platonis defensionem compositos collaudans, quæ ex eodem Codice ibidem, tanquam nondum edita, allegari videtur, existat inter impressas ejusdem Campani lib. V.

## DIO-

phicæ, quarum elegantia, judice SCHWARZIO, in hoc forte omnium primo specimine, omnes spectatores lectoresque facile in admirationem rapit, vid. Viri laudatissimi Document. de typographiæ origine Part. III. p. 8. Recensuit splendidam hanc editionem RAIDELIUS l. c. p. 43. sqq. ac inter cætera observavit, imprimendarum tabularum tunc temporis rationem peculiarem fuisse: videri enim hodiernum exemplaris illius tabulas in ea parte, quæ figuras ostendit, lævigatas, in altero vero comparere vestigia lintei, quod inter imprimendum superimpositum fuerat chartæ, cum hodie loco illius adhibeatur charta pura cum panno. Nemo autem rerum gnarus facile ipsi assentiet, Arnoldum Pannarz & Arn. Buckinck unum eundemque hominem fuisse venditanti. Certe Conradus Sweinheim & Arnoldus Pannarz sociata jam opera Ciceronis epistolas familiares & Lactantium A. 1467. ac sequenti Romæ excuderunt: Arnoldus vero Buckinck demum post obitum Conradi Sweinheim, quem in annum 1476. refert RAIDELIUS p. 45. ad imperfectum opus cosinographicum Ptolemæi e Germania accessit, illudque ad finem feliciter perduxit, quod verba ex præfatione supra recitata evincunt. Idem quoque errat, dedicationem anonymam a Joanne Andrea, Alerienſi Episcopo, scriptam esse perhibens, cum is jam A. 1475. quod supra ex ejus epitaphio ostendi, inter mortales esse desierit. Cæterum de laudato Arnoldo Buckinck nihil præterea, quod sciam, innotuit.

# DIONYSIUS HALICARNASSENSIS.

## §. XXIV.

**Q**uemadmodum præstantissimi Cosmographi Strabo, & Ptolemæus PAULI II. tempora illustrarunt, ut vidimus, par erat, ut pro eo, quo Cosmographia, & Historia vinculo colligantur, socius eisdem accederet Dionysius Halicarnassensis, Romanarum Antiquitatum doctissimus, & celeberrimus scriptor. Hujus itaque libros XI. latine quum traduxisset Lapi Biragus, eos PAULO II. nuncupavit. Est mihi in manibus Tarvisina an. 1480. Editio, quæ ejusdem Lapi Epistolam modo recitandam cumulat, quod Ecclesiam Dei, populosque in summa tranquillitate contineret, Sedem Apostolicam exornaret, muros Urbis restitueret, magnificentissimeque ædificaret. Ejusdem jussu se Historiam Dionysii transulisse subdit in latinum sermonem, eaque commendata, ad PAULI laudes regreditur, scribens ipsius nomini Opus illud dedicandum fuisse, propterea quod in eundem visa sit divina munificentia contulisse quidquid amplum, aut decorum sit in hominibus, *ingenium supra naturam nostram, divinos mores, virtutem, dotes corporis insignes, interque cætera eam formæ dignitatem, quæ præ se quandam Pontificalem Majestatem ferat, videaturque ipsa per se reverentiam ab intuitibus exigere.* Postea PAULI Patriam pluribus verbis collaudat, & inter cætera: *Estque æque pulchrum, magnificumque nasci aliquem Veneriis Nobilem, quam alibi nasci Principem; hincque etiam fortunatius, quod ii commodis fruantes Principum, carent iidem Principum periculis, qua equidem felicitate non video quid haberi possit in humanis magis.* Illustria hæc Lapi testimonia ex ipsius Epistola jam Lector accipiat.

*Clementissimo, ac Sanctissimo PAULO SECUNDO*

*Domino Nostro Papæ.*

**E**tsi, Pontifex Maxime, & Optime, ea est tua virtus, eaque Imperii magnitudo, ut ex multarum, maximarumque rerum cura distrahi  
opor-

oporteat in multas partes mentem tuam, utpote cujus unius providentia, moderationeque Orbis regitur; apparet tamen inter occupationes tantas tua quædam insignis in banc præclaram Urbem, quæ Te, ut Deum colit, diligentia, studiumque laudabile, ut qui non modo præsentī ejus felicitati consulas, Ecclesiam Dei, populosque tuos in summa tranquillitate continens, Tempła, Sedemque Apostolicam exornans, muros Urbis restituens, magnificentissimeque ædificans, sed extendens etiam cogitationes tuas usque ad Proceres illos priscos Fundatores Urbis, tantique Imperii, bonori eorum, ac famæ cum delectatione inservias. Nam cum nullo modo magis referre gratiam meritis mortuorum possimus, quam per laudum, gloriæque eorum immortalitatem, ad quam præclari Viri referunt pene omnia, quamvis illi per Auctores nostros laudati abunde, celebresque sint, voluisti Tu tamen eis externa quoque addere testimonia. Nec quemque moveat, quod hos Viros religiosissimos dixerim, qui veræ fidei ignari fuerint. Non illorum istud vitio, sed temporum infelicitate accidit; quin hinc maxime cognosci potest, quanta sit vis diligenter observatæ religionis, cum per eam illi præcipue banc Urbem ex parva maximam effecerint, & ad summum tandem culmen hoc Imperium extulerint. Quo exemplo innotescere Christianis potest id, quod Tu curas, & quidem rectissime, Dei Vicarius, quanta esse debeat veneratio Religionis in fide vera, cum vires tantæ ejus fuerint etiam in fabulosa. Ac sic jussu tuo est additum latinæ linguæ, quod reperitur apud Græcos ex Historia Dionysii Halicarnasei; & habebis nunc hos libros decem primos cum undecimo imperfecto, conversos in honorem tuum, cognituque sane dignos. Nam etsi potest hæc materia videri exilior, quæ circa Urbis versetur primordia, tenuiora illa forsā, secutaque sint alia longe illustriora, & quæ in se plus delectationis habeant; sunt ubique tamen magnæ res Romanæ, & hic Auctor certe diligenter vestigat Urbis ipsius origines, effertque magnifice; sique opus totum inveniretur, incidere possemus in res majores gestas cum veteribus, & cum novis hostibus Gallis, Samnitibus, Tarentinisque, & Pyrrho, & in Duces quoque clarissimos, Camillos, Decios, Torquatos, Maximos, Curios, Fabricios, aliosque præterea, quorum nomina vel sola illustrare quamvis narrationem possent; videreturque eo nobis gratior hæc Historia, quo nunc minus expleta habemus apud Nostros quædam bella etiam ante primum Punicum illu-

*illustria. Non est tamen exigenda ab hoc Auctore mera, breviterque exposita Historia, quod nec ipse profitetur, sed est in eo diligentia sane multa, & ars oratoria, magnoque artificio elaboratæ orationes, religionumque illius temporis explicatio accuratissima, documentaque, & exempla plurima, quæ esse possint civili Viro, militarique, ac religioso utilia simul, & jucunda. Sed de iis erit legentibus suum cuique judicium, lausque, sive ea magna, sive parva penes Auctorem manet. Ego enim, quod officii mei fuit, quidquid inveni, transtuli, satis (ut arbitror) fideliter: nec, ut sum mihi ipse visus, obscure, adnitens etiam, quantum permisit tempus, quantumque passâ est magnitudo operis, in latinitatem aliquam, sane memor, cujus nomini dedicandum esset hoc Opus, ac quali, quantoque Principi, in quem profecto visa est Divina munificentia, quidquid amplum, aut decorum sit in hominibus, contulisse, ingenium supra naturam nostram, divinos mores, virtutem, dotes corporis insignes, interque cætera eam formæ dignitatem, quæ præ se quandam Pontificalem Majestatem ferat, videaturque ipsa per se reverentiam ab intuentibus exigere. Sed nec in cæteris visa est eadem munificentia fuisse parcior; nam primum Patriam Tibi eam Urbem dedit, quam non modo primam Italiæ (quod esset magnum) sed (quod bona cæterarum venia dixisse velim) primam Orbis appellari decet; sive opes, magnificentiamque spectes Urbis illius vere liberæ, & quod inter cætera Te nominis Christiani Principem delectare possit, conditæ a Christianis, & ejusdem Christianissimæ, sive tantam quoque aliquis magnitudinem Imperii, diuturnitatemque intueri velit, sive istud etiam considerare, quod si ista non exuperat, æquat saltem, & ornat constitutio, decor, natioque, & perennitas illius Reipublicæ, administratæ per Optimates, Seniores, generosos, & prudentissimos, ea ipsos continentia, eaque moderatione tuentes id Imperium, ac dirigentes, ut quisque gaudeat se in ea Urbe vivere, in qua æque omnibus justitia, securitateque frui licet, nec id magis civibus, qui sunt in ea multi, lautique, & ditissimi, quam peregrinis, qui, & ipsi non pauci, eam mercaturæ causa aut incolunt, aut frequentant. Sed quid esse dicet aliquis adeo insigne potest in Urbe nasci, in qua ut in populosissima nascentur plurimi? Potest lucem etiam plurimis afferre illius Urbis claritas, sed non affert eandem omnibus. Tu vero in ea natus es generosissimus,*

*ssimus, estque æque pulchrum, magnificumque nasci aliquem Venetiis Nobilem, quam alibi nasci Principem, hincque etiam fortunatius, quod ii commodis fruentes Principum, carent iidem Principum periculis, qua equidem felicitate non video quid haberi possit in humanis majus. Quis enim principatus causa Venetum aliquem Nobilem, vi, aut dolo necatum vidit, aut domo pulsum, & mendicum? Es Tu igitur ex Familia editus inclyta Barborum, antiqua ea, & illustri, quam & Tu, Orbis universi decus, illustrissimam nunc reddis. Sed quid tandem Tibi ista præclara omnia perpererunt? Orbi toti venerabilem, maximumque omnium Principatum, quem Tu adeo susceperas, ut incertum reddatur, utrum Tibi ille plus magnitudinis, an illi tua integritas plus honoris, auctoritatisque afferat: quippe cujus sub Pontificatu Ecclesia dignitatem pristinam resumat, augeatur in dies Imperium summa cum fide, summa cum justitia, sapientissimeque administratum, floreantque denique sub protectione tua omnia. Sed hæc essent longioris orationis, dabitur autem tempus aliquando dicendi de Te, locusque capacior. Nunc, cum libet, videre potes hunc Dionysium mutatu veste, nec (ut scripsi) de rebus Latinis Græce nunc loquentem.*

Ad calcem Voluminis iterum Lapis sermonem convertit ad PAULUM in hunc modum.

*Est conversum, SANCTISSIME PATER, id omne, quod in ambobus tuis Codicibus Græcis repertum est, sumque ausus in hac ultimi libri parte præter meam consuetudinem aliquid baud equidem addens, aut detrahens, sed in fragmentis confuse scriptis, & præpostere in ambobus Codicibus mutans ordinem, non Authoris equidem hunc esse errorem putans, sed Librariorum. Nam cum Decemviratum statim primi Consules sequantur, Lucius Valerius Potitius, & Marcus Horatius Barbatus, quod cum ex aliis Historicis, tum ex hoc ipso, & in hac parte videri potest, horum gestis præposuerant Librarii Græci alia post gesta, atque duo non coherencia inter se fragmenta in unum contulerant. Quod ego advertens (neque enim difficile animadversu fuit) volui Authori ipsi banc, quam poteram, opem parvulam apud Latinos ferre, quod & ipsorum fuisset puto pudori mihi, ni fecissem, nec visus essem tam perspicuam rem vidisse. Tu me*



*oro pro tua egregia animi nobilitate, magnificentiaque commendatum habere deditissimum tibi Servulum.*

Binos vetustos Codices, quibus secum a PAULO communicatus est Lapis Biragus, haud parum æstimans Fridericus Sylburgius in præclara, quam & ipse vulgavit, Dionysii Editione, ingenue fassus est, Lapi Versionem sæpe sibi ad veræ lectionis investigationem viam, patefecisse.



## SCRIPTORES VARII.

### §. ULTIMUS.

**U**t susceptæ recensionis finem tandem imponamus, hoc §. Scriptores reliquos complectemur, quos PAULI II. temporibus Romano prælo evulgatos Annales Typographici commemorant, eosque paucis perstringemus, quum nullas Editorum Præfationes, seu Epistolas præferant, cujusmodi inesse vidimus Editionibus illis, quas Alerienfis Episcopus curavit, quæque fusiùs de iisdem Editionibus differendi materiam nobis facile obviam in quolibet superiori §. suppeditarunt.

Initium faciamus a duobus Græcæ Ecclesiæ Patribus, nimirum Athanasio, & Chrysostomo. Athanasii nomine Enarrationes in Epistolas S. Pauli Romæ an. 1469. vulgatas commemorat Maittaire ex Gesneri, Possevini, & Labbe testimonio, notatque eas ab iisdem Theophylacto Bulgariae Archiepiscopo adscribi. Negat vero fieri posse, ut ea Editio perfecta fuerit an. 1469. tempore Sixti IV. ut iidem produnt, utque recitatus ab ipsis titulus testatur, quum Sixtus IV. mense Augusti an. 1471. Cathedram Pontificiam obtinuerit. Idem Maittaire item movet Fabricio, qui Bibl. Gr. Vol. VI. p. 288. earum Enarrationum Interpretem vocat Christophorum *Personam*, contenditque *Personam*



scribendum esse, ut præfert laudatus titulus, utque ab Elſio, qui eundem inter Scriptores Ord. S. Augustini recenſet, appellatur. Nova ejusdem Operis Editio laudatur a Maittaire ad an. 1496. ibique notat forte numeros 1469. & 1496. facile a librariis inverſos, cauſam dediffe, ut eadem vetuſtior, quam par eſſet, haberetur. Ita binis iis locis Maittaire ſententiam Proſperi Marchand, & verba allegans, nihilve de ſuo adjiciens. Ad manus habeo eorum Commentariorum Colonienſem an. 1532. editionem cum Epiſtola, cujus inſcriptio hæc eſt: *F. Chriſtophorus Porſena Romanus Prior S. Balbinæ Sixto IV. Pont. Max. Titulus vero libri: Theophylaſti Archiepiſcopi Bulgariæ in omnes D. Pauli Epiſtolas Enarrationes diligenter recognita Chriſtophoro Porſena Romano Interprete.* Hic titulus probat, falli Fabricium laudato loco, dum affirmat Colonienſem Editionem ſub Athanaſii (Byzantini ſcilicet cujuſdam Monachi, ut Siſletus, & Latinius exiſtimarunt) nomine Commentaria illa protuliſſe, & ſub Theophylaſti nomine vulgata primum fuiſſe an. 1542. Pariſiis ex Joannis Loniceri interpretatione. Quod vero ſpectat ad *Perſonam*, ſeu *Porſenam*, nodum, ut puto, in ſcirpo quærit Maittaire, dum primum illud nomen pro genuino habet, rejicitque poſterius (ſſ) Contra prius illud multo frequentius, ne dicam

---

(ſſ) Calamus feſtinans hic anſam labendi dedit. Ipſa enim ſermonis ſeries exigit, ut ita legatur. *Quod ſpectat ad Perſonam ſeu Porſenam nodum, ut puto, in ſcirpo quærit MAITTAIRE (vel potius MARCHANDUS) dum primum illud nomen rejicit, & poſterius pro genuino habet.* Ipſe Vir doctus ſemper ſe in ſcriptis ſuis PERSONAM nominat, ac ita quoque vocatur in Epitaphio. Copioſe &, uti ſolet, accurate de illo egit Apoſtolus ZENUS in *Giornale de Letterati d' Italia* Tom. XIX. p. 325. ſqq. conf. FABRICII *Biblioth. mediæ & infimæ Latinitatis* Tom. I. p. 1050. ſqq. Ornat Bibliothecam noſtram publicam rariffima editio Origenis contra Celſum, ab eo in Latinum ſermonem traduſti, cujus in calce hæc leguntur: *Origenis contra Celſum finis: quem Chriſtophorus PERSONA Romanus, Prior Sanctæ Balbinæ de Urbe, latine græceque peritiſſimus, cum fide e Græco traduxit & emendavit. Magiſter vero Georgius Herolt de Bambergæ Romæ impreſſit. Anno incarnationis*

cam unice, a doctis Viris usurpatur, imo vero Elsius ipse a Maittaire in testem laudatus, eodem modo ipsum effert, *Christophorus* (inquit)

li 3

Persona,

*carnationis Domini millesimo quadringentesimo octogesimo primo, mense Januarii, regnante Sixto quarto Pontifice maximo, anno ejus decimo.* Præter hunc MAITTAIRE nullum alium librum, in officina Herolti excusum, attulit. MABILLONIUS in Itinere Italico p. 419. hanc Originis editionem dignam censuit, quam inter rarissimos Monasterii Farfensis libros commemoraret, tacito tamen interpretis nomine. MAITTAIRE Tom. I. Annal. typogr. p. 416. edit. II. ejus quidem mentionem facit, sed ipsam non vidit; alias centenarios in subscriptione omisos esse, haud asseruisset. Expressi enim utique sunt in nostro exemplari, ac in illo, quod ZENUS in promptu habuit. Præmissa est operi egregia epistola Theodori GAZÆ ad Christoph. PERSONAM, huic valde honorifica, quam hic repetere operæ visum est pretium.

„Theodorus GAZINUS Constantinopolitanus

„Christophoro PERSONÆ S. P. D.

„Cum diebus hisce superioribus animo, ut soleo sæpe, Latinos viros  
 „versarem, qui græce scire aliquid viderentur, & græcos insuper  
 „auctores, qui in latinum verti non mediocri cum laude possent;  
 „ipse in primis oblatus es, quem unum novi ab ineunte adolescencia  
 „sic græcas litteras imbibisse, &, quod plurimum juvit, in  
 „Græcia ipsa, & græcis ex præceptoribus, ut nisi te civem Romanum  
 „scirem, & propinquos tuos primarios urbis viros sat nossem,  
 „dicturus facile sim, ex Græcia te oriundum; nam & ipsa tua græca  
 „pronunciatio græcum te præfert. Quorsum hæc? Vidi Chrysostomi  
 „Sermones non paucos, quos e græcis latinos fecisti, &  
 „Livanii (vel Libanii) meletas nonnullas, veluti majoribus rebus  
 „futura præludia. Vidi paulo post apud te Athanasium tuum, cuius  
 „traditio ita me oblectavit, ut in spem bonam eo ex tempore  
 „venerim, posse te & Originem adversus Celsum traducere. Quem  
 „librum, quia elegantissimus est, & in fidei christianæ defensionem  
 „conscriptus, Nicolaus Pontifex, etsi de se erat novorum operum  
 „& græcorum præcipue cupientissimus, meo hortatu Constantino-  
 „polim misit, qui ad se coemptum deferret: delatumque mox mihi  
 „hi

*Persona, Romanus, Xysto IV. gratus, Procopium Latine est interpreta-  
tus, quædam etiam Origenis, Chrysostomi, Theophylacti, & Agathie  
Scholastici. Edidit quoque librum Epistolarum lectu non indignum.*

Sancti Chrysostomi Homilias in Evangelium S. Joannis Romæ  
vulgatas Interprete Francisco Arcetino an. 1470. allegat Maittaire, &  
quidem in *Monasterio S. Eusebii* per Georgium Laver, ut ipse conjicit,  
quippe qui in eo Cœnobio prælum crexerat, quod constare affirmat  
ex rythmis apposis libris sexto Decretalium an. 1472. per eundem La-  
ver Romæ edito, quos recitat:

*Studio correctæ diligenti, sepeque lecta*

*Per Celestinum nomine, sed re pulverinum*

*Sancto*

---

„hi dedit, dixitque velle se ei quidvis præmii polliceri, qui lati-  
„num hunc faceret. Et sane ipse id opus aggressus essem acclu-  
„bens, nisi me tunc alia gravis transductio præoccupasset. Restat  
„igitur adhuc liber iste in Pontificis bibliotheca intactus, & ut ar-  
„bitror, tibi servatus, ut ea cum dignitate, quam græce sonat,  
„vel saltem, proxima, latinum facias. Et spero fore pro tua utri-  
„usque linguæ singulari peritia, ut non minus laudis in hoc con-  
„vertendo promerearis, quam auctor ipse in edendo promeritus  
„sit. At dices, non esse illa exposita præmia, quæ Nicolaum Pon-  
„tificem narras proposuisse, nec tales nunc principes, qui ejus ve-  
„stigia consecutentur. Cur ego tantum laboris infumam? Nec ipse  
„quidem inficias eo. Quid ni? qui experientia doctus id ausim  
„confirmare, nec Principes tales nunc esse, quales antehac exti-  
„tere, nec ea laborum virtutumque præmia. Sed quis adeo sive  
„illiberalis, sive ingratissimus Princeps, qui, ubi librum hunc illi  
„transductum dono retuleris, non te muneribus Principe dignis &  
„magnis honoribus prosequatur? Aggredere ergo id opus, & pro  
„ejus ut dignitate absolvas, continenter incumbe. Age Romanum  
„virum, & animo ingenti difficultates omnes pervade. Est qui-  
„dem hoc, fateor, interpretatu difficile: sed eo plus laudis con-  
„sequeris, quo rem non facilem aggressus videbere. Vale.

*Sancto in Eusebio degentem Cenobio,  
 Qui me scribebat, Ge. Laver nomen habebat,  
 Romæ versatus tunc, sed Herhipoli natus.  
 Anno milleno quater C. Sep. que deno  
 Bis uno juncto, sed mense sub Februo  
 Sub quarto Sixto Pontifice Zeraphico.*

Non *sep* sed *sex* legendum erit, ut annus 1472. ei Editioni respondeat; nam alias responderet annus 1482. quem pariter Sixti tempora attigerunt.

De pluribus libris per Udalricum Gallum Romæ impressis Pontifice PAULO II. suis locis dictum est. Illis modo addimus Justini Epitomen Trogi, Servii Commentarios in Virgilium, Roderici Sancier compendiosam Hispanicam Historiam, quibus omnibus & locus, & Typographus, *Roma* scilicet, & *Uldricus*, apponitur, non ita vero Plutarchi Vitis Latine, quam tamen Editionem tribus illis conjungit Maittaire, propterea quod Campani, qui Romæ Uldrici typis præerat, Epistolam præferat ad Cardinalem Piccolomineum. Addimus etiam Cardinalis S. Sixti Expositionem brevem super toto Plakerio an. 1470. vulgaram, Juvenalis, & Flacci Persii Satyras, absque anni indicio, Laurentii Vallæ de Elegantia Latinæ linguæ an. 1471. in Poma regione. Has omnes Editiones Uldrico Gallo tribuit Maittaire, & quidem PAULI II. temporibus, præter alias, ut diximus, suis locis recensitas. Orationem autem Dionis Chrysostomi de Regno, Francisco Piccolomineo Interprete, licet ea nullam habeat loci, Typographi, annive notationem, figit an. 1469. ea de causa, quod Epistola Fian isci Piccolominei eidem præfixa data visatur *ex Urbe Kal. Januar. Ann. MCCCC. sexagesimo nono*. Anno vero proxime subsequenti, Russii Opera ex Labb. Nov. Biblioth. & Historiam Novi Orbis ex Suberto, nec non Illustrium Virorum Epistolas per Sveinheim, & Pannaz ex Witiian. Catalog. & 30. 1471. Terentium Varronem de Lingua Latina ex emendatione Platinae, Eutropium Historiographum, & Paulum Diaconum in unum librum omnes compactos; isque, ut ibi legitur,

*impressus*

*impressus anno MCCCCLXXI. die Lunæ xx. mensis Maji Pontificatus Sancti in Christo Patris, ac Domini PAULI PAPÆ SECUNDI anno ejus septimo.*

Postremum servavimus locum tribus Tractatibus Francisci Savonensis, Cardinalis S. Petri ad Vincula, quos ad manus habemus, & quorum Præfationes illico recitamus. Eos tamen non anno 1470. sed 1473. editos fuisse monet Maittaire in Notis ex Catalog. Barber. (*tt*) Hoc ipsum confidentius affirmare nos possumus, ipsomet Barberinæ Bibliothecæ Codice inspecto, qui hanc notam præfert, *MCCCCLXXIII. Pontificis Maximi Sixti IV. anno ejus secundo.* Ita ad calcem tertii Tractatus, cujus Præfatio authorem habet Typographum Joannem Philippum de Lignamine, Messanensem, de quo alibi dictum est.

## PAULO SECUNDO VENETO PONTIFICI MAXIMO

*F. tituli S. Petri ad Vincula S. R. E. Presb. Card. de Sanguine  
Christi Præfatio incipit-*

**C**um de Sanguine Christi, BEATISSIME PATER, inter eruditos quosdam contentio orta esset, eaque ob rei magnitudinem difficilis, & periculosa videretur, fuit instituti mei, hoc onus suscipere, ut quid de precioso sanguine illo sentirem, pro ingenii mei facultate differerem. Quod eo feci libentius, quia ab antiquis illis, qui multa de fide copiosissima tradiderunt, parum in hanc materiam disputatum est. Quod opus, BEATISSIME PATER, Sanctitati Tuæ dedicandum esse duxi, tanquam Principi Christianæ Religionis, ad quem pertinet de rebus sacris judicare.

Qua-

- 
- (*tt*) Duplex editio tractatus de sanguine Christi ex officina Friderici Creusneri Norimbergæ A. 1473. & 1474. in fol. min. prodiit, teste Clar. Jo. Paulo ROEDERO in Catalogo librorum, qui sæc. XV. Norimbergæ impressi sunt, p. 4. & 5. Prior cum tractatu de potentia Dei exstat in Bibliotheca Heilsbronnensi, uti ex ejus Catalogo, a Jo. Lud. Hockero in lucem emissio, f. 162. apparet.

*Quamobrem leges Tu quidem opusculum hoc, cum ab arduis, & maximis occupationibus tuis otium erit, ea lege ut tuo arbitrio corrigas. Nihil enim felicius mihi poterit evenire, quam si excellenti, & divino illo SANCTITATIS TUÆ judicio emendatum, atque illustratum fuerit, cujus sacratissimis pedibus humiliter me commendo.*

AD PAULUM PAPAM SECUNDUM *Incipit Tractatus de Dei  
potentia compilatus per F. Cardinalem S. Petri  
ad Vinc.*

**Q**uia plerique sunt hac nostra tempestate, BEATISSIME, ac SANCTISSIME PATER, qui infinitam Dei potentiam contra ipsius dignitatem, simul & immensitatem certis frivolis rationibus arctare contendunt, easque sub certa, determinataque mensura concludere non formidant, asserentes, Deum omnipotentem nec Judam, neque aliquem blasphemum posse salvare, similiter neque Petrum, aut salvatorum quempiam damnare; & cum multi Doctores Theologi, & quidem clarissimi, oppositum rationabiliter asseverent, non verentur illos hæreticos, de suoque ingenio nimium præsumentes, appellare. Quorum opinioni obviare cupientes, ac Dei omnipotentiam, ut tenemur, extollere, & amplificare, & denique Doctores illos clarissimos in sua opinione tueri, præmittemus aliqua eorum fundamenta, ex quibus veritas suarum conclusionum apparebit, simul & levitas rationum illarum, quæ contra ipsos per eorum adversarios communiter adducuntur.

AD SIXTUM PAPAM QUARTUM *Incipit Tractatus de Futuris  
contingentibus compilatus per F. Cardinalem S. Petri  
ad Vincula.*

**F**eceram, SANCTISSIME PATER, Tuæ Sanctitatis de Sanguine Christi, & de potentia Dei libellos fere trecentos impressorio artificio inscribi, quibus multos Viros dignitate, & scientia insignes donavi, ut



*per omnem Orbem TUÆ SANCTITATIS laudes diffunderem : & hi, ad quos tui ingenii, & doctrinæ præstantiam fama detulisset, in ipsis quoque TUÆ SANCTITATIS scriptis inspicerent. Id autem cum doctis fere omnibus gratissimum cognoverim ob preclaram illorum doctrinam, Tibi vero non injucundum me fecisse sim arbitratus, hunc alium TUÆ SANCTITATIS de futuris contingentibus libellum, peritissimorum Virorum vocibus summe laudatum, veluti singulari refertum doctrina, & sapientia formare statui, ut subtilissimum ingenium tuum, admirabilemque doctrinam mea hac impressoria arte, quod in tua virtute effecisti, sempiternæ memoriæ donarem. Quod eo libentius feci, quod non sicuti multi, futura contingentia neque vera, neque falsa, sed aut vera, aut falsa esse crediderim, TUÆ BEATITUDINIS sententiam imitatus. Id autem tunc certius credam, cum aliquod contingens beneficium futurum esse, & mihi concedi TUA SANCTITAS determinabit. Vale felicissime, PATER BEATISSIME, & Joannem Philippum de Lignamine Messanensem TUÆ SANCTITATIS servum fidelissimum commendatum suscipe.*

De Theologicis quæstionibus, quæ tribus hisce Tractatibus argumentum præbent, non esset hujus loci, seu nostri instituti verba facere, nisi, ut aliquid de prima dicamus, vehementes contentiones, Barcinone primum sub Clemente VI. inter Fratres Prædicatores, & Minoritas exortæ, Brixie ob eandem iis ipsis temporibus, quibus Cardinalis Savonensis, Sixtus postea Quartus, scribebat, recrudescentes nos quodammodo invitarent. Agebatur de Sanguine Christi in passione fuso, quem fuisse a Divinitate separatum, ac proinde cultu latriæ minime adorandum affirmaverat in concione Brixie habita summo mane die Resurrectionis Dominicæ ad populum ejus urbis B. Jacobus de Marchia. Die autem Lunæ sequenti frater Baptista Ordinis Prædicatorum ex suggestu magno ardore contrarium docuit, atque magni inde orti rumores in populo; quos ut sedaret Jacobus Brixienfis, Ordinis Prædicatorum, pravitatis hæreticæ Inquisitor in Lombardia, & Ripuaria Januensi, per literas Jacobum rogavit, ut opinionis male intellectæ velamen ab oculis ignaræ gentis auferret. Hic tamen ex rostris die Martis ingenti fervore dixit, omnia se toleraturum æquanimiter, præter



ter unam objectæ hæresis, aut erroris injuriam, unde Inquisitor acriter commotus, omnemque exerens potestatem, peremptorium citationis Decretum Jacobo transmissit, quod postea, ceu parum cautum, a Maripetro loci Antistite, conciliandæ paci suam operam interponente, passus est lacerari in nobili confesso doctorum, & gravissimorum Virorum, quibus etiam testibus ab eodem Episcopo dictum fuit, utramque sententiam impune, & Catholice posse prædicari, donec placeret Sedi Apostolicæ, quid tenendum esset definire. Hæc omnia publicis instrumentis, quorum pleraque ex Brixienfis Curix officina prodierunt, confirmata reperiuntur in Annalib. Luc. Wadingi Tom. XIII. ibidemque præterea narratur, & falso affectum beato Jacobo fuisse, ut vel ab ipso corpore in passionis triduo separatam Deitatem dixerit, quod Pio II. Romano Pontifici relatum, eundem in Jacobum commoverit, donec detecta impositura idem Pontifex Jacobi innocentix testimonium perhibuit; & aliam quoque calumniam in eundem Jacobum sparsam, quod videlicet contra Religiosos sancti Dominici populum Brixiensem irritasset, multosque interemptum iri, nisi malum opportune averteretur, quam illico suo testimonio exsuflavit idem Episcopus, cujus pariter de hac re literas recitat Wadingus, iisque alias subdit Pii Pontificis Jacobo prorsus favorabiles, & honorificas datas die XXV. Septembr. MCCCCLXII. quum jam Brixia in patriam fuisset profectus.

Atque hæc pro tota Appendice ista jam fatis, cujus magnam partem, ut & reliquum Opus, in Pontificiorum Comitiorum obscuritate, & tenebris procreatam, forte liceret Vaticanas Noctes (verbo, Atticas Auli Gellii Noctes in mentem revocanti, absit invidia) appellare. Qui autem lucubrationi huic nostræ finem imponit, dies est quadragesimus (quem numerum sacra Antiquitas auspicatum magnopere habuit) a Comitiiis illis fausto prorsus exitu absolutis, nimirum BENEDICTO XIV. ad supremum Ecclesiæ Thronum evecto. At, Deus bone! quam mirum in modum? quam illi perfimilem, quo PAULI II. contigit electio, teste Philelpho in Epist. ad eundem? *Ex illis vero (inquit) administrationibus tuis, integerrimisque operibus, eam es laudem, & fructum uberrimum consecutus, quod ex tanto, & tam gravi, tamque præ-*

claro, & præpotenti, ac vario, Cardinalium cætu, ipse unus cum maximo omnium, & alacri admodum consensu, declaratus es dignus, qui in tantis rerum omnium turbationibus, & periculis, universam Christi religionem, quæ radicitus pene corrui, erigas, conserves, alas, augeas, sustineas, & incolumem reddas. Magna hæc, & salutifera hodie sperat Ecclesia a BENEDICTO XIV. quem omnes intelligunt ex illis ipsis administrationibus, quas per quadraginta circiter annos in Romana Curia sapientissime, atque integerrime gessit, eum esse fructum consecuturum, ut doctos quidem, atque peritos Viros pro rerum natura, vel magnitudine in consilium adhibens (ut Romanorum Pontificum mos est) nemini tamen se addicere necesse habeat; quod ipsum de PAULO II. idem Philellphus scribebat. *Ad hæc num se is cuiquam debebat tanquam addicere, QUI BONORUM OMNIUM, SAPIENTUMQUE JUDICIO PRÆLATUS OMNIBUS ESSET AD SUMMUM PONTIFICATUM, quique (ut verba pariter Philelphi usurpem) CUM VITAM ETIAM PRIVATAM AGERET, MAGNAM DE SESE OPINIONEM PRÆBUIT, ET PROBITATIS, ET CONTINENTIÆ, AC PERFECTÆ CUFUSDAM, ABSOLUTÆQUE VIRTUTIS.*

## AD LECTOREM.

**P**ollicitus fueram Vindiciar. pag. LX. aliquam collationem hic ad calcem Operis instituere inter PAULI II. Vitam ex Angelicæ Bibliothecæ manuscripto Codice a me primum evulgatam, & eam, quam Vaticanæ Bibliothecæ Codex, quo usus est V. Cl. Ludovicus Muratorius. At ubi primum rei manum admovi, ita exiguum diligentiae hujus futurum fructum intellexi, ut consultius visum sit ab eo labore desistere, & lectorem hoc loco rogare, ut Angelicæ Bibliothecæ textu, multo pleniori, quam ille Bibliothecæ Vaticanæ, velit esse contentus. Deinceps animo meo sententia federat, Orationem de Italiæ Pace a PAULO II. an. 1468. sancita, & in PAULI Vita pag. 82. memoratam, vice

vice illius collationis inferere, qua de causa eandem ex manuscripto Codice Otthoboniano exscribendam curaveram; idque profecto effecissem, nisi ejusdem prolixitatem non ita huic loco aptam judicassem. De ea non Canensis tantum pag. modo laudata, sed Papiensis quoque binis Epistolis ad ipsum Dominicum Episcopum, in quarum una, *Scripserunt multi (inquit) ad me de solemnitate a Pontifice celebrata die Dominicæ Ascensionis. Nemo autem sine summa laude tuæ Potestatis, ob egregium sermonem de Pace habitum, ita quidem eorum testimonio approbatum, ut nihil insignius habuisse eam diem ostendat.* Altera Epistola Papiensis, quum jam Dominici Oratio ad manus suas pervenisset, *quasi collectam (inquit) longo astu sitim cuperem sedare, sic eam totam uno spiritu hausi, plura agnoscens, quam ad me essent perlata, & plus laudis colligens, quam fama tulisset.* Laudat postea ingressum Orationis mirum in modum ingeniosum, & reliquas omnes ejusdem partes, ac tandem elogium suum ita claudit: *Gratulor iterum tibi, talento tali a Domino credito, nec defosso a te, sed ad uberrimam lucri rationem adhibito.* Dominicum de Dominicis, Episcopum Brixianum, inter ætatis suæ tam Oratores, quam Theologos, haud certe postremum locum meruisse, quamplura ejus Scripta (quæ ut ex pulvere, & situ eruantur, jam curamus) palam demonstrant. Is ipse (quod magis facit ad rem nostram) Typographicæ etiam arti juvendæ diligenter incubuit, quod mihi innotescit ex Præfatione ab eodem apposita Moraliibus Beati Gregorii Papæ, quem librum inspexi, *impressum Romæ apud Sanctum Marcum, Anno a Nativ. Dom. 1475.*

Tandem adnotare placet in Vaticano Codice manuscripto, quo plura Roderici Zamorensis, suo loco memorati, Opera continentur, me dum ea evolverem, deprehendisse Opusculum, cui titulus: *Ad Reverendissimum in Christo Patrem Dominum Marcum Barbum tit. S. Marci Episcopum Vincentinum, Altercatio, sive Disputatio incipit de Pace, & Bello inter R. P. Rodericum, Episcopum Calaguritanum Hispanum, & B. Platina, dum hic Pacem extollit, bellicisque exercitiis præfert; ille e contra militaria, & bellica arma laudat, a culpaque defendit, eaque Paci vitiorum nutrisci anteponit.* Instituta est hæc Altercatio ad celebrandam Pacem illam

a PAULO firmatam, cujus, ut dicitur in ejus Altercationis Prologo, *mirificam laudem non satis arbitramur agnosci posse, nisi armorum, & bellorum præconia, commoditas, ac necessitas recolantur*. Mirum est, Platinam PAULO semper infensum, Pacis illius propugnandæ partes sibi sumpsisse, ac fateri in disputationis suæ exitu apertis verbis, PAULUM II PONT MAX. *non sine causa, visis omnibus, ab armis discedere, quibus jam concitata erat Italia, saluberrimam pacem consentientibus omnibus magna cum laude composuisse*.

## MANTISSA EDITORIS.

Quum liber hic præli jam morderet carceres, delata est ad me Dissertatio, hunc gerens titulum: *Observations sur un Ouvrage intitulé VINDICIÆ TYPOGRAPHICÆ pour servir de suite au Traité De l' Origine & des Productions de l' Imprimerie primitive en taille de bois. par M. FOURNIER LE JEUNE. a Paris, de l' Imprimerie de J. Barbon.* M. D. CC. LX. in 8.

Has animadversiones ipsi III. SCHOEPLINO, cui oppositæ sunt, excutiendas permitto. Nonnihil tamen ad Diatribæ meæ præliminaris Observationem III. de libris; qui typis sculptis mobilibus excusi sunt, adstruendam annotare visum est.

Clar. FOURNIERIUS p. 8. & 21. sq. typos minusculos mobiles, e ligno sculptos, præli vim ob fragilitatem suam ferre non posse censet. Haud inficior, nonnullos librorum l. c. enarratorum typis minutis esse exscriptos, id quod præsertim de Francisci PETRARCHÆ opere de remediis utriusque fortunæ ipsemet p. 20 professus sum. Sed ego provide cavi, ne ullum eorum librorum typis E LIGNO (\*) sculptis impressum

---

(\*) Excipio Biblia Latina, a Guttenbergio typis hujusmodi exscripta, quod extra dubium positum esse arbitror. De Jacobi Carthusiensis Sermonibus idem supra p. 22. SCHWARZIUS asseruit,

pressum esse assererem, certi quid definire non ausus. Sculptis tamen, non fusis, characteribus illos esse excusos, inde liquido apparere existimo, quia nulla facile litera, in una eademque pagina occurrentis, sibi omni ex parte similis est, quales esse typi fusiles solent, utpote ex una matrice prognati: quod ipsa etiam specimina, ab artifice summa cura & dexteritate ex archetypis æri incisa, satis demonstrant.

Licet enim neque artem fusoriam, neque typographicam didicerim, oculorum tamen iudicio dignoscere me posse sentio, an literæ sibi sint plane similes, vel non nihil diversæ: an igitur singulatim sculptæ, aut ex una matrice fusæ. Typos autem mobiles ex ære sculptos, etsi minutissimos, præli vim sustinere posse hinc colligo, quod non pauci libri typis fusilibus minutissimis impressi exstant (†). Utrorumque verò parem in eo esse rationem nemo facile diffitebitur.

Porro incredibile Cl. FOURNIERIO videtur, matricibus Moguntiae inventis, cum post dispersionem operariorum An. 1462. factam typorum fusilium usus in alias regiones & urbes illatus esset, librique illis Romæ jam A. 1467. (\*\*) Lutetiæ autem Parisiorum & Venetiis Anno 1469. imprimi solerent, typos ex ligno singulatim formatos adhuc An.

1470.

---

(†) Typis sane, in laudato PETRARCHÆ opere usurpatis, quos minutulos dixi, minores, atque adeo vere minutuli sunt illi, quibus Faustus & Schoefferus Durandi Rationale A. 1459. Officia & Paradoxa Ciceronis A. 1465. & 1466. Augustini libellum de veræ vitæ cognitione sine temporis indicio, ac Schoefferus solus Thomæ Aquinatis Primam secundæ partis Summæ theologicæ A. 1471. excuderunt, quos libros omnes iisdem minoris, imò minimi fere moduli typis impressos esse, ipsa me illorum lustratio edocuit.

(\*\*) Imo anno jam 1465. Lactantium in Monasterio Sublacensi typis fusilibus, iisque satis elegantibus, excusum esse, hodie inter omnes constat.

1470. ac deinceps fuisse usurpatos, quam sententiam haud dubie etiam de typis ex ære sculptis foveat.

Sed dedimus nos specimina librorum hujusmodi characteribus in Villa Beronensi, Coloniae, Spiræ, & Ulmæ An. 1470. & sequentibus excusorum æri incisa.

Præsertim vero, si de cæteris dubium fortassis enascatur, MAMMOTRECTUS ille, in Villa Beronensi An. 1470. impressus, (††) luculentissimum hujusce rei præbet testimonium, cujus archetypum, si ectypum illi forsitan suspectum sit, ut ipse Vir doctissimus sagacibus contempletur oculis, velim. Quis enim Lutetiæ Parisiorum in tanta rarissimorum librorum abundantia eam editionem frustra quæri sibi persuadeat?

Sed in promptu etiam sunt ipsorum typographorum Argentinenfium hanc in rem testimonia, a Cel. Schoepflino non recitata, quæ in medium hic proferre operæ pretium esse duco. I. „Speculum judiciale „DURANTI, non calamo, ut præsci quidem, nec penne tractu, „quo ipsi fruimur, verum EXSCULPTIS ERE LITTERIS, divino „suggesta spiramine imprimendi arte trans pictum --- in celebri Argentinorum urbe, factoribus Jeorio HUSNER, & Joh. BECKENHUB, „Clerico Moguntino (cujus, MAITTAIRIO etiam ignoti, inter typographos Argentinenfes haud meminit SCHOEPFLINUS)

1473.

---

(††) Supra p. 26. hanc *Mammotreædi* editionem plenam esse dixi vocum ac syllabarum abbreviationibus, quas vocant, atque adeo lectu non facilem: nunc observo, finalem hujus libri subscriptionem, quam æri incidendam curavi, illis plane carere, si unicam, eamque satis familiarem, excipiam.



„1473. (\*\*\*) II. Joannis NYDER, S. Pag. Doct. Ord. Præd. Conventualis Nurembergenfis Præceptorium (divinæ legis) præclariffimum opus, quodam dignæ admirationis modo, non pennis, ut præfci quidem, sed LITTERIS SCULPTIS, artificiali certe conatu, remota nempe indagine, ingeniique diverfa inquietatione illufre figuratum, accurate denique correctum per providum Jeorium Hufner civem Urbis famofæ Argentinenfis completum & terminatum eft. Idus Februarii 1476. (\*\*\*\*)

Neutrum vero meis me confpexiffe oculis, ingenue fateor.

Scilicet operarii A. 1462. Moguntia ex Fausti & Schœfferi officina aliorum dilapfi, artem typos ex matricibus fundendi, quantum fieri poterat, alios celarunt, atque adeo difcipuli Gутtenbergiani, controversia inter Faustum & herum suum A. 1455. infeliciter terminata, Moguntia in alias urbes ante matrices a Schœffero inventas digrefsi, typis primum e ligno, deinde ex aere fculptis folutilibus tamdiu uti neceffum habebant, donec tandem artem iftam, fecreto ab illis habitam, & ipfi afsequerentur: nec enim improbabilia efle, quæ fuprà p. 19. & 35. dixi, arbitror.

Quod fupereft, adhuc moneo, in Apocalypfeos capitis ultimi verficulis prioribus, quos ex principe Latin. Bibliorum editione fpeciminis gratia in æs incidendos curavi, literam E initialem manu Miniculatoris rubro colore appictam efle, ac v. 5. lin. 13. vox pro nox errore primi typographi, non fculptoris noftri legi, præterea circellum dimidiatum, L I vocali

---

(\*\*\*) Vid. V. C. Andr. Sam. GESNERI Programma de memorabilibus Bibliothecæ Rotenburg. infertum BEYSCHLAGII quondam mei Syllogæ variorum Opufculorum Tom. I. p. 753.

(\*\*\*\*) vid. MAITTAIRE Annal. typogr. Tom. I. p. 369. edit. II. Hujus quidem libri bis meminit SCHOEPLINUS p. 49. & 102. fed ipfam hanc fubfcriptionem finalem non attulit.



vocali *i* alias impositum, ob typos longo usu non nihil detritos, opere jam ad finem vergente, interdum vel plane deesse, vel ejus tantum vestigium apparere, nitorem vero illum atramenti typographici, in archetypo conspicuum, in eëtypo, etsi alioqui satis accurato, exprimi haud potuisse.

Cæterum peritum lectorem, qui cum nostro specimen contulerit illud, quod nuper Vir in rei literariæ notitia versatissimus D. OELRICHIUS ex editione Bibliorum perantiqua & rarissima, Bibliothecam Regiam Berolinensem ornante, ligno incisum exhibuit (\*\*\*\*), nostræ editioni primas daturum, nullus dubito.

---

(\*\*\*\*) *in den Beyträgen zur Geschichte und Litteratur* p. 301.



# INDEX.

## A.

- Academia Romana. 165. Neapolitana. 166.  
 Adam typographus Venetus. 82.  
 Adami Januensis Oſtaſtichon in naſutum Laſtantii cenforem. 78.  
 Alberti Magni Opus de Myſterio Miſſæ. 30.  
 Alcinous cum Apulejo Romæ primum editus. 210.  
 Andreæ, Jo. Episcopus Alerienſ. eruditus corrector in prima typographia Romana laudatus 48. 60. & paſſim, ejus epistolæ & præfationes in Laſtantium. 79. Epistolæ Ciceronis ad Atticum. 87. ejusdem Orationes. 92. Epistolæ Hieronymi. 107. 112. S. Biblia. 123. Cyprianum. 128. Leonem M. 134. Julium Cæſarem. 146. T. Livium. 150. Virgilium. 162. Ovidium. 169. Lucanum. 171. Plinium. 179. Quintilianum. 185. Suetonium. 191. Aulum Gellium. 196. Apulejum & Alcinoum. 211. Strabonem. 223.  
 Andreæ Jo. Bonon. Jctus cum Episcopo Alerienſi confuſus. 116.  
 Antonius Raudenſis inſipidus Laſtantii cenſor. 78.  
 Apuleji editio princeps. 209.  
 Argentorati typographia tentata, non inventa. 7. ibi duo circiter luſtra tranſegit Guttenbergius. 6. 14. liber primus ibidem cum anni nota impreſſus. 45.  
 Argentinenſes priſci typographi nunquam laudem ſibi inventæ artis vindicarunt. 11.  
 Ariſtæ libellus de LXX. Interpretibus. 123.  
 Auguſtini liber de vita chriſtiana. 37. de veræ vitæ cognitione. 38. de ſingularitate Clericorum. 71. Opus de Civitate Dei. 101. 177.  
 Auſonii verſus in commendationem Suetonii. 192.

## B.

- Bæmler Jo. typographus Auguſtanus. 32.  
 Barbari Franciſci epistoſa. 188.

- Barbari Hieronymi laus. 184.  
 Baur Ehr. Christoph. 28.  
 Bernæ Mammotrectus fortassis excusus. 27.  
 Besslerion Card. laudatus. 209. 211. ejus Libri V. adversus calumniatorem  
 Platonis. 227.  
 Biblia MSS. quanto pretio venierint ante inventam typographiam. 104.  
 Biblia Menteliana. 45.  
 Bibliorum Lat. prima editio ubi asservetur. 61. primatus ejus defensio. 62.  
 Specimina quarundam ejus lectionum. 64.  
 Bibliorum Lat. prima editio Romana. 123. editiones A. 1473. & 1475. 63.  
 Bibliotheca biblica Ducis Brunsvic. viduæ laudatæ. 61.  
 Bibliotheca Hassensteinii insignis. 105. tristitia ejus fata. 106.  
 Bibliotheca Memmingensis a quonam fundata. 21. priscis editionibus egre-  
 gie instructa. 33.  
 Biragus Lapus laudatus. 181. 183. 224. ejus præfatio in Dionysium Hali-  
 carnass. 247.  
 Breviarium Augustanum. 32.  
 Bruckerus Jac. laudatus. 228.  
 Buchkinck Arnoldus. 245.  
 Bünemannus Jo. Ludolph. notatus. 62. laudatus. 85.

## C.

- Cæsaris Julii editio princeps. 146.  
 Calderinus Domitius. 241.  
 Calpurnii Julii editio princeps. 174.  
*Cammer Gerichts Ordnung.* 39.  
 Campanus Jo. Ant. vitas Plutarchi Udalrico Gallo excudendas subministra-  
 vit. 57. editioni autem non præfuit. 58. quam operam præstiterit Udal-  
 rico Gallo. 89. ejus epistola Suetonio præposita. 194.  
 Catalogus librorum a C. Schweinheim & A. Pannarz excusorum. 231.  
 Catholicon MS. quam rarum & carum ante inventam typographiam. 106.  
 Moguntina ejus editio. 54.  
 Christgau laudatus. 27.  
 Ciceronis Officia. 23. 100. de finibus bonorum & malorum. 24. Episto-  
 læ familiares. 86. 97. ad Atticum 87. alia opera. 89.  
 Colonienſe vetus Chronicon defensum. 44. 71. laudatum. 46.

## I N D E X.

---

Coloniensis primus typographus Ulr. Zellius. 43. 71.  
Compendium theologicæ veritatis. 28.  
Corfinus Phil. 138.  
Cufanus Nic. Cardin. laudatus. 110. 218.  
Cypriani Operum editio Romana. 128. Veneta. 132.

## D.

Daretis Phrygii Historia Trojana. 24.  
Decor puellarum falso A. 1461. impressus esse traditur. 98. 100.  
Dionysius Halicarnassæus a Lapo Birago Latine redditus. 247.  
Donatus, libellus grammaticus, Romæ excusus. 233.  
Donis Nic. Monachus Germanus. 239. ejus præfatio in Cl. Ptolemæum. ibid.  
Dorniberg Thom. de Memmingen. 28.  
Drach Petr. typographus Spirensis. 40.  
Durandi rationale divinorum Officiorum primus liber typis fuis cum anni  
nota impressus. 17. alia vetus editio typis sculptis mobilibus excusa. 31.

## E.

Eggesteinus Henr. typographus Argent. 45.  
Errores multi in annis editionis librorum commissi. 9. 98. 237.  
Eusebii Epistola ad Damasum. 22.  
Exorcismi literarii. 182.

## F.

Fausti Jo. lis cum Jo. Guttenbergio. 5. fallacia. 10. is nunquam sibi laudem  
inventæ typographiæ tribuit. 11.  
Fortunatus Pomponius an idem cum Pomponio Læto. 173.  
Fournierii Animadversiones in Schœpflii Vindicias Typographicas. 262.

## G.

Gallus Udalr. secundus typographus Romanus. 55. Plutarchus ab eo mendose excusus. 57.

# I N D E X.

- Gaza Theod. laudatus. 111. 115. 180. 198. 208. 224. ejus epistola ad Christoph. Personam. 253.  
 Gedalia Rabbi notatus. 123.  
 Gellii Auli editiones. 195.  
 Gerson Jo. libri 23. 24. 33.  
 Gratiani Decretum. 45.  
 Gregorii Dialogi. 22.  
 Gronovius Jac. notatus. 195.  
 Guarinus Strabonis interpres. 223. 226.  
 Guilielmus Card. Rhotomag. Mæneas Jo. Andreae Ep. Aler. 198.  
 Guttenbergius Jo. primus typographiæ auctor. 5. 14. artem Argentoratæ tentavit 6. Moguntia invenit & perfecit. 7. res ad eum pertinentes. 14.

## H.

- Harduinus Jo. laudatus & notatus. 176.  
 Hartliebii liber Germanicus. 33.  
 Hassensteinus Bohusl. Musageta 105. sinistra insignis ejus bibliothecæ fata. 160.  
 Helijas Helijæ Canonicus & typographus. 26.  
 Helwici liber de exemplis & similitudinibus rerum. 47.  
 Henrici Ariminenf. Tractatus de IV. virtutibus cardinalibus. 28.  
 Herolt de Bambergæ Ge. typographus Romanus. 252.  
 Hesiodi Latine redditi editio vetus Romana. 175.  
 Hieronymi Epistolæ. 102.  
*Harnenther* typographus Colonienfis. 26. 33.  
 Horæ Canonicæ secundum chorum Ecclesiæ August. 32.

## I.

- Jacobi V. 13. memorabilis lectio in vetustis vulgatæ versionis editionibus. 67.  
 Jacobi Carthusienf. libri. 21.  
 Jacobi Januensis Lombardica historia. 20.  
 Jenson Nic. typographus Venetus, sed non primus. 98.  
 Impostores literarii. 47. 100.  
 Infortunatus Pomponius an idem cum Pomponio Lato. 173.  
 Innocentii III. liber de miseria humanæ conditionis. 8. 24.  
 Jovius Paulus notatus. 190.  
*Jungea Zum* domus, in qua typographia inventa. 16.

## K.

- Kœlhof de Lubeck Jo. typographus Colonienfis. 45.  
 Kælneri de Vanckel Jo. Summaria & Conclufiones Sexti Decretalium. 46. 72.

## L.

- Lactantii editio princeps Sublacenfis. 49. 73. Veneta. 82. aliæ. 80. 85.  
 Codex MS. princeps. 85. alii Codices. ibid. cenfor ineptus. 78.  
 Lætus Pomponius. 165. an cum Pomponio Infortunato, Julio Pomponio  
 Fortunato fit unus idemque. 172.  
 Lambecius Petr. notatus. 195.  
 Lancelotus vitam Philelphi fcripfit. 59.  
 Lapus Biragus laudatus. 183.  
 Laur Ge. typographus Romanus. 121.  
 Leibnitius laudatus. 13.  
 Leonis M. Operum editio princeps. 133.  
 Liber primus impreffus Moguntiaë. 9. in Italia. 73. Romæ. 49. Venetiis, 97.  
 Libri Germanici typis fculptis mobilibus excufi. 33.  
 Libri Latini typis fculptis mobilibus excufi. 19.  
 Libri MSS. quam cari ante inventam typographiam. 104.  
 Livii editio princeps. 148.  
 Livius MS. quanti emtus. 104.  
 Lombardica hiftoria Jacobi Januensis. 20.  
 Lomejerus Jo. notatus. 190.  
 Lucani editio princeps. 171.

## M.

- Maittaire Mich. notatus. 34. 206.  
 Mammotrectus. 26.  
 Matricum inventarum Epocha. 17.  
 Maximis de Petr. & Francifcus Mæcenates primorum Romæ typographorum.  
 51.  
 Meermannus Ger. laudatus. 71.  
 Menteliana Biblia. 45.

Meydenbach Jac. typographus Moguntinus. 12.  
 Miete de Caprariis Petrus primus Bibliothecæ Memmingensis flator. 21.  
 Missale Ecclesiæ Misenenfis. 39. Mogunt. 40. August. 42.  
 Moguntia ars typographica inventa. 5. ibi in prima typographia impressi  
 libri. 36.  
 Montfauconius Bern. notatus. 85. 101. 190.  
*Monnoye de la Bern.* dissertatio de rebus ad Pomponium Lætum pertinenti-  
 bus. 173.

## N.

Nicolai V. laus. 223. Mæcenæ munificentissimus. 236. 253.

## O.

Obsequiale Augustanum. 41. 42.  
 Origenis contra Celsum editio Romana. 252.  
 Ovidii editio Romana. 169.

## P.

*Palazzi di Roma.* 51.  
 Palmerii Matthiæ præfatio in Aristeam. 126.  
 Pannarz Arn. primus typographus Romanus. 48. vid *Schweinheim.* libri ab eo  
 solo excusi. 233. diversus ab Arnoldo Buchkinck. 246.  
 Panormita Ant. quanti Livium M. emerit. 104.  
 Paulus II. passim a Jo. Andreæ Ep. Aler. laudatus in epistolis nuncupatoriis.  
 vid. supra in *Andrea Jo.* ejus mors. 225.  
 Persona Christoph. 252. Origenis contra Celsum interpres. 252. ad eum  
 epistola Theodori Gazæ. 253.  
 Petrarchæ liber de remediis utriusque fortunæ 20. laus. 154. beneficium in  
 literariam remp. collatum. 89.  
 Philadelphus Franc. 59. 78. 159. 226. 236.  
 Pii II. laus. 180.  
 Plato Græcus MS. quanto pretio emtus 105. Platonis laudes. 211. 217. ejus  
 defensio adversus calumniatorem Ge. Trapezuntium. 227.



Plinii Majoris editio princeps Veneta. 177. Romana. 178. Veronensis. *ibid.*  
 Veneta Nic. Jensenii *ibid.*  
 Plutarchi Latine redditi editio princeps. 57. vitiis deturpata. 58. Codex  
 MS. quanti vendi solitus ante inventam tygographiam. 105.  
 Poggius in Monasterio S. Galli Quintilianum aliosque priscos auctores inve-  
 nit. 187. illius in hac expeditione focii 189.  
 Pomponius Lætus Academiæ Rom. princeps. 165. an unus idemque cum  
 Pomponio Fortunato & Infortunato fuerit. 173.  
 Pontonus. Jo. vel Jovianus Academiæ Neapolitanæ princeps 166.  
 Psalterium Davidis in quanam Bibliorum editione CLXXI. Psalmis constet.  
 64.  
 Psalterium Moguntiaë impressum. 36. Lipsiæ typis missilibus. 43.  
 Ptolemæi Cl. Geographiæ editiones veteres. 236. earum rarissima. 245.

## Q.

Quesnellus Pasch. notatus. 133.  
 Quinternionibus usi primi typographi Romani. 54.  
 Quintiliani vett. Romanæ editiones. 184. Quintilianus cum aliis priscis au-  
 ctoribus a Poggio in Monasterio S. Galli inventus. 187.  
 Quirinus Card. laudatus. 2. librorum ejus raritatis causa. *ibid.* liber singu-  
 laris de libris in prima typographia Rcm. excusis. 73. ejus dux in Græcis  
 Latinisque literis. 89.

## R.

Raidelii Commentatio de Cl. Ptolemæi Geographia. 238.  
 Rampigolli Ant. Aurea Biblia. 31.  
 Raritatis vett. editionum causæ. 229.  
 Ratdolt Erh. typographus Augustanus. 41. antea Venetus, sed non primus.  
 98.  
 Rodericus Zamorensis. 140. 261.  
 Rolevinkius Monachus Carthus. Colon. 13.  
 Romana Academia. 165.  
 Romani typographi primi. 48. 164. secundus. 55.  
 Romanus character a quo primum usurpatus. 50.  
 Rufi Sexti, vel Festi, Breviarium de victoriis & provinciis populi Rom. 59.

## S.

- Sabellius M. A. notatus. 191.  
 Salvinus Jo. Maria Card. Quirini in Græcis Latinisque literis dux. 89.  
 Sannazarius Jac. laudatus. 167.  
 Saxolus Pratenfis laudatus. 156. 169.  
 Schœpflinus laudatus. 6. notatus 34. 44. ejus sententia de typographia Argentorati inventa in dubium vocatur. 7. in eum animadversiones Fournierii. 262.  
 Schwarzius C. G. laudatus. 12. 22. 36. & passim notatus. 29.  
 Schweinheim Contr. primus typographus Romanus. 48. libri ab eo & socio Arn. Pannarz impressi in opere Card. Quirini recensentur. 73. summa illorum librorum raritas. 50. 229. characteris Romani inventor. 50. infelix ejus & socii fors. 52. Catalogus librorum ab eo & socio excusorum 231. artis figurarum æneis tabulis exprimendarum inventor. 245.  
 Scrutinium Scripturarum Pauli de S. Maria. 21.  
 Senckenbergius L. Baro laudatus. 5.  
 Sifridi Episcopi Cirenſ. Determinatio duarum quæſtionum. 23.  
 Siliî Italici editio princeps. 174. Silius a Poggio in Monast. S. Galli inventus. 176.  
 Sixti IV. Tract. de sanguine Christi. 256.  
 Soloeccismi literarii. 58. 222.  
 Spirenſis Jo. primus typographus Venetus. 97. Vindelinus ejus frater. 177.  
 Strabonis editio princeps. 191.  
 Sublacensis Monasterii descriptio. 74. libri in illo impressi 49.  
 Suetonii editio princeps. 191.

## T.

- Thomæ Aquinatis Quæſtiones de malo. 25. Tract. de periculis circa Sacram. Eucharistiæ. 30. Catena in IV. Evangelia. 139.  
 Trapezuntius Ge. vituperatus. 224. Plato contra eum defensio. 227.  
 Trithemius laudatus. 10. defensio. 34.  
 Typographia Moguntia inventa. 5. Argentorati tentata. 7. ex typographia Moguntina duæ operariorum migrationes. 35.

U.

- Udonis Episcopi vita. 24.  
 Vegetii Flav. *Kurze Red von der Ritterſchafft.* 34.  
 Veneti nominis gloria. 150.  
 Victorinus Feltrensis laudatus. 155. 158.  
 Virgilii editiones veteres. 161.


W.

- Wicelius Ge. Solœciſta literarius primi ordinis. 58.

Z.

- Zainer Gunth. typographus Auguſtanus typis Romanis in Germania primum  
 uſus. 30.  
 Zeiner Jo. typographus Ulmenſis. 30.  
 Zellius Ulr. primus typographus Colonienſis. 43. 71.


F I N I S.



## EMENDANDA.

- Pag. 3. lin. 13. facientibus. p. 5. l. 24. Helmasperger.  
p. 9. l. 16. MARCHAND. p. 23. l. 24. usura.  
p. 26. l. 9. Helijam. p. 30. l. penult. Quintilianum.  
p. 50. l. 6. Semigothico. p. 60. l. 23. FAERNO.  
p. 75. l. 16. rupes. p. 116. l. 27. hunc.  
p. 173. l. 12. vel simpliciter Pomponium, vel Pomponium Fortunatum appellat:  
p. 245. l. 9. locupletissima. p. 246. l. 16. altera.  
p. 247. l. 10. inserantur post vocem *recitandam* verba : *exhibet. Hæc in initio Paulum Pontificem laudibus,*







SPECIAL

87-B

79.2

11 051  
LIBRARY



